

sc. 8. p. 5.



ACA 410



ARCHIEPISCOPORUM

MEDIOLANENSIIUM

SERIES HISTORICO-CHRONOLOGICA


AD CRITICÆ LEGES,
ET VETERUM MONUMENTORUM FIDEM
ILLUSTRATA;

JOSEPH ANTONII SAXII

SS. AMBROSII ET CAROLI OBLATI,
COLLEGIO ET BIBLIOTHECÆ AMBROSIANÆ PRÆFECTI

OPUS POSTHUMUM.

TOMUS SECUNDUS.



MEDIOLANI, MDCCLV.

IN REGIA CURIA.

Superiorum permissu.



INDEX CHRONOLOGICUS

ARCHIEPISCOPORUM MEDIOLANENSIIUM,

Qui in hoc secundo Volumine continentur.

L ÆTUS. pag. 257.	VALPERTUS. pag. 354.
THOMAS. pag. 259.	ARNULPHUS I. pag. 359.
PETRUS I. pag. 264.	GOTHIFREDUS. pag. 362.
OLDEPERTUS. pag. 273.	LANDULPHUS II. pag. 365.
ANSELMUS I. pag. 276.	ARNULPHUS II. pag. 381.
BONUS. pag. 279.	HERIBERTUS. pag. 398.
ANGILBERTUS I. pag. 281.	WIDO. pag. 419.
ANGILBERTUS II. pag. 283.	GOTHOFREDUS. pag. 430.
THADO. pag. 296.	ATHO. pag. 434.
ANSPERTUS. pag. 300.	THEDALDUS. pag. 438.
ANSELMUS II. pag. 310.	ANSELMUS III. pag. 443.
LANDULPHUS I. pag. 314.	ARNULPHUS III. pag. 449.
ANDREAS. pag. 317.	ANSELMUS IV. pag. 456.
ATTO. pag. 321.	GROSSULANUS. pag. 466.
GARIBERTUS. pag. 326.	JORDANUS. pag. 478.
LAMPERTUS. pag. 328.	OLRICUS. pag. 487.
HILDUINUS. pag. 335.	ANSELMUS V. pag. 495.
ARDERICUS. pag. 342.	S. BERNARDUS. pag. 509.
ADELMANUS. pag. 347.	ROBALDUS. pag. 516.
	OBER-

INDEX CHRONOLOGICUS.

OBERTUS I. - - - pag. 537.	LEO VALVASSORIUS de PEREGO. - - pag. 496.
S. GALDINUS VALVAS- SORIUS de SALA. - pag. 536.	OTTO MAGNUS VICE- COMES. - - - pag. 716.
ALGISIUS. - - - pag. 591.	RUFINUS FRIXETUS. pag. 759.
UBERTUS I. CRIBEL- LUS. - - - - pag. 599.	FRANCISCUS I. PAR- MENSIS. - - - pag. 761.
MILO de CARDANO. pag. 608.	CASSONUS TURRIA- NUS. - - - - pag. 769.
OBERTUS II. de TER- TIAGO. - - - - pag. 620.	AYCARDUS ANTIMIA- NUS. - - - - pag. 780.
PHILIPPUS I. de LAM- PUGNANO. - - - pag. 624.	JOANNES II. VICECO- MES. - - - - pag. 793.
UBERTUS II. PIROVA- NUS. - - - - pag. 630.	ROBERTUS VICECO- MES. - - - - pag. 813.
GERARDUS de SESSA. pag. 638.	GUILIELMUS PUSTER- LA. - - - - pag. 819.
HENRICUS I. SEPTA- LA. - - - - pag. 640.	
GULIELMUS RUZZO- LIUS. - - - - pag. 681.	



INDEX

INDEX ALPHABETICUS

ARCHIEPISCOPORUM MEDIOLANENSIIUM,

Qui in hoc secundo Volumine continentur.

A

- A** DELMANUS. - pag. 347.
 ALGISIUS. - - - pag. 591.
 ANDREAS. - - - pag. 317.
 ANGILBERTUS I. - pag. 281.
 ANGILBERTUS II. - pag. 283.
 ANSELMUS I. - - pag. 276.
 ANSELMUS II. - - pag. 310.
 ANSELMUS III. - - pag. 443.
 ANSELMUS IV. - - pag. 456.
 ANSELMUS V. - - pag. 495.
 ANSPERTUS. - - pag. 300.
 ANTIMIANUS A Y.
 CARDUS. - - - pag. 780.
 ARDERICUS. - - - pag. 342.
 ARNULPHUS I. - - pag. 359.
 ARNULPHUS II. - pag. 381.
 ARNULPHUS III. - pag. 449.
 ATHO. - - - - pag. 434.
 ATTO. - - - - pag. 321.

B

- S. B**ERNARDUS. - pag. 509.
 BONUS. - - - - pag. 279.

C

- C**ARDANO MILO. pag. 608.
 CRIBELLUS UBER-
 TUS I. - - - - pag. 599.

F

- F**RIXETUS RUFFI-
 NUS. - - - - pag. 759.

G

- S. G**ALDINUS VAL-
 VASSOR. de SALA. pag. 556.
 GARIBERTUS. - - pag. 326.
 GOTHIFREDUS. - - pag. 362.
 GOTHOFREDUS. - - pag. 430.
 GROSSULANUS. - - pag. 466.

H

- H**ERIBERTUS. - - pag. 398.
 HILDUINUS. - - pag. 335.

I

- J**ORDANUS. - - pag. 478.

L/E-

INDEX ALPHABETICUS.

L

- L**ÆTUS. - - - pag. 257.
 LAMPERTUS. - - - pag. 328.
 de LAMPUGNANO PHILIPPUS I. - - - pag. 624.
 LANDULPHUS I. - - - pag. 314.
 LANDULPHUS II. - - - pag. 365.

O

- O**BERTUS I. - - - pag. 537.
 OLDEPERTUS. - - - pag. 273.
 OLRICUS. - - - pag. 487.

P

- P**ARMENSIS FRANCISCUS I. - - - pag. 761.
 de PEREGO VALVASORIUS-LEO. - - - pag. 696.
 PETRUS I. - - - pag. 264.
 PIROVANUS UBERATUS I. - - - pag. 630.
 PUSTERLA GUILIELMUS. - - - pag. 819.

R

- R**OBALDUS. - - - pag. 516.
 RUZZOLIUS GUILIELMUS. - - - pag. 682.

S

- S**EPTALA HENRICUS. - - - pag. 640.
 de SESSA GERARDUS. pag. 638.

T

- de **T**ERTIAGO OBERTUS II. - - - pag. 620.
 THADO. - - - pag. 295.
 THEDALDUS. - - - pag. 433.
 THOMAS. - - - pag. 259.
 TURRIANUS CASSONUS. - - - pag. 769.

V

- V**ALPERTUS. - - - pag. 352.
 VICECOMES OTTO MAGNUS. - - - pag. 716.
 VICECOMES JOANNES II. - - - pag. 793.
 VICECOMES ROBERTUS. - - - pag. 813.
 WIDO. - - - pag. 412.

LÆTUS.

LÆTUS.



Tabili successit Lætus Anno DCCXLV., post quinque menses vacantis Sedis, mense scilicet Majo. Ughellus eum tradit ordinatum Anno DCGLV.; sed infelicitè docet consecrationis annum, & Pontificem Maximum Stephanum IV., sub quo illam, ut ipse ait, accepit: Ordo namque annorum hucusque a nobis digestus decennii moram ad Læti electionem minimè patitur; Stephanus autem IV. Pontificiam Sedem non obtinuit, nisi Anno DCCCXVI. Neque condonari hic error Typographo potest; siquidem etiam si impressisset IV. pro III., adhuc longè distaremus, cùm hic postremus renunciatus tantùm fuerit Summus Pontifex Anno DCCLXVIII.

Addit insuper idem Ughellus, obitam fuisse Legationem a Læto ad Pipinum, nomine memorati Stephani IV.; accepisse verò in præmium optimè gestæ rei Episcopatum Mediolanensem. Sed eùm nos annum jam designaverimus electionis utriusque Summi Pontificis, compertissimum est, hæc largitione tam nobili non potuisse Lætum ab alterutro honestari. Quod attinet ad Legationem, nobis gloriæ non modicæ adscriberemus, quod inter Viros dignitate ac doctrina insignes fors obeundi provinciam aded illustrem nostro Antistiti contigisset: Historiæ tamen, dum in ea perturbatione referunt utrinque Legatione Summorum Pontificum & Regum Galliæ, nullum verbum de Læto proferunt. Hac in re ni-

mis faciles fuere etiam Bollandistæ ad præstandam Ughello fidem, nam ad dictâ IV. Aprilis, in *Præmissis* ejusdem periodos ferme integras recuderunt; idque testatus est etiam Papebrochius in *Exegesi* inquiring, *se optare, ut excerpta ab Ughello, circa hunc Antistitem, in Bollandiano Aprilis emendarentur.*

Cum a pluribus Scripторibus nostris asseratur, fuisse hunc Mediolanensem Præsulem titulo *Beati* insignitum; optimè animadvertenter eruditissimi Patres Bollandi Sectatores, ejus nomen nusquam reperiri in Breviariis, Calendariis, & Liturgicis Libris Ecclesiæ Ambrosianæ; quamobrem e re sua censuere, Latum omittere. Primus in *Martyrologio Ambrosiano* inter alios Sanctos hunc inferat Petrus Paulus Bosca: Fateatur nihilominus etiam ipse, id tantummodo Traditione ad Posteror derivasse; addens ad hoc confirmandum tum Scripторum auctoritatem, tum piam morem Societatis Sanctæ Crucis, sub tutela Sancti Syri erectæ extra Portam Vercellensem nostræ Urbis, quæ Beati Læti imaginem in Supplicationibus erigit, eumque colit tamquam Patronum. Deum rogamus, ut vetustiora documenta emergant, ad augendum numerum Sanctorum Antistitum, & decus Ecclesiæ Mediolanensis. Ceterum Lætus *Vir* fuit, teste Galefânio, *omni pietatis officio insignis, & admirandâ præsertim erga pauperes caritate.*

Annis XIII. & mensibus XI. Episcopalem curam gessit, sublatu e vivis Anno DCCLIX. Prædie Nonas Aprilis, & sepultus in Basilica Sancti Ambrosii.

T H O M A S.



Esuncto Læto eveetus est ad Episcopalem hanc Sedem Thomas Civis Mediolanensis Anno DOCLIX. , IX. Calendas Octobris , juxta calculum Papebrochii . Eum sub Adriano Pontifice Maximo ordinatum fuisse scribit Galefinius ; sed repugnat ordo a nobis hactenus servatus , cum Adrianus tresdecim post Thomæ electionem annis Pontificalem Cathedram adierit . Itaque cum Thomas consecrationem accepit , Paulus I. jam ad Romanum Solum ascenderat .

De Ritibus Ambrosianis optimè est meritis ; Siquidem cum Carolus Magnus Officii Romani usum in omnes Occidentis Ecclesias inferre contenderet , ac propterea Ambrosianum etiam prorsus abolere , Thomas unà cum Sancto Eugenio intrepidè obstitit , nobisque perennem hanc gloriam summa cum omnium laude servavit . Narratur quoque miraculum , procul dubio Sancti Ambrosii Patroni precibus a Deo peractum ; quo inspecto Imperator , qui Ambrosianos Codices inflammari jusserat , minisque ac etiam carcere cogebat , hujus Ritûs Sacerdotes Liturgicos suos Libros abicere , ut tradunt Durandus & Pagius , a concepto desistit voto . *Puricellus in Vita Sancti Laurentii I.* , Episcopi Mediolanensis , Cap. ultimo plura congestit testimonia hanc rem confirmantia .

Præterea scribit Ughellus , ab hoc nostro Antistite Carolum Magnum coronatum fuisse ferreo diademate Modestæ ,

A 2

& con-

& consecratum in Regem Langobardorum Anno DCCLXXIV. Evidem haud dubium est, decreta ista fuisse a Sigonio, qui eadem tradit ad annum memoratum Libr. IV. *de Regno Italiae*. Verum a quo antiquo Scriptore Sigonius hauserit genuinam memoriam tantæ celebritatis, ignotum nobis prorsus est. Imò ex silentio ipso veterum Chartarum, quas plurimas hoc ævo a tenebricofo Archivorum carcere in lucem eduxere Viri eruditi, oppositum omnino evincitur; & Cointius Gallicus Scriptor id negat; Muratorius verò Tom. II. *Anecd.* Cap. V. ulterius progressus, nullum ex Francis Regibus aut Mediolani, aut Modoëtiæ coronatum affirmat. Et sanè mirum foret, si, cùm susceptam Romæ ab eodem Cæsare Imperii Coronam ferme omnes enarrant, solam hanc Modoëtiæ peractam inaugurationem oblivione conspultam tacuissent; præsertim quia Sigonius paulò post describit summam celebritatem, quæ adhibebatur in Italica conferenda Corona. Sed hæc fusiùs jam attulimus in Annotationibus ad eundem Sigonium, loco supradictò.

Prosequitur Ughellus affirmare, alteram celebritatem a Thoma fuisse renovatam Anno DCCLXXXI. Modoëtiæ, in Ferrea Corona imponenda Pipino Magni Caroli Filio, quem Pater Italiae Regem declaraverat. Etiam huic errori, ut in illum impingeret, præluxit Sigonius. Verum quæ superiùs jam memoravimus, hujusmodi opinionem non tam erant, sed etiam prorsus evértunt.

Demum subjungit, collatum fuisse a nostro Antistite Baptismalis lavacri Sacramentum Gislæ, ejusdem Caroli Magni Filie; atque hoc veritati consentit, cùm de Gislæ Baptismo a Me-

Mediolanensi Episcopo solemniter tradito meminerint Annales Francorum, Eginardus, Regino, aliiqve vetusti Scriptores, in quorum tamen monumentis ne verbum quidem occurrit Coronæ Italicæ, a Pipino Modoitiæ susceptæ.

Sigonius ad eundem Annum DCCLXXXI. addit, Carolum Magnum post Natalem Domini Papæ celebratum, cum Thoma Episcopo sese convertisse ad res Regni constituendas, ac Leges, quæ nunc quoque in Codicibus extant, condidisse. Lapsus est tamen in Epocha hujus Conventus designanda; Balutius namque, Pagius, aliiqve Francici Scriptores silent omnino de illius convocatione a Cæsare indictâ hoc anno Papæ. Clariss. Muratorius in *Annotationibus ad Leges Caroli Magni*, recusat Tom. I. *Rer. Italicar. Part. II.* credendum ait, habitum fuisse istud Concilium in Francia Anno DCCLXXXIX., qui erat undecimus Regni Francici ejusdem Caroli; ac deinde ejus Decreta Langobardicarum Legum Corpori inserta fuisse ex illius præcepto: Conventui autem isti interfuisse Italicos quoque Episcopos & Proceres verisimile censet.


Titulum *Sancti* huic nostro Præfati attribunt Mediolanenses Scriptores, & merito: Quamvis enim Ecclesia Ambrosiana universum ejusdem Festum diem minimè agat, Collegium tamen Canonorum Basilicæ Laurentianæ in hac Urbe, ad Calendas Octobris illum peculiari Officio colit, atque in ejus honorem Sacra a remotis usque temporibus celebrat. Nec defunt testimonia Virorum eruditione insignium, hanc laudem confirmantia; quæ in Elenchum redacta enumerat Puricellus Cap. ultimo *Vite Laurentii I. Mediolanensis Episcopi*.

scopi. Quinimo Sanctus Carolus, necnon etiam Cardinalis Federicus Borromeus in Decretis editis, dum Pastoralem Basilicæ memoratæ Visitationem peragerent, Thomam nomine *Sancti* compellarunt, teste Puricello, eodem Loqo Cap. XXXII. num. VIII.

Obdormivit in Domino Calendis Octobris Anni DCCLXXXIII., post annos XXIV. regiminis, ut adnotat Papebrochius. Ughellus, qui Thomam electum scripserat Anno DCCLXX., cum videret, differri non posse mortem ejusdem ultra annum octuagesimum tertium illius Seculi, ob Chartam genuinam ab ipso relatam in Petro Successore, coactus est, XII. tantum annos Sedis Thomæ assignare. Nos tamen cum Papebrochio adnotatos XXIV. annos facile complectimur, ut Chronologicus ordo rectius disponatur.

Catalogi antiqui quos nos sequimur, sepultum asserunt Thomam in Ambrosiana Basilica, iisdemque consentit Papebrochius: Quo autem anno Sacrum ejusdem Corpus inde translatum fuerit ad Laurentianam, nemo nos docet. Negari tamen nequit, a multis jam Seculis illud ibidem quiescere. Diu nihilominus in eadem quoque Laurentiana Basilica inexploratum latuit, donec Anno MCDXCVII. repertum, in decentiori Loculo reponeretur. Anno autem MDLXVII., dum illud Sancti Petri Sacellum, ubi jacebat, in elegantiorē formam redigeretur, Sancto Carolo jubente iterum, in lucem eductum est e Capsula marmorea, in qua olim reconditum fuerat, incisæ fronti hæc Inscriptio: *Inventio Sancti Thome Archiepiscopi Mediolani, Decimo Jani, millesimo quadringentesimo nonagesimo septimo.* Joannes Antonius Castilio-

Stillioneus in Libro edito Mediolani Anno MDCXXII., inscriptoque: *Gl' Onori del Sagra Tempio di Santa Cattarina al Ponte de' Fabri ec.* Cap. VI. narrat miraculum, in hac postrema Sacri illius Corporis Recognitione a Deo peractum, quod a dignissimis fide Testibus, eidem tunc presentibus sibi relatum affirmat, videlicet Sacerdotem Sacello memorato interuentem, qui partem reperti Sacri Corporis abstulerat, statimque correptus fuerat a feruentissima sebsi, mox restituta eadem loco pristino, illico conualuisse.



P E T R U S I.



N locum Thomæ defuncti successus est Petrus Civis Mediolanensis, delectus in Archiepiscopum nostræ Ecclesiæ Anno DCCLXXXIV., postquam Sedes ista viduitatem quinque mensium habuisset, quemadmodum adnotavit Papebrochius.

Fuisse illum Adriani Pontificis Maximi familiarem, atque ab ejusdem Secretis dicitur ab Ughello. Sanè ab hoc Pontifice missus est in Gallias ad Carolum Magnum, ut sollicitaret expeditionem in Langobardos Anno DCCLXXII., quemadmodum testatur Aimoinus Monachus Libr. IV. *de Gestis Francorum* Cap. LXIX., seu Anno DCCLXXXIII., ut adnotat Adelmus, (aliis Ademalus) Monachus Benedictinus in *Annalibus Francorum*: Legationem autem hanc optime implevit, nec sine periculoso itineris labore, cum viæ omnes suspectæ forent, Langobardorum eas insistentium perfidia.

Eximium monumentum religiosissimæ pietatis in hoc Archiepiscopo ferventis extat in nostra Metropoli, nempe Cenobium a fundamentis ab ipso erectum, atque opulenti latifundis ditatum, in honorem Sanctorum Ambrosii, Protasii, & Gervasii Tutelarium Mediolanensium; utque Deo laudes quotidie canerent Monachi Sancti Benedicti in eo degentes, adjectum illud voluit Ecclesiæ ac Sepulcro eorumdem Sanctorum. Legitur Diploma a Petro expeditum in Puricello & in Ughello, sub Annum DCCXC. Nicolaus Sormanus, Bibliothecæ

theoræ Ambrosianæ Doctor, Vir in antiqua eruditione eximius, in Libro inscripto: *Allegata ad Concordiam in Causa Præminentiæ* &c. pag. XXXVII. num. VI. evincere conatus, Tabulas memoratas valde nutre, ac vitiatas esse ab aliquo recentioris temporis Scriptore, occasione litium, quæ tunc maximè inter Canonicos & Monachos ferbuerunt: Nostra tamen non attinet, rebus hisce definiendis calamum apponere.

Hæreticos summopere infectatus est hic Præsul, adeo ut Ughellus asserat, illum à Carolo Magno appellatum fuisse, *Mallum hæreticorum*: Id autem desumpsit a Libro inscripto *Successores Sancti Bernabæ*: Verum, cum Eugenius Cata-nensis plurà huic Codici addiderit, miscens sua cum verbis Auctoris, & primus ipse hoc, Elogium nostro Antistiti tribuerit, Puricellus in *Dissertat. Nazarian.* Cap. LXXVII. num. III. ait, se optare, ut aliquem tantæ rei testem in medium protulisset; quamvis refragari nolit huic laudi, quam certè Petrus promeritus fuit. Siquidem interfuit Concilii Francofordiensis, celebrato in præsentia Caroli Magni, & Missorum Adriani Papæ Anno DCCXCIV., in quo condemnata fuit tertiâ vice Hæresis Felicis & Elipandi. Inter Acta hujus Synodi extat Libellus Episcoporum Italiæ, a Labbeo relatus Tomo VII. Conciliorum, in quo hæc leguntur: *Ego Paulinus Aquilegiensis Sedis, Hisperii, oris occidentalis, cui Deo auctore deservio, nomine, non merito Præsul, una cum Reverentiis (Bollandus in Vita ejusdem Sancti Paulini ad diem XI. Januarii legit Reverendissimo) & omni honore digno Petro Sedis Mediolanensis Archiepiscopo, cunctisque Collegis Fratribus &c.* Plura enunciare prosequitur ad-

hoc Concilium spectantia idem Bollandus loco supradicto.

Cum hæcenus nomine tantum *Episcopi* usi fuerimus in referendis rebus gestis Antistitum, qui Mediolanensem Ecclesiam regere, monendus est Lector, id consulto actum esse, quia in Catalogis antiquis hoc solummodo nomine designati fuerunt Præsules nostri. Præterea Papebrochius in Vita Sancti Senatoris, relatæ ad diem XXVIII Maji in *Actis Bollandianis*, refellens quædam Documenta, quæ Septalia Illustris Familia, tamquam Seculo VI scripta, protulerat, iociter alia menda, quæ in iis occurrunt, illud etiam adnotavit, Mediolanenses Antistites vocari *Archiepiscopos*, cum nomen istud adhiberi non coepisset, nisi Seculo VIII. Mabillonius verò animadvertit Libr. II. *de Re Diplomatica* Cap. R. num. XIII., scribis etiam invaluisse in Gallis hunc Titulum, nam licet *Archiepiscopi* nomen (ut ipse ait) sæpius degatur apud Francos Seculo VI., paucissimi tamen impeniuntur, qui hoc vocabulum sibi tribuerint ante Seculum IX. Hanc autem ob causam Titulum hunc *Archiepiscopi* nos Petrus nunc primum imponimus, cum in veteribus Chartis eundem ab ipso usurpatum videamus.

Ughellus in laudem nostri hujus Archiepiscopi tradit, eundem Arianos, qua scriptis, qua ferro plurimum exagitate; eo tamen contentus verbo *asseritur*, nullum insolite istius armorum strepitu peractæ concertationis Scriptorem antiquum referre. Et sane insigne exemplum Arianos pestiferi dedit magnus Pastor Ambrosius, qui orando, non bellum gerendo, illos perdomuit. Dolemus etiam, quod nulla ad nos pervenerint Scripta, quibus Hæreticorum errores convellere conatus est Petrus.

Ad-

Addit memoratus Ughellus, collectos ab eodem fuisse Libros Magni Gregorii, qui per summum dedecus fuerant dissipati, atque ejus laudes fuisse carminibus expressas; In Editionibus tamen Operum tanti Pontificis, quas diligentissime curarunt Viri summa eruditione præstantes nostræ ætatis, nihil de hoc studio Mediolanensis Antistitis adnotatum reperimus, cum multas Petro gratias agere deberemus, ob servata nobis prætiosa adeo monumenta. Item Galefinius affirmat, compositos ab ipso fuisse Sermones *de Sanctis*, inter quos præcipuus ille est *de Sancto Barnaba*, primo Mediolani Episcopo. Potro optandum esset, ut illi in lucem prodissent; fortasse enim ex iis dignosci plura potuissent, quas secutus Traditionem nostram firmarent. Verum Patricellus, Vir accuratæ indagacionis, nullum sibi ad oculos de hisce Sermionibus pervenisse testatur.

Tradit etiam Galefinius, Epistolas permultas de rebus gravibus Petrum exarasse, interque eas illam *de Translatione Corporis Sancti Augustini e Sardinia Papiam*, ad Carolum Magnum. Hæc sane extat, jam sæpius vulgata; reliquæ injuriâ temporum periere.

Insulsa prorsus est Coronatio Bernardi in Regem Italiae, quam idem Galefinus ait, fuisse peractam a nostro hoc Antistite. Siquidem Pipinus Pater post obitum Petri per quinquennium supervixit; Carolus autem Magnus, mortuo Pipino Filio, triennium expectavit, antequam Italiae Regno Nepotem Bernardum donaret, quemadmodum Paglus docet.

Demum Ughellus testatur, Petrum iterum profectum

fuisse in Gallias unâ cum Leone III., ac deinde reversum, Romæ interfuisse tunc quando Pontifex ille Summus Carolus Magnus Imperatorem acclamavit, atque ab eodem Carolo retulisse Diploma, quò donabatur politico Mediolani Principatû; asserens quoque Chartam concessi hujus Privilegii. De hujusmodi protectione in Gallias & subinde Romam, silent Historiæ; sicuti etiam de liberalitate, quam Carolus dicitur exercuisse erga Mediolanensem Ecclesiam, Petrum & Successores omnes instituendo Dominos Mediolani. Papebrochius in *Exegesi*, vocatâ ad examen criticum Chartâ prædictâ, nullius fidei eam esse profiteretur, cum nec stylus nec forma, Caroli Diplomatum congruant, & insuper præter *Carolinae aetatis usum, ad nomen Petri inveniat*ur possum cognominatum Oldradi; nemini enim *Erudito*, persuaderi posse ait, quòd jam tunc inter *Ecclesiarum Antistes* notus fuerit usus cognominum. Quamobrem illam putat *merum fragmentum*; compactum circa Seculum X.

Summâ necessitudine ferebatur Petrus in magnum illum Bedæ Discipulum, & Caroli Caesaris præceptorem Alcuinum, recepitque ab eo plenam reverentiæ & pietatis Epistolam, quam iterum post multas Editiones Epistolarum illius doctissimi Viri intulit in *Nazarianam Dissertationem* Puricellus Cap. LXXVII. num. V., nosque hoc loco recudimus, ne Lectores ejusdem visendæ cupidos cogamus, alibi illam perquirere, cum verè dignissima lectu sit non tantum ob summam animi demissionem in tam docto Viro effulgentem, quam ob singularem reverentiam, laudenique Pastoralium virtutum Antistiti nostrò præstitam a celeberrimo illo Scriptore. Ea autem ita exorditur.

„ Di-

„*Dilectissimo in Christo Patri, Petro Archiepiscopo*
 „*Albino, aeternae beatitudinis Salutem*
 „*Memor dulcissimae humilitatis & dilectionis vestrae, in-*
 „*gemisco absentiam illius, cujus caritatis flamma in corde*
 „*ardescit filii. Quanta est hujus Seculi infelicitas, quae*
 „*tam caros disjungit amicos, quae filium separat a Patre?*
 „*O si pennas aquilae habuissem, ut altitudines Alpium ve-*
 „*locior, Euro transvolare valuissem; quam citò ante pater-*
 „*nos stecissem pedes, ut refrigerarem ex paterna visione*
 „*pectoris mei ardorem! Sed quia hoc fieri non valet,*
 „*inquamus, nos duplicis caritatis pennis; sumus in Christo*
 „*semper praesentes, qui sumus in Seculo absentes. Quid*
 „*est, caritas, nisi unitas animorum? dicente ipsa Veritate*
 „*(Joannis XVII.) dum pro suis oraret ad Patrem: Pa-*
 „*ter, conserva eos in nomine tuo, quos dedisti mihi, ut sint*
 „*unum, sicut & nos unum sumus. Ego, verò filius tuus*
 „*obsecro te per ejus misericordiam, qui haec dixit, ut in*
 „*sanctissimo paternae memoriae thesauro, filii tui, Alcuius*
 „*nomen habeas reconditum, & inter dignissimas Deo obla-*
 „*tiones orationum tuarum vel semel ore proferas. Quanta*
 „*tibi, Pater optime, apud pietatis remuneratorem Domi-*
 „*num Christum remanet merces, si me peccatorum pon-*
 „*deribus praegravatum, paternae misericordiae precibus sub-*
 „*levare coneris! Fateor, me tantae auctoritatis degenere*
 „*esse filium. Tamen junioris filii, qui a Patre in longin-*
 „*quam recessit regionem (Luca XV.) roboratus exemplo*

„ au-

„ audeo dicere : Pater , peccavi in Caelum , & coram te :
„ Ideo non sum dignus vocari filius tuus . Et te credo , pa-
„ ternæ memorem pietatis , lætis revertenti occurrisse am-
„ plexibus ; prudentiam quoque tuam recordari Beatissimi Job
„ (ejusdem Job Cap. I .) pro filiis devotionis (aliter di-
„ lectionis) , qui quotidie pro illorum prosperitate Deo sa-
„ crificia offerre studuit ; valde desiderans quos seculo ge-
„ nuit , Deo enutrire . Ideo in omnibus tentationibus , tam-
„ quam aurum in fornace probatus , inventus est : Læti-
„ tiam patris in salute extat filiorum ; & merces pastoris
„ in multiplicatione gregis adcrefcit : Nam & ipse Princeps
„ Pastorum post resurrectionis gloriâ Beato Petro , ob con-
„ fessionis trine in suo amore soliditatem , pascendas Oves ,
„ quas redemit sanguine , commendavit . Tuum est , Pater
„ Sancte , absentes præ iis adjuvare , præsentibus verbis cup-
„ dire , exemplis confortare , ut paterne pietas & pastoralis
„ devotio omnibus profic in salutem . Patres igitur filios
„ thesaurizare solent . Tu verò beatitudinis thesauros tuis
„ relinque Nepotibus , ut per longas Ecclesiasticæ eruditio-
„ nis series Cœlestis Regni gloria tibi semper augeatur .
„ Opto , si fieri valeat , quatenus me Tus Paternitatis Lite-
„ ris reficias , ut aviditatis meæ oculis legam , quod auri-
„ bus audire voluissim , si forte fieri valuisset . Concessum
„ est enim humano generi pectoris arcina chartis mandare ,
„ & Literis innotescere tacentibus , quod lingua non valet
„ loquente . Nam & Beatus Paulus Apostolus absentes filios
„ pietate admonitionis sæpius erudire solebat , ut quotidiana
„ Litterarum lectio æternam Patris præceptorum mentibus
„ filio-

„ filiorum infingeret memoriam. Sanctitatis Vestrae auctoritati-
 „ tem Divina Pietas, ad exaltationem & gaudium Sanctae
 „ suae Ecclesiae longeva prosperitate custodire dignetur, Pater
 „ dilectissime,

Vita decessit Petrus Anno DCCCV. Idibus Maji, post-
 quam administrasset Mediolanensem Ecclesiam per Annos XXII.
 Porro de anno obitus varii varia protulere. Ughellus exa-
 ctos ab hoc Aeneide in hac Sede XXII annos statuit;
 XXVII. Galandus in Tabula Episcoporum. Verum Papobro-
 chius, cum quo nos etiam idem assensimus, omnibus recte
 perpendis, huic Praefuit annos XXII. regimini assignat, itaque
 attigerit Annum DCCCV.

Sepultus est in Basilica Ambrosiana, teste Fabricio in
 ejusdem Basilicae Monumentis, num. XXVII.

Negligentiae notā inhumani facili possimus, si preterite
 silentio vellemus praclarum Metropolis nostrae decus, quod
 eidem comparavit pia liberalitas Dathei Archipresbyteri Ec-
 clesiae Mediolanensis, Petro Archiepiscopo eandem Ecclesiam
 administrante. Nemo est in Historia veterum Saeculorum adeo
 peregrinus, qui ignoret, rara admodum fuisse Loca con-
 structa atque aperta ad excipiendos pueros, ab incertis pa-
 rentibus natos, expositosque a genitoribus inhumanis. Octavo
 solum Saeculo extructum est Bephrorotrophium seu Domici-
 lium Mediolani iis colligendis ac enutriendis, prope Ec-
 clesiam Sancti Salvatoris, quae adhuc extat in meditullio
 Civitatis, nuncupata in *Xenodochio*. Saepius laudatus Murato-
 rius Tom. III. *Antiquit. Ital. Med. Aevi* colum. DLXXXVII.
 integrum Documentum recitat, conditum a memorato Datheo

Anno

Anno DCCCLXXXVII, ex quo constat, emptam ab ipso fuisse domum, ut patèret prædictis paryulis colligendis alendisque, Statuit autem, ut ipsum Exxenodochium in potestate & iure foret Sancti Ambrosii, seu Pontificis Mediolanensis, qui pro tempore fuerit. Subjungit verò methodum, quæ nutrirî debeat usque ad annum ætatis septimum; & dotem ex proprio censu assignat, ut mercede conductæ Nutrices in illud inducantur, victusque ac vestitus infantibus præbeatur; Subscripta est hæc Charta ab ipso Darheo Archipresbytero Sanctæ Mediolanensis Ecclesiæ, aliisque Metropolitani sui Collegiis Presbyteris ac Diaconis. Erecta postmodum fuerit Xenodochia, & Nosocomia, ac demum Hospitale Majus, ubi hæc caritatis officium præstatur, cum eidem adnexa sint Pontificia auctoritate Pii II. cetera omnia Pia huiusmodi Loca, olim per Urbem dispersa.



OLDEPERTUS.



Pro mortuo substitutus est Oldepertus in Episcopum Mediolanensem Anno DCCCIV. Variis nominibus appellatus fuit Antistes iste, prout cuilibet de illo scribenti libitum fuit, itaut octo diversa nomina de eo legamus videlicet *Olibertus*, *Alibertus*, *Oldepertus*, *Oldibertus*, *Oldobertus*, *Odbertus*, *Edelbertus*, & *Alipertus*. Nos cum Puricello in Monument. *Basilica Ambros.*, num. XXX. Oldepertum dicimus, cum hoc nomine seipsum subscripserit in Charta Donationis, quæ ibidem a Puricello recitatur, & etiam ab Ughello, consecrâ Anno DCCCVI.

Operæ pretium est indicare, quænam fuerit ista Donatio, cum Charta memorata proximè aliquid ad Historiam Mediolanensem spectans contineat. Oratorium Sancti Vincentii in *Prata*, ut olim appellabatur, nunc verò in *Prato*, juris erat Ecclesiæ nostræ Metropolitanæ. Oldepertus illud dono concessit Arigauso Abbati Monasterii Sancti Ambrosii cum prædiis adnexis; eâ tamen conditione appositâ, ut eodem pro libito uteretur, fructusque perciperet usque ad obitum suum; sublato autem ipso e vivis, ad jura & gremium Sanctæ Mediolanensis Ecclesiæ cum omni integritate sua, ut ipsi concessum erat, reverteretur. Hinc verò edificatus, nondum eo tempore constructum ibidem fuisse Monasterium; de Monachis enim apud illud degentibus Charta

C

hæc

hæc prorsus silet. Quis autem postea Cœnobium in *Curre-Præ* condiderit, & quando Mediolanensis Ecclesia jus suum liberè Monachis cesserit, nostra non est indagare. Joannes Antonius Castillioneus nonnullos recentioris ævi Scriptores profert in suis *Antiquitatibus Basilicæ Vincentianæ*, pag. CLIX., qui auctorem ejusdem Cœnobii faciunt Desiderium, Regem Langobardorum; sed cum nullo veterum Documentorum testimonio assertionem hanc firmet, ipsum ejusdem vadem relinquimus. Certum est, sub Angilberto II., Mediolanensi Archiepiscopo, Monachos in Sancti Vincentii Monasterio jam inductos fuisse; ex eo namque Angilbertus extraxit Gaudentium Abbatem, ut illum præficeret Monachis Sancti Ambrosii, quorum nemo tunc idoneus erat regendæ Sacræ eidem Familiæ, quemadmodum inferius dicemus.

Cum Galefinius obvias habuerit diversas hujus Antistitis a nobis memoratas appellationes, duos ex uno Mediolanenses Episcopos fecit, nempe OLDOBERTUM quemdam *Marionium Eugulinum*, quin ullum de eo verbum proferret, nec annos quibus federat indicaret, illumque præposuit Petro; alterum autem post istum recensuit in ordine nostrorum Præsulum, sub nomine *Aliberti*: Atque ita Tabulam suam vitiavit, cum prorsus expungi debeat primus, & secundus verè Petro successerit. Fallitur etiam hic Scriptor in assignando Pontifice Maximo, sub quo delectus fuit Oldepertus ad hanc Sedem, inquit, ejus inaugurationem incidisse in tempora Stephani V. (seu IV. juxta Pagium). Siquidem Stephanus Pontificatum non iniiit, nisi Anno DCCCXVI., postquam Decessor Leo III. viginti, & amplius annos sedisset; adeoque sub isto etiam regendam Ecclesiam Mediolanensem accepit Oldepertus.

Ughel-

Ughellus tradit, exceptum fuisse Pipinum, Caroli Magni filium ab hoc Præsule, atque ab eo adjutum, ut securius spiritum Deo commendaret. Sanè Regius iste Princeps, cùm rediret a bello contra Venetos actò, Mediolanum accessit, ibique in gravem morbum incidens decessit VIII. Idus Julius Anno DCCCX., atque in sepulcrum, Veronæ ab ipso magnificè constructum, translatum est illius Corpus: In hoc autem consentiant Sigonius aliique. Non ita verum est quod Ughellus subiungit, redimitum fuisse Italici Regni Coronâ Modoëtiæ Bernardum Pipini filium; de hac enim Celebritate veterum Scriptorum calamus ne minimam quidem mentionem in Hiltoriis reliquit, cùm apertè memoraverint actam Romæ a Summo Pontifice Leone III. ejusdem Coronationem.

Excelluit hic noster Antistes etiam doctrinâ, sacrâque præsertim eruditione, cujus præclarum specimen dedit sub Carolo Magno. Cùm enim Cæsar ille experimentum capere vellet Antistitem sub ditione sua præsidium bono Animarum, encyclicas Literas ad illos dedit, in quibus proponebantur interrogationes nonnullæ circa Baptismum, a quolibet eorum dissolvendæ, instabat namque tempus Paschale. Inter primos fuit Oldepertus qui Cæsareis jussis pareret, misso ad illum integro Libello, in quo dilucidè quidquid petatum fuerat, explanavit. Memorant hunc Libellum cum laude Mabillonius, Martene, Echarodus in sua *Historia Franciæ Orientalis*, aliique.

Vitam clausit Anno DCCCXIV. Regiminis tempus extendit Ughellus ad IX. annos; sed in antiquis Catalogis VIII. tantum anni, & VII. menses Oldeperto adnotantur. Sepulcrum habuit in Basilica Ambrosiana.

ANSELMUS I.



Uccessorem habuit Oldepertus Anselmum I. Mediolanensem, electum Anno DCCCXIV., non tamen sub Paschale Summo Pontifice, uti retulit Galestinus in Tabula nostrorum Anrstitum; hic enim Pontificia Dignitate insignitus non fuit, nisi Anno DCCCXVII.

Fuit Anselmus eximie erga pauperes caritatis, teste eodem Galestinio; parùm tamen prudens fuit in regimine sui ipsius, ac triste exemplum reliquit. Ob quasdam similitates conceptas a Bernardo Rege Italiz contra Ludovicum Pium Imperatorem Patrum suum, molitus est Anno DCCCXVII. Bernardus conjurationem adversus Ludovicum; pluresque Proceres, Clericos, & Episcopos in suam partem pertraxit. Inter hos præcipui numerabantur Anselmus Mediolanensis, Wolfoldus Cremonensis, & Theodulphus Aurelianensis. Pervénit ad aures Ludovici conspiratio ista; quamobrem motis statim armis, validoque exercitu contracto, usque ad Cabillonem se contulit Imperator: Quo intellecto Bernardus, se imparem pugnae inspiciens ob militum penuriam, & defectionem eorum qui participes erant initi consilii, ad Imperatorem avolvit, ejusdem pedibus se abiciens ac veniam implorans. Et sanè, omnibus Aquisgranum captivis traductis, diminuta est Bernardo poena, quam Judices capitis dixerant; nam contentus Imperator mitiore supplicio, eundem excœcavit; Episcopos

scopos verò depositos a Sede quam tenuerant, Monasterio mancipavit. Doloꝛe tamen tactus, quòd pœna Bernardo non post multos dies peperisset vitæ jacturam, a qua ipse abstinuerat, inclementiam suam confessus est in Conventu Generali Antistitum Imperii sui, apud Theodonis Villam Anno DCCCXXI. coactò; ibique etiam *singularem pietatem ostendit super eos, qui cum Bernardo Nepote suo in Italia, contra caput ac Regnum suum conjuraverant; quibus sibi ad præsentiam venire jussis, non solum vitam & membra concessit, verum etiam possessiones judicio Legis in Fiscum redactas, magna liberalitate restituit*, ut referunt Annales Laureshamenses.

Hujus indulgentiæ occasione Mediolano se restituit Anselmus, secumque detulit Corpus Bernardi, ut opinatur Baronius, cum certè illius Sepulcrum in Ambrosiana Basilica adhuc extet conspicuum. Siquidem, cum, referente Calcho, qui tunc Historiam suam scribebat, effoderetur tellus Anno MCDXCVIII., ut Cœnobium illi adjacens magnificentius extrueretur, jubente Ludovico Maria Sfortia Duce Mediolani, reperta est Arca funebris, in cujus Tabula superiore sculpta erat Inscriptio a Puricello & aliis relata, & signata Indictione X., quæ annum obitus Regis illius infelicitis referebat, idest Annum DCCCXVII., non autem sequentem, ut plures tradunt Scriptores, quos refellere conati sumus in Adnotationibus ad Sigonium *de Regno Italiæ*, pag. CCLXXI.

Etiam de Coronatione Lotharii in Regem Italiæ, Moedœtiæ a nostro hoc Antistite peractâ, quam asserunt concordés Galefinius & Ughellus, lingues se præstiteret vetustissimi Scriptores; cum tamen hujusmodi Celebritates, ut moris est,

magno strepitu apparatus fiant, adeoque absque turpis silentij notâ præteriri ab ipsis minimè potuissent. Præterea Pagijs tradit ex Eginardo, Lotharium regio Serto redimitum fuisse Romæ a Paschali I., Pontifice Maximo Anno DCCCXXIII., quo jam Anselmus obierat.

Mortales exuvias deposuit Mediolani Anno DCCCXXII., post annos V. incompletos regiminis. Porro admodum obscura est hoc tempore Chronologia Mediolanensium Archiepiscoporum; Puricellus namque in *Monumen. Bist. Ambros.*, num. XLI. nullum fuisse substitutum Anselmo deposito & in Cœnobium recluso tradit; Catalogi autem nostri statim post captivitatem Anselmi, & indictam eidem pœnam, promotum fuisse ad Mediolanensem Sedem Bonum, seu Donum affirmant Anno DCCCXXVIII. An verò receptâ libertate, clavum iterum Ecclesiæ nostræ post mortem Boni rexit Anselmus, incertum prorsus est. Puricellus quidem hoc fidenter tradit, sed caret solidâ veterum Annalium base, cui securè possit inniti. Id certum est, post reditum ab Aquigranensi Urbe paucis tantum mensibus superfuisse in vivis Anselmum: Anno enim, ut supra diximus, DCCCXXII. decessit V. Idus Maji, sepultus in Basilica Ambrosiana, & in eodem Tumulo, in quo conditus fuerat Bernardus: Id namque censuere qui, cum amovendus esset Tumulus a Loco in quo extabat, reclusum eundem viderunt Anno MDCXXXVIII., & in illo bina Cadavera, alterum Regis Insigniis ornatum, alterum verò Mitrà & Pastorali virgâ insignitum compererunt. Describit diligentissime Puricellus ibid. num. XL. singulas vestes ac ornamenta, quibus amiciebantur.

B O N U S .



Nisimo deposito a Sede Mediolanensi delectus est in Antistitem Bonus, seu Donus, non Anno DCCCXXII., ut Puricellus & Ughellus censuere, sed Anno DCCCXVIII., quemadmodum tradit Papebrochius ex antiquis Catalogis.

Præfulem hunc fuisse acerrimum Ecclesiastici juris defensore Galestinus & Ughellus testantur, nec nos quidquam refragatur. Id tantum in votis nostris exiitisset, ut aliquid innuissent de occasione & Auctore contentionis in ipsum excitatæ; invenire namque in Historiis nostris minimè valuimus, quod tunc temporis tranquillam Ecclesiæ pacem violaverit.

Adnotat etiam Ughellus, cum Puricello, stipatum fuisse hunc Antistitem in solemnī Mediolanensis Metropolis ingressu Nobilibus Viris e Familia Consaloneria, & collocatum in Sede Archiepiscopali, Equo cui Præsul insidebat ipsis dimisso; eumque primum fuisse, qui honore isto donatus in Catalogis legatur. Quo verè tempore incœperit mos iste, & a quo datum fuerit hoc Privilegium Consaloneriis Gentilibus, prorsus ignoramus; siquidem vetusti Catalogi nihil memorant de origine hujus prærogativæ. Id certum est, a longævo tempore consuevisse Consalonetios rubeis vestibus indutos comitari Antistitem Mediolanensem, cùm primum hanc Metropolim ingreditur, & Cathedram conscendit, eo-
que

que etiam in præsens ævum in hoc eorundem Familiz de-
core perseverare.

Obiit Bonus Anno DCCCXXII., VIII. Calendas Februa-
rii; errant enim Puricellus & Ughellus, qui annum mortis
DCCCXXII., electionis fecerunt; adedque etiam ejusdem
exitum ab hac vita protraxere ad Annum XXVI. Seculi
IX.; rexit namque Bonus Ecclesiam Mediolanensem per an-
nos IV., ut concordēs Catalogi tradunt.

Sepultus est in Ambrosiana Basilica cum aliis nostris Epi-
scopis, qui, ut supra vidimus, ibidem tumulari voluere,
crescente in dies cultu erga Locum, in quo Sacrum Sancti
Ambrosii Corpus jacebat, ob excitatum recenter Monachorum
Cœnobium, qui ad Sancti nostri Patroni gloriam augendam
diu nocturne laudes persolverent; quemadmodum animadver-
tit Puricellus in *Monument. Basil. Ambros.* num. XLII.



ANGILBERTUS I.



Vices regendæ Ecclesiæ Mediolanensis post Bonum accepit Angilbertus I. Anno DCCCXXII. *Angelbertum* Galefinius in Tabula hunc Antistitem vocat; sed contra fidem veterum Catalogorum; & etiam recentium, qui eum constanter appellant Angilbertum. Insuper istum tradit; electum fuisse sub Gregorio IV., qui Sedem Pontificiam adiit quinquennio post, idest Anno DCCCXXVII.; verè autem tunc sedebat in Romana Cathedra Paschalis I. Nec minus fallitur Ughellus, qui scribit, promotum fuisse Angilbertum I. ad Episcopalem Dignitatem Anno DCCCXXVI.; tolerabili tamen anachronismo, ob malè statutum annum obitus in Bono Decessore.


Uterque ex hisce Scriptoribus ad augendam Angilberti laudem asserit, Corpus Sancti Monæ olim Episcopi nostri translatum ab eo fuisse in locum decentiorem; Galefinius verò etiam locum Translationis designat, nempe Ecclesiam Sancti Michaëlis *ad Domum*. Attamen, si Historias nostras consulamus, defossum legimus Corpus Sancti Monæ ab Heriberto de Intimiano Archiepiscopo Mediolanensi, Anno MXVIII. electo, ac depositum fuisse in Ecclesia Sancti Vitalis, a qua traductum est in Metropolitanam Basilicam a Sancto Carolo Borromeo, ùr jam diximus, cum de Sancto Mona mentionem egimus.

Vitam explevit Anno DCCCXXIII., VII. Idus Octobris,

D

bris,

bris, non Septembris, ut scripsit Galefinius; post menses XIV., & dies XXII. regiminis: in quo erravit Ughellus, septem tantum menses Sedis Angilberto I. attribuens. Sepulcrum habuit in Basilica Sancti Ambrosii.



AN-

ANGILBERTUS II.



Ngilberto I. alter Angilbertus succedit, designatus in Archiepiscopum Anno DCC.CXXIV.; atque in hoc certum est, errare Galestinum & Ughellum, quorum primus ait, consecrationem recepit Angilbertum II. sub Gregorio IV., qui tamen sedere minime cepit in Apostolica Cathedra, nisi Anno DCCCXXVII.; alter verò ad hanc Sedem promorum tradit eundem Angilbertum Anno DCCCXXVII. Papebrochius autem in *Exegesi* assert Lapidem adnotatum a Bonaventura Castillioneo, & etiam Grutero in *Appendicula* adjecti magno Volumini de *antiquis marmoris Tabulis*, Legioduni in Mediolanensi Diocesi positum, jubente hoc Angilberto, in quo signatur *Calenda Augusti*, & *anni regiminis* ejusdem, idest *XXIII.* Isti verò si jungantur cum Anno mortis DCCCLX., dilucidè ostendunt, Lapidem hunc pertinere ad Annum DCCCXLVI.; adeòque confirmant, Angilberti II. electionem Anno DCCCXXIV. mense Junio contigisse, ab hac enim Epocha ad Annum DCCCXLVI. viginti tertius Angilberti annus inchoatus numerabatur.

Porro summo opere miramur, Ughellum statim ab initio, invecum acerbè fuisse in hunc Archiepiscopum, eidem exprobrando, quòd primus contra Ecclesiam Romanam vexillum explicaverit, ac Schisma constaverit, quod pessimo illius exemplo Successores sui a Romani Pontificis obedientia di-

vulsi per ducentum annos fœda rebellione conservare. Putidum hoc Commentum cœco calamo credulus excepit Ughellus ab Erycio Puteano, Sigonio, Ripamontio, aliisque. Sed illud prorsus exfuffiavit Puricellus in *Monum. Basil. Ambros.* num. CX., nosque etiam anilibus fabulis adscripsimus hanc Angilberti defectionem tum in Adnotationibus ad *Vitam Stephani IX.*, insertam Tom. III. *Rerum Italicar.*, tum in *Vindiciis de Adventu Mediolanum Sancti Barnabæ Apostoli*, in quibus Papebrochium quoque refellere conati sumus, asserentem, hoc Schisma non *positivum*, sed *negativum* fuisse, idest non in deneganda obedientia Summo Pontifici, sed in pertinacia non petendi Archiepiscopale Pallium ab ipso; Constat enim ex *Historia Leodiensium Episcoporum* a Chapeville vulgatâ, transmissum fuisse a Summo Pontifice, per Ratherium Veronensem Episcopum, Româ Pallium ad Hilduinum Archiepiscopum Mediolanensem, centum ferme annis ante Heribertum, qui dicitur a Papebrochio primus fuisse in hoc sistio Schismate abolendo. Et sanè, quis credat Præsulem singulari pietate conspicuum, & religionis operibus addictissimum, quem etiam Galefinius restatur, pauperum viduarumque Patrem fuisse tunc temporis appellatum, quis inquam credat, voluisse impudenti superbiâ caput erigere contra Christi Vicarium, illudque filialis reverentiæ vinculum, quo Summi Pontificis Solio necëbatur, tam indigno ausu confringere?

Sub primos regiminis Angilberti menses felix illi occasio contigit edendi publicum specimen suæ erga rectum Ecclesiæ ordinem sollicitudinis. Cum enim, frequenti Barbarorum irruptione in Italiâ, confusa fuissent Episcoporum jura, sausto

sto omine effectum est, ut Eugenius II. Pontifex Maximus Concilium indiceret Mantuæ celebrandum Anno DCCCXXVII. Quocirca Maxentius Patriarcha Aquilejensis Libellum obtulit in eo Episcoporum Confessum, quo exposcebat, ut Ecclesiæ a Gradenſi Patriarcha, seu aliis Episcopis occupatæ, ad ipsum antiqua jurisdictione spectantes reverterentur; quemadmodum etiam Synodali sententiâ decretum fuit. Inter Antistites autem Mantuæ collectos adfuit quoque Angilbertus Archiepiscopus, qui simul cum ceteris Præsulibus pro iustitia stetit, ut constat ex Charta, quam refert Ughellus in *Additamentis ad Episcopos Aclienſes*, Tom. X. Venetæ Editionis, nosque ad laudem nostri Archipræsulis partim hoc loco recudimus.

„ Regnante Domino Nostro Jesu Christo in perpetuum.
 „ Anno Pontificatus SSmi & universalis Papæ Eugenii quarto,
 „ & imperantibus piissimis, catholicis, & Dei cultoribus Chlodovico & Chlotaro Imp. Anno septimodecimo, per Indictionem quintam, octavo Idus Junii, secundum Dei gratiam, & sanctionem eorum congregata Synodus, in qua adfuerunt Vir venerabilis & sanctissimus Benedictus Episcopus, & Leo Reverendissimus Diaconus Bibliothecarius, Legati videlicet Sanctæ Romanæ Ecclesiæ, habentes locum Beatissimi Papæ Eugenii, Sichardus palatinus Presbyter, & Vir spectabilis Theoto, a præfatis Augustis directi, Petronasque Ravennatis Reverendissimus Archiepiscopus, atque Angelpertus Sanctissimus Mediolanensis Archiepiscopus, Provinciæ Æmilie Andreas Ferrariensis Episcopus &c. Residentibus igitur in hac Synodo Reverendissimis Episcopis, adstantibus Diacombus & cetero Clero, veniens Vir Sanctissimus Maxentius

„ tius

„tius Aquilejensis Patriarcha, precum Libellos pro dis-
 „sione suæ Aquilejensis Ecclesiæ obtulit, ut suæ Provinciæ
 „Ecclesiæ, quas Barbarorum incurfus a sua Matrice segre-
 „gaverat, autoritate Canonum jam pacis tempore percipere
 „mereretur ad propria &c. „Memorat Concilium hoc, ab
 Eugenio II. convocatum in memorata Urbe Anonymus Scrip-
 tor in *Vitis Aquilejensium Patriarcharum*, editis Tomo XVI.
Rerum, Italicarum, colum. LXXXII.

Quanto autem religionis erga Deum conservandæ desi-
 derio succenderetur Angilbertus, satis superque docet Conci-
 lium Ticinense, celebratum Anno DCCCL, in quo editi
 sunt XXV. Canones, ad instaurandam Ecclesiasticam disciplinam,
 instante Ludovico II. Imperatore; necnon alterum quoque
 ibidem coactum Anno DCCCLV., ut in Episcopis, Clero,
 & populo, pietatis integritas resoreret. Præterea in Sancti
 Ambrosii, Patroni Ecclesiæ Mediolanensis, honorem summo
 impendio Altare aureum in Ambrosiana Basilica condidit,
 quod etiam in præsentia oculis Christi fidelium exponitur;
 Monachis verò, qui in Cœnobio contiguo laudes Deo ac
 Sancto huic Doctori persolvunt, plura largitus est dona, ut
 ferventibus illi Basilicæ inservirent, adhuc Chartis, in eorum-
 dem Archivo testantibus tam pii Præfulis liberalitatem.

Occasionem circumcingendi argenteis aureisque laminis ac
 gemmis Altare memoratum tradit Ughellus, ex Galvano Fam-
 ma, Scriptore Seculi XIV. aliisque, fuisse hujusmodi: Cùm
 enim ex peculiari amore erga Sanctum Ambrosium subdu-
 xisset Angilbertus ex ore Sacri Corporis dentem, illumque
 inclusum annulo secum gestaret, fortè oculos intendens,
 den-

dentem evanuisse conspexit; quamobrem diligenti indagazione scrutabatur, ubinam foret; donec admonitus a quadam vetula, quæ ait: *dentem invenies, ubi abstulisti*, illum verè loco suo restitutum comperiit. Tunc, ne de cetero aliquid de Corpore Sancti Ambrosii auferri posset, ipsum sub terra occultavit, atque Aram super illud erexit pretiosissimè exornatam. Attamen in Vita Sancti Bernardi Cardinalis & Episcopi Parmensis, a contemporaneo Auctore conscripta, & Romæ edita Anno MDCXII; Cap. XLVI. legimus, Beatum hunc Virum, cùm Mediolani Pontificium Legatum ageret Anno MCXXX, accessisse ad Tumulum Sancti Ambrosii, ut Ossa ipsius veneraretur, & non sine miraculo vota ejusdem impleta, fuisse; idque adscriptum Divinæ fuit providentiæ, ne aliò asportaretur Sacrum: Pignus, in feraci exçidio, quod insticturus erat Mediolanensi Urbi eodem Seculo Federicus Ænobarbus. Siquidem exinde neminem unquam in Sanctam Arcam oculos immisisse retulerunt Historiæ, occluso etiam quolibet cuniculo, si fortè relictus esset ab Angilberto, ut Puricellus opinatur.

Corpus Sancti Caloceri Brixienfis, de Albigauno ubi Martyrium pertulit, dicitur Angilbertus transfuisse ad Monasterium de Clivate. Bollandistæ hanc Translationem adnotare ad XV. Calendas Maji ex Martyrologio Adonis MS to, & quæ apud Brixienfes circa Annum MCLXX, in quo legitur, Sanctum Calocerum sepultum priùs fuisse Albigauni; eo autem tempore translatum fuisse illius Corpus ad Clavasium Monasterium. Vox ista *Clavasium* ingenium Henschennii torset, ubinam esset hæc Civitas aut Oppidum; proinde

inde verò arbitratus est, esse Oppidum illud Pedemontii, nunc etiam appellatum *Chivasso*, decem milliaribus Taurino distans. Lucem afferunt huic dubio Annales nostri, qui Sanctum Calocerum sepultum tradunt in *Monasterio de Gyvate*, sive *Clivate* Diocesis Mediolanensis, quod conditum dicitur a Desiderio Langobardorum Rege, & in quo adhuc degunt Monachi Montis Oliveti.

In *Annalibus Benedictinis* Tom. II. Cap. XXX. narratur ad Annam DCCCXL., ex Franciæ partibus Mediolanum adventasse Leudgarium Abbatem, & Hildemarum Monachum, quos, ut Monasticam disciplinam in Ambrosiana Diocesi redintegrarent, Angilbertus II. apud se detinuit; mox verò, Ramperto Episcopo Brixienti eos enixè petenti, ad erudiendos Monachos Sanctorum Faustini & Jovite in ea Urbe degentes, libentissime dimisit. Testatur benignam hanc concessionem Rampertus ipse in Constitutione sua, edita Anno DCCCXLI., & inserta *Bullario Casinensi* Tom. II. pag. XXV. his verbis, quæ placet huc transferre, cùm ex iis plurimum laudis huic nostro Antistiti accrescat; „ Denique cùm nostrorum Fide-
„ lium & maxime Sacerdotum, ad hoc multorum saluti pro-
„ futurum provocaremur Opus, petere a Sanctissimo Viro
„ Domino Angilberto Fratres curavimus, quibus hujus Of-
„ ficii curam nostra committere posset sagacitas. Ipse verò,
„ ut Vir doctissimus, multorum assatim illustrationem desi-
„ derans, & non sua, sed quæ sunt Jesu Christi per om-
„ nia quærens, concessit nobis Fratres, ex partibus Fran-
„ ciæ advenientes, quosque ob illuminationem suæ Ecclesiæ
„ insolubili sibi sociaverat vinculo, Leudgarium videlicet Ab-
„ batem,

„ batem , & Hildemarum Monachum , quatenus ita nobis
 „ præstarent adjutorium , quemadmodum illi nunc præstant ,
 „ & semper præstabunt , quorum vitâ atque doctrinâ plu-
 „ rimi hoc in Regno illustrati esse noscuntur &c. „ Vi-
 deat Ughellus , an excitati tam turpis diuturnique Schisma-
 tis reus accusandus sit Præsul iste , tot rebus sanctè gestis
 illustris , ac tot laudibus ab Antistite cœvo decoratus .

Maximum Angilberti elogium est , quod refertur ab
 Agnello , in *sua Episcoporum Ravennæ Historia* , & a Joan-
 ne Georgio Ecchart in *Commentariis Franciæ Orientalis* , vi-
 delicet excitatas fuisse inter Lotharium filium , & Ludovi-
 cum Pium , ejusdem Patrem , contentiones quasdam , non parvo
 Parentis dolore . Pœnituit demum turbaram , quas ipse con-
 flaverat , Lotharium : Quamobrem advocavit Angilbertum Me-
 diolanensem Archiepiscopum , ut pacem a Patre consequere-
 tur . Annuit ille æquam adeo rem petenti Lothario . Verùm
 cùm admissus ad colloquium ejusdem , solâ capitis inclina-
 tione & saluatoriis verbis usus fuisset in primo ingressu ,
 Lotharius subiratus ait : *Sic te geris , quasi Sanctus Ambrosius*
esses . At reposuit Angilbertus : *Nec ego sum Ambrosius , nec tu*
Dominus Deus ; profectusque ad Imperatorem Ludovicum , Fi-
 lium Patri reconciliavit .

Galefinius in Tabula Episcoporum Mediolanensium adno-
 tavit , Synodum Provinciale celebratam fuisse ab hoc Angil-
 berto , atque in ea confirmatam institutionem , a Ramperto
 Episcopo Brixienfi factam in eadem Urbe Cœnobii Sancto-
 rum Faustini & Jovite . Hujus Synodi nulla occurrit men-
 tio in Labbeo , neque in aliis nostris Historiis : Galefinius

tamen optimâ fide laudem hanc adscripsit Archiepiscopo Angilberto. Occasionem præbuit eandem convocandi ipsemet memoratus proximè Rampertus Brixienſis Antistes, immortalis apud Cives suos nominis. Cum enim expetiſſet, ut institutio Cœnobii apud Ecclesiam Sanctorum Martyrum Faustini & Jovitæ ab ipſo erecti, aliquo Metropolitanî sui Scripto roboraretur, satisfecit abundè ejusdem votis Angilbertus; atque ad majorem conciliandam prædictæ Institutioni auctoritatem, Synodum Provincialem coëgit Anno DCCCXLII. In qua omnium Suffraganeorum Patrum consensu Præceptum edidit, quod ad se transmissum ex Archivo illius Cœnobii Clariss. Muratorius inseruit Tomo V. *Antiquitat. Ital. Med. Ævi*, col. CMLXXXV. in hæc verba:

„ ✠ Angelbertus humilis beatæ Mediolanensis Ecclesiæ
 „ Antistes. Notum esse cupimus cunctis Christi Dei nostri
 „ cultoribus, quod Confrater atque Cœpiscopus noster Ram-
 „ bertus cum sporum Sacerdotum aliorumque fidelium con-
 „ sensu, in loco ubi Sanctorum Faustini & Jovitæ Marty-
 „ rum Corpora quiescunt, Monachorum ædificavit Cœno-
 „ bium. Super cujus perpetuo statu institutionem facere, ip-
 „ samque nobis, ut nostro roboraretur Præcepto, curavit
 „ offerre. Et quia officii nostri est, non extinguere bono-
 „ rum, sed magis magisque accendere studia, alacri devō-
 „ tione institutionem, quam jam prædictus Deo gratus Epi-
 „ scopus, nobis verò carissimus, ideo edidit, ut salva ma-
 „ neret intentio res suas Deo dicantium, & in Ecclesia
 „ nobili omnibus canonicis horis divinum perſolveretur offi-
 „ cium,

„ cium , & ut nullam quis pateretur tarditatem ad Domi-
 „ num convertendi : firmare ac roborare hoc nostræ aucto-
 „ ritatis Præcepto curavimus . Eo videlicet modo , ut nil
 „ amplius ab ipsa Congregatione quàm . Libra requiratur ar-
 „ genti . Liceatque ei absque superimpositione susceptum Deo
 „ persolvere vorum : habeantque nihilominus licentiam de-
 „ se ipsis semper Abbatem creandi . Et si umquam aliqua
 „ inquietudo eis illata fuerit , quidquid ab hac die ipsis da-
 „ tum fuerit , vel acquirere quolibet modo vel arte potue-
 „ rint , in ipsorum sit potestate , quatenus his liberè uten-
 „ do , & quem voluerint defensorem habendo , quietius Deo
 „ valeant militare . Ut igitur institutio Sancti Coëpiscopi no-
 „ stri prædicti Ramberti a nullo Successorum ejus possit ali-
 „ quo modo corrumpi , sed firma & inconcussa atque in-
 „ violata permaneat , per hoc nostræ auctoritatis Præceptum
 „ eam firmare curavimus , canonice proclamantes , ut si quis
 „ eam violare temptaverit , anathema sit .


„ Quod etiam Andream Ecclesiæ nostræ Notarium scribere
 „ jussimus , propriaque manu subscripsimus Anno Dominicæ
 „ Incarnationis DCCCXLII. Anno etiam Imperii Christianissimi
 „ Lotharii Imperatoris Vicefimo Tercio , Indictione quinta .

„ Angelbertus indignus Episcopus confirmans subscripsi .

„ Ego Aldigifus Episcopus consensu , & subscripsi .


„ **P** gratia Dei Hagamo Episcopus huic Sacre Sy-

„ nodali pragmatice manu mea subscripsi .

„  Pancoardus Episcopus subscripsi .

„ Ermenfredus Episcopus subscripsi .

„ Walfericus Episcopus subscripsi .

„  Ercanbertus Episcopus subscripsi .

„ Verendarius Curienſis Eccleſiæ Episcopus subscripsi .

Non minorem ſolicitudinem eâ quam oſtenderat in adjuvando Ramperto ad Monasticum inſtitutum Brixie condendum adhibuit Angilbertus , ut inducti a Prædeceſſore ſuo Petro in Ambroſianum Cœnobium Mediolanenſe Monachi Sancti Benedicti , ad omnes clauſtralis diſciplinæ leges compoſerentur . Deciderant non parum a primævo fervore qui ſua ætate Cœnobium illud incolebant Alumni Sancti illius Patriarchæ ; quamobrem animum adjecit emendandis eorundem irreligioſis moribus , quibus & Profeſſionis illorum ſplendor , & Divini cultûs integritas plurimùm imminuebantur . Ac primò accitum e Vincentiana Baſilica Gaudentium , Virum integerrimum , Abbatem illis præfecit Anno DCCCXXXII. , quemadmodum Puricellus jam adnotaverat in *Monum. Baſil. Ambroſ.* num. XLIV. , & nos ſuperiùs innuimus in *Oldeperti Vita* . Felicem tamen cum exitum , quem optaverat Angilbertus , minimè fortitum eſt ſalutare hoc conſilium ; quocirca , redeunte forſitan ad primam Sedem Gaudentio , Archipreſbyterum ſuum Metropolitanî Maximi Templi , illius Monaſterii Abbatem conſtituit Anno DCCCXL. , expeditâ Chartâ , quam Puricellus aut non vidit , aut conſultò omiſit .

fit. Sed eam publica luce donavit Clariss. Muratorius Tom. V. *Antiquit. Ital. Med. Ævi*, colum. CCCLXXVII., extractam e Tabulario ipso Cœnobii Ambrosiani, nosque eandem hoc loco recudimus, cum inde comperta omnibus redatur Pastoralis cura & fervens in Archiepiscopi nostri corde amor erga res sacras refarciendas, & Dei gloriam procurandam. Ita autem se habet:

„ ✠ Angilbertus beate Mediolanensis Ecclesie humilis Archiepiscopus. Noverit præsentium
 „ scilicet & futurorum, adeo nos Beati Ambrosii patronis
 „ nostri Cœnobium dili voluisse, ut etiam Archibresbiterum Ecclesie nostre ibi cum electione omnium
 „ ordinaremus Abbatem Et quia idem Abbas jam ordinatus nostram solertiam postulare curavit, ut per nostre
 „ auctoritatis quo Villas & Castella, que nunc habet, vel adepturus est idem locus cum omni integritate
 „ diminutione vel inquietudine eidem & Successoribus
 „ ejus possidere liceret ad Dei ob Dei & Beati
 „ Ambrosii amorem, per consensum Sacerdotum nostrorum,
 „ per hanc nostram aliquis Successorum nostrorum
 „ jam predicto Abbati aut Successoribus ejus ullam contrarietatem in rebus diminutionem. Concedimus etiam,
 „ ut post obitum ipsius Abbatis de ipsa Congregatione Pater
 „ eligatur, si idoneus ad hoc opus institutio melior
 „ habeatur subter eam propria manu firmare
 „ Andream Notarium Ecclesie nostre scribere jussimus.

„ An-

- „ Angelbertus indignus Episcopus in hoc Precepto subscripsi .
- „ Andreas Archidiaconus ex iussione Domni Angelberti Archiepiscopi in hoc precepto subscripsi .
- „ Adoaldus Diaconus in hoc precepto ex iussione Domni Angilberti subscripsi .
- „ Gunzius Diaconus in hoc precepto subscripsi .
- „ Pemo indignus Presbiter subscripsi .
- „ Angilbertus humilis Presbiter subscripsi .
- „ Hermenfredus humilis Diaconus subscripsi .
- „ Liuprandus Presbiter in hoc precepto subscripsi .
- „ Deutdedit humilis Presbiter subscripsi .
- „ Walpertus humilis Presbiter subscripsi .
- „ Cellus humilis Presbiter subscripsi .
- „ Ermenaldus indignus Presbiter subscripsi .
- „ Petrus Diaconus subscripsi .
- „ Adroaldus Presbiter subscripsi .

Interfuisse Angilbertum Concilio I. Romano , coacto a Leone IV. Summo Pontifice Anno DCCCLIII. constat ex *Charta Judicati*, quam refert Clariss. Muratorius Tom. VI. *Antiquit. Ital. Med. Aevi*, colum. CCCLXXXIX, cuique Angilbertus subscripsit tamquam unus ex Missis Ludovici II. Imperatoris .

Ughellus tradit , obtentam fuisse per Angilbertum Mediolanensi Ecclesie confirmationem a Ludovico Pio privilegiorum , quæ Carolus Magnus illi concesserat . Verùm cum plu-

plurimum nunc Diploma Caroli, quemadmodum in Petro Archiepiscopo animadvertimus, ruere videtur etiam hæc Confirmatio; præsertim quia Ludovici Diploma ab Ughello non profertur. Tradit quoque, extare Epistolam scriptam ab hoc Antistite ad Ludovicum Imperatorem, *de Statu rerum Ecclesiasticarum*; Hæc tamen, iubente ipso Ludovico, data est nomine totius Synodi Ticinensis, ut conscius fieret Imperator de moribus Episcoporum, Sacerdotum, Monachorum. &c., eamque referunt cum Ughello Labbeus & Sigonius, qui Rescriptum ejusdem Ludovici recitat in *Historia de Regno Italiae*, ad Annum DCCCLV.

Supereft exsolvendus nodus admodum implexus, quanto videlicet tempore Ecclesiam hanc administaverit Angilbertus; Galestinus namque sedisse illum tradit annis XXV., vitâ expletâ Idibus Decembris: Ughellus autem varias aliorum de hac re Scriptorum opiniones enumerat, suam minime enuncians, contentus diem designare, quo e vivis excessit, idest Idus Decembris Anni DCCCLXI. Nos cum Papebrochio statuimus annos XXXVI. acti regiminis, mortem figentes Anno DCCCLX.

Sepultus est in Basilica Sancti Nazarii.



T H A D O .



Post Angilbertum II. ad regendam Mediolanensem Ecclesiam assumptus est Thado Anno DCCCLXI., transactis undecim mensibus Sedis vacantis, cum juxta calculum Papebrochii consecratio ejusdem inciderit in diem IX. Novembris .

Hunc Ughellus scribit, *meliori mente consilioque* commissum sibi munus administrasse, itaut a Nicolao I. Summo Pontifice appellatus sit & habitus *Sanctissimus Frater*. Quamobrem nescimus, qua de causa tam cito recesserit a sententia in Angilbertum II. ab ipso lata, tamquam in Auctorem defectionis a Romana Sede, per ducentum annos in Ecclesia Mediolanensi vigentis. Sanè Nicolaus I. singulari benevolentia Thadonem prosequabatur: Cum enim Engeltrudes Bosonis Comitis Uxor, relicto proprio Viro, cum adultero in Gallias profecta esset, Summus Pontifex jussit, Mediolani Episcoporum Concilium colligi, ad quod vocata Engeltrudes, si certo tempore non adfuisset, ab eo sacro Collegio vinculis anathematis innodaretur; quemadmodum etiam peractum est, Nicolao Episcoporum sententiam confirmando. In Concilio quoque Romano III., celebrato Anno DCCCLXIII., Canone II. mentionem Thadonis agit idem Pontifex Maximus, ita exordiens: *Sententiam, quam a Sede Apostolica in Engeltrudem Uxorem Bosonis Sanctissimus Frater noster Mediolanensis Archiepiscopus Thado, & ceteri Cœpisco-*

pi nostri petierant emittendam, & nos Divino successi zelo sub anathematis obtestatione canonice protuleramus &c.

Extat in Decreto Gratiani (a) Rescriptum datum ab eodem Nicolao huic nostro Antistiti, quærenti quomodo se gerere deberet cum percutientibus aut etiam occidentibus Presbyteros prædonibus, qui a Judicibus minimè coërcentur: Atque in eo responder Summus Pontifex, fraterno amore illos admonendos secundò ac etiam tertio, ut resipiscant; sin autem contumaces fuerint, ab Ecclesia sub anathematis vinculo rescandos.

Tanta in hoc Præsule eluxit ingenii præstantia, ac rerum Divinarum eruditio, ut non alio quàm *Sapientis* agnomine appellaretur. Nec minori erga Deum pietate excelleret, quemadmodum testantur ornamenta quamplura, quæ largitus est Basilicæ Sancti Ambrosii, in reverentiam Corporis ibidem jacentis ejusdem sancti Mediolanensis Ecclesiæ Patroni, ut etiam adnotavit Ughellus. Diploma quoque expedit in favorem Monachorum, quod cum Ripamontius in *Histor. Eccles. Mediol.* suspectum saltem haberet, illudque acri aliquo scommate ad apocrypha amandasset, Ughellus pari stylo vindicandum suscepit. An verò hic pugnandi modus ab eruditis Viris laudem consequatur, prætereundum potius, quàm excutiendum censemus.

Demum Beroldus, Scriptor Seculi XII., editus a Clariss. Muratorio *Dissertat. LVII. Antiquit. Ital. Med. Ævi*, refert, Festum diem Exaltationis Sanctæ Crucis fuisse institutum Mediolani in Basilica Sancti Ambrosii, primo Sabbato

F

TO.

(a) *XVII. quæst. IV. De Presbyteror. flagellator.*

to Octobris, a Thadone Archiepiscopo nostro, assignatis etiam prædiis Abbati illius Cœnobii Ambrosiani, ut ex eorumdem fructibus dignè hæc Celebritas petageretur. Veretur Puricellus in *Dissertat. Nazarian.* Cap. LXXXII., num. II., ne Beroldus a similitudine nominis deceptus fuerit. Siquidem alter Thado Notarius, in Testamento a se condito, quod idem Puricellus recitat in *Monum. Bist. Ambros.* ad Annum Christi MLIII., num. CCLII., plura bona reliquit Monasterio Sancti Ambrosii, ut Exaltationis Sanctæ Crucis Festivitas, in aliis Ecclesiis jamdiu celebrata, peculiari veneratione in perpetuum quotannis Mediolani recoleretur; Rem autem in incerto relinquit, sententiam suam minimè proficiens.

Extra omnem dubitationem est quod narrat Clariss. Mabillonius, Vir memoriæ immortalis, in Opusculo *de Sanctis incognitis, & eorum cultu*, inter Opera posthuma ejusdem, edito Parisiis Anno MDCCXXIV., Tom. I. pag. 274. §. XXI.; siquidem post allata nonnulla ad rem suam spectantia; ista subjungit: „ Ex his illustrari potest Nicolai I. Epistola; „ nondum edita, ad Thadonem Archiepiscopum Mediolanensem. Hic Pontifici scripserat, in Diœcesi sua, idest in „ Augustana, quæ tunc sui juris erat Ecclesia, non esse „ Sanctorum Corpora, nisi Christi Martyris Afræ, matrisque „ ejus Hilarie, seu puellarum earum, scilicet Dignæ, Eunimie, & Eutropiæ: esse tamen plura, quæ specialibus indicis ac nominibus minimè clarescant: quorum nonnulla nimium integra manere feruntur; quæ quidem auctoritate Apostolica, præmissis jejuniis & orationibus, aliorum Sanctorum „ apta-

„ aptatis nominibus in Basilicis recondere in animo habebat ,
„ si modò ei per Pontificem liceret . Ast id non probavit
„ Nicolaus , immo fieri vehementer inibuit . Sufficere quip-
„ pe ait invocationem Sanctorum nominatorum , etiam ubi
„ Corpora defunt , Fidelibus ad salutem ; indignumque esse ,
„ nondum divinitus per gloriosos agenes Corporibus revelatis ,
„ Sanctorum imagines nominaque aptari . Quæ , licet fortè
„ Sanctorum sint , opera pretium est , tandiu in incerto sue
„ conditionis manere , quamdiu eos Dominus more solito reve-
„ lando , ad summam Sanctorum provexerit libertatem .

Non modicum Historiæ nostræ lumen affert supradicta Epistola , quam nescimus , an eruta postmodum e tenebris in publicam lucem prodierit . Primò enim discimus , saltem usque ad Thadonis ætatem Mediolanenses Antistites antiquam in utramque Rhetiam & Augustam Vindelicorum jurisdictionem factam testamque servasse , cum Thado Augustam appelleret *Dioecesi & Ecclesiam juris sui* . Subinde verò opportuna nobis offertur occasio arguendi , quanto animi fervore infudaverit Præsul noster , ut Dei ac Sanctorum cultum in hac Metropoli promoveret , cum tam sollicitus fuerit pro inferendis in Augustanas Basilicas Sanctorum Corporibus , nondum publicæ venerationi expositis , quorum paucis solummodo ditabatur ea Civitas .

Obiit Thado Anno DCCCLXIX . , VII. Calendas Junii , post octo annos incompletos regiminis ; sepultus in Ecclesia Sancti Ambrosii .

ANSPERTUS.



Hadone e vivis sublato, Anspertus promotus est ad Cathedram Ecclesiæ Mediolanensis Anno DCCCLXIX., non verò DCCCLXXV., ut malè Sigonius tradit. Etiam huic Præfuli injustam perfidiæ notam contra Romanam Sedem appingit Ughellus asperis hisce verbis: *Hæ Pustula* (Angilberti II.) *secutus exemplum, cum Apostolica Romana Sede ubique & semper implicitus litibus superbissimè decertavit; tum denique pertinax ac rebellis, a Joanne VIII. excommunicatus, Archiepiscopali Dignitate privatus est in Synodo* (Romæ habitâ) *Idibus Octobris Anno DCCCLXXIX.* Ad arguendum enim falsi hoc decretorium essatum *ubique & semper*, sufficit Concilium Ticinense, ab Ansperto coactum Anno DCCCLXXVI., ut Carolus Calvus in Regem Italiæ inauguraretur, in quo primus Canon sic jacet: „ Ut Sancta Romana Ecclesia, sicut est Caput omnium „ Ecclesiarum, ita ab omnibus honoretur & veneretur; ne „ que quisquam contra jus & potestatem ipsius aliquid inju- „ stè agere præsumat: Sed liceat ei debitum tenere viga- „ rem, & pro universali Ecclesia Pastoralem exhibere cu- „ ram, atque sacris precibus omnium pro omnibus interpel- „ late Auctorem „ . Postmodum ad statuendum descendit, quis honor debeat Pontifici Maximo, tunc sedenti in Apostolica Cathedra, his verbis: „ Ut honor Domino spirituali „ Patri nostro Joanni Summo Pontifici & universali Papæ „ ab

„ ab omnibus conservetur, & quæ secundum sacrum ministerium suum auctoritate Apostolica decreverit, cum summa veneratione ab omnibus suscipiantur, & debita illi obedientia in omnibus conservetur „ Editum citi hoc Concilium integrum ex MS.to Codice Bibliothecæ Ambrosianæ in Parte II. Tom. II. *Rerum Italicarum*. Quid clarius ad eluendam turpem maculam, quæ Ansperti famam denigrat Ughellus, asserens numquam interruptis litibus servatam ab ipso fuisse contra Romanam Ecclesiam superbæ pervicaciam? Fatemur quidem, restitisse Anspertum contumaci inobedientiæ repetitis mandatis Summi Pontificis Joannis VIII.; verum culpa hæc fuit solummodo Archiepiscopi, cujus ream non fuit Ecclesia Mediolanensis, de qua commentitium Schisma ducentum annorum decantatur; ut patet ex Epistola ad Clerum Mediolanensem missa, qua illi injungebat Joannes VIII. Pontifex Maximus, ut alium eligeret in Episcopum, post depositum ab hac Sede in Synodo Romanæ Anspertum, seque missurum spondebat Legatos, qui nomine suo novæ Electioni interessent.

Præterea dubium esse non potest, respicuisse Anspertum, ac præstitisse Joanni satisfactionem pro contemptu præterito; restitutum fuisse Archiepiscopali suæ Dignitati; legitur namque in Labbeo Epistola ejusdem Joannis VIII.; sub num. CCLX.; in qua Pontifex confirmat Josephi Episcopi Aletensis Ordinationem, qui alias contra Canones Vercellensis Ecclesiæ fuerat Antistes constitutus; de qua re Anspertus Mediolanensis Archiepiscopus Sedem Apostolicam consuluerat: In decursu autem Epistolæ hæc leguntur: *Ideo his omnia de prælibati*

scripsi

seph iterata creatione Sanctitas Tur in nullo penitus hestitet, quia hanc & nos approbatam admittimus, & ab omnibus admittendam esse mandamus. Data est XV. Calendas Martii, Indictione XIV., ideit Anno DCCCLXXXI., vix elapsis anno & quatuor mensibus a Pontificia & Synodali Depositionis Ansperti sententiâ. Quinimo in altera ejusdem anni Joannes Summus Pontifex, sub poena excommunicationis præcipit Anselmo Archidiacono Mediolanensi, ut *Ansperto Sanctæ Mediolanensis Ecclesiæ Reverendissimo Archiepiscopo* obedientiam præstet. Gerebat igitur Archiepiscopale munus Anspertus: proinde verò percussus exauthorationis fulmine colulum subjecerat obsequio & venerationi Sanctæ Sedis, summaque Joannis beneficentiâ hujus Metropolis Insulâ donatus iterum fuerat:

Coronâ Regiâ redimitum ab Ansperto fuisse Carolum Calvum in Urbe Ticinensi Anno DCCCLXXVI., & Carolum Crassum Anno DCCCLXXX. referunt Ughellus & Galestinus. Id tamen miramur, minimè adnotatum fuisse a coævis Scriptoribus, a quibus electio horum Principum ad Regnum Italicum, peracta ab Archiepiscopo nostro Ansperto & Optimatibus Italiz, disertis verbis exprimitur, quin aliquid de Coronatione innuat. Extat in Parte II. Tom. II. *Rerum Italicar.* Concilium ipsum Ticinense, auctum ex MS.to Codice Bibliothecæ Ambrosianæ, quod protus silet de hac Caroli Calvi inauguratione. Idem silentium de Corona Regni Italici, Carolo Crasso imposita ab Ansperto, in veteribus Historiis occutrit; sique hoc etiam contigisset, non Anno DCCCLXXX.tribuendum esset, sed præcedenti, quemadmodum

dum in Adnotationibus ad Sigonium *de Regno Italiae* compertum fecimus ad eundem Annum DCCCLXXX.

Ceterum eximiae virtutes florere in nostro hoc Antistite, quas nisi Pontificiarum iussuum pertinaci contemptu plurimum defecidisset, Praedecessorum gloriam non tam aequare, sed etiam vincere potuisset; Siquidem cum annonae caritas omnem Italiam, & Mediolanensem in primis populum rabida fame torqueret, simulque foederata egestati lues Nobilium & Plebejorum vitas inexorabili falce demeteret, benignissimus Pastor, Gregis sui miseratione tactus, non tam horrea & aërium aperuisse narratur ad sublevandam communem inopiam; sed etiam seipsum in morientium solamen tradidisse, Sacramenta & cibum propria manu illis subministrando. Religionem quoque summam erga Deum in semetipso vigentem ostendit, plures reficiendo Sacras Aedes, ac condendo a fundamentis Ecclesiam, Sancto Satyro dicatam, simul cum Monachorum Coenobio, quibus praedia sua & census ultimis Tabulis reliquit, ut ex Sepulchrali Epigrammate inferius apponendo colligimus.

Praeclarum aliud testimonium eximiae in ejus corde ferventis caritatis erga Deum & proximum, est Xenodochium, quod extrui prope memoratam Sancti Satyri Ecclesiam postremis Tabulis mandavit. Eas Anno DCCCLXXIX: conditas, sed nondum editas, luce donavit Clariss. Muratorius in: Tom. IV. *Antiquit. Ital. Med. Aevi*. pag. DCCLXXIII., quarum initium nos transcribimus, in piissimi hujus Archiepiscopi gloriosam ac perennem memoriam.

„ In nomine Domini Dei , & Salvatoris nostri Jesu
 „ Christi . Karlomannus Divina providentia ordinante Rex Lon-
 „ gobardorum in Italia , Anno Regni ejus secundo , X die
 „ mensis Septembris , ingrediente Indictione Tertiadecima :
 „ Ego in Dei Omnipotentis nomine Anspertus humilis Archie-
 „ piscopus Sanctæ Mediolanensis Ecclesiæ , & filius bone me-
 „ morie Albucii de Blaffono qui vixit Lege Longobardorum ,
 „ (præfens) præsentibus dixi . Sacerdotalis Dignitas convenit ,
 „ ut ad exemplum aliorum suis rebus procurer pro remedio
 „ anime sue , quatenus dum suis rebus bene disponens apud
 „ omnipotentem Dominum mereatur inde retributionem pro-
 „ mereri . Et ideo ego qui supra Anspertus Archiepiscopus
 „ per hanc paginam ordinationis meæ disponere & ordinare
 „ videor omnia pro animæ mee remedio , seu suprascripti
 „ Albucii genitoris mei , & Garidrude genetricis mee , ac
 „ fratris mei Benedicti , & filii ejus Albucii , seu reliquorum
 „ parentum meorum , ut inordinata non relinquam . Primis
 „ omnium volo & statuo , atque per hunc textum judicati
 „ mei confirmo pro amore Dei & Domini nostri Jesu Chri-
 „ sti , ut casas illas tam solariatas , quàm & Salas intra
 „ hanc Civitatem Mediolani , que fuit domus habitationis
 „ mee , ubi ego in propria clausura mea in honorem Dei
 „ & Sanctorum Christi Confessorum Satyri , & Silvestri Pape,
 „ & Beati Ambrosii Episcopi Basilicam a fundamentis edificavi ,
 „ & illas Casas tam solariatas , quàm & Salas , que mihi ex
 „ commutatione advenerant da parte Monasterii Sancti Silve-
 „ stri , situm Nonantula , que secum ad easdem Casas , que
 „ fuit domus habitationis mee , tenere videntur cum areas , cur-

tes

tes, hortos, puteos, claufuras, ac pristina (pistina) omnia
una tenentem cum omnibus edificiis inibi constructis, cum
finibus & accessionibus suis in integrum, sit *Senodochium*,
presenti die obitus mei in elemosinis pauperum, & su-
scensione peregrinorum, eo ordine, sicut hic subter sta-
tuerō. Ex volo, ut habeat ipsum *Senodochium* *meum*,
ut ibi debeat pertinere jam dicta Basilica a me inibi con-
structa, cum omnibus quidquid a me, vel a quacunque
persona collatum fuerit &c.

Reliqua ad dotem assignatam spectantia omittimus, cum
legi facillè possint, loco superius indicato.

Non defuit Ansperto animi fortitudo in propugnandis
Metropolitanae suae Ecclesiae juribus. Cum enim Ludovicus II.
Imperator pridie Idus Augusti in finibus Brixiensibus vitā
cessisset, Antonius illius Urbis Episcopus Caesarem cadaver
in Ecclesia Sanctae Mariae tumulo dederat. Rescivisse hoc An-
spertus, & per Legatum suum Archidiaconum monuit Anto-
nium, ut Corpus illud redderet, ad hanc Metropolim de-
ferendum, Sed irritō conatu; refragante Episcopo Brixiensi.
Quapropter Mediolanensis Archiepiscopus mandavit Garibaldo
Bergomensis, & Benedicto Cremonensis Episcopis, ut cum
suis Sacerdotibus & cuncto Clero irent, si ut ipse Archiepi-
scopus faciebat. Paruere illico memorati Antistites, & exhu-
matum Cadaver mirifice condientes, die quinto post transi-
tum Ludovici feretro impositum cum omni honore, hymnos
Deo psalentes Mediolanum perduxerunt. Narrat hæc An-
dreas Agnellus, cujus brevem *Coronacionem* luce donavit Clariss.
Menckenius; Nec de rei veritate dubitare possumus, cum

ipse Auctor hæc subdat: *Veritatem in Christo loquor; ibi fui, & partem aliquam portavi, & cum portantibus ambulavi a Flumine, qui dicitur Oleo, usque ad Flumen Adna. Pergit inde referre iter peractum, subiungens: Adactus igitur in Civitatem cum magno honore & lacrymabili fletu, in Ecclesia Beati Ambrosii Confessoris sepelirunt, die septimana ejus. Æqui etiam iustique tenacissimus fuit Anspertus; cum enim ad ejus Tribunal delata fuisset Causa Heliberti Comensis Episcopi, qui jurisdictionem injustè exercuerat in quibusdam Ecclesiis Campillonæ & Travennæ, subjectis Monasterio Sancti Ambrosii Mediolanensis, sententiam protulit contra memoratum Episcopum, cujus exemplar intulit Clariss. Muratorius in Tomum V. *Antiquit. Ital. Med. Ævi*, pag. CMLXXXVII. Opportuna nostro Instituto est genuina hæc *Charta Judicati*; ex ea namque compertum sit, Comensem Ecclesiam IX. etiam sæculo suffraganeam fuisse Mediolanensis Archiepiscopi, cum jure proprio Metropolitico li-tem hanc prolatâ sententiâ diremerit Anspertus.*

Mediolanensis quoque Urbis elegantiam auxit & munita Antistes hic noster, relictis mœnibus, & Domo Stiliconis, quam Puricellus opinatur fuisse illam ab Avis Castillonæ Familiæ ad posteros suos transmissam; quemadmodum etiam Castrum, olim dictum Stiliconis, nunc *Castellionum* appellatum. De hisce omnibus fidem facit etiam in præsentia publicè expositus Lapis in Majore Sacello Basilicæ Ambrosianæ, qui insculptum gerit metricum Epitaphium, quod infra ex Puricello & Ughello dabimus. Tristanus Calchus, brevi sed succoso Elogio Anspertum commendavit ad

ad Annum DCCCLXXXIV. his verbis: *Præficitur Ecclesia Mediolanensis Anspertus, generosi animi Vir, & qui Sacra-
pariser & Rempublicam cum laude administravit*. Hinc pa-
tet, Cives hujus Metropolis tunc sese in Reipublicæ spe-
ciem composuisse, cujus Caput Archiepiscopus erat.

Obiisse Anspertum Anno DCCCLXXXII. concordēs cum
antiquis Catalogis recentiores tradunt Scriptores, excepto Si-
gonko, qui illius obitum quinquennio post signat. Attamen
ne hanc amplectamur sententiam, duo faciunt non levis
momenti. Primum est, recitari a Labbeo Epistolam Joan-
nis VIII. Summi Pontificis, sub num. CCXCIX., scriptam
ad Anselmum Mediolanensem Archiepiscopum, & datam men-
se Augusti, Indictione XV., idest Anno DCCCLXXXII.;
Cumque Anspertus dicatur vitā cessisse VII. Idus Decembris,
in annum superiorem mors illius est retrahenda, Successore
eiusdem ab Augusti saltem mense Mediolanensem Ecclesiam
administrante. Alterum est, defunctum tradi Anspertum In-
dictione XV., quæ jam incoeperat a Septembri mense Anni
DCCCLXXXI.; anno autem sequente, Decembri mense de-
currebat Indictio Prima. Validius robur firmandæ huic Epo-
chæ nobis suppeditat Diploma ab Anselmo Archiepiscopo Suc-
cessore expeditum Anno DCCCXCIII., & a Puricello atque
Ughello, ubi de Anselmo loquuntur, recitatum, in quo ipse-
met testatur, se tunc agere annum XI. Pontificatus sui.
Quomodo autem ineunti calculum constare posset numerus iste
annorum, nisi mortuus sub finem Anni DCCCLXXXI. An-
spertus, locum fecisset electioni in Archiepiscopum Anselmi,
mense Martio sequente? Demum annus ipse mortis Ansel-
mi,

mi, quæ, ut mox videbimus, contigit Anno DCCGXCVI. sententiæ nostræ optime suffragatur. Cum enim Ecclesiæ nostræ præfuerit hic Antistes per annos XIV., menses VI., & aliquos dies, ut concordēs tradunt antiqui Catalogi, procul dubio Sedis-initium peti debet ab Anno DCCCLXXXII. atque ideo Ansperti obitus ad Decembrem anni præcedentis est transferendus.

Quæ hucusque retulimus, manifestum reddunt tempus regiminis, actum in Sede Mediolanensi ab Ansperto, nempe annos XIII. incompletos, ab Anno videlicet DCCCLXIX., ad Decembrem Anni DCCCLXXXI.

Ejus Corpus jacet in Basilica Ambrosiana, adjectâ Sepulchrali Inscriptione in hunc modum.

HIC JACET ANSPERTUS NOSTRÆ CLARISSIMUS URBIS

ANTISTES VITA, VOCE, PUDORE, FIDE.

ÆQUI SECTATOR, TURBÆ PRÆLARGUS EGENÆ,

EFFECTOR VOTI, PROPOSITIQUE TENAX.

MOENIA SOLICITUS COMMISSÆ REDDIDIT URBIS

DIRUTA: RESTITUIT DE STILIGONE DOMUM.

QUOT SACRAS ÆDES QUANTO SUDORE REFECIT,

ATRIA, VICINAS STRUXIT ET ANTE FORES:

TUM SANCTO SATYRO TEMPLUMQ; DOMUMQ; DICAVIT,

DANS SUA SACRATO PRÆDIA CUNCTA LOCO.

UT MONACHOS PASCANT ÆTERNIS OCTO DIEBUS;

AMBROSIUM PRO SE QUI SATYRUMQUE ROGENT.

Obiit Anno Incarnationis Domini octingentesimo-

octogesimo secundo, septimo Idus Decem-

bris, Indictione Decimaquinta. Rexit

Episcopatum suum annis tredecim,

mensibus quinque, diebus

duodecim.

PRÆSULIS ANDREAS PRÆFATI CAPTUS AMORE;

HOC LÆVITA SIBI CONDECORAVIT OPUS.

ANSELMUS II.



Post Anspertum defunctum Anselmus II. renunciatus est Mediolanensis Archiepiscopus Anno DCCCLXXXII., mense Martio, quemadmodum satis superque comprobatur existimamus:

Præstantissimus hic Præsul incidit in ea tempora, quibus concussa bellicis tumultibus Italia, a suismet Principibus miserrimè lacerabatur: Mortuo namque Carolo Crasso Anno DCCCLXXXVIII., unusquisque ex illis vacuum Regnum Italicum sibi arrogare foedissimo studio connitebatur. Duo præsertim arma expedire, ut voti compotes fierent. Primò Berengarius Dux Forojulienſis velox fuit ad capeſſendam dominationem Papæ, Veronâ illuc se conferens, ubi eodem anno Regiam Coronam recepit ab Anselmo: Wido autem Dux Spoletanus copias paravit, ut Berengarium e Sede exturbaret. Itaque commissis hinc inde præliis, quorum fortuna describitur in nostris Adnotationibus ad Sigonium *de Regno Italiae*, tandem Wido Papiam intrauit, atque illico Synodum ibidem coëgit, ut ab Optinatis Italiæ & Episcopis vel eligeretur, vel confirmaretur in Regem. Extat memoratum Concilium impressum Tomo II. *Rerum Italicar.*, & descriptum e MS.to Codice Bôbiensis Cœnobii, in quo valde verisimile est, coronatum fuisse etiam Widonem, quamvis nullum de hac inauguratione verbum in illo legitur. De Berengarii Coronatione testis est Anonymus Auctor *Carminis*

pane-

panegyrici, de *Laudibus Brengarii*, ab Hadriano Valesio commentariis illustrati; Atque hæc prima est Coronatio, cujus veritas Coævorum testimonio firmetur; cùm reliqui veterum temporum Scriptores nullam Italicæ Coronæ mentionem fecerint, Romanæ autem omnes. An verò prima hæc fuerit institutio, definire minimè andemus; sicuti quoque abstinuimus a proferenda hujusmodi sententia in Notis ad Sigonium, loco supradicto, idest Libro VI.

Si standum esset opinioni eorum, qui defunctum Anspertum Anno DCCCLXXXII., & electum Anselmum anno sequenti tradiderunt, emendandi essent Galestinus in *Tabula Archiepiscoporum Mediolani*, & Ughellus in *Italia Sacra*, qui promotum ad Ambrosianam Sedem sub Joanne VIII. Pontifice Maximo Anselmum affirmant; cùm memoratus Joannes jam ante electionem hujus nostri Antistitis migravisset ad Dominum, defunctus Anno DCCCLXXXII., die XV. Decembris. Verùm cùm nos ostenderimus validis (ut putamus) documentis superius allatis, tum Anspertum obiisse Anno DCCCLXXXI., tum Anselmum anno succedente adiisse Mediolanensem Sedem, verè Joannes Pontifex sedebat in Apostolica Cathedra, tunc quando Anselmus renunciatus est Archiepiscopus.

Id procul dubio censuram meretur, quod Galestinus asserit, nempe Anselmum creatum fuisse Archiepiscopum ab eodem Joanne, cùm e Gallia Romam rediret. Siquidem illuc profectus est Anno DCCCLXXVIII., verùm eodem ipso anno Italiam repetiit, post celebratum Trecentis Concilium, ut Pagijs pluribus allatis testimoniis crudite confirmat. Baronius quidem scribit, Joannem meditarum fuisse alterum in Gallias iter;

iter; certè tamen votum hoc non implevit, morte præventus, ut ipsemet fatetur. Non potuit igitur eligi Anselmus in reditu e Galliis Summi Pontificis.

Statim, ac Anselmus Archiepiscopale Solum conscendit, Joannem Summum Pontificem per Literas rogavit, ut Privilegia Ecclesiæ Mediolanensis confirmare dignaretur. Annuit benignè Pontifex Maximus, simulque hortatus est per Epistolam datam mense Augusto, Indictione XV., idest Anno DCCC LXXXII., ut obedientiam & obsequium præstaret Romanæ Sedi, caveretque (fortasse ob contumaciam Decessoris sui Ansperti) ne reluctaretur præceptis illius Ecclesiæ, quæ Caput est omnium, & pro omnibus Deum exorat. Demum narravit dolorem a seipso conceptum ob barbaras, Saracenorum, deprædationes, & crudelia Chistifidelium quorundam facinora, subjungens, recentissimè hominem Widonis Spoletani, nomine Langobardum, cum octoginta tres viros Pontificiæ ditionis cepisset, omnibus manus amputasse tantâ feritate, ut plerique interierint: quæmobrem tot inagruentibus malis, openi, esse a Deo implorandam.

Munificus etiam fuit Anselmus erga Coenobium Ambrosianum, elargiendo Monachis quendam portionem agrorum, iis adjacentium. Item concedendo, ut mortuo Abbate Successorem eligerent e sinu Congregationis propriæ, atque ita quietius inservirent Deo, & Sanctis Patronis nostris Ambrosio, Protasio, & Gervasio. Datum est, hoc Diploma Anno XI. Pontificatus Anselmi, nempe Anno DCCCXCIII.

De anno mortis Anselmi, recentioris ævi Scriptores consentiunt, asserentes, eam contigisse Anno DCCCXCVII. Re-

pugnat

pugnat tamen *Placitum* pergamenum, quod asservatur in Tabulario Monachorum Sancti Ambrosii Mediolani, habitum in *Laubia Domus Sanctæ Mediolanensis Ecclesiæ*, Anno Imperii Lamberti quinto, mense Octobris, Indictione XV., atque idæo Anno DCCCXCVI., in quo residebat unâ cum Amadeo Comite Palatii, & aliis Judicibus Landolphus Archiepiscopus Mediolani. Institutus igitur fuerat Anselmi Successor mense Octobri, anni præcedentis; propterea emendandus est etiam Papebrochius in *Exegesi*, qui Anselmum tradit obiisse Anno DCCCXCVII. Tempus etiam Sedis administratæ ab hoc Antistite, Epochæ a nobis statutz plurimum faver; Cum enim antiqui Catalogi annos XIV., menses VI., & dies XXII. eidem assignent, spatium istud ab electione ad obitum adamussim impletur, nempe a die VI. mensis Martii, Anni DCCCLXXXII., ad XXVII. Septembris, Anni DCCCXCVI. Contra verò qui Anselmum defunctum Anno DCCCXCVII. asserunt, protendere ejus regimen anno uno debuerit, ut locum facerent memorato numero annorum, mensium, & dierum; certum namque est, ut superius ostendimus, Anselmum conscendisse Solium Archiepiscopale Anno DCCCLXXXII.

Sepultus est in Basilica Ambrosiana, ante Sacellum Sanctæ Marcellinæ (non Sancti Marcellini ut Ughellus scribit), Puricello teste in *Monument. ejusdem Basilicæ*, num. CXLI.

LANDULPHUS I.



Nelmo II. substitutus est in Archiepiscopali munere Landulphus; Anno DCCCXCVI., Octobri saltem mense ineunte, quemadmodum ex superius allatis manifestum fecimus.

Ughellus Landulphi electionem differt ad Annum DCCCXCVIII., subjungens etiam Pontificem Maximum, qui tunc sedebat Stephanum VII. Verum admodum fallitur, tum quia Stephanum illum, qui circa hæc tempora Romanam regebat Ecclesiam, Pagius evincit, fuisse Stephanum VI.; tum quia hic postremus Pontifex jam ante Octobrem anni præcedentis Pontificia Sede dimotus fuerat, eodem Pagio teste ad Annum DCCCXCVII. Pejori errore labitur Galefinius, Landulphum electum in Archiepiscopum tradens sub Benedicto IV., qui nonnisi Anno CM. Pontificia Dignitate ornatus est.

Quid præclari egerit triennio sui regiminis hic Præsul, Majores nostri ad nos minimè transmissere, nec ullum ex vetustis Documentis hætenus vestigium emerit. Unicum, quod antiquæ Chartæ nobis exhibent indicium prudentiæ, aliarumque virtutum hujus nostri Archiepiscopi, est, deletum eum fuisse a Consiliis Berengarii I. Italiæ Regis; id enim constat ex ejusdem Diplomate, publici juris facto a Celebrissimo Muratorio Tom. II. *Antiquit. Ital. Med. Ævi*; colum. CLVI., quod ita exorditur: „ In Nomine Domini „ Nostri Jesu Christi, Dei æterni, Berengarius divina faventi-

„ te

„ te clementia Rex &c. Omnium fidelium Sanctæ Dei Ec-
 „ clesie, nostrorumque, præsentium scilicet, & futurorum,
 „ noverit industria quia Vir venerabilis Leopardus Abbas ex
 „ Cœnobio Nonantulensi per *Landulfum reverentissimum Ar-*
 „ *chipræsulem*, necnon & Adelardum venerabilem Episcopum,
 „ *dilectissimos Consiliarios nostros*, imploratus est nostram ma-
 „ giscentiam, quatenus pro amore Dei omnipotentis, no-
 „ stræque mercedis intuitu omnia Privilegia Pontificum Ro-
 „ manorum &c. nostra auctoritate vel liberalitate firmaremus
 „ &c. „ Data est hæc Charta Confirmationis *XIV. Calendas*
Septembris. Anno Incarnationis Domini DCCCXCIX., Domini
Berengarii gloriosissimi Regis XII., Indictione II.

Aliquid etiam ex Epitaphio, quod infra dabimus, col-
 ligere possumus; fuisse videlicet Sæctatorens pacis turbulentis
 iis temporibus, & in contentiosa æmulatione Regum Italiæ,
 qui se invicem lacerabant; si uti etiam tutasse intrepidè
 Gregem suum ab incurrentium luporum voracitate.

Obiit Anno DCCCXCIX., quemadmodum ex Placito An-
 dreæ ejus Successoris certò dignoscimus. Asservatur enim in
 Tabulario Cœnobii Sancti Ambrosii Mediolani Charta auto-
 grapha, in qua Andreas memoratus, *Imperialis Missus* testa-
 tur, se tunc agere annum VI. sui Pontificatus. Actum est
 autem hoc Placitum *in Loco Bianco, Anno Imperii Domni*
Ludovici Imperatoris quinto, mense Julio, Indictione VIII.,
 idest Anno CMV. Itaque si Andreas numerabat eo anno
 sextum sui regiminis, necesse est, electionem ejusdem con-
 tigisse post mensem Julium Anni DCCCXCIX., atque ideo
 e vivis ereptum eodem anno fuisse Landulphum illius Decef-

forem. In hoc quoque erravere Puricellus in *Dissertat. Nazarian.* Cap. LXXXIII. num. IV., & Papebrochius in *Exegesi*, qui defunctum Anno CM. Landulphum tradiderunt, ex ejusdem Epitaphio mox referendo, non advertentes, Indictionem tertiam ibidem signatam mense Novembri, ad Annum DCCCXCIX. pertinere.

Quamdiu Ecclesiam Mediolanensem rexit Landulphus, si Ughellum audiamus, *duos omnino annos* resedisse ipse testatur, Attamen non hoc tradunt antiqui Catalogi, qui ultra duos annos, decem menses & vigintiduos dies Sedis eidem adscribunt.

Sepultus est in Basilica Sancti Ambrosii, ante Altare Sanctæ Marcellinæ, eique apposita est sepulchralis Inscriptio, quam Editores Veneti in postrema impressione addiderunt Ughello, & jam Puricellus in *Dissertatione Nazariana*, loco proximè laudato, num. IV. retulerat in hunc modum:

HIC SACRUM TEGITUR LANDULPHI CORPUS HUMATUM,
PRÆSUL IN HAC ANNIS QUI FUIT URBE TRIBUS.

UNICA SUBJECTIS QUAMQUAM JACTURA FUISSET,
MORTE SUA REGNO PUBLICA DAMNA TULIT.

PACIS ENIM SECTATOR ERAT, FAUCESQUE REPRESSIT
PROTINUS A GREGIBUS IMPROBA PRÆDA SUIS.

SED QUIA MORTALIS NEMO SINE SORDE QUIESCIT,
DA VENIAM FAMULO, DA, PATER ALME, TUO.

OBIIIT ANNO INCARNATIONIS DOMINI NONGENTESIMO,
QUARTO NONAS NOVEMBRIS, INDICTIONE TERTIA:

AN.

ANDREAS.



Defuncto Landulpho electus est in Archiepiscopum Andreas Anno DCCCXCLX., ut superius vidimus, Pridie Calendas Decembris, quemadmodum etiam Papebrochius confirmat, quamvis fallatur uno anno, cum afferens in Sede Mediolanensi collocatum Anno CM., quem in errorem etiam Ughellus impegit.

Lapsus est Galefius, cum ait, Leonem V. sedisse in Cathedra Apostolica tunc quando Pontifex renunciatus est Andreas; siquidem Leo V. nonnisi Anno CMIII., mense Septembri Pontificatum inivit, & intra bimestre decessit.

Etiam de hoc nostro Præsule muta est omnis Historia; nihilominus aliqua offendimus in Archivis, quorum ope ejusdem Vitam illustrare valeamus. Una est Charta Placiti, de qua disseruimus in Landulpho, & certiores facti sumus suæ Electionis, peractæ anno a nobis statuto: *Data est ea in Loco Belano*, qui olim juris erat Ecclesiæ Mediolanensis, & postremis tantum hisce Seculis in alienam ditionem translatus fuit.

Præterea administrante Mediolanensem Ecclesiam Andrea, excitata dissensio fuerat inter Gaidalphum Abbatem Monasterii Sancti Ambrosii, & quosdam Colonos Curtis Lemontæ, qui antiquam libertatem Majorum suorum venditabant, seque ideo Servos Monasterii esse constanter denegabant. Commissa est hac Causa a Ludovico III. Imperatore Andream Archiepiscopo-

piscopo, & Ragifredo Judici, Missis suis. Itaque Archipræsul noster diligenti testium habito examine, Partiumque altercantium auditis rationum momentis, iudicium protulit in Gaidulphi Abbatis favorem. Refert Chartam hujus Placiti, habiti in Vico Belani, Anno CMV. Clariss. Muratorius in *Antiquitat. Ital. Med. Ævi* Tom. I. colum. DCCLXXIII. Revixit lis ista sub Attone Archiepiscopo, Andreae Successore, ut videbimus. Alteram Chartam subjungit idem Muratorius Placiti, in memorato Loco, ab eodem Andrea Archiepiscopo, auctoritate ac jure suo indicti, sed alia de Causa. Conquerebantur Servi Monasterii Mediolanensis Sancti Ambrosii, in Curte Lemonta de gravibus nonnullis oneribus, contra antiquam consuetudinem iisdem ab Abbate Gaidulpho impositis. Actum est ibidem, nempe in Vico Belani iudicium; cùmque constaret de injustis gravaminibus, Sententia in favorem Servorum prolata est ab Andrea, præcepto Monachis imposito, ne in perpetuum præsumerent similia attentare. Chartas istas minimè producimus, cùm uberiori Ecclesiastica eruditione vacare sint.

Illustris Archiepiscopi hujus Documentum, est Diploma, quod ad ejusdem preces expedivit Berengarius I. Italiz Rex, & refertur a laudato Muratorio Tom. V. *Antiquit. Ital. Med. Ævi*, colum. DCIII., in hæc verba: „ In nomine „ Domini nostri Jesu Christi, Dei æterni. Berengarius Di- „ vina favente clementia Rex &c. Omnium præsentium & „ futurorum noverit industria, qualiter Andreas venerabilis „ Archiepiscopus Sanctæ Mediolanensis Ecclesiæ, noster fidelis- „ simus, obtutibus nostræ Majestatis optulit, præceptum nostræ „ pie-

„ pietate collatum in Richisindam Abbatissam Monasterii ,
„ quod dicitur Theodote , situm infra Urbem Ticinensem ,
„ suppliciter postulans , ut eodem tenore in Rixindam ejus-
„ dem Neptem , quæ nunc est in eodem Cenobio Abba-
„ tissa , similiter nostrum emitteremus preceptum . Cujus
„ precibus nostre Celsitudinis animum inelinantes , hoc im-
„ munitatis nostre preceptum conscribi jussimus , per quod
„ omnino precipientes jubemus ; ut eadem Abbatissa degens
„ sub Regula Sancti Benedicti , id Monasterium &c. possideat
„ &c. Data est hæc Charta confirmationis V. Idus Martii ,
„ Anno Incarnationis Domini DCCCXCIX , Regni Domini
„ Berengarii gloriosissimi Regis XIII. Indictione III.

Mirari forsitan Lector aliquis eruditus poterit , quod in hac Charta numeretur XIII. Regni Berengarii annus , cum sub eodem Anno DCCCXCIX. in præcedenti Charta , quam innuimus , duodecimus tantum designetur . Difficultatem hanc animadvertit etiam Muratorius , sed eam minimè dissolvit , provocans ad Dissertationem XXXIV. *de Diplomatis* , quam inseruit Tomo III. *Antiquit. Ital. Med. Ævi* ; atque ideo nos etiam eximit ab onere illam hoc loco diligentibus enodandi .

Editores Ughelli in Veneta Urbe , retulere in Additamenti Epitaphium , quod Antistes noster posuisse dicitur tumulo cujusdam Morandini , qui ab ejus Secretis fuerat , & summopere ab ipso diligebatur . Sed cum tantum non sit hæc memoria , nec aliquid peculiaris laudis nostro huic Archiepiscopo inde accrescat , ab illo recudendo abstinemus .

Obiit Anno CMVI. Prædie Calendas Martii , non verò Anno CMVII. , ut tradidit Papebrochius , qui ob inopiam

Do-

Documentorum , electioni & morti præcedentium Episcoporum annum unum superaddidit . Puricellus in *Momum. Basil. Ambros.* num. CLIII. nobiscum sentit , asserens , a se inspectos fuisse tres Catalogos Mediolanensium Antistitum , qui eundem hunc annum morti hujus Archipræsulis statuunt .

Sepultus est Andreas in Basilica Sancti Ambrosii , prope suos Prædecessores .



A T T O.



Acuam Sedem Ecclesiæ Mediolanensis implevit post Andream Atto, seu Acho Anno CMVI. De hoc nostro Præsule tradunt Galestinus & Ughellus, comitatum eundem fuisse Sergium III. Summum Pontificem cum flore Nobilitatis Mediolanensis in Gallias, tunc quando proficiscebatur ad Lotharium, qui ibi regnabat. Eidem refert Catalogus nostrorum Antistitum, inscriptus *Successores Sancti Barnabæ*, atque ex eo Puricellus in *Monum. Basil. Ambros.*, num. CLVII., qui tamen non omnino adhæret huic narrationi; animadvertens enim causam mortis; quæ assignatur Attoni, nempe defatigationem ex itinere & senium, veritati minimè consentire, suspensum calamum tenet. Siquidem præmortuus est Sergius huic nostro Archiepiscopo octennio ante; verius septennio, ut Papebrochius evincit ad Annum CMX. Verùm Papebrochius in *Propilæo* (ubi de Sergio III. agit) reprehendit Platinam, quòd, statim ac retulerit Christophorum dejectum a Sede Pontificia, in vincula tractum fuisse ab ipso Sergio, subjungat, hunc *rebus confirmatis Gallias profectum, Lotharii gratis suum, qui tunc regnabat, in Italiam rediisse, atque Christophorum arctiori custodiâ revinxisse*: Nullus enim ævo illo aut in Galliis aut in Germania regnabat Lotharius, nullusque Scriptor est, qui hujusmodi profectionis in Gallias meminerit. Fallaciam autem detegit, inquit, Tuscos eo

I

tem-



tempore vocitatos fuisse *Francos*, forte quia Adalbertus Marchio & alii ejus Terræ Proceres a Francis genus ducerent. Ceterum Liutprandus illius ætatis Scriptor clarè tradit, *Sergium* ab Urbe & Dignitate Pontificia expulsum *descendisse in Tusciam, quatenus Adalberti potentissimi Marchionis auxiliis juvaretur, quod et factum est*. Ughellus adedò fidenter amplexus est hanc historiam, ut benignè interpretatus mentem Arttonis dixerit, nihil antiquius illum habuisse, quàm ut in gratiam rediret Romani Pontificis, obsequiis nempe ac comitate, qua hunc excepit Mediolani, & comitatus est itinerare ad Gallias, ac reditu Romam. Verùm corruente fundamento itineris Sergii III. in Gallias, comite Arttone Archiepiscopo Mediolani, in auras dilabitur innixa eidem interpretatio Ughelli, voluisse videlicet Arttonem hujusmodi obsequio demulcere iram Summi Pontificis, justâ indignatione commoti ob pertinax Schisma Ecclesiæ Mediolanensis contra Romanam. Neque enim irasci poterat Sergius in nostrum Antistitem, etiamsi veritati consentiret ejusdem Gallicana profectio; cùm sæpius ad putida commenta amandaverimus Mediolanense Schisma, adedò ab hoc Scriptore decantatum; & mirandum certè foret, si Atto restitutus in gratiam Sergii Summi Pontificis, Ecclesiam suam Romanæ Sedi minimè reconciliasset. Sed ad certiora gradum faciamus.

Indictum fuerat Placitum, habendum in Urbe Ticinensi, a Berengario I. Rege, ob dirimendam litem inter Gaidulphum Abbatem Monasterii Sancti Ambrosii Mediolanensis, & quoddam suo Monasterio subjectos, qui se Aldios & non Ser-

tata

tata hæc Causa fuerat coram Andrea Archiepiscopo Mediolanensi, Attonis Decessore; sed cum minimè acquiescerent Partes, Berengarius Missos suos Joannem Ticinensem, & Adelbertum Bergomatem Episcopos, unà cum *Attone Archiepiscopo Sanctæ Mediolanensis Ecclesiæ* delegit, qui Sententiam nomine Regis proferrent, discordiæque vigenti finem imponerent. Intulit Chartam hujus Placiti Clariss. Muratorius in Tomum II. *Antiquitat. Ital. Med. Ævi*, colum. CMXXXIII. Verùm cum illa plurimùm vetustate exesa sit, eandem referre hic omitimus.

Alterum Galefinii errorem, quòd videlicet Antistes hic noster jussit, ut in Ecclesiâ Mediolanensi, primo Sabbato Septembris Vesperarum Officium *de Cruce* ageretur, emendat Puricellus in *Dissertat. Nazarian.* Cap. LXXXIII. num. VI. Siquidem hoc primum instituerat Thado Notarius, ut supra ex ipso Puricello retulimus in Thadone Archiepiscopo; & quidem non primo Sabbato Septembris, sed Octobris, quemadmodum ex Beroldo patet, qui universam eam Celebritatem describit. Id omne attribuit Galefinius Attoni, sed citra verum.

Dilucenda est hallucinatio, quæ suboriri aliquibus posset, legentibus in Oldoino præsertim, Attonem fuisse Cardinalium Collegio adscriptum; hæc enim, ubi de Alexandro II. Summo Pontifice agit, colum. 841. Editionis Romanæ adnotavit: *Atto Presbyter Cardinalis Tit. S., postea in Pavinio Episcopus Prænstinus creatus est: Ferdinandus tamen Ughellus in Serie Episcoporum Prænstinæ Ecclesiæ hunc non numerat; quare nos in hac re dubia nil certi ausi su-*

mus affirmare. Is in Gregorii VII. parte tuenda constans vi-
xit. Hugo quoque Lugdunensis Episcopus in Epistola ad
Mathildem Comitissam directa de Electione Victoris III. in
Summum Pontificem, memorat Attonem Cardinalem Mediola-
nensem. Eam recitat Philippus Labbeus in Bibliothec. MSS.
Tom. I., fol. 233.; in Indice autem adnexo appellatur
Atto prædictus, Mediolani Archiep. Cardinal. Porro error
iste faciliè abigitur, si tempora conferamus; Electio namque
Alexandri II. ad Romanam Cathedram Anno MLXL. a Scrip-
toribus figitur, Victoris verò III. Anno MLXXXVI., Atto
autem Antistes Mediolanensis, de quo loquimur, Anno
CMXVIII. extremum diem clausit, ut mox dicemus. Ita-
que ne mendacii aut ignorantie notam allatis Scriptoribus
inuramus, asserendum est, alterum fuisse ejusdem nominis
Cardinalem, ab Alexandro II. Mediolanensis originis creatum,
& fortasse ex eadem stirpe Archiepiscopi nostri progenitum,
qui ad conservandam antiquam Majoris sui memoriam, At-
tonis nomen assumpserit.

Annus mortis optimè ab Ughello assignatur, nempe de-
cimus octavus supra nongentesimum. Dubium est, quo in
loco vitæ deposuerit. Laudatus Ughellus cum aliis passim
Scriptoribus censet, extremum diem clausisse Attonem Ro-
mana in Urbe, præsertim cum repertum fuisse asserat in
Hortis Ecclesiæ Sanctorum Bonifacii & Alexii in Monte
Aventino marmor, fragmentum Epitaphii, quod mox dabi-
mus, ab eo relatum, sed pluribus excusis characteribus, in
quo hic Archiepiscopus enunciat tamquam Romæ sepultus:

Disceat

Discat qui nescit, quod Episcopus hic requisit

Artho Oldradus multa pietate

Sergium qui Papam

Per mare, per terras sequitur, per

Supposititium esse hoc marmor eruditè ac dilucidè ostendit Muratorius loco proximè laudato, iniciens: *Quicumque non ignorat, avo illo nondum inventa fuisse cognomina, quæ nunc in usu habentur, falsi vitio laborare Epitaphium illud continuo intelliget.* Præterea socium facit Attonem itinerum Sergii Pontificis Maximi, quo nihil mendacius, ut vidimus.

Catalogus noster antiquior, eundem Attonem in *Ecclesia Hyemali* Mediolani tumulatum fuisse tradit; alter verò, a Puricello allatus in *Monum. Basil. Ambros.* num. CLVII. jacere testatur ad *Sanctum Ambrosium*. Itaque laudatus Puticellus, & Papebrochius, ut hæc componant, opinantur, mortuum quidem fuisse Attonem Romæ, sed inde postmodum a Mediolanensibus translatum ejusdem Corporis in hanc Metropolim.

Tempus Sedis ab omnibus adnotatur, fuisse ad XII. annos & aliquot menses productum, nempe ab Anno CMVI., usque ad Septembrem mensem Anni CMXVIII., uno dissentiente Papebrochio, quo ad annum mortis, ob errorem consuetum unius superadditi anni in aliis Prædecessoribus,

GARIBERTUS.



Uffectus est Attoni in Sede Archiepiscopali Mediolanensi Garibertus Anno CMXVIII., ut rectè adnotavit etiam Ughellus, Papebrochio refragante, & hanc electionem ad sequentem annum protrahente, sed falso, quemadmodum superius jam comprobavimus. Non intelligimus tamen, quid sibi velit Ughellus, cum ait, Garibertum Attonis ejus Decessoris pium exemplum obedientiae erga Romanam Pontificem minimè secutum fuisse; nihil enim actum ab ipso profert, quod inobedientiam sapiat; sed tantùm prosequitur referre, fuisse ab hoc nostro Praesule missas militares suppetias ad Albericum Balbianum, qui in Agro Piceno dominabatur, ut inde Saracenos expelleret. (Galefinius in *Tabula* scribit, ut Saracenos ex Apulia ejiceret, nec cognomen *Balbani* Alberico tribuit) Unde uterque hoc hauserit, ignoramus; Ripamontius enim, qui et ipse eadem narrat, nullum antiquum profert Auctorem. Ceterùm, ut redeamus ad Ughellum, nihil peccaverat Garibertus contra Sedem Apostolicam, mittens ad Albericum auxiliares copias, cum ipsemet Joannes X. Summus Pontifex, collectis undique militibus, eosdem Saracenos fregerit depuleritque ab Arce Gariliani, quam occupaverant atque muniverant. Cognomen verò *Balbani*, quod Alberico adscribit Ughellus, an rectè appositum sit, peritis rerum antiquarum Viris expendendum relinquimus.

Mi-

Migrasse ad Dominum Antistitem hunc nostrum Anno CMXX., ex Successoris electione asserit Ughellus; sed verè vitam produxit Garibertus usque ad Annum CMXXI., & mense Augusto ad Superos abiit; Papebrochii opinione non attentà, qui uno semper anno posterius Mediolanensium Episcoporum obitum figit. Sedis annos ad biennium incompletum Ughellus contraxit; Catalogi tamen antiqui ultra biennium menses octo regimini Gariberti assignant; adeoque in hoc etiam emendandus est Ughellus.

Sepultus est juxta eosdem Catalogos in Ecclesia Sancti Stephani ad Fontem, quæ olim jacebat media inter Basilicam Majorem, & Cœnobium Vindelindæ (nunc *Sancta Radegunda*) erecta a Sancto Eustorgio II. Mediolanensi Episcopo, ut seorsim a Viris sacro Baptismate abluerentur Fœminæ, adjecto etiam Puellarum Monasterio, quæ ad illas detergendas, cum exirent de lavacro, necessaria subministrarent, ut magis pudori consuleretur. Nunc universi hujus Aedificii ne rudera quidem supersunt.



LAMPERTUS.



Mediolanensem Insulam favore Berengarii Regis recepit Lampertus, seu Lambertus Anno CMXXI., non præcedenti, ut scripsit Ughellus, qui duos tantum annos Decessoris regimini attribuit. Etiam Galefinius lapsus est in assignando Summo Pontifice, quo sedente delectus est Archiepiscopus Lampertus; non enim id contigit sub Joanne XI., qui Apostolicum Solium conscendit Anno CMXXXI., Lamperto jam defuncto; sed sub Joanne X., qui sedit ab Anno CMXIV., ad CMXXVIII., teste Pagio.

Depingitur hic Antistes ab Ughello tamquam *Vir bellicosus & ferox, novisque rebus additus, magis quam pro Episcopo*. Non ita acerbe in ipsum insurgit Galefinius; quinimo Lampertum vocat *Virum solertis ingenii summiq; consilii*. Et sanè eximium religionis cultum ostendit tunc quando, seditione contra Berengarium Regem mota a nonnullis, captus est Oldericus Palatii Comes, alter ex Principibus conjuratis, traditusque custodiæ Lamperti. Cùm enim peteretur a Berengario reus iste, ut justâ poenâ plecteretur, Lampertus intrepidè negavit, *se redditurum; indignum esse asserens, Sacerdotem ad supplicium hominem tradere*, prout refert Sigonius de *Regn. Ital.* ad Annum CMXX. In obitu quoque amor hujus nostri Antistitis erga Ecclesiam suam eluxit; adnotatum siquidem legimus in *Calendario vetustissimo*, edito a Cla-

Clariss. Muratorio Tom. IV. *Rerum Italicar. judicasse* Lampertum *Custodibus Majoris Ecclesie quidquid juris sui erat in Mandello, vel in ejus territorio*, ut religiosius ea Basilica coleretur. Collegium istud XVI. Custodum antiquitus erectum abolevit Sanctus Carolus Borromeus, substituto *Ostiariorum* Collegio.

Equidem non inficiamur, plurimis implicitum fuisse curis Lampertum; sed illas exigebat. Dignitatis culmen, quod ipse conscenderat: Redactis enim ad plenam veluti libertatem Italicis rebus, Principes & Optimates hujus Provinciæ de Regno Italiæ decernebant, eo delecto, quem paci & tranquillitati magis profuturum, atque illustri hoc honore digniorem existimarent. Archiepiscopus autem Mediolanensis, utpote inter ceteros auctoritate & potentia conspicuus, primus in Comitibus habebatur, atque ideo præcipuam veluti sollicitudinem gerebat, ut rectè omnia dirigerentur. Ob hanc causam, cum inciperent Italici Optimates lividis jam oculis intueri Berengarium, & etiam in Campis Brixienfibus conjunctionem excitassent, converso in Rodolphum Burgundiæ Regem animo, Lampertus ad eum Legatos misit, eidem nomine sociorum Principum Italicam spondens Coronam; quam ille Anno CMXXII. a Lamperto recepit, quemadmodum in Adnotationibus ad Sigonium *de Regno Italiæ* jam comprobavimus.

Hac occasione Lampertus supplices ad Rodolphum preces dedit, ut dignaretur Regia auctoritate confirmare Abbatiam Sancti Remigii de Berceto, quæ hæcenus in jure erat Episcopatus Parmensis. Rex verò prædictus benignas aures præ-

K

buit,

buit, ac Diploma expedit, cujus exordium exhibemus;
 desumptum ex Tomo VI. *Antiquit. Ital. Med. Aevi*; Clariss.
 Muratorii, colum. CCCXXV. „ In nomine Sanctæ & Indi-
 „ viduæ Trinitatis, Rodulfus Divina favente clementia Rex
 „ &c. Omnium fidelium Sanctæ Dei Ecclesiæ, nostrorumque
 „ præsentium & futurorum comperiat universitas, Domnum
 „ Lampertum venerabilem Archiepiscopum, & Adelbertum
 „ gloriosissimum Marchionem, dilectissimos fideles nostros sup-
 „ pliciter nostram exorasse clementiam, ut Præcepta nostro-
 „ rum Antecessorum Regum & Imperatorum, quibus Abba-
 „ tiam de Berceto, in honore Sancti Remigii constructam
 „ in Comitatu Parmensi, cum omnibus suis pertinentiis . . .
 „ juri & dominio Parmensis Episcopi perpetualiter donantes
 „ subjecerunt, nos quoque pro æterna remuneratione per
 „ nostræ concessionis & confirmationis paginam roborare di-
 „ gnaremur. Quorum precibus acclinati hoc nostrum
 „ donationis ac perpetuæ confirmationis Præceptum scribi jus-
 „ simus, per quod prænominatæ Sanctæ Parmensi Ecclesiæ
 „ prætaxatam Abbatiam de Berceto cum omnibus casis, re-
 „ bus concedimus, & perpetua firmitate roboramus
 „ &c.
 „ Datum Ticini II. Nonas Februarii, Anno ab Incarnatione
 „ Domini Nostri Jesu Christi CMXXII., Indictione X., Re-
 „ gnante Domino Rodulfo Rege, Anno in Burgundia XI.,
 „ in Italia I.

Neque se amantem novitatis ostendit Lampertus; quin-
 imo cum Ermengarda Adelberti Tusciæ Marchionis Filia,
 & secunda Uxor alterius Adelberti Eporediæ Marchionis Pa-
 piam

piam occupasset, Rodulpho, qui in Burgundiam diverterat, redeunti auxilium præstitit, ut illam recuperaret, Sigonio referente ad Annum CMXXV.

Non diu tamen sereni affulere dies Rodolpho; pertæsus namque ejusdem regiminis Italiæ Proceribus, Lampertus Archiepiscopus, non genio rerum novandarum ductus, ut eum fugillat Ughellus, sed ex sententia Joannis X. Summi Pontificis & reliquorum Italiæ Principum, ut scribit Sigonius, Nuncios ad Hugonem Comitem Arelatensem misit, ut eum invitarent urgerentque ad Italicum Regnum capeßendum, ipso- rum accedentibus auxiliis facillè comparandum. Itatorum votis assensum hilariter præstitit Hugo, utpote qui ejusdem Regni acquirendi desiderio jamdiu æstuabat. Interim Rodulphus, qui in Burgundiam secesserat, conjurationem Itatorum Principum præfentiens, Burchardum Ditem, Socerum, suum, ad Lampertum legavit; isque Mediolanum ingressus circumire Urbem cœpit, specie quidem invifendi amplitudinem ambitûs, sed revera exploraturus mœnium firmitatem, sibi- que elabi ab ore has minas idiomate Teutonico permisit, quod Civibus ignotum putabat, videlicet: *Si omnes Italienses uno uti calcare tantummodo, informesque caballicare equos non fecero, non sum Burchardus.* Admonitus de hac re Archiepiscopus a pannoso homine, Germanicæ Linguz perito, qui hæc audierat, prudenti consilio notitiam hanc silentio contextit, & singulari comitate Burchardum excepit. Verùm conficiis de hostili animo per Literas fecit Papienses, nonnullisque Regni Optimates, qui eum in Burgundiam redeuntem, missis ali- quibus copiis apud Novariam interfecere: Quod ut audivit

Rex Burgundie Rodolphus, Italiam dereliquit. Narrat hæc, præter Sigonium, Auctor *Chronici Farsensis*, vulgati a Clariss. Muratorio in II. Parte Tomi II. *Rer. Italicar.*, scriptique circa medium Seculi XI.

Igitur hoste depulso, Hugo in Italiam advolavit Anno CMXXVI., seu præcedenti, quemadmodum in Adnotationibus ad Sigonium, fide plurium documentorum firmare studuimus, exceptus ab omnibus summo studio, ac Papiam petiit: Subinde Mediolani coronatus fuit ab Archiepiscopo Lamperto. Postquam in Regno Italico firmatus est Hugo Arelatenfis, Antistes noster Lampertus eundem exoravit, ut Monasterio Monialium Sancti Xisti in Urbe Placentina, Privilegia confirmaret. Benignè annuit Rex Hugo, atque sequens Diploma scribi iussit, quod ex Archivo ejusdem Monasterii, nunc ad Monachos Benedictinos translatus, eruit Clariss. Muratorius, ac publica luce donavit Tom. II. *Antiquitat. Ital. Medii Ævi*, colum. CDXI., In nomine Domini „ Dei æterni. Hugo divina largiente clementia Rex &c.
 „ Noverit omnium fidelium Sanctæ Dei Ecclesiæ, nostrorum-
 „ que præsentium scilicet & futurorum industria, Lamper-
 „ tum Sanctæ Mediolanensis Ecclesiæ Archiepiscopum, nec-
 „ non & Adelbertum Sanctæ Bergomensis Ecclesiæ Præsulem,
 „ & Ermengardim gloriosissimam Comitissam Karissimamque
 „ nostram, & Giselbertum illustrem Comitem Palatii umili-
 „ ter nostram exorasse Celitudinem, quatenus per nostri
 „ Præcepti paginam quoddam Monasterium infra Civitate,
 „ Placentina in honore Sancti Sixti dedicatum, Ber-
 „ tæ gloriosissimæ Abbatissæ, consanguineæ nostræ, cum
 „ omni-

„ omnibus suis pertinentiis confirmare dignaremur
„ Quorum petitionibus tota devocione faventes, id fieri an-
„ nuimus, hoc nostrum Præceptum scribi jubentes, per quod
„ prælibatæ Bertæ eundem (sic) Monasterium confirma-
„ mus &c. Actum Papia . Anno Dominicæ Incarnationis
„ CMXXVI., tertio Nonas Septembris Indictione XV., Anno
„ Domini Hugonis primo .

Hæc fusiùs referre opus fuit, ut sædam eam labem
bellicosi & ferocis, quam inspergit nostro Antistiti Ughellus,
abstergeremus; neque enim ullum in Historiis vestigium elu-
cet, eundem bella gessisse, aut aliquod immitis vel intem-
perantis animi indicium edidisse, quod Episcopum dedeceret.

Longè etiam a veritate abludit Galesinius, qui missum
ad Genuenses militare auxilium a Lamperto contra Sarace-
nos enarrat: Baronius namque eam irruptionem, a Liut-
prando relatum Libr. IV. Cap. II., describens, qua Januen-
sis Urbs a Saracenis incensa fuit, deprædatæque opes, ac
multâ cæde repleta compita, captis quoque ac abductis se-
cum viris foeminisque, ait, id contigisse Anno CMXXXVI.,
ac proinde quinquennio post obitum nostri Antistitis. Licet
autem Pagius hanc cladem retrahat ad Annum CMXXXI.,
nihilominus difficile est intelligere, quomodo Lampertus, qui
eo anno obiit, mense Junio, colligere & expedire potue-
rit militum copias, ad Januensium vires augendas. Ceterùm
alienis subsidiiis minimè indignere Cives illi, ut Barbaros pro-
pulsarent; revertens enim in Portum eorundem Classis, quæ
aliò fuerat expedita, in Adversarios vela convertit, eosque adeò
fregit, ut dimissâ prædâ coacti fuerint in patrium litus sese re-
cipere.

De-

Defunctus est Lampertus Anno CMXXXI., die XIX. Junii; atque in hoc errant Ughellus & Papebrochius, quorum primus obitum hujus Præsulis consignat Anno CMXXX. Calendis Julii; alter vero Anno CMXXXII., juxta morem sæpius memoratum.

Ecclesiam hanc rexit, ut tradunt antiqui Catalogi, annis IX, mensibus VIII., diebus XV.; sepultusque fuit in Ecclesia Hyemali.



HILDUINUS.



Subrogatus est Lamperto Hilduinus, natione Belga, Anno CMXXXI., non præcedenti, ut scribit Ughellus, aut etiam Papebrochius, qui sequenti anno hanc electionem figit, perseverans in jam admisso errore; quemadmodum in hac serie Episcoporum Mediolanensium ostendimus.

Varias vitæ conditiones, nunc prosperas nunc adversas passus est noster hic Præsul: Plura tamen a Galefinio & Ughello referuntur, vel dubia vel repugnantia veritati. Uterque enim eum Monachum facit, & quidem Lobienfis Cœnobii; cum tamen Fulcuinus illius Abbas in *Chronico* aperte asserat, Hilduinum fuisse Clericum Ecclesiæ Leodiensis, & concordēs idem tradant Sammartani Fratres in novissima Editione *Gallie Sacre*, actâ Parisiis Anno MDCCXXV. Tom. III., iisque adstipuletur Papebrochius in *Exegesi*, Tomo VII. Maji præfixâ.

Prosequitur Galefinius eum affirmare, fuisse familiarem Stephani IX. Summi Pontificis, & creatum Archiepiscopum Mediolanensem sub Martino III. Sed in hoc extra orbitam profusus graditur, cum Stephanus IX. (verius VIII. juxta Pagium) nonnisi octennio post electionem Hilduini Pontificiam thiam receperit, multoque ferius Martinus III. (verè autem Marinus II.) Successor Stephani, fuerit eo mortuo creatus Pontifex Maximus Anno CMXLII., mense Decembri, ut pro-

probat Pagius ad Annum CMXLIII. num. I.

Interim Galefinius omittit referre Hilduinum, instante Giliberto Duce Lothariensium fuisse electum Episcopum Leodiensem, & etiam consecratum ab Herimanno, Colonienſi Archiepiscopale; sed Parte adversâ refragante & Richarium substituente, delatam fuisse Causam ad iudicium Joannis X. Summi Pontificis, qui ambos Electos unâ cum Ordinatore Archiepiscopo Herimanno Romam advocavit. Verùm Hildnino se non sistente ad Pontificium tribunal, favorabilis sententia cessit Richario; expulso a sua Sede Hilduino, ac etiam anathemate percusso, ut narrat Chronicon Wirdunense.

Amotus a Leodiensi Ecclesia in Italiam venit, confugitque ad Hugonem Regem, qui exacto aliquo tempore eum promovit ad Episcopalem Sedem Veronæ; ac subinde mortuo Lamperto, Hugonis ejusdem favore translatus est ad Archiepiscopalem Mediolanensem. In hac Sede constitutus dicitur a Galefinio, Regio ferto præcinxisse Hugonem Burgundiæ Ducem, & Ludovici III. Filium. In hoc tamen omnino fallitur; neque enim Hugo Comes Arelatensis Parentem habuerat Ludovicum, sed Teutbaldum, seu Teobaldum, qui sibi matrimonio conjunxerat Bertam, Filiam Lotharii Lotharingiæ Regis; quemadmodum ipsemet Hugo testatur in Charta, primum a Boucheo Tom. I. *Historiæ Provinciæ* productâ, dein a Pagio relatâ ad Annum CMXXVI., num. II., ubi sic habet: *Ego Hugo humilis Comes & Marchio Viennæ* (idest Provinciæ) *adjicientes memoriale Patris mei Teutbaldi, & Matris meæ Bertæ, simul & Uxoris quondam meæ Villæ, necnon & præsentis Conjugis meæ Hildæ &c.* Ex hac etiam Charta evin-

evincitur, nihil in Burgundia propriè dicta trans Montem Juram, pertinuisse ad Hugonem; adeoque malè appellari a Galefinio *Burgundia Ducem*; præsertim cum Hugo ipse in enunciata proximè Charta Comitem & Marchionem Provincie tantum se nuncupet. Quod veritati Historiæ consonat id est, dominationem in eam Burgundiæ provinciam tunc exercuisse Rodolphum II., mutato etiam nomine *Ducis* in illud *Regis* a Rodolpho I. ejusdem Patre. Alterum Galefinii errorem jam emendavimus, ostendentes, Hugonem Italicæ Coronæ fuisse a Lamperto donatum, non ab Hilduino Regem inauguratum.

Meliùs se gessisse videtur Ughellus in designando Rege Italiæ, quem Hilduinus Anno CMXXXIII. coronasse dicitur in Basilica Ambrosiana, nempe Lothario Hugonis Filio, a Patre in Regni consortium assumpto Anno CMXXX; quamvis, si rem in fonte expendere velimus, juxta Seriem a nobis adornatam Episcoporum Mediolanensium, Hilduinus imposuere Lothario Regi Coronæ honorem sibi adscribere non poterit. Siquidem memores sumus, in Adnotationibus ad Sigonium *de Regno Italia* nos duplicem Epocham constituisse; alteram consortii in Italico Regno donati Lothario ab Hugone Patre Anno CMXXX, alteram Coronationis Mediolanensis anno sequente: quo posito hæc celebritas peracta fuisset a Lamperto Decessore, non ab Hilduino, cum iste non coepit pastorale Ecclesiæ Mediolanensis Pedum sustinere, nisi Anno CMXXXI., mense Junio, & Lotharius coronatus fuerit in Paschali Solemnitate ejusdem Anni, quo adhuc in vivis agebat Archiepiscopus Lampertus. Attamen ne vi-

deamur, velle nimium nostræ opinionî fidere aut blandiri, ob novam hanc Epocham inductam, ut pugnantia Documenta & Chartas invicem conciliaremus, a proferenda sententia abstinemus, donec veritas dilucidius emergat.

Prosequens Ughellus res gestas ab Hilduino recensere, adhibet verba Chronici MS.ti, cui titulus; *Flos Florum*, scilicet: *Hic fuit primus ex Archiepiscopis Mediolani, qui se nunquam intromisit de electione Imperatoris; ipse enim congregato Consilio Prælatorum & Baronum in Ecclesia Sancti Ambrosii elegit in Regem Italiæ Hugonem &c.* Superiori autem paginâ hæc leguntur: *Habito diligenti consilio a Lamperto Archiepiscopo (dum viveret) rimatisque Privilegiis suis per Beatum Gregorium Papam collatis, determinatum fuit, quod electio Imperatoris pleno jure spectaret ad Archiepiscopum Mediolani; quod de facto complevit Hilduinus.* Huic laudi de re tam illustri, tributæ nostris hisce Præsulibus, non ita facile adducimur, ut subscribamus; de his enim Privilegiis, a Beato Gregorio Ecclesiæ Mediolanensi concessis nullum in Historiis illius ætatis testimonium occurrit, nec ulla ad oculos nostros tam excelsi muneris in usum deducti Charta pervenit; Imperatoris autem nomen & auctoritas, quam Hilduinus, primus inter Prædecessores suos, tribuisse dicitur Hugoni & Lothario, inania prorsus vocabula videntur, cum hæc in pluribus quæ adhuc perennant Diplomatis numquam ab iisdem usurpata legantur. Nimium igitur credulè hujus Chronici dicta adoptavit Ughellus.

Præterire non possumus quod Mabillonius, Pagius, Puccellus, alique passim referunt, & ipse etiam Ughellus in
Epi-

Episcopis Veronenſibus, videlicet initium Epistolæ a Rathario Lobienſi Monacho scriptæ ad Joannem XII. Summum Pontificem, cui enarrabat calamitates quas paſſus fuerat, cum ter Veronæ Episcopus, bis Leodii creatus. Antistes, coactus est Ecclesias illas dimittere, ob Principum tyrannidem, & invidiam Æmulorum. In ea igitur hæc habet; *Revertor a Romana Sede, peractâ Legatione, ferens privilegium pro jam dicto Domino meo (Hilduino) assum, cum Archiepiscopali Pallio.* Scriptum hoc Ratherii, doctissimi ac piissimi Præſulis, maculam omnem diluit, qua Ecclesiæ Mediolanenſis decus infecerant Sigonius, Ughellus, aliique affe- rentes, per ducentum annos fuſſe divulſam a communione Ecclesiæ Romanæ. Imo etiam, ut superius innuimus, Papebrochium refellit, qui mitiori quidem vocabulo, sed adhuc nobis injurioso decantatum Schisma, *negativum* appellat, scribens, in hoc fuſſe Schismaticos Antistites nostros, quod pet illud temporis spatium petere a Summo Pontifice Pallium obſtinatè renuerint, ab Angilberto videlicet, usque ad Heribertum, Ecclesiæ nostræ Pastorem institutum Anno MXVIII.; hunc enim primum dicit fuſſe, qui frontem demiserit Pontificio Solio, ac petierit, ut Archiepiscopali Pallio insigniretur. Quid enim clarius ad exſuffiandam istam ab eruditissimo eo Viro excogitatam originem Schismatis Mediolanenſis, quàm Ratherium testari, a te allatum Romæ fuſſe Archiepiscopale Pallium Hilduino, centum ferme annis ante Heribertum Archiepiscopo? Sed fuſius hac de re differimus in *Vindictis de Adventu Mediolanum Sancti Barnabæ apostoli.*

Hunc Archiepiscopum nostrum fuisse a Consiliis Hugonis & Lotharii Italice Regum, docet Charta a Clariss. Muratorio evulgata Tom. III. *Antiquit. Ital. Med. Aevi*, column. LVII., quæ ita incipit: „ In nomine Domini nostri „ Jesu Christi, Dei æterni. Hugo & Lotharius gratia Dei „ Reges &c. Noverit omnium fidelium Sanctæ Dei Ecclesiæ, „ nostrorumque præsentiam scilicet ac futurorum universitas, „ Domnum Hildoinum Sanctæ Mediolanensis Ecclesiæ venerabilem Archiepiscopum, & Widonem Sanctæ Placentinæ Ecclesiæ Episcopum, excellentissimos fideles ac Consiliarios „ nostros, nostram humiliter exorasse Celsitudinem, quatenus „ Annæ, quondam Imperatrici relictæ Divæ memoriæ Berengarii Imperatoris, nostræ confirmationis Præceptum fieri „ juberemus, per quod duas Cortes, olim de jure Regni „ nostri pertinentes, quas idem Imperator ei contulit . . . , „ confirmaremus & corroboraremus. Quorum petitionibus annuentes, prout justè & legaliter possumus, confirmamus „ & corroboramus ei prædictas duas Cortes cum illarum „ integritatibus &c.

„ Actum Papie XVI. Cal. Julii, Anno Dominicæ Incarnationis CMXXXVII., Regni verò Hugonis X., Lotharii V., „ Indictione VIII.

Si anno in hac Charta adnotato standum esset, ad Hilduinum minimè pertineret, qui superiore anno, juxta calculum nostrum, morti concessit. Verùm oculatissimus Muratorius jam animadvertit, vitium aliquod huic Epochæ inesse, sicut in duabus aliis Chartis, sub iisdem Regibus expeditis jam adnotaverat, cum minimè componi possint Anni Christi cum

cum numeris Indictionum; subjungitque, *aut excogitandam, aliquam aliam, ignotam hactenus, Indictionis methodum, aut aliam Anni periodum.*

Defunctus est Hilduinus Anno CMXXXVI., IX. Calendas Augusti, ut rectè adnotavit Ughellus, quamvis aliter sentiat Papebrochius, sed perperam, cum jam in Prædecessoribus eum uno anno errasse palam fecerimus. Præfuit Ecclesiæ Mediolanensi annis quinque, & aliquot diebus, juxta antiquos Catalogos; non autem annis sex, ut voluit Galestinus.

Sepulcrum recepit in Ecclesia Hyemali, uti nos docent memorati Catalogi. Sepulcri locum ignoravit Ughellus, qui Antistitem istum laudat satis præclaro Elogio, eundem appellans *Virum miris ingenii, pacisque quàm belli artibus proclivior.*

Scripsisse dicitur Hilduinus, teste Trithemio, *Chronicon Abbatum Lobienfium*; sed non appositè, cum illud composuerit Fulcuinus illius Cœnobii Abbas. Hinc orta est confusio nominis *Fulcuini*, cum *Hilduino*, quæ in errorem traxit etiam Ughellum, ut animadvertit in *Exegesi* Papebrochius. Eidem Hilduino adscribuntur etiam Liber de peregrinatione *Sancti Dionysii Areopagitæ ac de gestis Apostolorum*, & *Sermones ad Fratres.*

A R D E R I C U S .



Ortuo Hilduino , Ardericus Civis Mediolanensis , delectus est Anno CMXXXVI. in Archiepiscopum ; non quidem sub Agapito II. Summo Pontifice , ut tradit Galefinus , cum ille in Solio Pontificio confedere non cœperit , nisi Anno CMXLVI. ,
 mense Junio .

Porro præcipua Cleri Populique propensio in Ardericum , ex splendore ejus virtutum ut ad tantam dignitatem promoveretur , sincera erat . Non ita animus Hugonis Regis Italiæ , qui designaverat evehere ad Insulam Mediolanensem filium suum Manassem . Verùm cum puerilis ejusdem ætas tanto oneri ferendo impar foret , curam omnem Hugo impendit , ut communia suffragia conspirarent in Ardericum , senem grandævum : Siquidem spe alliciebatur , fore ut pressus annis novus hic Antistes , vacuum Sedem citò relinqueret . Diuturna tamen incolumitas ac integritas virium , Hugonis votum irritum reddidit . Quamobrem , ut optatam metam attingeret , facinus indignissimum molitus est , mortem videlicet Arderico inferendi . Papiæ itaque indicto Concilio Episcoporum & Procerum , secretas Antistiti nostro insidias texit , jubens Comitibus sui Palatii , ut excitatâ inter colloquendum rixâ , in Ardericum irruerent , illumque ferro conficerent . Divinitus factum est , ut Præsul noster opportuno fugæ remedio truculentum Regis consilium eluderet , cæsis nihilominus no-
 naginta

naginta Nobilibus Viris qui Episcopi sui tutelam susceperant . Perfusus igitur sceleris sui pudore , ac pœnitentiâ ductus Rex Hugo , ut sacrilegam Archiepiscopo illatam pensaret injuriam , construxisse dicitur ab Arnulpho rerum Mediolanensium Scriptore Seculi XI. Abbatiam Nonantulæ in agro Mutinensi , eamque Mediolanensi Præuli dono dedisse .

In hoc postremo , manifesti erroris Scriptorem memoratum optimè redarguit Ughellus , cum Nonantulanum Cœnobium ducentis ferme annis ante , æ fundamentis erectum fuerit a Duce Anselmo , qui Monachus ibidem effectus , præfuit eidem tamquam primus Abbas , Aistulpho Longobardicum Regnum moderante . Lapsus tamen memoriâ est etiam Ughellus , dum Anselmum Nonantulani Monasterii conditorem , vocat *Aistulphi Regis fratrem* ; in Episcopis namque Mutinensibus , ubi agit de Widone illius Urbis Antistite , profert Chronicon vetustissimum Nonantulæ , ubi expressè legitur affinitas tantum Anselmi cum Rege , ob Sororem suam Giseltrudem , Regio thalamo junctam .

Quid actum sit de Manasse Hugonis Filio , Historiæ nostræ non referunt . Intrusus quidem fuit in Cathedram Mediolanensem MANASSES alter , qui jam ab Anno CMXIV. constitutus fuerat Episcopus Arelatenfis ; Verùm iste a Sammartanis Fratribus dicitur tantum *Nepos* , seu *affinis Hugoni* fuisse .

Ceterum , licet Hugo pœnitentiæ signa dedisset , ob mortem Arderico intentatam , persecutus tamen est exercere tyrannidem in Italos Proceres , eos Dignitatibus exuendo , ut Burgundiones exornaret . Quocirca Ardericus omnium querelis exci-

excitatus, Berengarium II. accivit, quem privatis suasionibus sollicitaverant quamplures etiam Optimates, ad iter capefendum in Italiam, eosque a turpi hoc jugo eximendos. Pervénit igitur Berengarius ad Urbem Veronensem, ubi Legatione Præfulis nostri acceptâ, tamquam Regem cœpit se gerere, quemadmodum Sigonius refert ad Annum CMXLVI., seu verius præcedentem, ut in Adnotationibus ad eundem annum innuimus.

Don Bartholomæus Aresius, Abbas Monasterii Sancti Ambrosii Mediolani in *Serie* typis editâ *Privilegiarum & Diplomatum* ejusdem Cœnobii, refert Synodum in illametipsa Basilica celebratam Anno CMXLV. ab Arderico, aliis Alderico, Olderico, Alerico, Olrico &c. Subscripti leguntur XXII. Episcopi, unâ cum Legato Apostolico Rogerio Episcopo, & Legatis Hugonis & Lotharii. In ea autem, post absolutam Liturgiam, perlectæ sunt coram omnibus postremæ Tabulæ Attonis Vercellensis Episcopi ibidem adstantis, quibus inter alia Legata, Sanctæ Mediolanensis Ecclesiæ Archipresbytero, Cardinalibus, & Presbyteris Decumanis integrum dominiuum assignavit quatuor Vallium Belleniæ, Leventinæ, Blaschæ, & Intraschæ. Diploma hoc minimè fuit Muratorio probatum in *Appendice Tomi I. Anecdotor.* Cap. postremo; quinimo argumentum præposuit his verbis: *Synodus Mediolanensis omnino fissa est.* Quid ille in contrarium attulerit, legi potest loco laudato; cùm tamen ipse fateatur, hanc se controversiam levi brachio tetigisse, Pater Eustachius a Sancto Ubaldo, cui Appendicem totam nuncupaverat Muratorius, Synodi ejusdem patrocinium suscepit in *Libro De Metropoli*

Me-

Mediolanensi, num. CCLVII., & seqq., dilutisque omnibus navis, qui eruditissimo illi Viro falsi suspensionem ingesserant, eumque etiam impulerant, ut ad apocrypha & Commenta Documentum illud ablegaret, genuinum & sincerum prorsus esse ostendit Exemplar, quod Arcusius vulgavit. Quamobrem celebrati hujus Concilii laus integra manet Archiepiscopum nostrum Ardericum ex hujus docti Viri sententia, quam nos intactam relinquimus, ad alia securiora progredientes.

Insigni erga Deum & Sanctos religione floruit hic Præsul, cujus in præsentem diem aliqua leguntur vestigia in Sacello, ab ipso erecto in Basilica Sancti Nazarii Mediolani, Sanctoque Lino Papæ dicato. Construxisse quoque dicitur Ecclesiam Sancti Andreæ *ad murum ruptum*; quamvis Puricellus in *Dissertat. Nazarian.* Cap. LXXXIV. num. III. minimè assentiatur huic narrationi, asserens ex antiquis Documentis, extitisse multò jam ante Sacram illam Ædem, eamque potius de novo resectam ab hoc nostro Antistite fuisse. Ceterum idem Puricellus sanctimoniam vitæ Arderici plurimum celebrat, inquit adeo excelluisse, ut olim in Æde Nazariana, tamquam inter Sanctos relatus coleretur. Pluribus productis Documentis hunc cultum confirmare nititur; attamen in Catalogis Archiepiscoporum Mediolanensium nusquam hoc Titulo insignitum illum invenimus.

Quæ de auctoritate & dominio in hanc Metropolim Mediolanensis Archiepiscopalis, tempore Arderici subjungit Ughellus; ex *Chronico MS.to Flos Florum*, hic omittere opportunum duximus, nam in Prolegomenis ad Commentaria Ritus Ambrosiani, omnia quæ Archiepiscopos nostros condecoravere,

pleno Capite in lucem proferentur.

Decessit Ardericus Anno CMXLVIII. , III. Idus Octobris quemadmodum in Adnotationibus ad Sigonium *de Regno Italiae* invictis argumentis ostendimus; neque enim attendendi sunt Ughellus & Papebrochius, qui ejusdem mortem in annum sequentem differunt.

Sedit annis XII. mensibus II. , ut ex antiquis Catalogis constat. Qua in re multum aberrant Galestinus & Ughellus, qui huic Praefuli octo tantum regiminis annos attribuant, dilatà ad plures annos ejusdem electione.

Sepulcro datus est in Basilica Apostolorum, in memorato Sancti Lini Sacello, ab ipso constructo: Qua autem in parte adhuc ignoratur.



ADEL-

ADELMANUS.



Turbulentum admodum regimen contigit Adelmano, seu Aldemaro, legitimis Cleri suffragiis ad Insulam Mediolanensem delecto Anno CMXLVIII. Rem totam describit Liutprandus, illorum temporum Scriptor, hæc præmittens Libr. IV. Cap. III. Hugo Rex, se Regnum securius obtinere sperans, si affinitate sibi conjunctis Regni officia largiretur, contra jus fasque Veronensem, Tridentinam, Mantuanam commendavit Manasse, seu, quod verius est, in hæc dedit Ecclesias; ac ne his quidem contentus (Manasses) Tridentinam adeptus est Marchiam; quo honore impellente, cum miles esse inciperet, Episcopus effectus. Libro autem V. Cap. XII. narrat, Berengarium II. ab Italis Optimatibus accitum, contra Regem Hugonem descendisse in Italiam e Svevia per Venustam Vallem, & applicuisse castra secus Arcem Formicariam, quæ a MANASSE Marchiæ Tridentinæ Domino commendata fuerat Acelardo Clerico suo. Hoc Clerico usus est Berengarius, ut MANASSEM alliceret ad favorem atque auxillarem manum sibi porrigendam contra Hugonem. Quoniam verò probe noverat ambitionem MANASSIS, eidem in præmium pollicitus est Insulam Mediolanensem, juramento etiam firmans promissum. Accepto hoc nuncio MANASSES, derelicto Hugone, qui eum tot donis cumulaverat, non solum Formicariæ Castrum aseriri Berengario jussit, sed Italos omnes ad ejus auxilium

invitavit. Accessit etiam Legatio Arderici Mediolanensis Archiepiscopi, dum Veronæ moraretur; Berengarius, Italiæ Regnum eidem offerentis, ut Hugonem Regem inde expelleret: Quamobrem Mediolanum statim concessit. Mortuo autem Arderico, Berengarius quod MANASSI sponderat implevit, eundem in Ecclesiam Mediolanensem intrudendo.

Ughellus Sigonii vestigiis inherens tradit, per multos annos Adelmanum, & intrusum MANASSEM inter se divisim Ecclesiam Mediolanensem administrasse, atque interim neutrum fuisse consecratum. Porro si de MANASSE loquamur, is consecratione non indigebat, cum a triginta quatuor annis Ecclesiæ Arelatensi præsideret. De Adelfano autem nullum in Historiis reperitur indicium quod tamdiu Consecratione caruerit; & valde difficile creditur, eum voluisse protrahere titulum illum, quo validius invasori obistere valeret, nempe integram hujus Sedis possessionem mediâ Consecratione.

Neque omittendum est, errasse quoque Ughellum asserendo, hunc MANASSEM fuisse Fratrem Lotharii, cum minimè illum distinguat ab altero Manasse, qui verè Filius erat Hugonis, sed ob ætatem puerilem minimè substitutus Hilduino Archiepiscopo defuncto, ut supra jam diximus in Arderico. Constat hoc ex Charta Confirmationis sive Donationis Villæ Juliaci, ab ipso Manasse peractæ favore Aimardi Abbatis Cluniacensis, mense Septembri Anni CMXLIX., in qua non alios Fratres suos memorat, nisi Hugonem, Ricardum, & Bosonem. Refertur hæc Charta a Fratribus Sammartanis in *Gallia Christiana*, ad calcem Tomi I. pag. XCIV.

Plu-

Pluribus annis MANASSES Regii patrocini auspicio fultus, Mediolanensi Ecclesiæ incubuit, gregis potius Lupus, quàm Pastor, Abrupit tamen hæc diuturnæ servitutis catenis adversa Berengario fortuna: Captus namque amore Adeleidis, quam viduam reliquerat Rex Lotharius, thalamo suo eam jungere blanditiis tentavit. Sed cum illi renueret, metu cogendam censuit, arctâ ideo Canusium, quo illa se receperat, obsidione præcingens. In hæc angustias compulsa Regia hæc Fœmina, Ottonem I. per Literas e Germania evocavit; utque acrius eundem sollicitaret, nuptias suas spondidit. Accepto hoc nuncio Imperator, in Italiam festinus descendit, incussoque in Berengarii copias terrore, ipsum non modò a Canusii Arce exercitum retrahere, sed etiam in Saxoniam (ad quam redierat Otto, celebratis solemnibus pompâ nuptiis cum Adeleide) se conferre cœgit, ut supplex pacem peteret, quam benignè Imperator indulguit simul cum Italico Regno. Reverfus tamen Berengarius ferociori quàm antea animo, omni injuriarum genere incessere institit Summum Pontificem, Episcopos, Abbates, Comitesque Italiæ, eos in ordinem cogendo, neque fortunis aut dignitati ullius parcens, ac ubique insignia avaritiæ atque superbiæ exempla relinquens, quemadmodum scribit Sigonius ad Annum CMLIII. Quamobrem pettæsi omnes tam barbaræ dominationis, implorare auxilium Ottonis, qui demum fractis prorsus Berengarii viribus, eundem unâ cum Coniuge captivum in Bajoariam relegavit. Donec igitur Berengarius Regno potitus est, perseveravit MANASSES in dilaceratione Ecclesiæ nostræ, Archiepiscopum Mediolanensem se professus non tam in Comitibus Augusta-

gustanis , Anno CMLIII. , VII Idus Augusti celebratis ; sed etiam Anno CMLX. , quemadmodum testatur Liutprandus Libri VI. Cap. VI. . Expulsio autem ejusdem Patrono Berengario ; quid actum sit de hoc Pseudo-Episcopo , nihil Scriptores memorant ; quamvis Papebrochius arbitretur , eundem ad primævam Ecclesiam , quam nunquam dimiserat , rediisse .

Dum de Comitibus Augustanis sermo incidit , excusare non possumus Ughellum , quòd loco Manassis Adelmanum iisdem interfuisse perperam scripserit ; patet enim veritas ex subscriptionibus , editis a Labbeo , & a Fratribus Sammartanis in *Gallia Christiana* .

Restitit MANASSI Adelmanus , quantum eidem licuit , declinando perfidiam Berengarii sevitiæ in Episcopos furentis . Verùm cum ab æmulo Pseudo-Episcopo , & ab hoc Italiae Rege se oppressum videret , virgam Pastoralem deposuit , multò antequam mors communi lege ab ejusdem manu illam decuteret , idest Anno CMLIII. . Extorris itaque obiit Anno CMLVI. , postquam Ecclesiam Mediolanensem per quinque annos administrasset .

Galesinius & Ughellus quatuor tantum annos regiminis eidem tribuant . Nos tamen antiquos Catalogos sequentes , quinque assignamus , ab Anno videlicet CMXLVIII. , ad Annum CMLIII. . Adherere quoque Ughello non possumus in anno mortis Adelmani statuendo ; annus enim , quem ipse signat CMLIII. , abdicacionis est , non mortis .

Editores Veneti , in Additamentis ad Ughellum , Epitaphium Adelmani retulerunt , quod nos jam vulgavimus in Annotationibus ad Sigonium , & præstat hic recudere . Ita autem se habet .

Hic

*Hic tamulatur Adalmanus, Praefulus beatus,
 Clarior in tanta qui fuit Urbe potens.
 Hujus origo fuit celfo de sanguine ducta
 Pauperibus largus extitit atque pius.
 Huc grefsum referens modicum tu fiste viator.
 Dic famulo requiem, crimina pelle Deus.
 Obiit autem Anno Incarnationis Dominicae CMLVI.
 Mense Decembris, Indictione decimaquinta.*

Hinc verò confirmatur tempus mortis, a nobis statutus, & Consecratio ejusdem in Episcopum, quam negavit Ughellus; liberalis enim caritas pietasque erga pauperes, quæ in Epitaphio Adelmani commendantur, eundem fuisse verum Mediolanensis gregis Pastorem clarè testantur.

Quo autem in loco tumulum habuerit, prorsus nescitur.



VAL-

V A L P E R T U S .



Substitutus est Valpertus a Clero in hac Sede Adelmano adhuc viventi, sed ob impotentiam Berengarii & tyrannidem coacto ab Ecclesia sua recedere. Id autem prudentissimo consilio effectum est, ne destitutus legitimo Pastore grex Mediolanensis, voraci Mannassis licentiæ dilaniandus relinqueretur. Incidit ista electio in Annum CMLIII., quo Adelmanus Ecclesiæ hujus regimen dimisit, ut optimè adnotavit etiam Ughellus, quamvis falsa persuasione captus, obliisse Adelmanum hoc eodem anno affirmet; cùm superius jam constet ex ejusdem Epitaphio, fuisse illum in vivis superstitem triennio sequente. Neque intelligimus ea quæ subjungit idem Scriptor, videlicet inisse Valpertum pacificam suæ Ecclesiæ possessionem, cùm statim hanc petiendum subtexat: *quamquam ea sui Pontificatus sit natus exordia, quæ illum in Germaniam ad Ottonem compulserint, contra desavientem Aldebertum Francorum Comitem* (verius Regem Italiæ cum Berengario Patre); hæc enim nonnisi Anno CMLX. contingere, quemadmodum ex Liutprando tradit Sigonius ad illum annum.

Ughellus dum hæc refert, non aliū nominat, quàm Aldebertum Francorum Comitem, de quo Galvaneus Flamma, ab eodem descriptus, plura congestit in *Chronico Majori*, quæ minimè veritati consentiant, utpote hausta è luto-
lento in hac re Landulphi Senioris fonte, idest ejusdem Hi-

storia

storia Mediolanensi, vulgatâ Tom. IV. *Rerum Italicarum*; Si quidem non alii Reges in Italia regnare, quàm Berengarius, ejusque Filius Aldebertus, quos expulit ab Italicis finibus Otto, teste Sigonio, & etiam Arnulpho nostro Scriptore, edito inter *Rerum Italicarum* Historias Tomo eodem.

Extra omnem dubitationem quidem est, Valpertum Mediolanensem Archiepiscopum, unâ cum Valdone Comensi Episcopo, profectos esse in Germaniam ad Ottonem, ut eum sollicitarent ad iterum adeundam Italiam, contra Berengarii & Aldeberti rabiem; qui Ecclesias violabant, sequebantur, fœdissimè in Italos omnes atque etiam Proceres; simulque spondidisse eidem Imperatori regiam Italice Coronam, quem admodum jam præstitit etiam Joannes XII. per Legatos suos, Augustale diadema pollicitus, cum & ipse ab illis Regibus indigna pateretur. Adfuit Otto, validis copiis instructus, comiteque Valperio eodem, statim ac victor se expedit a bello contra Sclavos; & Mediolanum delatus, omnem Berengarii familiam urgere in fugam non destitit. Valpertus verò memor promissi, de more, convocato Episcoporum & Principum Concilio, Ottonem in Ecclesia Ambrosiana, elegit in Regem, festoque festo solemniter coronavit, Regno exautoratis Berengario & Aldeberto.

Auctus hoc honore Otto, ut acceptum a Valperio beneficium digno se munere pensaret, dono eidem dedit tres in Agro Mediolanensi Diriones, quæ Regibus Italia olim prebebant, videlicet Comitatum Parabiagi, Seprii, & Bazarie, Ducatum Burgarie, & Marchiam Marthesii, quemadmodum Sigonius compertiori nomenclaturâ eadem enumerat ad Annum

CMLXI. ; Ughellus namque Loca enunciata ferè omnia non, nisi luxatis nominibus refert. Clariss. Muratorius in Dissertat. I. Tom. I. *Antiquit. Ital. Med. Aevi* explicare studet, quae parte Italiae jacerent Ditiones istae, & cur relatis nominibus appellarentur; adeoque illum consulere poterunt qui eruditi hac in re perorant.

Ut ergo ad Ottonem revertamur, Romam subinde progressus est, Valperto Archiepiscopo & universo exercitu comitante; ibique exceptus a Civibus incredibili planctu, & ab Archiepiscopo Mediolanensi oblatus Summo Pontifici Joanni XII., Augustalem Coronam ab eodem solemnè pompâ recepit Anno CMLXII. circa mediū mensem Januarii, ut notum facit Charta, in Archivo Basilicæ Sancti Georgii ad Palatium Mediolani reperta, & a nobis edita atque illustrata in *Historia Literaria Typographica Mediolanensi*, ad Annum ~~MCCCCLXXXVII.~~

Subscripsisse Valpertum Synodo Romanae tradit Galestinus in Tabula nostrorum Antistitum. Hoc tamen, si verum fateri volumus, potius in ejusdem dedecus quàm laudem vertit. Siquidem Eraditorum omnium consensu Synodus ista verè Conciliabulum fuit; exortis enim dissensionibus, quas narrant Baronius, Sigonius, alique, inter Ottonem & memoratum Pontificem Maximum, Romam reversus Imperator, ac Procerum quorundam Romanorum consilio extimulatus, Synodum Episcoporum cogi curavit Anno CMLXIII., in qua depositus est a Sede Romana Joannes XII., & intrusus Pseudo-Pontifex Leo VIII. Alterum certè Concilium celebravit Joannes anno sequente, cum Urbe excessisset Imperator, in quo

quo Acta omnia rescidit, quæ Episcopi superiore anno congregati contra ipsum conscribere ausi fuerant; & Pontificem ab ipsis electum sacro anathemate percussum inferis devovit. Huic autem legitimæ Synodo Valpertus subscriptus minima legitur; fortasse enim eo anno Româ discesserat. Appositum quidem est Valperti nomen Diplomati expedito Anno CMLXVII. a Joanne XIII. in Concilio Ravennatensi, ob exautorationem Heroldi Archiepiscopi Salisburgensis, cæcitaris, & quorundam criminum ibidem recitatorum causâ; subrogato in ejus locum Friderico, ut rectè adnotavit Ughellus.

Concilium aliud Provinciale celebravit Valpertus Mediolani in Sanctæ Theclæ Basilica. Occasionem huic cogendæ Synodo dedit, sæda & barbara depopulatio, illata a Saracenis Hungarisque Suffraganeæ Ecclesiæ atque Urbis Albenis, ob quam eò inopix devenerat Florardus seu Fuchardus ejusdem Episcopus, Anno CMLX. creatus, ut victum propriis manibus quærere cogeretur. Bonis avibus illinc pertransiverat Otto, Romam ad recipiendam Augustalem Coronam festinans, qui tactus miseratione tam atrocis spectaculi extremæque Antistitis indigentix, ad aliam Urbem delatus cum Summo Pontifice Joanne XII. egit, ut tanto infortunio remedium pararetur. Acta res est in Concilio Episcoporum Romæ existentium, a Pontifice Maximo ibidem collecto; neque alia visa est commodior via refarciendæ huic cladi, quam si Albenis Ecclesia Aitensi, tunc florentissimæ uniretur. Itaque datæ sunt Literæ cum a Pontifice Maximo, tum ab Ottone ad Valpertum Mediolanensem Antistitem, ut auctoritate Apostolica rem hanc in Provinciali Concilio perficeret. Is autem,

accitis Mediolanum Suffraganeis Episcopis, accepta ab Urbe mandata optime implevit. Ughellus, cui notitiam Mediolanensis hujus Concilii debemus, in Albenſibus Episcopis enumerat Præsules, qui eidem interfuere; cum iis autem recensetur Augustinus, adhuc Suffraganeus Metropolis Ambrosianæ. Memoratus Scriptor censuit, peracta ista fuisse; cum Otto Romanum secundus est profectus; hoc est Anno CMLXVI. Fallitur tamen Vir doctissimus; Otto namque illo anno Romam non pervenit, nisi expirante Decembri, testibus Baronio, Sigonio, & Pagio, qui Natalem Domini ibidem ab hoc Cesare celebratum fuisse ex Continuatore Reginonis tradit. Quis vero credat, tam brevi tempore perfici ea omnia potuisse, quæ superius narravimus? Præterea statim ac ingressus est Urbem Otto, compescendis tumultibus ibidem jampridem excitatis, insignendisque in eorundem Auctores atrocium suppliciorum poenis totum se addixit. Neque tunc Romæ aderat Summus Pontifex, cum quo de Albenſe Ecclesiæ pessima conditione sermonem habere posset. Adnotare etiam opus est, hunc ipsum memoriâ fuisse Ughellum, dum in Episcopis Assensibus, ubi de Rozone Antistite illius Ecclesiæ agit, repetens Historiam hucusque descriptam, ait, Concilium Mediolanense celebratum fuisse a Lodalpho Archiepiscopo; Valpertus enim multo etiam post Annum CMLXVI. in Ambrosianæ Ecclesiæ regimine perduravit.

Ughellus in hujus Archiepiscopi Vita Documentum refert Sententiæ, quam Valpertus sedens pro Tribunali in Aula Domus Sancti Ambrósii (Palatii nempe Archiepiscopalis) protulit in favorem Gompaldi, seu Grimpaldi Abbatis Cœnobii Tol-

Tollani in Placentino agro, circa quasdam terras *Sancti Casiani & Sancti Angeli*, præfato Monasterio *legaliter subditas, & injustè denegatas*. Lata est hæc Sententia Anno decimo Pontificatus Valperti, ut ibidem adnotatur, adeoque Anno CMLXIII.

In assignando temporis spatio, quo Valpertus Mediolanensem Ecclesiam administravit Scripto et omnes consentiunt, afferentes unà cum antiquis Catalogis, præfuisse illum suo Gregi octodecim annis. Non ita concordēs sunt in anno obitus indicando. Papebrochius eundem mortuum tradit Anno CMLXIX, cum ceteri passim testentur, illum e vivis excessisse Anno CMLXXI. Porro Vir iste, non solum excellenti doctrina, sed etiam accurato criterio præditus, defecisse videtur in hisce calculis incundis; cum enim legisset in Ughello, latam a Valperto Archiepiscopo sententiam in favorem Gompaldi Abbatis Cœnobii Tollani in Agro Placentino, Anno CMLXIII, in cujus Documento enunciat, tunc decurrisse annum decimum Pontificatus ipsius, nihilominus statuendam electionem memorati Archiepiscopi censuit Anno CMLI, adeoque aut falsi arguit prædictæ sententiæ Documentum, quod signat decimum Valperti annum, cum signare debuisset duodecimum, aut memoriâ lapsus fuisse dicendus est laudatus Auctor, qui ut locum faceret octodecim annis regiminis Valperti, biennio prævertit ejusdem inaugurationem. Hoc unum certò scimus, & in figendo tempore initæ Dignitatis, & in exitu vitæ Valperti designando præclarum hunc Scriptorem biennii anachronismo peccasse.

Longius aberravit Pagius, qui ad Annum CMXCVII. num. IX. recensens Legationem Arnulphi II. Archiepiscopi Mediolanensis, emendare studet Papebrochium, qui decessisse Valpertum tradit Anno CMLXIX., retrahens illius obitum ad Annum CMLXVI., fretus testimonio Arnulphi Scriptoris Mediolanensis (nunc editi inter *Rerum Italicar. Scriptores* Tom. IV.), qui narratâ, Libr. I. Cap. VII., captivitate & obitu Berengarii in Svevia, Anno mox enunciato, claudit illud Caput, & exordiens octavum, hæc habet: *Eodem tempore obeunte Valperto, Cathedram suscepit Arnulphus* &c. At Vir doctissimus minimè advertit, ab hoc Auctore plura in unum congeri, quæ diversis annis accidere; adeoque usum fuisse illâ formulâ *eodem tempore*, non *eodem anno*; proinde accipienda esse prædicta verba ampliori significatione. Certè eadem in hunc modum optimè intellexit, qui in margine ad illud Caput Arnulphi Annum CMLXXI. adnotavit.

Citra formidinem itaque erroris arbitramur, statui debere obitum hujus nostri Archiepiscopi ad Annum CMLXXI., VIII. Idus Novembris; Ejus autem Corpus sepulcro datum est in Ecclesia Hyemali.



ARNULPHUS I.



Edem Mediolanensem adeptus est Arnulphus hujus nominis primus, Anno CMLXXI. ad finem vergente. De hoc Archiepiscopo parum in Historicas tabulas retulere Scriptores Patriæ nostræ: Arnulphus verò alter, iis temporibus proximus, qui Historiarum eâ ætate gestarum in hac Urbe Posteris scriptam reliquit, quique eidem Antistiti consanguinitate conjunctus erat, utpote illius ex Fratre Pronepos, non aliud adnotavit, nisi fuisse hunc Præfulem, *Virum declinantem a malo, & facientem bonum*. Hinc autem prorsus refellitur opinio eorum, qui scriptis tradidere, hunc Archiepiscopum missum fuisse Legatum ab Ottone I. ad Joannem Zimischem Imperatorem Constantinopolis, ut Theophaniam ejus Neptem, in uxorem Ottonis filii sui postularet. Quis enim enarrare debuisset gloriosum hoc munus, gestum a Propatruo suo, quàm Scriptor ille, qui tam arcto sanguinis vinculo eidem adhærebat? Præterea cum Sigonius & Pagius hanc Legationem expeditam fuisse asserant Anno CMLXXI., manifestum sit, eam minimè committi potuisse Arnulpho, qui nonnisi labente Decembri ejusdem anni donatus est Insulâ Mediolanensi; aliunde verò constat, Theophaniam sub primos menses anni sequentis, idest die XIV. Aprilis, ut ex Chronographo Hildesheimensi, coronatam Romæ fuisse a Joanne XIII. Summo Pontifice, & Ottoni II. matrimonio conjunctam. Mirum autem


autem foret, si tam brevi temporis spatio cōfecta fuissent, terrā marique suscipienda itinera ad tam diffitas Regiones: Præcipuè cūm ageretur de Augusta Fœmina, & Sponsa Principis, Occidenti imperantis, quæ solemnī celebratit ap- paratu excipienda erat, utpote Procerum Græci Romanique Imperii comitatu stipata.

Condonare tamen hos nævos Viris memoratis, alioquin eruditissimis, possumus, qui longè ab hac Metropoli scribe- bant, neque obvias habebant Historias nostræ Urbis, per ea tempora adhuc manu exaratas in Scriniis latentes. Non ita excusandus videtur Galefinius, diu apud nos immoratus, qui de Arnulpho plura congefist in Tabula nostrorum Antisti- tum, longè recedentia ab historica veritate. Ait enim, An- tistitem hunc, filium extitisse Bonitii Ducis, cūm nemo Scrip- torum res nostras narrantium id asseruerit, Sigonius quidem Landulphum, hujus Arnulphi postmodum Successorem, & Ripamontius Arnulphum etiam II., ab hoc Duce, infimæ conditionis homine, progenitos tradiderunt; ad primum autem Arnulphum, Bonitii seu Bonizonis stirpem minimè pertaxere, Tristano Calcho solum Landulphum, de quo suo loco erit sermo, Bonizonis filium memorante. Hinc autem arbitramur, sumptam fuisse a Galefinio opinionem, quod iste Arnulphus, Clero reclamante, Archiepiscopalem Cathedram occupaverit; de hoc enim silent qui Archipræsulum Mediolanensem seriem texuere; & potiùs censendum est, id accidisse Landulpho, ex obscuris natalibus ad Præsularis honorem evecto.

Quod verò subjungit Ughellus, nempe a Præsule nostro Arnulpho conscriptam fuisse Historiam sui temporis, prorsus resel-

refellitur ab ejusdem Pronepote, qui verbis patentibus se il-
lius Auctorem fuisse proutur.

Præfuit Arnulphus I. Mediolanensi Ecclesie annis III.,
mensibus IV., quemadmodum tradunt antiqui Catalogi, ejus-
que Pronepos Arnulphus. Obiit XVI. Calendas Maji, Anno
CMLXXV., sepultus in Ecclesia Hyemali.



GOTHIFREDUS.



Ost obitum Arnulphi consecutus est Insulam Mediolanensem Gothifredus, mense Julio Anni CMXXV., moderante Romanam Ecclesiam Benedicto VII., non VI., ut tradidit Galefinius. Papebrochius in *Exegesi* biennio prævenit hanc electionem, errore jam admissio in Valperto, ut ibidem adnotavimus.

Hujus Archipræfulis electionem minimè tranquillam fuisse discimus, ex memorato Arnulpho, regum Patriæ nostræ Scriptore, qui narrat, reprobatum eum prius fuisse a Clero & Populo, quod Diaconi & Presbyteri gradum minimè conscendisset, Subdiaconi tantum ordine decoratus (constans enim erat tunc temporis in Ecclesia Ambrosiana antiquæ disciplinæ custodia, ne quis per saltum ad Episcopalem Dignitatem promoveretur); nihilominus in gratiam Ottonis Imperatoris, qui illum proposuerat, receptum fuisse. Laudat etiam Gothifredum Arnulphus, ob summam fidelitatem. Ottoni præstitam, in bellis ab eo susceptis contra Berengarii Filios, quos ab Italico Solio dejecit, atque in alienas terras dispersit. Cetera, quæ ad Ecclesiasticum administratum munus pertinent, antiquitatis silentium nobis invidit.

Unicum perenne testimonium singularis liberalisque amoris, quo Sanctum Ambrosium Patronum colebat Archiepiscopus Gothifredus, est Vas eburneum elegantissimè ornatum, ejusdem Basilicæ dono oblatum, ut, cum inaugurandi essent

sent solemnè pompâ Cæsares, ad Italicum Regnum capef-
sendum, aspergendis aquâ lustrali Regibus eorumque Infi-
gniis, Mediolanensi Archiantistiti, Hydriæ loco, inserviret.
Visitur adhuc pretiosum hoc manus in Cimeliarchio Metro-
politani Templi; illudque exactè descripsit in suis ad *Ma-
numenta Basilic. Ambros.* MS.tis Additamentis diligentissimus
Paricellus ad num. CLXXXIV. pag. CCCVI. his verbis:
„ Manabrium, habet ferreum, sed auro illitum. Labrum,
„ quoque habet exterius, binis ejusmodi versibus circumqua-
„ que insculptum:

„ ✠ VATES AMBROSI GOTEFREDUS DAT TIBI SANCTE

„ VAS, VENIENTE SACRAM SPARGENDUM CÆSARE LYMPHAM.

„ Vates igitur, hoc est, notâ inter Sacrorum carminum.
„ Auctores significatione, Antistes & Archiepiscopus noster
„ Gotefredus, nobile illud Vas Ambrosio Sancto dabat, quo
„ Aqua benedicta contineretur, & ad spargendum exhibere-
„ tur tunc temporis, quando delecti Imperatores Mediola-
„ num venissent, ad Italici Regni Coronam ex Archiepiscopi
„ nostri manu capeffendam: Quam quia capeffebant in Sancti
„ Ambrosii Basilica, propterea etiam Gotefredus eidem San-
„ cto talem a se hydriam dari profitebatur. Ceterum hæc
„ ipsa exteriorem habet ambitum variis omniunque æqua-
„ mentis ac figuris cælaturâ. Quinis est distincta spatiis,
„ quibus totidem insunt imagines, unaquæque suo superne
„ circumdata versiculo. Medium locum Deipara obtinet Vir-
„ go, Basilicæ Metropolitanæ Tutelarîs, ac duobus hinc inde

„ Sanctis adstantibus infantulum Iesum gremio gestat. Reli-
 „ qua porro loca singillatim occupant. quatuor Evangelistæ ;
 „ cum propriis quisque Symbolis, quibus communi Ecclesiæ
 „ Catholicæ usu designari consueverunt. Versiculi vend illi
 „ sunt huiusmodi :
 „ VIRGO POVET NATUM, GENITRICEM NUTRIT ET IPSE.
 „ ORA GERENS HOMINIS MATHEUS TERRESTRIA NARRAT.
 „ ORE BOVIS LUCAS DIVINUM DOGMA REMOUIT.
 „ CHRIITI DICTA FREMIT MARCUS SUB FRONTE LEONIS.
 „ CELSA PETENS AQUILÆ VULTUM GERIT ASTRA JOHANNES.

Rexit Gothifredus Ecclesiam Mediolanensem annis quin-
 que, mense uno, & aliquot diebus, ut ex vetustis Cata-
 logis liquet. Ughellius ultra modum protendit regiminis ejus-
 dem tempus, quindecim annos Sedis liberali calamo Gothi-
 fredô attribuens, nixus opinioni nonnullorum (quorum ta-
 men nomina non indicavit), qui hosce annos Archipræsuli
 huic nostro assignant. Male etiam calculos inijt hic Auctor;
 cdm enim fixerit obitum Gothifredi Anno CMLXXXVIII., &
 electionem Anno CMLXXV., cuique pater, non quindecim
 annos, sed tresdecim tantum intercessisse. Nos iustum sequen-
 tes ordinem, hujus Episcopi mortem statuimus ad Annum
 CMLXXX., quo verè e vita decessit, XIII. Calendas Octo-
 bris. Sèpultus est in Ecclesia Hyemali.

LANDULPHUS II.



Dignatus est ad Sedem Mediolanensem, Gothifredo e vivis erepto, Landulphus II. de Oppido Carcanensi Aucto, CMLXXX. Puricellus in *Dissertat. Nazarii*. Cap. LXXXVI. num. VII. varias recentium Scriptorum opiniones recenset, quæ invicem sese implicant, & a vero progius exorbitant. Siquidem aliqui biennio, alii octennio, & etiam decennio differunt hujus Antistitis electionem. Nos venerandæ Catalogorum veterum auctoritate firmati, annum superius enunciatum novo huic Archiepiscopo ad Ecclesiæ nostræ regimen delecto assignamus, ut ad justam lancem (quantum nobis potis est) subsequendum Antistitum series componatur.

Filius hic erat Bonitii, seu Bonizonis electi ab Ottone II. ob ingenii præstantiam, ex vili Lanionis arte ad hujus Metropolis moderationem, sub Ducis titulo. Puricellus ex ultimis Tabulis Landulphi Archiepiscopi, ab ipso inspectis adnotat, Patrem ejusdem nomen habuisse. *Ambrosii*, scripsisse enim Bonitius seu Bonizo duobus hisce nominibus appellabatur; proinde etiam Ughellus Landulphi Patrem, *Ambrosium Carcanum* vocavit, Landulphus alter, Mediolanensis Historiæ Scriptor, publici juris factus Tom. IV. *Rerum Italicar.*, refert obtentam fuisse vitiosè ac venali modo ab isto Archipræfule Insulam Mediolanensem. Cum enim Pater ejus ambitione turgeret, ac desideriourgeretur copulandi simul

simul Ecclesiasticum, ac Civile imperium, quod ipse Cæsaris favore administrabat, suo Filio Landulpho, in pondere auri & argenti magno, Archiepiscopatum Mediolanensem, contra omnium ordinum Clericorum voluntatem adquisivit.

Pravis hîcce artibus ad Archiepiscopale Solium evectus Landulphus, Patris tyrannidem in Cives populumque imitari cœpit, Altaria argenteis ornamentis denudans; opulentas Ecclesiæ opes in Fratres Amicosque dispergens, qui effrænata licentiâ debaccantes, testibus Calcho & Sigonio, in omnes insurgabant. Quamobrem plebs Mediolanensis tumultum excitavit; eosque insolenti superbia atque alieni cupiditate in omnem audaciam perrumpentes, Urbe expulsi, & contra eosdem armis confixit apud Vicum Carbonarium in Agro Sepriensi, eorumque exercitum in fugam conjecit; pessimo quidem exemplo; inde enim orta sunt inter Plebem, & Nobiles pertinacia ea dissidia, quæ cædibus & ærumnis hanc Metropolim usque ad XIV. Seculum implevere, ut adnotavit Sigonius; qui etiam subdit, ex hac perturbata civilis concordie pace, emeruisse aliquod Reipublicæ Mediolanensis bonum; Siquidem excusso barbaro Ducum iugo, ac restituto antiquo Consulum regimine, publicæ res tranquillæ utilisque floruerunt.

Ut autem ad Landulphum redeamus, cùm in memorato prælio apud Carbonariam acto, cecidisset quidam nobilis Tati-
 tius, unus ex ejusdem vernulis, ceteris animosior, Mediolanum reversus, atque domum Bonizonis Ducis ingressus, eundem senectute gravem pugione confodit: Non tulit hoc probum Archiepiscopus; sed fractum videns Fratrum exercitum,

tam, in Germaniam ad Ottonem II. iter suscipiens, illum enixe rogavit, ut admotis Mediolanum armis huic vulneri mederetur; obtinuitque subsidium quod optabat. Reversus enim Imperator in Italiam, arcti obsidione hanc Metropolim cinxit: Sed compositis privatim inter Cives & Archipræfulem similitatibus, removenæque a mœnibus Ottone militares copias, omnia impostèr prospère contrigere. Landulphus verò suæ Sedi restitutus, in emendationem eorum, quæ de Ecclesiâ subriperat profuderatque, Cœnobium Sancti Celsi a fundamentis extruxit, & proximam Ecclesiam in meliorem formam redegit; assignatis prædiis, ut alerentur Monachi ad Divina Officia persolvenda, quemadmodum constat ex ejusdem ultimis Tabulis, a Paricello relatis in *Dissertat. Nazarian.*, dicto Cap. LXXXVI., ubi fusi de hoc Monasterio loquitur.

Varias de hujus Antistitis regiminis annis retulimus opiniones in Adnotationibus ad Sigonium *de Regno Italiæ*, sub Annum CMXCIX., ex quibus perspicuum fit, perdurasse Landulphum in Mediolanensi Sede usque ad Annum CMXCVIII., auctoritate præsertim Diplomatis, asservati in Archivo Monialium Sanctæ Mariæ Vallis Mediolani, dati ab Arnulpho Landulphi Successore Anno MXIV., in quo numeratur decimus septimus Pontificatus sui annus, qui supputari nequit, nisi ab Anno CMXCVIII., quo Landulphus numerum annorum XVIII. Sedis, in antiquis Catalogis eidem assignatorum absolvit.

Lubet hoc loco attexere Chartas nonnullas, adhuc luce carentes, quæ in Tabulario Basilicæ Sancti Georgii appellati in *Palatio* asservantur. Primæ duæ vigilantiam hujus nostri Pasto-

Pastoris compertam faciunt, qua Sacris Ministris providere studebat, eorumque bono prospicere, ut Dei cultui impensius alacriusque innumberent. Anno igitur CMLXXXVIII. contractum inivit Landulphus cum Cive quodam Mediolanensi tradendi in jus illius aliqua prædia, quæ Sancti Georgii Basilica, seu ejusdem Officiales possidebant in Loco Fontecilli seu Fontegii, receptis in permutationem nonnullis aliis terræ portionibus in territorio Cixinusculi: Omnia verò hæc conmensurata fuere per *juges*, & *perticas jugiales*, in Charta proximè referenda descriptas. Quid autem essent *juges*, Duncangius minimè explicavit, afferens tantummodo testimonia Chartarum, in quibus mensura hæc adnotatur. Nos ex alterâ Charta ejusdem Archivi, cujus mentionem egimus in *Historia nostra Typographico-Literaria Mediolanens.*, ad Annum MCCCCLXXXVII., initis calculis deprehendimus, mensuram hanc, esse portionem terræ ex duodecim perticis constatam. Jam itaque Chartam ipsam proferimus.

„ In Christi nomine. Anno ab Incarnatione Domini nostri
 „ Jesu Christi nono centesimo octuagesimo octavo, mense
 „ Jennaio, Indictionis prima. Comutacio bone fidei noxitur
 „ esse contractum, ut ad vicem emcionis optineat firmitas
 „ rei & eodemque nexu obligationis contraentes. Placuit ita-
 „ que & bona convenit voluntate inter Dominus Landulfus
 „ Archiepiscopus Sancte Mediolanensis Ecclesie, nec non &
 „ inter Romedius Judicem filium quondam Angifredi Negociatori de Civitate Mediolani. Ut in Dei nomine debeat
 „ dare sicut & a presenti dedit is ipse Dominus Landulfus
 „ Archiepiscopus eidem Romedii Judici in causa comutacionis

nis

„ niſi nomine preſenti die ſuo jure habendum. Ideſt petia
 „ una de terra cum buſcalia ſuper habente in alijs de al-
 „ veum fluvio Lambrii in ſimul tenente juris Baxilice San-
 „ ctę Marie que dicitur ad Fonticillo, que Baxilica cum
 „ omni ſua pertinencia pertinere videtur de ſub regimine &
 „ poteſtate Eccleſie Sancti Georgii ſita intra Civitate Medio-
 „ lanenſis, prope locus, ubi Palacio dicitur, & rejacet ſu-
 „ pradiſta petia de terra foris Civitate Mediolanenſis, non
 „ longe de Baxilica ſupradiſta Sanctę Marie, & nominatur
 „ amundadia. Coheret ei a mane terra ipſius Eccleſie & via
 „ publiſa, a meridie rio qui dicitur paureni, a ſera Mo-
 „ naſterium Sancti Ambroſii, & fluvio Lambro a monte
 „ ipſius Eccleſie, & eſt eadem petia de terra cum parte de
 „ alveum fluvio Lambro inſimul per meſuram juſtam jubeas
 „ legitimas viginti. Unde ad vicem recepit iſ ipſe Domnus
 „ Landulphus Archiepiſcopus ab eodem Romedio Judice ſimi-
 „ liter in cauſa comutationis nomine preſenti die ad partem
 „ ipſarum Eccleſiarum habendum. Hę ſunt rebus territorijs
 „ illis juris eidem Romedii, que habere viſus eſt in loco
 „ & fundo Cixinaſculo & Malehaira, quod eſt prope nomi-
 „ nato loco Cixinaſculo, & ſunt ipſis rebus Vinga cum area,
 „ ubi eſtat petia una, campora petias undecim, Silva caſtanea
 „ cum area, ubi eſtat petia una, prata petia una, Silva ſtal-
 „ larea cum area, ubi eſtant petias tres, Jam diſta Vineę,
 „ & primo campo inſimul tenente dicitur Vigniale de agone.
 „ Coheret ad ſupradiſtum a mane yia, a meridie de Mona-
 „ ſterio quod dicitur Giſoni, a ſera Bonicioni & area ex ipſa
 „ vinea, per meſuram peticas jugales. Secundo cam-

„ po dicitur campo de Leo. Coheret ei a fera & monte
 „ via, & est per mensuram jugias legiptimas duas, & per-
 „ ticas jugales ses. Tercio ibi prope est ei a meridie via,
 „ a fera Adeleberti, & est per mensuram perticas jugales
 „ undecim. Quarto dicitur a Runco. Est ei da meridie
 „ Johannis, da fera de heredes qu. Gisenperti, & est per
 „ mensuram cum incisa sua jagiam legiptimam unam, &
 „ perticas jugales quinque. Quinto dicitur ab Alalestro. Est
 „ ei da mane Sancti Protaxi, a meridie Walperti, & est
 „ per mensuram perticas jugales quinque. Sesto dicitur a
 „ dofo de. . . . Et est ei a mane & monte via, & est
 „ per mensuram perticas jugales ses. Septimo campo cum prato
 „ infimul tenente. Coheret ad super totum a Seta Wat-
 „ perti, a monte Anselmi, & est eodem campo & nomi-
 „ nato prato infimul per mensuram perticas jugales octo.
 „ Octavo campo dicitur a pescairolo. Est ei ab una parte
 „ Sancti Manricii, & est per mensuram perticas jugales ses.
 „ Nono campo dicitur Abraigsto. Est ei a fera Sancti
 „ Ambrosii, & est per mensuram jugia legiptima una. De-
 „ cimo campo dicitur in Luraxa; est ei da meridie Angil-
 „ berti & Uberti, a monte Walperti, & est per mensu-
 „ ram perticas jugales ses. Undecimo campo ibi prope. Est
 „ ei da una parte de heredes qu. Gisenperti, & est per
 „ mensuram perticas jugales duas. Nominata Silva castanea
 „ dicitur a Silvango, & est ei a mane Sancti Johannis, a
 „ meridie Adeleberti, & est area ejus per mensuram per-
 „ ticas jugales septem. Prima stallarea dicitur a purtillia,
 „ est ei da una parte Walperti, & est area ejus per meti-
 „ suram

„suram perticas jugales ses. Secunda stallarea dicitur a Ban-
 „dido, est ei da una parte Sancti Michaelis, & est area
 „ejus per mensuram perticas jugales duas. Tercia stallarea
 „dicitur ab Aragare, & est ei da una parte Walperti,
 „& est area ejus per mensuram juga legiptima una. Qui-
 „dem & ut legis ordo deposcit, & ad anc previdendam
 „comutationem accessit. super is rebus ad previdendum,
 „idest Petrus Presbiter de Ordine ejusdem Sancte Mediola-
 „nensis Ecclesie, & Missus ejusdem Domni Landulfi Ar-
 „chiepiscopi una cum duos homines estimatores, quorum
 „nomina subter legitur. Quibus eorum omnibus comparuit,
 „& estimatores isti estimaverunt & dixerunt eam esse me-
 „lioratam causam, sicut lex abet accipere. Item ipse Do-
 „mnus Landulfus Archiepiscopus a parte ipsi &
 „ab eodem Remedio comutatore quam ei darent, & in-
 „comutacio inter eorum legibus. Hac firmiter fieri posedet.
 „Is autem rebus supradictis lex comutationis una cum su-
 „perioribus & inferioribus, cum finibus & accessionibus ea-
 „rum in integrum & aliter ipsis comutatores sibi invicem
 „comutationis nomine tradiderunt faciendum pars parti de
 „eadem, ut supra legitur in comutatione recipere cum
 „heredibus & successoribus suis proprietario jure legibus.
 „Quidem voluerimus aut prevederimus sine omni uni eo-
 „rum alterius, eorumque heredes vel successores contra-
 „dictione. Et sponderunt se ipsos comutatores sibi unus
 „alteri invicem cum heredibus & successoribus suorum ut
 „supra in comutatione dederunt omni tempore, ab omni
 „homine defendere, ut lex expostulat. Et penam inter se

„ posuerunt , ut quis ex ipsis , aut ex hæredes vel successores se de hac comutatione remove aut causare presumpserint , vel si ab unumquemque homine non compensaverit & non permanferit qualiter ut supra legitur , tunc componat pars patti illa pars que non conservaverit , ad partem que servaverit pro pena is rebus quas comendaverit in duplum sicut pro tempore melioratis fuerint sub estimatione in eisdem locis , quia sic inter eos convenit .
 „ Unde due charte comutationis uno tempore scripte sunt .
 „ Actum ista Civitate Mediolani .

„ Landulphus Dei gratia umilis Archiepiscopus subscripsi .

„ Ego Petrus Presbiter Dei gratia umilis Missus fui ut supra & subscripsi .

„ Marinbertus Iudex Sacri Palatii estimavi ut supra & subscripsi .

„ Anselmus Iudex Sacri Palatii estimavi & subscripsi .

„ Petrus Iudex estimavi & subscripsi .


„ Adam Notarius rogatus subscripsi .

„ Benedictus Notarius rogatus subscripsi .

„ Petrus Notarius rogatus subscripsi .

„ Amelbertus qui & Benzo rogatus subscripsi .

„ Arialdu Notarius scripsi , post tradita compleri & dedi .

„  Ego Anselmus Iudex autentica hujus exempla vidi & legi , & sic in eo continebatur , sicut in isto legitur exemplo extra literas plus minusve .

„ 

„✠ Ego Fredencionus Notarius hac Judex hantentica
 „hujus exempli vidi, & legi, & sic in eis continebatur,
 „sicut in isto legitur exemplo exemplavi extra literas plus
 „minusve . . .

„✠ Ego Otto Notarius hantentica hujus exempla vidi
 „& legi, & sic in eo continebatur, sicut in isto legitur
 „exemplo, extra literas plus minusve . . .

Altera Commutationis pariter Charta nobis refert novum
 cum Petro Laudensi Cive initum a Landulpho contractum,
 quo eidem cessit quedam prædia proxima Basilicæ Sancti Ste-
 phani, quæ ad Basilicam Sancti Georgii in Palatio specta-
 bant; recepitque ad vicem, quamdam terræ portionem, simul-
 que Domum cum vinea, proximam Basilicæ Sancti Bassiani,
 Laudensis Urbis. Confecta est hæc Charta Anno CMXCVII.,
 die XXXI. Januarii, atque ita se habet.

„In Christi nomine. Tercius Otto gratia Dei Imperator
 „Augustus, Anno imperii ejus primo, pridie Calendas Fe-
 „bruarii Indictione decima. Comutacio bone fidei noster
 „esse contractum ut ad vicem emcionis obtineat firmitatem,
 „eodemque nexu obliat contraentes. Placuit itaque & bona
 „convenit voluntate inter Domnu Landulfus reverendus
 „Sancte Mediolanensis (Ecclesiæ) Archiepiscopus, necnon
 „& inter Petrus Negotiator de Civitate Laude, filius
 „quondam Leoni, ut in Dei nomine debeat dare, sicut &
 „a presenti dedit his ipse Domnus Landulfus Archiepisco-
 „pus

„pus eidem Petro comutatori suo in causa commutationis
„nomine presenti die suo jure abendum libere pecia una de
„terra, ubi orto excolitur, juris Basilice Sancti Georgii,
„que est constructa intra hac Civitate Mediolani, que re-
„jacet ipsa terra ubi orto excolitur intra Civitatem Laude
„prope Basilica Sancti Stefani, que Basilica ipsa Sancti
„Georgii cum omne sua pertinencia pertinere videtur de-
„sub regimine & potestate Domni & Archiepiscopatus ip-
„sius Sancte Mediolanensis Ecclesie; ubi coherent ei ab ipsa
„terra, ubi orto excolitur in circuitu ad fines, da mane
„Leoni, & ingresso da meridie eidem Petri comutatoris,
„da sera via, da montes ipsius Basilice Sancti Georgii,
„quas ipse Dominus Landulfus Archiepiscopus a parte pre-
„dicta Basilice Sancti Georgii reservare videtur, & est ter-
„ra ipsa, ubi orto excolitur infra ipsas coerencias, scilicet
„tantum, quantum ipse Dominus Landulfus Archiepiscopus
„eidem Petri in comutatione dare videretur per mensura-
„justa tabulas legiprimas jugalis quatuordecim. Unde ad
„vicem recepit his ipse Dominus Landulfus Archiepiscopus
„ab eodem Petrone comutatore suo similiter in causa co-
„mutationis nomine presenti die a parte predictae Basilice
„Sancti Georgii abendum. Il sunt: Petia una de terra
„ubi orto excolitur, cum casa una & area in qua extant,
„& vineas pecias duas & areas ubi extant, juris eidem
„Petri, quibus abere visus est jam dicta terra ubi orto
„excolitur infra ipsa Civitate Laude jam dicta Casa, &
„predictas vineas foris & non multum longe de ipsa Ci-
„vitate, & de Basilica Sancti Basiani; superscripta terra
„ubi

„ ubi orto excolitur, nominatur in Birda, & prope Ba-
„ silica Sancti Blasii, est per mensura iuxta tabulas legipri-
„ mas octo, ubi coeret ei da mane Angelberti, da meri-
„ die via, da sera Leoni. Et suprascripta Casa foris ipsa
„ Civitate est prope Porta que apelatur Placentina in bur-
„ go, est area & ipsa Casa per mensura iuxta tabulas le-
„ giptimas tres. Est ei da mane Andrei, da meridie via,
„ da sera accessio comuno, da montem Giselberti. Prima
„ vinea nominatur a jugo maturi; est area ejus per men-
„ sura iuxta perticas jugalis quinque: Est ei da mane &
„ montes Angelberti, & accessio comuno, da meridie Leo-
„ ni, da sera Sancti Basiani. Secunda vinea est ibi prope,
„ & dicitur similiter, cum area ejus est per mensura iuxta
„ perticas jugalis quinque: Est ei da mane Leoni & Ro-
„ zoni, da meridie & montes item Leoni, & in alia da
„ parte montes via, da sera via. Quidem & ut hordo Le-
„ gis deposcit, & ad ac providenda Comutatione accenit
„ super ipsis rebus ad providendum, idest Landulfus Cleri-
„ cus & Notarius, de hordine ejusdem Sancte Mediolanen-
„ sis Ecclesie, & Missus eidem Domni Landulfi Archiepi-
„ scopi, simul & alii Deum timentes homines extimatores,
„ eorum nomina vocantur Leo qui & Azo, Urlo qui &
„ Petrus germanis filii, qui dicitur Ruginerii, & Joannes
„ filius quondam Teudini de eadem Civitate Laude, quibus
„ omnibus comparuit & extimatores ipsi. Ipsi rebus exti-
„ maverunt & dixerunt eo quod meliorate & ampliate res
„ reciperet ipse Dominus Landulfus Archiepiscopus a parte
„ predictae Basilice Sancti Georgii abendum ab eodem Po-
„ trone

„trone Comutatore suo, quam ei dare, & accomutare in-
 „terest eis legibus ac firmiter fieri posset.
 „superius dictis & comutatis cum superioribus & inferiori-
 „bus, cum finibus & accessionibus suarum in integrum.
 „Comutatores ipsis sibi unus alterius nomine tradiderunt,
 „faciendum exinde de eo quod ut supra in comutatione
 „receperunt pars parti cum heredibus & successoribus suo-
 „rum jure proprietario nomine legari heredes sine omni uni
 „eorum, alterius eorum, atque heredes & Successores con-
 „tradiet. Et spoponderunt se ipsis comutatores sibi
 „unius alterius, una cum heredibus & Successoribus suo-
 „rum de eo quod ut supra in Comutatione dederunt in
 „integrum ab omni homine defendere. De quibus etiam
 „penam inter se posuerunt, ut quis ex ipsis Comutatores,
 „aut eorum heredes vel Successores se de ac comutatione
 „removere quesierint, & non permanserint in ea omnia,
 „que hic superius leguntur, tunc componant illa pars, que
 „non conservaverint, a parte fidem servanti duplis ipsis
 „rebus, sicut pro tempore melioratis fuerint aut valuerint
 „sub extimacione in eisdem locis, quia sic inter se con-
 „venit. Actum Civitate Mediolani.

„Signum manus suprascripto Petri, qui anc Cartulam.
 „Comutationis ut supra, fieri rogavit, & ei relecta est.
 „✠ Landulfus Clericus ac Notarius Missus fui ut su-
 „pra & subscripsi.

„Signum manum m. b. istorum Leoni qui Razo, &
 „Urfoni qui & Petrus germanis, filiis quondam Raginerii,
 „, seu

„ seu Joanni, filii quondam Teudini, de superscripta Civitate
„ Laude, qui super ipsis rebus accesserunt, & extimaverunt
„ ut supra, & in hac Cartula Comutacionis ad confirmandum
„ manum posuerunt.

„ Ego Anselmus Notarius rogatus subscripsi.

„ Ego Lutefredus Notarius Domni Imperatoris rogatus
„ subscripsi.

„ Signum manuum mem. b. Radaldi, filii quondam Joan-
„ ni, de Loco Blaffonno, & Sigefredi, qui & Sigezo, de
„ Civitate Mediolani, Vassallo eidem Domni Landulfi Archie-
„ piscopus; seu Leoni de superscripta Civitate Laude, filii
„ quondam Anzacii, testis.

„ Ego Aldo Notarius scripsi, post tradita complevi &
„ dedi.

Similem ex eodem Archivo erutam adjungimus perga-
menam Chartam, quæ aliquid eruditionis Ecclesiasticæ Me-
diolanensis nobis exhibet. Ultima hîc describitur voluntas An-
dræ Presbyteri, & Primicerii de Ordine Decumanorum San-
ctæ Mediolanensis Ecclesiæ, Officialis Basilicæ Sanctæ Mariæ,
quæ dicitur *Hyemalis*. Vult autem memoratus Andreas, ut
Presbyteri, qui tunc (idest tempore mortis suæ) *& in*
perpetuum in Basilica Sancti Laurentii (Mediolanensis Urbis)
Officiales fuerint, quotidie Missas, Vesperas, & Matutinum,
& reliquum Officium faciant, in animâ suâ, Parentum, seu
Landulphi (II.) *Archiepiscopi remedium*. Assignat verò eis
dotem, idest prædia quædam ibi enumerata, ex quorum an-
nuis redditibus portionem tribui singulis Officialibus decernit.

Porro primum hoc est exemplum, quod nobis in Historiis occurrit quotidianæ Residentiæ in Choro, & perceptionis fructuum, qui æqualiter dividi debeant inter Sacerdotes sacrum illud munus implentes. Neque redendum est, id omne peractum fuisse absque consensu & approbatione Landulphi Archiepiscopi Mediolanensis, cujus mentionem in hac Charta Andreas Presbyter non semel agit, utpotè eidem affinis. Plurimum itaque laudis in Ambrosianam nostram Ecclesiam profuit ex hisce ultimis Tabulis, cum tam citò præveniret in Laurentiana Basilica Conciliorum Decreta, quæ Residentiam quotidianam Canonicorum Collegiis sollicità curâ præscripserunt. Integram damus memoratam Chartam, confectam Anno secundo Ottonis III. Imperatoris, hoc est Anno CMXCVII, die decimo mensis Novembris, Indictione XI.

„ **P** In Christi nomine. Tercius Otto gratia Dei Imperator Augustus, Anno Imperii ejus secundo, decimo die mensis Novembris, Indictione undecima. Ego Andreas Presbyter & Primicerius, de hordine Decomanorum Sancte Mediolanensis Ecclesie Officiale Basilice Sancte Dei Genitricis Virginis Mariæ, que dicitur iemalis, qui professus sum ex natione mea Legē vivere Langobardorum (presens) presentibus dixi. Vita & mors in manu Dei est, melius est enim homini metu mortis vivere, quàm spe vivendi morte subitanea preveniri. Et ideo ego qui supra Andreas Presbyter volo & judico, seu per hæc paginam ordinationis & judicato meo confirmo, ut petia una de terra, est ex parte „ busca-

„ buscalia superabente juris mei , quam abere viso sum , sitam
 „ non multum longe ab ac Civitate Mediolani , ad locum
 „ ubi Bativaca dicitur , & nominata de Arpano de Prande-
 „ lando . Coeret ab ipsa pecia de terra in circuitu da mane
 „ rebus de filii quondam Remedii Monerio , da meridie re-
 „ bus Domini Regis , da sera nico , quod mihi reservo ,
 „ da mont similiter de heredes quondam Remedii . Et est
 „ pecia ipsa de terra , ex parte buscalia desuper , infra ipsas
 „ coerentias illud tantum , quantum ego per ista mea ordi-
 „ natione ordinare videor , per mensura jugias decem . Que
 „ autem pecia de terra & ex parte buscalia desuper , & su-
 „ periore & inferiore & accensione sua , sic superius mensu-
 „ ra legitur , in integrum a presenti die in antea deveniat
 „ in potestate de presbiteris illis , qui tunc tempore in Ba-
 „ silica Sancti Laurentii , constructa foris ab ac Civitate ,
 „ non longe ad Portam quod clamatur Ticinense , Officiales
 „ fuerint & faciant temporibus illis que tunc
 „ & in perpetuum Basilica Sancti Laurentii Of-
 „ ficiales fuerint de jam dicta pecia de terra & ex parte
 „ buscalia , ad eorum usu & sumptu liberas venditiones de-
 „ fruges & census , quibus exinde annue Domuius dele-
 „ rit inter eis equaliter abendum , quod voluerint pro me &
 „ parentorum meorum , seu Domni Landulsi Archiepiscopi
 „ Seniori meo animas mercedem . Ita tamen ut ipsis Pres-
 „ biteris , qui tunc & in perpetuum in eadem Basilica San-
 „ cti Laurentii Officiales fuerint , mei qui supra Andrei
 „ Presbiteri , & parentorum meorum , seu ipsius Domni Lan-
 „ dulsi quotidie Missas , Vesperas , & Matutinum , & reli-

Q 2

„ quum

„ quum Officium faciant , ut nobis proficiat ad salutem ani-
 „ me , & gaudium sempiternum ; ad firma anime , & om-
 „ nia ut supra , pro mea & parentorum meorum seu ipsius
 „ Domni Landulfi animas remedium . Quia sic decrevit mea
 „ bona voluntas . Et si mihi qui supra Andrei Presbiter
 „ propter onera Sacerdocii mei mihi lege Romana ,
 „ & nec me liceat ullo tempore nolle quod volui , sed quod
 „ a me hic semel factum est , semper placeat , & sub
 „ iusjurandum inviolabiliter conservare quod intendo , cum
 „ stipulacione subnixa . Actum superscripta Civitate Medio-
 „ lanum .

„ ✠ Andreas Presbiter & Primicerius a me facto sub-
 „ scripsi .

„ ✠ Johannes Judex Sacri Palatii rogatus subscripsi .

„ ✠ Agapetus Notarius Domni Imperatoris rogatus sub-
 „ scripsi .

„ ✠ Adam Notarius Domni Imperatoris rogatus sub-
 „ scripsi .

„ ✠ Angelramus Notarius & Judex Domni Imperatoris
 „ scripsi , & post tradito complevi & dedi .

Obiit Landulphus XVIII. Calendas Octobris , memorati
 Anni CMXCVIII. , sepultus prope januam Ecclesiæ Sancti
 Celsi , quam ære suo refecerat , condito ad ejusdem latus
 Monachorum Cœnobio , ut superius retulimus .

ARNULPHUS II.



Lempto ab humanis Landulpho, Archiepiscopalem Dignitatem suscepit Arnulphus II., Anno CMXCVIII.. Discrepant in hac assignanda Epocha Scriptores nostri; sed prodigere tempus non vacat in eorum opinionibus refellendis, cum nobis certum sit ex authenticis Chartis, quas jam adduximus, & mortuum Landulphum hoc anno, & institutum Successorem Arnulphum fuisse.

Præclarum manus gessit Archipræsul hic noster, Ottone III. jubente; Legationem namque Constantinopolim decorè obivit ad Græcum Imperatorem Constantinum, ut Filiam ejusdem, ultra omnes Virgines splendidissimam, in Conjugem Ottonis impetraret: Cum enim mortuâ primâ Uxore nullus ex ipsa genitus masculus Filius in lucem prodiiisset, prolem Imperii hæredem a secunda Coniuge peroptabat. Expressè id adnotavit Landulphus Senior, Historicus Mediolanensis, qui eodem Seculo florebat. Sigonius *de Regno Italiæ* ad Annum CMXCVI., etiam nomen prodidit Augustæ primæ Fœminæ, nempe *Mariam*; quamvis historiolum, quam ibidem subjungit de Comite Mutinensi ab ipsa tentato ad illicita, & apud Maritum falsò accusato, ac pœnâ capitis innoxie damnato, ad fabulas rejiciendam esse censent eruditissimi Viri Pagiùs & Struvius, a nobis in Adnotationibus adducti, quibus novissimè adhæsit etiam Clariss. Muratorius in *Antiquitat.*

Ital.

Ital. Med. Ævi Tom. I. colum. CCCLVII.

Profectus est ad Regiam Urbem Arnulphus opulento apparatu, illum stipantibus Optimatibus pluribus, ingressusque Constantinopolim, eximiam sui, & Imperatoris existimationem Civibus illis ingessit, atque a Constantino facile impetravit quod poscebat, nempe Filiam, Ottoni Augusto in matrimonium sociandam. Imo, ut scribit Arnulphus Historicus Libr. I. Cap. XIII., adeo gratiam Græci Imperatoris acquisivit, ut nihil quod peteret, ipsi denegaret. Hac occasione donatus dicitur inter alia pretiosa munera *Æneo Serpente*, quem Græci autumabant, illum eundem esse, a Moyse in Deserto exaltatum. Sed de hoc paulò infra differemus.

Statuto Augusto Conjugio iter Mediolanum versùs aggreffus est Arnulphus eo comitatu ac pompâ, quam describit Landulphus. Verùm allato tristi nuncio mortis Ottonis, versâque in luctum lætitiâ, dimissa Constantino Patri est Puella, solusque in Italiam reversus est Archiepiscopus, secum deferens (ut ajunt) *Æneum Serpentem*, quem deinde in Ambrosiana Basilica deposuit, adhuc oculis nostris conspicuum. Mirum est, quantum hæc opinio mentes recentium Scriptorum pervaserit, existimantium Ambrosianum Serpentem verè illum esse, quem Moyse ad compescendos sanandosque feræles morsus ab infestis in Deserto Serpentibus Israëlítico populo inflicto crexit. Plurium nomina id constanter affirmantium in contextis ab iisdem Patriæ Historiis, & Catalogis Mediolanensium Antistitum recenset Puricellus in *Monument. Basil. Ambrosian.* num. CXCVII. & seqq. Neque ipsemet omnino ab illis discordem se ostendit, asserens num.

CXCVIII. ,

CXCVIII., Serpentem in hac Metropoli ab Arnulpho indutum aut eundem esse quem Moyses exaltavit, contractum quidem ab Ezechia, sed postea collectis ex ordine coagmentatis fragmentis reintegratum, aut ex ipsius aere liquefacto conflatum. Hæc omnia nos in memoratis ad Sigonium Adnotationibus ad fabulas amandavimus; nobisque consentit Joannes Mabillonius in suo *Itinere Italico*, qui cachinnis excipit ait Opusculum, a Petro Paulo Bosca vulgatum, in quo opinionem de Mosayco Serpente, tamquam inconcusso fundamento firmatam, totis lacertis propugnat. Rem hanc novis curis pertractavit Clarissimus Muratorius Tom. V. *Antiquæ Ital. Med. Ævi*, Dissertat. LIX. colum. LXXIII. & seqq., ubi rejectis variis Auctorum de Serpente Ambrosianæ Basilicæ opinionibus, sententiam suam profert, inquit, „ non „ alio consilio ab antiquis æneum illum Serpentem collocatum in Ambrosiano Templo fuisse, quàm ut exprimeretur „ quod Divinus Redemptor noster *Joann. Cap. III. v. 14.* „ dixit: *Sicut Moyses exaltavit Serpentem in Deserto, ita „ exaltari oportet Filium hominis* „ . Et post nonnulla alia subjungit: „ Geminas ergo Columnas in Ambrosiana Basilica „ Veteres constituerunt; super unam prototypi & veritatis „ effigiem locantes, hoc est Christi in Cruce exaltati imaginem; super alteram typum, seu Symbolum Crucifixi „ ipsius, idest Serpentem a Moyse in Deserto exaltatum. Hanc esse veram Serpentis Ambrosiani originem nos quoque opinamur.

Prosequitur Puricellus referre ex MS.to Codice Galvani Flamme, nuncupato *Flos Florum*, præter æneum Serpentem, alla-

allatam fuisse ab Arnulpho Archiepiscopo etiam magnam partem Dominicæ Crucis, eamque insertam alteri lignæ Crucî, super lateritiâ Parastadem in Ambrosiana Basilica, ex adverso columnæ æneum Serpentem sustentantis collocasse. De hoc prorsus silent Historiæ Arnulphi, ac Landulphi. Porro extra omnem dubitationem positum est, extitisse Anno MDLXVI. in Sancti Ambrosii Templo duo eminentia fulcra, sibi invicem respondentia, Columnam nempe, & Parastadem. Si quidem in Actis Visitationis, a Sancto Carolo Borromeo eo anno peractæ hæc leguntur: „Altare Crucis ruberæ nuncupatum, secus Pilastrum in medio Ecclesiæ constructum fuit donatum a quodam Domino Stephano de Rosate. Possidetur per præfatos Venerabiles Monachos. Hoc Altare, sicut supra, in medio Ecclesiæ constructum, & ornatum Ecclesiæ quodammodo impediens, videtur tollendum, & ad aliud Altare transferendum. Econtra hoc Altare adest quidam Serpens æneus, in summitate cuiusdam columnæ marmoreæ impositus, qui vulgò habetur pro illo, quem Moyses in Deserto, ex præcepto Dei, pro epidemia sananda fabricare fecit. Est quædam superstitio ibi mulierum, pro Infantibus morbo vermium laborantibus. Quæ hic Sanctissimus Præsul tantum admonendo innuere videtur, veluti præcepta in praxim deducta fuere, sublato Altari & Cruce, atque abolitâ mulierum superstitutione. Verum de hoc Serpente jam satis; reliqua enim apud Puricellum legi possunt.

Quo tempore Arnulphus, optimè quidem functus munere sibi injuncto, sed infelici exitu ob inopinatum obitum Otonis III., reditum in Italiam meditabatur, Arduinus Marchio

chio Eporediensis, nonnullos Proceres atque Optimates alliciens specioso lenocinio restituendæ huic Provinciæ regiæ Dignitatis, quæ imperantibus Ottonibus ad Germaniam illustrandam translata fuerat, in Comitibus Papiæ habitis purpuram & Sceptrum assumpserat, Italiæ Rex acclamatus. Hoc intellecto plurimum indoluit Arnulphus, ob violatum jus & auctoritatem Archiepiscopi Mediolanensis, ad quem potissimum spectabat Electio & inauguratio huiusmodi Regum. Quamobrem obviam sibi procedentem Arduinum severâ objurgatione longè a se repulit; collectoque statim Concilio Episcoporum atque Abbatum in Roncaliis (non in Urbe Laudis Pompejæ, ut perperam Galefinius scripsit) Legationem expedit ad Henricum, Germaniæ Regem jam institutum, Italicam eidem Coronam offerens, simulque rogans, ut contra Arduinum arma moveret. Votis Arnulphi placidè libenterque annuit Henricus, compositisque in Germania rebus, Italiam cum exercitu petiit: Et quamvis validis Langobardorum copiis obfisteret ad Clusas Arduinus, in Ticinensem nihilominus Urbem penetravit Anno MIV.; ibique plaudente universo populo ac Proceribus, diadema Italicum ab Archiepiscopo Mediolanensi recepit. Hanc Coronationem minimè agnovit Sigonius; sed eam retulit Dithmarus, & ex eodem Baronius *Annalibus* suis inferuit: Verum quidem est, exiguo tantum tempore moratum Papiæ fuisse Henricum; excitatâ namque nocturnâ seditione ab ipsis Langobardis, qui novo Regi suo Arduino obsequium & fidelitatem juraverant, Henricus incensus in vindictam eorum domibus, reversus est in Germaniam. Non destitit tamen Arnulphus a præstanda Regi Hen-

R

rico

rico fide & auxilio, militariſus copiis Arduinum inſequens, donec iterum deſcendens in Italiam. Anno MXIII. Rex memoratus, Æmulum ita contrivit, ut ſpe omni fruſtratus purpuram exueret, monaſticam veſtem induens in Fructuariæ Monafterio, ubi etiam Anno MXV. vitam depoſuit.

Diximus ab initio, Legatum miſſum ab Ottone Conſtantinopolim fuiſſe Archiepiſcopum hunc noſtrum Arnulphum. Neque enim concors eſt in hac re Scriptura etiam inſignium ſententia. Sigonius in primis apparatus deſcribit huiusmodi Legationis, eamque abſque omni hæſitatione attribuit Arnulpho I. Archipræſuli Mediolanenſi, ut Theophaniæ Nicephori Imperatoris Filiam in Ottonis II. uxorem depoſceret: tan- tique valuit apud Venetorū Ughelli editores Sigonii auctori- tas, ut adjecta ad Arnulphi II. Vitam adnotatione, Lectores monuerint, malè attributam eſſe huic Præſuli Legationem iſtam, quæ primo Arnulpho debebatur; cùm tamen in no- ſtris Adnotationibus ad Sigonium compertum fecerimus, malè a Sigonio adſcriptam fuiſſe Arnulpho primo: Erravit: qui- dem Ughellus aſſerendo; Puellam matrimonio copulandam Ottoni III. nomen geſſiſſe Theophaniæ; quam enim perop- tabat in Uxorem, Conſtantini Imperatoris Filia erat; hic autem tres genuerat Fæminas Eudociam, Zoëm, & Theo- doram, nullam verò quæ Theophaniæ nomine appellaretur, quemadmodum adnotat Pagius ad Annum CMXCVII.; qui tamen & ipſe mendo non caret, cùm utrumque Arnulphum ſua Legatione decoratum fuiſſe ſcribat; primum Ottonis Ma- gni juiſſu, pro petenda Filio ſuo in Conjugem Theophania Anno CMLXXI.; ſecundum verò mandante Ottone III. Con- ſtan-

Constantinopolim adiisse; ut alteram ab ipso designatam ex tribus Constantinensi Puellis thalamo suo exposeret. Siquidem Ottonis II. uxor Theophania non ab Arnulpho nostro, sed a Liutprando Cremonensi Episcopo in Regiam Urbem missa, consentiente Imperatore Joanne Zimisce, obrepta fuit, ut notum est ex descriptione, quam de sua Legatione Liutprandus ipse vulgavit.

Ut autem prosequamur res præclare gestas ab Arnulpho Archiepiscopo, præter vindicatam contra Arduinum Italici eligendi Regis auctoritatem, jus quoque suum Metropoliticum, memorando apud Posteris exemplo, inviolatum servavit. Alericus seu Oldericus, Mainfredi Marchionis Frater, Henrici Imperatoris indulgentiâ, Episcopalem Astensis Ecclesie Sedem obtinuerat, Prædecessore suo adhuc Mediolani latente ob metum Imperatoris; cumque a Metropolitano Archipræsule Arnulpho impetrare Consecrationem non valeret, quia, contra vigentem illâ ætate Ecclesiasticam disciplinam, absque ejusdem consensu ad eam Cathedram promotus fuerat. Romam profectus, a Joanne XVIII. Summo Pontifice subreptitiis precibus Sacrum Chrisma recepit. Admonitus de hac re Arnulphus, iusto percitus dolore, non tam in Conventu Provincialium Episcoporum Ecclesiastico illum anathemate perculit, sed etiam militaribus copiis Astensem Urbem arctâ obsidione circumdedit; perstititque in ea, donec coacti fuerint Alericus & Mainfredus Fratres pacem petere, asperâ conditione acceptâ, quam etiam implevere. Siquidem Mediolanum adventantes, tertio ab Urbe lapide denudatis pedibus, Alericus Evangeliorum Codicem manu ferens, Mi-

infredus verò Canem humeris bajulans (hæc enim veteri consuetudine pœna erat Nobilium, reorum perduellionis, it adnotat Otto Frisingensis Lib. II. Cap. XXIX.) reliquum iter confecerunt; ingressique Urbem ante fores Ambrosianæ Basilicæ consistentes, commissam culpam confessi sunt. Alericus Templam adiens, Baculum & Annulum super Aram Sancti Ambrosii reposuit, quæ benignè postmodum Arnulphus eidem restituit; Mainfredus verò plura obtulit auri talenta, e quibus aurea Crux confecta fuit, quæ adhuc superstes, in Solemnioribus Supplicationibus ante illius Basilicæ Clerum deferretur. Denum simili demissa incedendi formâ ad Templum Maximum per Urbis compita procedentes, veniam & libertatem ab Archiepiscopo humanissimè receperunt.

Relatam hætenus Historiam Ughellus in Astenibus Episcopis evertere velle videtur, suspectæ fidei damnans Arnulphum Scriptorem Mediolanensem, qui eam literis configuraavit. Admirati nos sumus, huic Contribuli nostro inustam fuisse probrosam hujusmodi notam, cùm Arnulphus idem profiteatur in præmio ad Historiam suam præfixo, se tantum referre *quæ ipse vidit, & quemadmodum a videntibus audivit*; multòque magis obstupuimus, cùm allatas a laudatissimo eo Auctore conjecturas expenderimus. Duas enim ille protulit, ut fidem Arnulphi elevaret, aut eam saltem dubiam redderet, videlicet unum esse illum, in cujus Scriptis ista legantur; secundo verisimile minimè esse, Henricum Arduino adversantem, eumque inimico ferro insequentem, eò adduci potuisse, ut Alericum Fratrem germanum Arduini (paulò ante Ughellus illum vocaverat Nepotem, sed falsò; revera enim Fra-

Frater erat germanus, idest Consohrinus, ut pater ex Serie Genealogica, a Clariss. Muratorio digesta & vulgata inter *Antiquit. Estenses*) nobili adeò Episcopatu donasse. Veniam petimus a benemerito hoc Viro, si hæc animadversiones, futiles ac stramineas liberiore voce appellamus. Quid enim obstat integritati & fidei Scriptoris nostri, quòd ex unico fonte hausta sit historia, proximè a nobis descripta? Nemo alius ex vetustis Scriptoribus, qui exteri omnes fuere, hanc provinciam susceperat enarrandi potissimum quæ in hac Metropoli tunc temporis digna adnotatione contigerant. Quòd verò minimè credibile sit, ad conspicuam Asteniensem Sedem ab Henrico promotum fuisse Alericum, tam arcto sanguinis vinculo eidem Arduino conjunctum, facillè exfufflare valemus, si cœvorum testimonia consulamus; ab iis namque edocemur, non omnes Italiæ Proceres, etiam cognatione propinquos Arduino, perstitisse in ejusdem fideli clientela, sed plures defecisse ad Henricum seu per Literas, seu per Internuncios. Id concordēs adnotavere Dithmarus, Adelboldus, Chronographus Saxo, & ipse etiam Arnulphus, qui Lib. I. Cap. XVIII. narrat, multos ex Optimatibus Italis, timore Henrici, Papiæ in Regem Italiæ instituti, aut fugisse, aut deditionem parasse. Inter hos autem admodum veritati consentaneum videtur, connumeratos fuisse Alericum atque Mainfredum Fratres; cùm iste postremus minimè legatur comprehensus inter quatuor Marchiones Italiæ, quos *captione unâ ab Henrico confictos* fuisse, ob fidelitatem præstitam Arduino, citatur Arnulphus Scriptor hoster; licet memoratus Mainfredus Marchio plurimum potentiâ divitiisque in Italia Boreret, quem-

admo-

admodum fusè refert Clavig. Muratorius Part. I. *Antiquitat. Etsens.*

Septennio post compositum hoc dissidium, idest Anno MXV. Comites duo Vallis Mercuriolæ & Plebis Arzate, qui Mediolano vestigal pendebant, teste Sigonio ad annum memoratum, excussò Legum fræno, Agrum Mediolanensem incursionibus & latrocinis sædè vexabant. Occurrit iisdem opportunè Arnulphus Antistes noster, cui tunc pro munere Archiepiscopalis Dignitatis incumberebat onus publicæ conservandæ quietis, eosque prælio fractos in fugam conjecit; tantâ omnium laude, ut Henricus Impèrator universa quæ juris fuerant Hugonis & Berengarii, unâ cum Titulo Comitum, in Ecclesiæ Mediolanensis Archipræsulem benignè transulerit. Supererant redigendi in ordinem Cremonenses Cives, qui contra pactam fidem perduellibus iis Comitibus hospitium auxiliumque præbuerant. Itaque aggressus Arnulphus eorundem Urbem, adeò validâ obsidione illam vallavit, ut occupatis tribus Portis eos adegerit ad renovandam firmandamque jurjurando fidem Mediolano.

Non arrisit Ugheilo hæc in Arnulpho militarium expeditionum frequentia, adeòque claudens ejusdem Vitam, illustrem memoriam tanti Episcopi in ævum duraturam, subscriptâ hac Epigraphe non parùm obnubilavit: *Arnulphus bellicosus spiritus gessit magis, quam pro Episcopo.* Verùm quid umquam alienum ab Ecclesiastica Dignitate, in qua eminebat, ab Arnulpho gestum est, cùm milites in aciem eduxit ad compescendos tumultus illos, qui Rempublicam perturbabant? Conditio temporum tunc ferebat, ut Episcopi, ceu prima-

ria

ria Civitatum Capita, non tam Lituo pastoralis oves suas regerent, sed etiam militari virga devios reducerent, ac contumaces contererent. Archiepiscopus autem Mediolanensis præter auctoritatem, quam exercebat in populum hujus Metropolis, primus etiam habebatur in Comitibus Principum & Optimatum Italarum, eum de publicis negotiis, seu de novo instituendo vel exauthorando Italiæ Rege consilia agitantur. Quamobrem eidem Præsuli opus erat, militaria quoque vexilla explicare, ut facta tecta servarentur jura tum Ecclesiastica, tum Civilia, & publica tranquillitas ubique floretet; Præsertim cum gravibus hisce sumptibus ferendis vires suppetere, quoniam opulenti censibus ac patrimoniis Ecclesiam Mediolanensem aliasque Italiæ, Regum & Cæsarum largitas abundè locupletaverat, prout tot Diplomata ab Ughello relata aperte testantur. Nihil tamen apparatus isti bellorum, Pastoralibus muneribus officiebant; utrique namque huic officio præ ceteris satisfecit Arnulphus, quemadmodum plura, quæ adhuc extant in Historiis, docent testimonia eximie pietatis, diligentie, largitatis erga pauperes & pia Loca, aliarumque Episcopaliū virtutum, quæ in Arnulpho eluxere, atque ejus diuturnam in Sede Mediolanensi moram mirificè exornant.

Lindulphus Senior, editus, ut jam monuimus, Tom. IV. *Rerum Italicar.*, factum narrat perenni memoria dignum. Illud referre placet verbis ipsis hujus Scriptoris, ut securior fides narrationi accedat. Dum Constantinopoli degebat Arnulphus, pro Ottone III. Legatione fungens, ut ex Aula illa in Italiam deduceret Imperatoris Filiam illi desponsam, „Im-
„pera-

„ perator Arnulphum , ut secum venatum , quasi ad depel-
„ lendas corporum gravitudines iret , precatus est . Arnulphus
„ autem voce benigna , primò paululum tacitus inter se cogi-
„ tans Ordinem Episcopalem , in quibus se exercere debet ,
„ tandem dixit : Ego enim a vobis si placet qua hora meas
„ venationes insequi solitus sum , meis armis meisque mili-
„ tibus crastino die mediante ad Vos veniens pręparatus ero .
„ At Imperator de quibus armis quibusque militibus Arnul-
„ phus dixisset , minimè per Interpretem ipso balbutiente
„ intellexit . Veniens autem Arnulphus die statuta , Episcopa-
„ libus indumentis ornatus , cum Stola (sine qua numquam
„ foris aut in Civitate , ullis negotiis intervenientibus aut
„ perturbantibus esse solitus fuit) & Chisma , honorabilif-
„ simisque Clericorum Ordinibus vallatus , quos secum tulerat ,
„ & tribus cum Ducibus honorandus pervénit ad Imperato-
„ rem . Quo viso Imperator permultum inter se admirans ,
„ videns tantum Virum in Dei opere religiosum , sapientem ,
„ discretum , atque benignum , aliquantulum quod de vena-
„ tione dixerat , verecundatus , per omnia laudans atque ma-
„ gnificans , ac græcè sermocinando ipsum extollens substitit .
„ Quod factum Græci Episcopi , Archiepiscopi , Sacerdotes
„ quamplurimi , qui eo in tempore Curia insitebant , mi-
„ rantes , erga Latinos tantam religionem minimè fore cre-
„ dentes , permultum Beatum Ambrosium benedicentes dice-
„ bant : Decens & competens ratio fuit , ut sicut nos Bea-
„ tus Ambrosius usque hodie Divinis alit alimentis , scientif-
„ simisque admonitionibus , uti suos Filios lactè & melle
„ verbi Dei informat ; sic Dominus Arnulphus , tanti Viri

„ tan-

„ tantique Patroni Successor, suis nos exemplis modò colaphizando informaret „ . Hæc Landulphus memoratus. Arnulphus quoque Historicus Mediolanensis, in calce Libri primi, obitum Arnulphi Archiepiscopi referens, de Pastoralibus ejusdem virtutibus ita per compendium narrat: *Arnulphus sacerdotaliter suam regebat Ecclesiam, Clerum fovens ac populum, suisque planè vacans negotiis. Hujus beatitudinem plura Ecclesiis tradita commendant beneficia. Quid clarius ac nobilius dici potest, ut probetur, impletum optimè fuisse ab Arnulpho Episcopi munus?*

Excusationem fortasse prætereundum potuisset Ughellus, quòd nempe Historiæ memoratæ, cum ipse res gestas a Præsulibus Mediolanensibus colligeret ac vulgaret, adhuc manuscriptæ in privatis scriniis laterent. Attamen legere poterat in *Monumentis Basilicæ Ambrosianæ*, a Puricello editis, e quibus ipse multa decerpfit, legere, inquam, poterat, quæ Scriptor ille refert num. CXCVII. loquens de Arnulpho II., videlicet eundem celebrari in aliquibus Catalogis & Historiis insigni hoc Elogio: *Vir magnæ Sanctitatis*. Obvia etiam erat Tabula Mediolanensium Archipræsulum a Galefinio adornata, in qua Arnulphus appellatur *Vir pietatis nomine illustis*. Et tævera non tam ea, quæ hæcenus retulimus, sed etiam religiosa vestigia adhuc sub oculis nostris posita, fidem faciunt singularis venerationis, qua ille Deum & Sanctos colebat, insigne videlicet Cœnobium Monachorum Sancti Victoris Martyris, quibus ille amplas Ædes aperuit, atque ad eorum alimenta non mediocrem copiam frugum assignavit, teste Arnulpho proximè allato.

Huic nostro Archiepiscopo tribuitur a Galefio & Sigonio. laus imposita capiti Ottonis III. Italici Regni Coronæ. Perperam tamen; fundamentum enim subitustum a Sigonio Celebritati huic ab Arnulpho peractæ, ubi de eadem agit, ad. Annum CMXCV.; multum labare ostendimus in Adnotationibus ibidem apposis. Præterea verò profus concidit, si animadvertamus, nondum Arnulphum eo anno fuisse Infalæ Ecclesiæ Mediolanensis decoratum, cum nonnisi triennio post, communibus Cleri suffragiis, ad eam recipiendam promotus fuerit, quemadmodum veterum Documentorum fide jam comprobavimus.

Aucta quidem est, Arnulpho Ambrosianæ Ecclesiæ clavum tenente, Civitas Mediolanensis novo ad pietatem incitamento, Basilicâ nempe, quæ a Fulcuyno Conditor, nostro etiam ævo *Fulcorinæ* nomen gerit, Canonicorum Collegio decorata, & in venerationem Nativitatis Beatissimæ Mariæ Virginis Deiparæ extructa. Neque modicum hoc decus est Metropolis nostræ, quod a tot retro Seculis felicissimo huic Natali cultum præstiterit eâ Solemnitate, quam Fulcuynus ipse in ultimis suis Tabulis (relatis a Clariss. Munatorio Dissertat. LXI. Tom. V. *Antiquit. Ital. Med. Ævi*, colum. CLXXI.) præscripsit, statuens ut in Vigilia Nativitatis Beatæ Virginis, idest septimo Septembris die, Metropolitanus Clerus illuc accederet ad canendum Vesperas, Missamque sequenti mane celebrandam, omnesque a Cardinali Presbytero invitati, juxta temporis illius vigentem apud nos antiquam consuetudinem, prandio exciperentur; cuiusmodi verò ex Sacris Ministris, qui Celebritati illi interessent, denariorum frugumque

que portio ab eodem Testatore assignata distribueretur. Utrum autem etiam ante hoc tempus inducta in Urbem Mediolanensem fuisset festiva Nativitatis Beatæ Virginis memoria, definire non audemus. Sanè Puricellus in *Dissertat. Natatian.* Cap. XLV. num. I. nonnulla Calendaria impressa proferit, in quibus ista leguntur: *Hæ sunt Vigilie a Divo Ambrosio observatæ & commendatæ: Vigilia Sancti Martini Episcopi, Epiphaniæ, Purificationis, Nativitatis Beatæ Virginis Mariæ* &c. Verùm tam alti exordii, præsertim circa Vigilias memoratæ Festivitatis, nullum solidum fundamentum habemus. Imò repugnare videtur testimonium Sancti Augustini, qui in *Sermone de Nativitate Sancti Joannis Baptistæ* ait: *Hinc attendat Caritas vestra, quàm magni hominis natiuitas facta sit. Natales dies carnis nulli Prophetarum, nulli Patriarcharum, nemini Apostolorum celebravit Ecclesia. Solos duos Natales celebrat, hujus, & Christi.* Fusius de hac re disseruimus in *Dissertatione pro Sanctis Corporibus Protasii & Gervasii Martyrum Mediolano vindicandis* Cap. I. num. XV. De antiquitate & progressu in univèrsa Ecclesia festivæ venerationis erga Nativitatem Beatæ Virginis Mariæ egregiè & eruditè pro more suo scripsit Cardinalis Prosper Lambertinus, nunc Benedictus XIV. in Libro inscripto: *Annotazioni sopra le Feste di Nostro Signore, e della Beatissima Vergine*, Tom. I. Part. II. num. CXXVII editionis Bononiensis. Consultò ista digessimus, ne Lector aliquis nobis objiciat testimonium Galvani Flammæ, in *Opusculo* impresso Tom. XII. *Scriptor. Ital.*, colum. MXVII.; loquens enim ille de Azone Vicecomite, cui coævus erat, imò in ejus


Aula degens, hæc scripsit: *Isto anno fecit incipi Azo Vicecomes, Dominus Civitatis, ad honorem Virginis almæ Festum Nativitatis ejus de mense Septembris, & misit Edictum, ut omnes Civitates & Burgi, vel Terra nobiles, seu Castra insignia portarent pannos de serico cum Vexillis Communitatum suarum, & in Civitate Mediolani in Ecclesia offerrent: Nemo enim non videt, accipienda hæc esse non pro Festo Nativitatis Beatæ Virginis Mariæ die, sed pro nova Celebritate, quam Azo instituit, advocando in Urbem nostram subditos suos cum propriis Vexillis, ut Festivitas ista nobilius ageretur. Confectæ sunt postremæ Tabulæ Fulcuyni, a nobis superius indicatæ, Anno Henrici Regis quarto, octavo die mensis Octobris, Indictione ingrediente sexta, hoc est Anno MVII., qui clarè nobis innotescit ex chronicis notis, acceptis a Coronatione Henrici I., peractâ Papæ Anno MIV.*

Cùm tempus Sedis apud omnes constet, fuisse annorum XIX., mensium IX., dierum VI., dubium est inter Scriptores, quo verè anno Arnulphus e vita migraverit: Siquidem unusquisque sibi præfixit eum annum, in quo expiraret prædictum regiminis spatium, juxta statutum ab ipsis Sedis initium. Nos qui antea publicis Documentis firmavimus præcedentium Archiepiscoporum chronologicam Seriem, constanter asserimus, non posse affigi Arnulphi obitum, nisi Anno MXVIII. Junio mense in finem vergente (non die XXIX. Martii, ut tradit Ughellus), ita testantibus antiquis Catalogis. Hanc Epocham a nobis propositam validè confirmat Heriberti Successoris Diploma, relatam ab eodem Ughello, datum Anno Incarnationis Dominicæ MXL., in quo signatur

tur

tur *anni XXII.* Archiepiscopatus ejusdem . Si autem retro calculus deducatur , clare intelligimus , Anno *MXVIII.* verè Arnulphum animam Deo reddidisse , & Successori Heriberto locum aperuisse .

Sepultus est in Ecclesia Sancti Victoris Martyris , adnexa Cœnobio Monachorum , ab ipso constructo .



HERIBERTUS.



Heribertus, seu Aribertus (quemadmodum ipsemet in expeditis relatisque ab Ughello Diplomatis nomen suum promiscuè subscribit) a nobilibus Parentibus sanguinem derivavit, appellatus *de Ansimiano*, Loco prope Canturium in Mediolanensi Diœcesi. Ut annum statuant, quo delectus est ad regendam post Arnulphum hujus Metropolis Ecclesiam, in diversa feruntur Scriptores. Optimè collimavit in scopum Papebrochius, Annum MXVIII. assignans electioni Heriberti; atque ita in viam redit, a qua hætenus, ut vidimus, aberraverat. Eandem Epocham nos quoque figimus, freti Chartæ superius memoratæ Donationis scriptæ in favorem Cœnobii Tollenfis Anno MXL., & ab Ughello relatæ, in cujus calce numerat Heribertus vigesimum secundum annum initi a se Archiepiscopatus.

Veneri Auctores novæ Editionis Ughelli, post allata Papebrochii verba, eum emendandum asserunt, & initium Episcopatus Heriberti triennio saltem antevertendum affirmant, eo argumento ducti, quòd in ejusdem Ughelli Tom. II. Romanæ editionis, pag. CMXCVI., Archiepiscopus iste legatur subscriptus Concilio Romano, habito in Basilica Lateranensi a Benedicto VIII. Summo Pontifice Anno MXV. Ut diluvius difficultatem hujusmodi, quæ decretoria viderur, non multum nobis infudandum esse arbitramur. Siquidem fieri

fieri potuit, ut in archetypo prædicti Concilii initialem tantum nominis sui literam *A* expresserit Arnulphus, adeoque dubium relictum sit, cui ex proximis hisce duobus Archiepiscopis adaptanda foret ea litera, cum uterque ab eadem nomen suum inchoaret. Neque hoc gratuito ipse motum adducimus ad opinionem nostram firmandam; in altero enim Concilio, Papæ celebrato a prædicto Pontifice Maximo Benedicto VIII., initiali solymmodo litera *A* subscriptum legimus in Labbeo Tom. IX. *Conciliorum*, Archiepiscopum Mediolanensem. Quapropter ad eluendam omnem ambiguitatis fuliginem opus esse censuere Editores hujus Operis, adnotare in margine *Arnulphus*, vel *Aribertus*. Cum autem Charta Ariberti indicata superius, clarè enunciet, vigesimum secundum annum Archiepiscopatus ejusdem decurrisse Anno MXL., manifestum sit, Anno tantum MXVIII. fuisse illum ad hanc Sedem promotum; alioquin anni XXV. saltem numerandi fuissent, cum tunc Charta prædicta condebatur. Itaque ut duo hæc Documenta illius ævi inter se pugnantia ad veritatem concilientur, dicendum est, trasse primum exscriptorem Concilii Romani, qui conceptæ opinioni suæ nimium blandiens integrum nomen *Ariberti*, literæ initialis loco substituit. Cum autem securo fundamento innitatur, supervacaneum videretur, reliqua dissentientium Auctorum meditata circa exordium Pontificatus Heriberti ulterius discutere.

Varias modò aridentis, modò adversæ fortis vicissitudines pati in suo regimine debuit hic Præsul. Primò enim sub piissimo Imperatore Henrico placidè Mediolanensi Ecclesiæ præfedit; si excipias brevem contentionem habitam, cum

Epi-

Episcopo Ticinensi, de qua sermo erit inferius. Eodem verò Hentico coelesti Patriâ donato, agitari cœpere consilia in Comitibus, ab Heriberto Archiepiscopo indictis pro novo substituendo Italiæ Rege; cumque in diversa Principes & Optimates abirent, in Germaniam Anno MXXIV. *solus* se contulit, ibique (ut tradit Ughellus) Conradum *Cesarem* salutavit, eidemque *Augustalis detulit ornamenta*. Fallitur tamen Clarissimus Scriptor, cum eo anno Conradus, Rex tantum Germaniæ inunctus, nondum *Cesaris* nomen sumpsisset; neque ad Archiepiscopum Mediolanensem *Augustalis ornamenta deferre* umquam spectaverit. Quod autem *solus* illuc pertexerit, Italiæ Regnum Conrado oblaturus, diversa prorsus refert Wippo, a Stravio editus, qui præsens erat huic electioni in Urbe Constantiâ; ait enim: *Ibi Archiepiscopus Mediolanensis Heribertus cum ceteris Optimatibus Italicis Regi occurrerant, & effectus est suus, fidemque sibi fecit per sacramentum, & Obsidium pignus*. Quidquid tamen sit de hisce dissolis narrationibus, accepta plurimum Conrado fuit spontanea hæc Coronæ Italiæ oblatio; utque benevolum gratumque animum suum erga Archiepiscopum nostrum ostenderet, præter plurima dona, Laudensem Episcopatum eidem concessit, ut *sicut consecraverat, ita investires Episcopum*, Arnulpho testante Libr. II. Cap. II.: Idque contigit Anno MXXV., non præcedenti, ut censuit Ughellus.

Post reditum Heriberti in Italiam, Conradus quoque e Germania proficiscens Mediolanum ingressus est, atque ab eodem Archipræsule solemnî pompa exceptus, Italici Regni Coronâ, in Sancti Ambrosii Basilica de more præcinctus fuit

fuit Anno MXXXVI. Sigonius post relatam Mediolanensem Coronationem subiungit, voluisse Conradum Coronâ ferreâ redimiri in Oppido Modoëtienſi, juxta antiquum morem, ut ipſe ait. Struvius tamen in *Saxagm. Hiſtor. German.* Tom. I. recitat Sigonii verba, ac ſtatim ſubdit: *Hujus facti memoriam reperire apud antiquos nondum licuit.* Eadem habet Flavius Blondus Decad. II. Libr. III., qui licet fabuloſa narret de Conſtitutione, a Germanis Principibus editâ ob duplicem Coronationem, Mediolani ac Modoëtiae ſuſcipiendam in itinere Romam verſus, ut ibi Caſareo diademate præcingeretur, loquens de illa Conradi candidè proſiteretur, nullum de hac veſtigium reperiri, inquiens: *Conradus Italiam ingreſſus, Modoëtiam-ne adiecit, non invenimus.* Idem ſilenti-um occurrit in Arnulpho Scriptore cœvo Rerum noſtrarum. Quocirca Calchus in *Hiſtoria Patriæ*, unicam Coronationem, nempe Mediolanensem, de Conrado agens enunciat.

Liceat nobis hoc loco referre, quod Wippo Scriptor Vitæ Conradi, & ejuſdem itinerum comes teſtatum reliquit his verbis: „Eo tempore (nempe Anno MXXXVI.) maxi-
„mus calor Italiam vexabat, itaut animalia multa & homi-
„num multitudo inde periclitaretur. Rex verò Chuonradus
„nemini cedens, niſi ſoli Deo, & caloribus æſtivis, ultra
„Atim fluvium (la Toſa in Lacum Verbanum influens)
„propter opaca loca & æris temperiem in montana ſecel-
„ſis, ibique ab Archiepiſcopo Mediolanenſi per duos men-
„ſes & ampliùs regalem victum ſumptuoſè habuit. Hinc
autem compertum ſit, quantâ magnanimi cordis & opulen-
tiæ amplitudine polleret Heribertus, cùm hoſpitales Ædes

aperuerit Germaniæ & Italiæ Regi, nobilissimo Aulicorum comitatu stipato, ac tamdiu ære proprio magnificè illum Aulamque totam aluerit.

Ineunte Anno MXXVII. progressus iterum in Italiam Conradus, simul cum Heriberto Archiepiscopo Romam contendit, ubi exceptus a Joanne XIX. Summo Pontifice, eique oblatas, Augustale diadema simulque Cæsaris nomen est consecutus. Dum hæc Celebritas ageretur (ut narrat Arnulphus) dissidium exortum est inter Archiepiscopum Ravennatem, & Mediolanensem: Ille enim proprio veluti jure dexteram Conradi sacro Chtismate inungendi, præsumpsit arripere: Contra verò Mediolanensis, ne communes plausus cum privatis jurgiis miscerentur, abstinuit a contentione, atque inde recessit. Fieri tamen nequivit, quin adstantium murmur & strepitus audirentur; quos Rex Conradus perclapiens, sciscitatus est, quam ob causam excitatus esset tumultus ille. Intellectâ autem Ravennatis insolentiâ, hæc verba stans protulit: „Certum est quidem, Reverendi Patres, „quia sicut privilegium est Apostolicæ Sedis Consecratio Imperialis, ita Ambrosianæ Sedis privilegium est Electio & „Consecratio Regalis. Unde ratum videtur, ut manus quæ „benedicit & prius Coronam imponit Regni, si præsens affuerit, repræsentet Regem ad Imperium promovendum San- „cto Petro ac ejus Vicario: quatenus Ambrosiano testimonio jure possit imperare, qui Ambrosiana Consecratione dicitur & cœpit regnare“. Annuit quoque Pontifex Maximus cum reliquis Episcopis ibi adstantibus; datusque est locus ille dignior Arderico Vercellensi Episcopo, qui vices absentis

sentis Metropolitanis, sui gessit, *ut pater in filio, & Magister videretur in discipulo*, quemadmodum refert Arnulphus Cap. V., qui etiam subjungit, post aliquot dies convocatam fuisse a Joanne XIX. Synodum Episcoporum, qui tunc Romæ aderant, ibique statutum, ut in omnibus negotiis Pontificalibus Ravennas nullo modo Antistiti Mediolanensi se præseferat; & si fortè præsumpserit, Canonica legi subjaceat. Constitutio ista in Labbeo desideratur; sed Arnulphus idem proficitur, se ex hujus Concilii authentico Codice pauca hæc decerpisse.

Altera contentio emerfit, quæ Archiepiscopum nostrum plurimum exagitavit. Superius memoravimus, collatum fuisse Heriberto, a Conrado electo in Regem Italiæ, jus in Laudensem Episcopatum. Itaque ille, mortuo Nocherio illius Urbis Antistite, unum ex Cardinalibus Metropolitanæ Mediolanensis Ecclesiæ, nomine Ambrosium, illius Sedis Successorem instituit. Verùm obstitere Laudenses, animoque in repulsam obfirmato, adigi numquam potuerunt, ut eundem admitterent. Quamobrem indignatus Heribertus militares copias expedit, eorumque Urbem arctâ obsidione circumdedit; ac tandem obtinuit, ut fracti diurnâ vexatione Cives Ambrosium intra mœnia receptum, ad Episcopale Solium deducerent: In quo postmodum tantâ virtutum omnium luce enituit, ut pertinaciæ suæ illos puderet, & usque ad sepulcrum eximiâ semper veneratione atque amore eundem sint prosecuti. Mansit nihilominus altè pectori infixum hoc telum, injuria nempe, qua se affectos arbitrabantur ob cinctam obsidione illorum Urbem, coactosque Cives inviso jugo colla

submittere. Quapropter capta occasione Valvassorum Mediolani, qui contra Heribertum caput erexerant, & vexilla in castris explicuerant, a jurata eidem fide descivere, junctisque copiis cum rebellium Civium Mediolanensium exercitu, ad arma conclamaverunt. Decertatum est in *Campo*, appellato *Malo*, prope Mortham, magni utrinque cæde, & considerato in ea pugna Episcopo Olderico. Hunc Oldericum existimavit Ughellus, fuisse Laudensem Antistitem, quem ipse putat a Civibus illis delectum, ut Ambrosio Mediolanensi, ab Heriberto in Episcopum iis dato, locus intercluderetur. Attamen hallucinatus est, ac prorsus a vero aberravit. Si quidem Præsul ille, qui in prælio *Campi mali* cecidit, non Laudæ, sed Astæ Episcopus erat, Mediolanensi Archipræsuli foederatus, quemadmodum clarè docet Arnulphus cœvus Libr. II. Cap. XI. Alterum errorem hausit Ughellus a Sigonio, qui Libr. VIII. *de Regno Italia*, initum fuisse prælium apud *Campum Malum* Anno MXXV. tradidit. Verùm animadvertens in Documentis Astensium Episcoporum enunciati mortem Olderici, & Sepulcrum Taurini sub Annum MXXXVI., atque ideo minimè componi posse annum pugne a Sigonio statutum, cum anno obitus Astensis Olderici, novum Oldericum a Laudensibus ad Episcopale Solium evectum, sibi in mentem induxit. Revera tamen & prælium *Campi Mali*, & cædes Astensis Præsulis contigit Anno proximè indicato MXXXVI., testibus Arnulpho, & Wippone in Vita Conradi, aliisque illius ævi Scriptoribus.

Hoc autem loco non incongruum arbitramur referre quod superius innuimus, scilicet contendere debuisse Heribertum
etiam

etiam cum Episcopo Ticinensi Eusebio, pro tutanda integritate antiqui juris Ecclesiæ Mediolanensis, etiam antequam Henricus Imperator vitâ decederet. Rem prout accidit, narrat Landulphus Senior, Seculi XI. Scriptor Libr. II. Cap. XXI. Indixerat Henricus Imperator, redux ab Apuliæ aliarumque Urbium finitimarum suscepta expeditione, Colloquium in Roncaliis, ad quod vocaverat Italicos Antistites & Optimates. Cùm ecce Papiensis Episcopus Eusebius illuc accessit, prælati ante ipsum Cruce, Ut eminus hunc vidit Heribertus, rei novitate percussus constitit; illumque obvium habens gravi sermone coarguit, quod auctoritatis suæ limites prætergressus fuisset, & posthabitâ Ambrosianæ Ecclesiæ reverentiâ, apparatus, qui a Suffraganei conditione abhorrebat, coram Metropolitano sisti non vereretur. Commoti quoque animo Præfules Procereque circumstantes, eundem inculsare de violata Metropolitici culminis Dignitate; tanto Eusebii pudore, ut facti sui pœnitens Crucem deposuerit, quæ in Secretario Ecclesiæ Mediolanensis recondita postmodum fuit, in testimonium Posteris relatæ contra audacem Antistitem Ticinensem ab Heriberto victoriæ. Clariss. Muratorius Tom. I. *Antiquit. Ital. Med. Ævi* Cap. ultimò, scrutari satagit tempus, quo ista contigerint, & reponenda censeret in eo annorum spatio, quod effluxit ab Uberto Ticinensi Episcopo (verius Raynaldo, ab Ughello reperto, ac ceteris Episcopis addito) ad Guidonem II. Non videmus tamen, cur tam longè protendere debeamus dubitationis hujus limites; Auctores namque, cœvi apud Pagium, uno calamo consensuque susceptum ab Henrico iter in Apuliam, & reditum

ditum ad Infubres Civitates affigunt Anno MXXII; quo posito nemo non videt, Colloquium habitum in Roncaliis referri debere ad Anni ejusdem exitum, aut ad exordium sequentis; cum inde Henricus se Germaniæ restituerit, biennio post teris ereptus ac Cælo donatus.

Acerbius infortunium, quod serenos regiminis Heriberti dies atrâ procellâ obnubilavit, profectum est ab inconstantiâ animi Conradi Imperatoris. Cum enim bellum incœptam a Valvassoribus contra Archiepiscopum Mediolanensem, (ut superius retulimus) semper acrius increbresceret, & cuncta cadibus fœdarentur, Heribertus miseratione Gregis sui tam crudeliter discerpi intimò tactus, ut pace securâ diffidentes animos componeret, ad Conradum confûgit, quem propitium semper votis suis expertus fuerat, illumque invitavit, ut in Italiam armatus descenderet. Annuit quidem Conradus; verum quem Archipræsul noster adiutorem expectabat, habuit inimicum. Siquidem statim ac fines nostros attingit, seu aliquâ de fidē Heriberti conceptâ suspicione, seu malevolentia invictorum ad iram concitatus, dum in Placito, Papiæ indicto ad controversias tollendas causasque dijudicandas considerebat, in custodiam mitti jussit Archiepiscopum, qui immutationis hujus infcius, tamquam ad Amicum sese illuc contulerat: Quinimo privilegium in Laudensem Episcopum, antea illi sponte concessum, prorsus abolevit.

Inhorruere ad hanc Præsulis sui captivitatem amantissimi Cives; Nobiles verò per finitimas Urbes concurravere, ut Italiæ populos ad arma contra Conradum excitarent; dum interim Sacerdotes & Monachi, necnon Sanctimoniales fufis
ad

ad Deum precibus; jejniis, ac poenitentiae exercitationibus Pastori suo libertatem priuinam a Patre misericordiarum enixe implorabant. Nec irrita fuisse publica haec vota; ductus namque ad Trebiam prope Placentiam Heribertas, adjuvante Abbatissa Sacti Xisti, ab ipso olim consecrata, e manibus Custodum incolumis evasit, effusissimo populi gaudio Mediolani exceptus. Nobile inventum, quo praedicta religiosa Foemina curavit, ut Archiepiscopus Mediolanensis militares vigilias eluderet, accuratè descriptum legitur in eodem Landolpho Libr. II. Cap. XXII, & seq. pressus autem in Arnulpho Libr. II. Cap. XII, Seculo eodem scribentibus.

Ut fugae hujus nuncium intellexit Conradus, infremuit, iraque impotenti succensus, in universos Mediolani Cives odium & arma convertit, validâ militum manu Metropolim nostram obsidens oppugnansque. Neque hac indignationis suae significatione contentus, jura omnia Episcopalia ab Heriberto abrogavit, Ambrosium quemdam, Mediolanensis Ecclesiae Canonicum in ejusdem locum substituens, teste Wippone. Verùm minax hic turbo in auras evanuit; soliditas namque murorum & praestantia Civium vacuos inanesque reddiderunt assultus omnes Conradi, adeò ut coactus sit inde recedere. Itaque ignominiae ruborem non capiens, in agros, viros, & Oppida circumjacentia rabiem effudit, universa igne ferroque devastans; tantâ insaniae licentiâ, ut nec ipsis Saceris Aedibus parceret, in eas equos inferens, & verendas caelestibus quoque Spiritibus Aras in jumentorum stabulum, impiè convertens. Non tulit hanc injuriam Supremus ultor Deus, poenasque illico exegit. Praestat has referre verbis

ipsis

Opis Wipponis, qui exterrito animo suisque met oculis inspexit vindicem Summi Numinis iram. Ait igitur: „Dum „Imperator quoddam Castrum Sancti Ambrosii, quod Carbitum dicitur (apud Landulphum nostrum legitur *Curia-pilla*, nunc *Corbetta*) juxta Mediolanum obsideret, accidit „ibi quod plures pro miraculo habuerunt. In Dominica „Sancta Pentecostes, ante horam Tertiam, de magna serenitate Caeli subito fulmina cum tonitruiis erasperunt tanta „fortitudinis, ut multa pars hominum & equorum periret in „Castris. Quidam præ tanto terrore in excessum mentis venerunt, itaut post aliquot menses vix illi sensus rediret. „Venientes autem qui extra castra fuerant, nec vidisse nec „audisse aliquid tale dicebant. „Addit Puricellus plurimum testimonio fretus, Sanctum Ambrosium apparuisse Brunoni Episcopo Sacra facienti, vultuque iram spirante, in Imperatorem, qui adstabat, conversum, strictum manibus gladium, minitantis in modum, contra eum intendisse. Porro de hac re coevi silent Scriptores; cum tamen Wippo fateatur, repentinum eum turbinem a pluribus fuisse pro miraculo habitum, non alienum a veritate censei potest, sua huic Traditioni fundamenta minimè defuisse. Id autem pro certo habemus, terrore correptum Imperatorem, tentoria refixisse, atque unà cum copiis suis Papiam commigrasse.

Hermannus Contractus, & Auctor Chronici Hildensheimensis apud Pagium, ad Annum MXXXVIII., rem ab aliis synchronis Scriptoribus omissam referunt, nempe Benedictum IX. Summum Pontificem *post iustas crebras admonitiones, communi Episcoporum decreto in Paschis excommunicationis telum*

Heri-

Heriberto Archiepiscopo infixisse, quodd Imperatori Conrado rebellis foret. Addit verò Hildensheimensis Chronographus; *Heribertum nihilominus in sua obstinatione perdurasse, & Imperatori pro posse, in omnibus per præsentem, & etiam subsequenter Annum (MXXXVIII, & XXXIX.) incommo-* dasse. Admirationem nobis iniecit gravis hæc poena, in Antistitem nostrum illata a Pontifice Maximo, cum de eam-
mentio nulla in Annalibus nostris, & etiam in antiquis Scrip-
toribus, ut Pagius fatetur, occurrat. Fortasse indoluit Bene-
dictus IX., exprobravitque Heribertum, pertinaci bello infe-
stantem Conradum Imperatorem, qui insignia Romæ dederat
experimenta Christianæ Religionis. Siquidem cum *quidam ex*
Principibus Romanorum (verba sunt Rodulphi Glabri), *con-*
jurantes in Papam Romanum, cupientes illum interimere,
sed minimè valentes, a Sede tamen propria expulerunt &c.
Verùm tam pro hac re, quàm aliis insolenter patratæ, Im-
perator illuc proficiscens, propriæ Sedis restituit. Porro Heri-
bertum opinatum fuisse censemus, se iusta de causa adversus
Conradum arma movisse, tum propter vincula captivitatis in
illum injecta, tum propter Urbem Mediolanensem obsessam,
animo eandem exscindendi, & vastationem agris Oppidisque
circumjacentibus, ferro & flammis miserrimè illatam, ut jam
superiùs memoravimus.

Longè posito, & citò etiam e vivis crepto Conrado,
nondum tranquilla & constanti quiete frui potuit Heribertus;
amoto namque Imperiali hoste, domesticum bellum exarsit;
quod ut dilucidius fiat, recolendum est quod ex Sigonio
superiùs retulimus in Landulpho. II. Archiepiscopo Mediola-

nenſi, excitatum primò tunc fuiſſe civile diſſidium inter Nobiles, Plebemque; eoque veneno ſemel infectant Civitatem. noſtram, nonniſi poſt integrà ſecula convaluiſſe. Igitur antequam Heribertus e vivis excederet, recruduit hoc vulnus. Siquidem cum nimium inſolenti arrogantia ſe gererent Nobiles erga vilioris conditionis homines, & quadam die unum ex hoc cœtu jurgiis ac ferro malè habuiſſent, reliqui ex vulgo inſurrexere, atque rei indignitate commoti, arma ſumpſerunt injuriam vindicaturi; tantumque in ultionis propoſito perſiſtere, ut neque plurium menſium atque annorum decurſu, fervens in compitis feralis hic ardor extingui potuerit. Heribertus pro Paſtorali ſuo munere ſe totum impendit exhortationibus, precibus, paterniſque blanditiis, ut in-
conditum hunc tumultum ſedaret. Sed, cum animadverteret, fruſtrà ſe laborare, nè odium aut Nobilium aut Plebis in ſe converteret, Modoetiam proſectus eſt. Interim verb val-
dior facta ob ſuccreſcentem multitudinem Plebejorum factio ita prævaluit, ut adacti fuerint Nobiles cum uxoribus, li-
beris, ac ſupelleſtile Urbe excedere. Non depoſuere tamen vindictæ deſiderium; ſed collectis hinc inde Amicorum au-
xiliis, Mediolanenſem Metropolim valida obſidione cinxerunt. Triennio domeſticum hoc bellum perduravit; donec Lanzo miles, quem ſibi Plebs Ducem delegerat, ægris oculis ferens inſectuoſam Patriæ ſuæ tam inſeſſinò diuturnoque odio laceratæ calamitatē, ut teſtante Landulpho nulla dies ſine ſanguine abſcederet, Henricum II. Conradi Succeſſorem adiit, atque ab eo ſubſidium quatuor millium Equitum (non quatuordecim millium, prout perperam tradit Sigonius) impetravit.

Ve-

Verùm reversus in Patriam, reque meliùs perpensâ, colloquium cum Nobilium Ducibus habuit, profecitque adeo, ut absque novo hoc oneroso militum exterorum augmento pax felicissimè fuerit conciliata. Referunt hæc omnia memorati Scriptores Arnulphus & Landulphus Senior.

Ughellus hisce historicis fontibus cùm ista scriberet (non tamen Sigonio) destitutus, rem omnem pervertit; ait enim: *Heribertus Henricum II. Conrado suffectum coronavit, quem paulo post Mediolanum obsidione cinxisse, agris oculis intuitus est; ejus excidium ne iterum oculis usurparet, concessit Modiciam; ubi jam graviter senescenti contigit videre rerum conversionem tranquilliorē, cùm minus posse sperari videretur.* Collatam fuisse Regi Henrico II. Italiz Coronam ab Heriberto, non ita facile quisque in antiqua eruditione versatus admittet; Tristanus Calchus, Libr. VI. celebritatem hanc Anno MXLIII. actam fuisse a memorato Archipræsule credidit, nixus Diplomate a se inspecto, Immunitatis concessæ Ecclesiæ Sancti Felicis eo Anno, ut ipse tradit, expedito. Carolus tamen a Basilica Petri Libr. II. *Novariæ Sacre*, id referendum esse affirmat ad Annum MXLVI., quo jam Heribertus e vivis excefferat, & Henricus in Italiam verè se contulit. Et sanè illius ævi Historiæ, Pagius, Sigonius, aliique hoc tantùm tempore profectionem e Germania, a Rege Henrico Conradi Filio susceptam adnotavere. Quòd autem Mediolanensem Urbem Rex ille obsederit, non opus est refellere, cùm prorsus veritati repugnet, quemadmodum allati superius Auctores manifestum fecerunt; & obsidio ista non Germaniæ Regis, sed Nobilium Civium in Plebem furentium vindictæ opus fuerit.

Jam verò ut ad reliqua recensenda virtutum ornamenta, quibus illustrem admodum reddidit Pontificatum suum Heribertus, sermonem convertimus, illud præ ceteris immortalis memoria dignum est, quod relictum posteris ab hoc Archiepiscopo in exemplum admirandæ Caritatis erga pauperes, præfens in nostra Urbe testis Landulphus Senior Libr. II. Cap. XX. *Histor. Mediolan.* chartis commisit. Cum enim ingravesceret per universam Italiam annonæ penuria, atque ideo hujus Metropolis Cives fame rabida affligerentur, Heribertus ut inopiæ Gregis sui opportuno subsidio consulere, octo mille panes mixturæ & cereris per unumquemque diem summo mane distribui jussit, & culinariæ rei præfectis pariter mandavit, ut octo leguminum modios quotidiè coquerent, in eleemosynam egenis ministrandos. Quin etiam, ut Landulphi verbis utamur, *omni mense circa Calendas, nummos multos & novas vestes propriis manibus dabat.* Neque parvo temporis spatio effusa hæc largitas in liberalissimo Antistite emicnit. Cum enim fames ista per XX. annos hanc Provinciam vexasset, ab Anno nempe MVI, usque ad Annum MXXVI, per octo saltem annos ab inito Archiepiscopali munere, horrea sua & nummarias arcas aperire debuit amantissimus Ovinum suarum hic Pastor, fidem faciente Landulpho jam dicto.

Næ minori luce enituit Religio & amor, quo Heribertus in Deum & Cælestes ferebatur. Viget incolume in hunc diem insigne ejusdem sacræ magnificentiæ monumentum, Cænobium nempe prope Ecclesiam Sancti Dionysii, nunc extra mœnia, a fundamentis erectum, in quod Archie-

chiepiscopus iste novam Monachorum Coloniam induxit, ut quotidie Æterno Patri Divinam hostiam litarent, & perpetuas Sanctis Dionysio & Aurelio Episcopis landes persolverent: Et ne penuriâ aliquando laborarent, paternos Censuum ac prædia liberali dono in eorum jus transtulit, expedito Diplomate, in quo (ut ait Calchus) *perhorrendo Edicto sancis, ne quis ullo unquam tempore alia a se immutaret*. Fallitur tamen Clarissimus hic Auctor, statuens Monasterii hujus San-Dionysiani initium Anno MXXXIII.; Puricellus namque Diploma erectionis a se perspectum fuisse testatur in *Monument. Basil. Ambros.*, num. CCXXVIII., illudque etiam vulgavit Cap. ultimo *Vitæ Sancti Herlembaldi*, in quo superstes memoratur Magnus Henricus Imperator, adeoque ante Annum MXXIV., qui Vitæ hujus Imperatoris postremus fuit. Hinc manifestum fit, primum illius Cœnobii lapidem, decennio saltem ante, jactum fuisse. Certè Mabillonius in *Annalibus Ordinis Sancti Benedicti* Tom. IV., sub primos annos Archiepiscopatus Heriberti conditum tradit Sancti Dionysii Monasterium.

Neque hoc unicum fuit vigentis in Heriberto eximie Religionis indicium. Alios quoque adjuvit in amplificando Dei cultu, novisque excitandis Ecclesiis, ut vota sua eidem offerre quotidie possent Fideles, quemadmodum enarrare prosequitur Clariss. Mabillonius ad Annum MXXVIII. Cum enim ad hanc Metropolim se contulisset quidam Civis Aurelianensis, nomine Anfegifus, & benignè acceptâ ab Archiepiscopale nostro facultate, Ecclesiam in honorem Sepulchri Domini ædificasset prope Vicum Trinade (vulgò *Ternato*)
haud

haud procul ab Oppido Besutio, Agri Mediolanensis, rogatus Heribertus eandem solemni rita consecrav. Subsequentibus autem quamplurimis signis, quibus Dominus dignatus est ostendere, sibi placitum fuisse religiosum hoc munus, Archiepiscopus noster de consensu Cardinalium Ecclesiæ Mediolanensis, Locum illum, & eleemosynas a densis populorum illuc confluentium turmis collatas, eidem Ansegiso dono concessit, dato Diplomate, quod in Puricello pariter, loco laudato legitur, sub num. CCXXIII.

Alterum documentum profert Ughellus, ex quo colligimus, ab Heriberto donatas fuisse duas Cartes cum omnibus adnexis juribus, Abbati & Monasterio Tollenfi, in obsequium Supremi Numinis, atque in animi sui grati testimonium, quod captivus a Conrado factus, & prope hoc Cœnobium in custodia militum detentus, singulari Dei beneficio, & ope etiam Abbatis ibidem ab eo constituti, incolumis a tam gravibus periculis evasisset.

Demum, ut alia hic omittamus, de quibus mentionem agemus in referendis ultimis ejusdem Tabulis, id unum piissimi animi erga Dei cultum monumentum proferre, necessarium censemus, scilicet inductam fuisse ab Heriberto in militaria quoque castra religionem. Siquidem primus vehiculum quoddam excogitavit, appellatum subinde ab Italis *Carrocium*, in cujus medio vexillum procero malo affixum dependebat, venerandam Imaginem Crucifixi depictam referens. Trahendo huic Currui subdebantur altioris formæ Boves, candido operi panno, ipsumque validiori præstantes robore militum cohortes circumsepiebant. Nec deerant Sa-

cer-

cerdotes, qui præsto essent morientibus, & Sacramenta accepto gravi vulnere laborantibus subministrarent. Accuratam hujus *Correi* descriptionem Libr. VIII. de Regno Italia Sigonius, atque *Historia* suæ *Cremonesi* Antonius Campi (qui etiam typum exhibet) inferuerunt.

Celebre etiam redditum est Archiepiscopi Heriberti regimen, ob enatum eo tempore Religiosum Ordinem Humiliatorum. Epocham hujus novæ Institutionis alii sub Conrado Salico, aut Henrico V. Germaniæ Rege inceptam scribunt; alii verb graviore anachronismo, sub Federico Ænoborbo jacta fuisse fundamenta memorati Ordinis tradidere. Securius sententia ea est, quæ Anno MXIX. ejusdem exordium figit. Hanc amplexi sumus & firmare contendimus in *Historia Typographico-Literaria Mediolanensi*, ad Annum MCDLXXXIII., quam Lector consulere poterit, cùm hic non vacet, de inexplorata adhuc hujus Instituti origine progressuque plura differere.

Præterire nolumus, quod Clariss. Mabillonius dignum censuit, ut in *Annales* suos inferretur sub Annum MXXXVIII., convocatum videlicet fuisse ab Heriberto Archiepiscopo Monachorum Sancti Benedicti Conventum, ad componendos eorum mores juxta purioris disciplinæ & Regularum leges, simulque ad dirimendas lites circa prædia, quæ ipsis largiti fuerant, tam Reges tum Archiepiscopi; ut in posterum quietè ac commodè rebus Divinis vacarent. Chartam ejusdem Archipræfulis manu firmatam, omnia hæc complectentem, edidit Puricellus in *Monum. Bsf. Ambros.*, num. CCXXII.

Ultimæ Tabulæ, quas integras recitat numquam satis

lau-

laudatus idem Puricellus, num. CCXXIV., manifestis temper, ut superius innuebamus, religiosissimum Heriberti animum produnt. Siquidem celebrioribus omnibus tum intra tum extra Urbem Ecclesiis, ac Cœnobiis Monachorum & Sanctimonialium aut prædia & castra, quæ juris ejusdem erant, aut numeratam pecuniam in eleemosynam legavit, ut Deo laudes decantarent, animæque suæ & suorum fufis omni anno precibus suffragarentur. Cùm autem plura ex ibidem designatis Cœnobiis, nominibus quæ tunc vigeant atque in præsentia obsolescere, appellarentur, campum hinc sibi aperuit memoratus Puricellus, ut eruditionem suam effunderet, & eadem explicando antiquitatem illustraret.

Morti proximus alterum condidit Testamentum, in quo hæredes ex affe paternorum Bonorum Nepotes & Pronepotes suos declaravit; uno tantùm ipsis onere imposito, ut scilicet Monasterio Sancti Ambrosii quolibet anno erogarent libras duas argenti, ad celebrandos solemniori pompâ dies festivos, eidem Sancto Patrono dicatos. Hæ quoque Tabulæ recitantur a Puricello in *Monum. Basil. Ambros.*, num. CCXLV.

De temporis spatio, quo Mediolanensem Ecclesiam administravit Heribertus, nulla est inter Scriptores. dissensio, cùm æquè antiqui & recentes Catalogi annos XXVII. enumerent. Obiit die XVI. Januarii, Anno MXLV., quemadmodum nos docet Inscriptio, Lapidi Sepulchrali insculpta hisce carminibus:

✠ HIC JACEO PULVIS, CUI QUONDAM CLARUIT ORBIS.
 TUNC HERIBERTUS ERAM, NIMIOQUE DECORE VIGEBAM,
 OFFICIO PLACIDI FUNGBAR PRÆSULIS ALMI,
 NUNC TUMULOR SERVUS SERVORUM. CHRISTE TUORUM:
 PRO MERITIS HORUM TIBI DIGNE COMPLACITORUM,
 SANGUINE QUÆSO TUO MIHI TU MISERERE REDEMPTO:
 HUC VENIENS LECTOR SIBI DNE IGNOSCE REDEMPTOR,
 ET VIVENS VITA REQUIESCAT SEMPER IN IPSA.

OBIIT ANNO DOMINICÆ INCARNATIONIS MILLESIMO
 QUADRAGESIMO QUINTO, DECIMASEXTA DIC-
 TENSIS JANUARI, INDICTIONE
 DECIMATERTIA.

Non acquievit antiquo huic testimonio Puricellus, as-
 ferens in fine num. CCXLVIII., Heriberti mortem transfe-
 rendam esse ad Januarium mensem Anni sequentis MXLVI.
 Opinionem istam validè (ut arbitramur) oppugnavimus in
 Adnotationibus ad Sigonium *de Regno Italiae*, sub Annum
 MXLIV. tum auctoritate Landulphi tunc in hac Urbe viven-
 tis, tum etiam ex Epocha Pisana, quæ eo Seculo in Ita-
 lia frequenter usurpabatur, tum denique ex consuetudine,
 Sigonio præsertim familiari, annum inchoandi a Natalis Do-
 mini Solemnitate.

Sepultus est in Basilica Sancti Dionysii, cujus Cæno-
 bium ipse construxerat.

Antequam calamus hinc removeamus, abolenda est ma-
 cula, quam Heriberti famæ immeritò ac falsò inusserunt

Galvaneus Flamma in *Chronico*, & Bernardinus Corius in sua Italica Historia, uxorum scilicet fuisse Heribertum Archiepiscopum; afferentes etiam, vestigium adhuc extare in Vineâ, contigua Monasterio Sancti Dionysii, nomen ferente *Usseris*, ob uxorem prædicti Antistitis, quæ ita appellabatur, quæque eandem, utpote juris sui, religionis Viris in eo Coenobio degentibus in perpetuum legaverat, Fabula hæc per vulgi ora, in præsentia quoque excurret. Verum quàm iniquus sit hujusmodi rumor, constat ex iis, quæ Puricellus in *Vita Sancti Herlembaldi* Cap. XCII. præfert, & quæ Pagius ad Annum MXLV. addit, affirmans nullam umquam ex Archiepiscopis Mediolanensibus incontinentiæ labe fuisse notatum a coævis Scriptaribus, neque ab ipso etiam Sancto Petro Damiani, misso Mediolanum a Romano Pontifice, ad extirpandam a ceteris Sacerdotibus hujus Metropolis, perverfam conjugum licentiam.



W I D O.



Ngredimur campum, scrobibus sentibusque asperum oblitumque, ætatem videlicet illam calamo attingentes, quæ Clerus Mediolanensis non tam Simoniaca lue quæ Italia ferme omnis inficiebatur, sed etiam Nicolaitico morbo miserrimè contabescebat. Id insuper ærumnas nostras augebat, quod nempe Ecclesia Mediolanensis quatuor simul Archiepiscopos pati debuerit, uno tantum ex iisdem legitimè electo, sed numquam consecrato.

Primus ad viam huic malo aperiendam fuisse dicitur VVido, seu Guido, Heriberti Successor. Cum enim, Sede vacante, quatuor ex Ordine Majori insignes doctrinæ ac pietate Viri a Civibus propositi fuissent, iique unà cum Legatis Mediolanensium Solio Henrici Germaniæ Regis additisissent, ut qui acceptior eidem foret, per virgam & anulum, pro more illius temporis, Archiepiscopus institueretur, VVido qui ob revelatum criminose (ut ait Landolphus Senior) quoddam Heriberti arcamum eundem Henricum sibi propitium reddiderat, oblatâ pecuniâ Mediolanensem Cathedralam impetravit. Galefinius hunc VVidonem, Ecclesiæ Mediolanensis Canonicum Ordinarium appellat, & Regis Henrici a Secretis; Arnulphus tamen eo tempore in hac Urbe degens, dum primò loquitur de VVidone, hæc habet: *Henricus neglecto nobili ac sapienti primi Ordinis*

Clero, idiotam & a rure venientem elegit Antistitem, cui nomen fuit VVido; statimque subdit Davidicum illud Psalm. LXXVII. Revera susculit eum de gregibus ovium, & de post fatantes accepit eum.

Diem & annum, quo VVido in pleno Legatorum Mediolanensium & Principum Germanorum Confessu renunciatus est ab Henrico Ambrosianæ Ecclesiæ Archiepiscopus, nobis servavit Landolphus prædictus, nempe XVIII. mensis Julii, Anni MXLVI. in Festo Sancti Materni, hujus Metropolis olim Antistitis. Is quoque Historiam suam prosequens, ac præsens rebus quæ agebantur, conscios nos reddit de insigni anachronismo, quo peccavit Galvaneus Flamma ab Ughello relatus, qui tradidit, redeuntem e Germania VVidonem ægro animo exceptum fuisse a popularium Coetu; quinimo cum primam Missam in Pontificalibus, in Ecclesiâ Majore celebraret, ab universo Clero & populo juxta Altare, solum relictum, & tamquam Simoniacam ante Leonis Papæ præsentiam citatum fuisse. Sanè hæc vera sunt; sed minimè hoc Anno accidere, cohibente omnes tum populi, tum Cleri tumultus Regis Germaniæ metu, quemadmodum refert memoratus Landolphus Libr. III. Cap. II. his verbis: *Cum Guido venisset Mediolanum, usu antiquo ac imperiis Imperatoriis urgentibus, honorificè ac devotè susceptus est: qui per viginti Ambrosianum Archiepiscopatum pacificè rexisset annos &c.* Suo itaque loco de his differemus.

Vergente in finem Anno eodem, Italicam expeditionem suscepit Henticus II.; cumque Metropolim nostram adiisset, a VVidone Archiepiscopo summa celebritate Regni Italici

Co-

Corona est redimirus. Scimus nonnullos rerum Mediolanensium Scriptores gloriam hujus Coronationis contulisse in Heribertum VVidonis Decessorem. Sed cum hac assertio unice innitatur Diplomati Anni MXLIII., cujus fragmentum edidit Calchus, coevi autem Scriptores Germani nullam aliam expeditionem Henrici in Italiam referant, nisi eam quam suscepit Anno MXLVI., nec integrum Diploma viderimus a Calcho relatum; abstinemus a ferenda ea Sententia, quam in Adnotationibus ad Sigonium sub Annum MXLVI. jam dedimus. Opportunum quidem confirmandæ huic Epochæ adventus Henrici in Italiam, testimonium nobis suppeditat Documentum ab Ughello relatum in *Episcopis Veronensibus*, column. DCCLX. Venetæ Editionis. Curaverat Henricus, ut in Urbe Ticinensi Synodus congregaretur Anno MXLVI. Indictione XV., mense Octobris. Illuc se contulit VValtetus Episcopus Veronensis, petiitque a collectis Patribus, & Henrico ibidem præsentē, ut sedes in Conciliis, ad dexteram Aquilejensis Patriarchæ, quam sibi de jure competere assererat, non alteri Episcopo eandem sibi arroganti, decerneretur. Genuinis itaque ab ipso productis Documentis, omnium suffragiis in ejusdem favorem eis definitum. Calculum suum inter alios propitium præbuit etiam VVido Mediolanensis Antistes, quemadmodum docent Acta illius Synodi, quorum fragmentum hic datus. „ Anno Dominicæ Incarnationis „ MXLVI. Indictione XV., octavo Calendas Novembris, „ regnante Domino nostro invictissimo Rege Henrico III. „ &c. in ejusdem gloriosi Regis præsentia, interfuit Eberdus Aquilejensis Patriarcha, VVido Archiepiscopus Mediolanen-

„lanensis, Adelbertus Archiepiscopus Remensis &c. Resi-
 „dente namque Domino Eberardo venerabili Patriarcha in
 „jam dicta Papiensi Synodo, cum glorioso Episcoporum
 „Collegio, Domini VValterii Veronensis Episcopi sedile,
 „ad jam dicti Patriarchæ dexteram decenter jussu est poni,
 „& per victoriosi Regis Henrici præceptum, & Sanctæ
 „Synodi laudatione atque corroboratione statutum, ut per
 „Synodos & Concilia Urbs Verona apud Aquilegium se-
 „cundam sibi sedem vindicans possideat, & ab hinc perpe-
 „tualiter secunda habeatur &c.

Accepto Italiæ regali Serto Sutrium profectus est Henricus,
 ibique alteri Synodo interfuit, in qua depositi fuere tres
 Romanæ Ecclesiæ Pseudo-Pontifices, qui hæcenus Apostoli-
 cam Sedem tyrannicè occupaverant. Romam verò delatus,
 auctoritate ac studio suo id effecit, ut Svidgerus Bamber-
 gensis Episcopus (quo nullus melior in Romana Urbe tunc
 reperiatur, teste Victore III. a Pagio ad hunc annum re-
 lato) plenis suffragiis in legitimum Pontificem deligeretur.
 Consecratus est Svidgerus in Summum Hierarcham Natalitio
 Domini Nostri die, sub nomine Clementis II., qui expletis
 Pontificalibus Sacris, Augustali diademate Henrici ejusque
 Uxoris Agnetis capita exornavit.

Anno sequenti MXLVII. ineunte Clemens II. Concilium
 indixit ac celebravit adversus Simoniacos; eidemque interfuit
 VVido Mediolani Archiepiscopus, qui licet eodem morbo in-
 fectus, tunc veluti genuinus Pontifex habebatur. In ea Sy-
 nodo, iterum altercatione exortâ inter Ravennatensem & Me-
 diolanensem Antistites, cuiusmodi eorum dextrarum latus Summi Pon-

Pontificis deberetur, refert Ughellius, statutam fuisse a Clemente Papa aliisque Episcopis adstantibus dexteram manum, favore Ravennatis Archiepiscopi, nisi forte Imperator assensu. Deest hoc Concilium in Labbeo; leguntur tamen in Appendice Tomi IX. Literæ Clementis II., quæ hoc Decretum impunitè desumptæ ex eodem Ughello in Archiepiscopis Ravennatibus. Verumtamen de hoc Concilio & Literis memoratis Clementis II., nemo ex cœvis Scriptoribus Arnulpho & Landulpho Seniore, quidquam enunciat. Sigonius verò, qui hanc altercationem retulerat in primis Editionibus Libri VIII. de Regn. Ital., in postrema Bononiensi, quam secandis curis diligentiori examine publici juris fecit, prorsus expunxit, utpote stramineis & fallacibus fundamentis innixam. Nos id consultò adnotavimus in nostris animadversionibus ad Sigonium, sub Annum MXLVII. Sanè Puricellus in Vita Sancti Laurentii Mediolanensis Archiepiscopi solidis argumentis commentitium vocat memoratum Clementis Diploma, atque confictum esse tradit post Annum MCXXXII. ab homine, qui extollere vellet Ravennatem & Aquilejensem Ecclesiam, supra Mediolanensem. Pater quoque Eustachius a Sancto Ubaldo, in Libro de Metropoli Mediolanensi, Sect. IV. integrâ Dissertatione Decretum hoc ad fabulas rejicit. Id quidem verum est, exortum fuisse dissidium de primo ad dexteram Pontificis Maximi loco inter Mediolanensem & Ravennatem Antistites, in Concilio, Romæ a Leone IX. celebrato, Anno MXLIX., narrat enim illud Landulphus Senior Libr. III. Cap. III.; victoriam tamen stetisse pro VVidone Mediolanensi Archiepiscopo clarè testatur: Atque hujus
vin-

vindicari Archipræsuli nostro antiqui honoris exemplum habemus in Concilio altero, Romæ habito a Nicolao II. Summo Pontifice Anno MLIX. contra Berengarium & Simoniacos; Arnulphus enim Libr. III. Cap. XIII. hæc scribit: *Decibiliter tractatur (Vvido) ab Apostolico tunc Nicolao, cujus dextro positus est in præfenti Synodo latere.* Labbeus Acta hujus Concilii refert, omisis tamen Episcoporum nominibus, qui eidem subscripserant.

Ut verò Seriem chronologicam retexamus, quam hætenus abruptimus, ut simul omnia ad hanc controversiam spectantia cumularemus, notum est, insurrexisse Anno MLVI. egregium Evangelicæ veritatis præconem Arialdum, ex Nobilibus de Alzate, qui nunc in Sanctorum Martyrum Cœtu ab Ecclesia colitur, contra Cleri & populi Mediolanensis corruptelas, ut funditus eas extirparer. Hunc Vvido ipse Diaconum consenserat (cùm eum minime tunc prævideret, futurum sibi hostem acerrimum) isque novo hoc Ordinis Sacramento initiatus in apertum campum pugnaturus profiliit, coepitque Apostolicâ eloquentiâ in Simoniacos Clerumque incontinentem publicè declamare. Non tulit Vvido hoc quo ipse arbitrabatur probum, injustè illatum Ecclesiæ Ambrosianæ. Quamobrem Provinciale Concilium in Fontaneto, agri Novariensis Oppido, congregavit, atque ad illud accessit etiam Arialdum, & Landulphum Presbyterum (qui se eidem in Divini verbi prædicatione conjunxerat) ut ab impactis accusationibus de subversa publica pace ac quiete sese expurgarent. Renuit Arialdus illuc accedere; optimè noscens paratas sibi in eo Præsulum Cœtu, uxoris. Sacerdotibus. fa-

vente,

vente, calumnias injuriæque; quemadmodum etiam exitus compertum fecit. Siquidem ab hujusmodi repulsa vehementius exacerbati Episcopi, latam a VVidone sacri anathematis contra ipsam sententiam unanimes approbavere. Arianus immerito hoc ictu percussus Romam contendit, ibique coram Stephano IX; exposito indigno facinore Apostolicas Literas obtinuit, quibus intrepidè prosequi susceptum opus jubebatur. Quinimo Pontifex ille tres Mediolanum Legatos misit Anno MCVIII, ut turbas hæc compescerent, & serpenterem in nostra Urbè perniciosam lueni opportunis remediis eliminandam curarent. Hi fuere (ut Arnulphus testatur) Hildebrandus Cardinalis Archidiaconus, Petrus Ostiensis, & Anselmus Lucensis Episcopi. Attamen re infecta, ob plebis & Sacerdotum pertinaciam, hinc recedere coacti sunt, ac Romam reverti; nec aliud quidquam moliri potuit in Ecclesiæ hujus bonum Sanctissimus is Pontifex, quippe post paucos menses e vivis ereptus ad Superos evolavit. Nihilominus ejusdem vota implevit Nicolaus II., viduæ Sancti Petri Ecclesiæ regendæ suffectus: Proinde duos ipse ex antea missis a Decessore suo Legatos Mediolanum direxit Anno sequenti MLIX, nempe Petrum Damiani Cardinalem Ostiensem, & Anselmum de Badagio Episcopum Lucensem. Quid egerint in hac Metropoli duo isti Apostolici Præsules, fuscè narrat Puricellus in *Vita Sanctorum Arianaldi & Herlembaldi* Libr. IV. Cap. X. Hoc unum memorare lubet, perfractam adèò fuisse veterem Nicolaitarum audaciam, dexteritate atque sermonibus Petri præsertim Damiani, ut VVido ipse Archiepiscopus unà cum Clero, geminas quibus insciebatur hære-

ses Simonis atque incontinentiæ publicè ejaraverit, datâ spon-
sione defecationis vitæ, ac, optimè impletis poenitentis œne-
ribus sibi injunctis, Legationis Mediolanensis Asta omnia res-
sert ipsemet Petrus Damiani, in Opusculo eundem Titulum
ferente, inter Sancti hujus Cardinalis Opera jam vulgato.

Emerferat ea ætate audax Berengarii Hæresis, quæ Eu-
charistici Sacramenti Fidem & venerationem inaudito scelere
proterere conabatur. Ad hæc tutandam veluti hæc Catho-
licæ Religionis, Synodos sparsim per Gallias & Italiam,
Archipræsules in suis Provinciis collegere, hec IX., qui Ni-
colao II. successerat, Vercellis Concilium indixit, cuique etiam
interfuit, Berengario illuc accito; qui tamen, dolosa excusa-
tione per duos Clericos oblata, absentiam suam Summo Pon-
tifici aliisque Patribus minus expiam reddere tentavit. Ni-
hilominus serio examinae discussis rebus, cupentorum suffragiis
excommunicationis sententiam retulit. Ad hoc Concilium voca-
tus est a Summo Hierarcha etiam VVido, qui in partem
venit communis gloriæ, ob profligatum calculo quoque suo
receptissimi apud Christifideles dogmatis eversores.

Sed citò disciplinæ jugum excussit Archiepiscopus iste;
in ejuratam namque hæresim iterum relapsus est. Ac prius
Clericos duos Modoëtienſes, qui ob Arialdi prædicationem
seſe ab initis connubiis expediverant, capi præcepit atque a
Satellitibus abduci in Castrum Leuci, ubi (ut Andreas Mo-
nachus scribit in *Vita Sancti Arialdi* Cap. XXIII.) ea per-
peſſi ſunt, quæ neque a Paganis illata Martyribus in Hi-
ſtoriis leguntur. Subinde rabie odioque in Arialdum incensus
ac furens, univerſam Urbem interdicto ſubjicit, addit etiam

Lai-

Laicis penâ jacturâ divitiarum & vitæ, donec in hac Metropoli hospitaretur Vir Dei. Cum verò Arialdus Urbe excederet, per infidias captum, ad Lacum Verbanum deportari jussit, ibique per Sicarios acerbissimis cruciatibus mortem eidem inferri. Omittendæ minime sunt extremæ voces Sancti hujus Martyris; interrogatus namque, dum membratim conspiceretur, a Sicariis; verus-ne foret Archiepiscopus VVido, intrepidè respondit: *Nec est, nec fuit unquam, quia ipse Archiepiscopus in ipso non est, nec fuit unquam*; etenim per Simoniam ingressus, Simoniam distrahere Sacra non cessabat, hoc referente Baronio ad Annum MLXVI.

Ferale nuncium barbaræ hujus necis, bonorum omnium aures horrore implevit, contrarsaque in Auctorem irâ odioque, abruptus fuit decursus ille viginti annorum; quem prosperum ac tranquillum in suo regimine transegerat VVido, ut superius ex Landulpho retulimus. Siquidem tunc solus relictus est a Sacerdotibus & populo, dum Sacra Solemnia perficeret; Herlembaldus verò Cotta, qui Arialdi Causam, seu potius Castitatis partes armis tuebatur, accepto etiam a Summis Pontificibus Sancti Petri vexillo, Romam ante Arialdi eadem Anno MLXVI. contenderat, receptisque Apostolicis Literis lata in VVidonem excommunicationis sententiâ ab Alexandro II., eisdem Mediolanum reversus obtulit Archiepiscopo in Ecclesia degenti: Cumque ille perviciæ suæ fidens Sectatores suos ad vindictam armaret, pugnamque institueret, fractus in prælio vix se recipere in tutum valuit; Plebs tamén de prostrato Pseudo-Archiepiscopo exultans, in Palatium Archiepiscopale istuit, diripuitque omnia, veluti

devictæ iniquitatis spolia in triumphum reportans.

Interea cùm frequentibus cædibus / ac depredationibus scateret hæc Civitas, miseratione commotus Alexander II. Pontifex Maximus Legationem Mediolanum direxit, ut pacis fœdera conjungeret inter plebem & Clerum. Calchus ex Arnulpho vetusto Scriptore hæc refert; Baronius verò ad Annum MLXVII. nomina Legatorum enunciat, nempe Mainardum Cardinalem Silvæ-Candidæ, & Joannem Presbyterum Cardinalem, simulque recitat Constitutiones ab ipsis præscriptas Calendis Augusti. His minimè contentus Summus Hierarcha, cùm Anno eodem celebrandam Mantuæ Synodum indixisset, Mediolanum diverfit, *multaque fecit Statuta de statu Mediolanensis populi & Cleri, Beatumque Arial-dum Sanctorum Martyrum Catalogo adscripsit*, verba sunt Landulphi Junioris, a *Sancto Paulo* nuncupati, Libr. III. Cap. XXXVIII., qui pariter editus est Tom. V. *Rerum Italicar.*

VVido ut eluderet Pontificium Decretum, atque eriperet sese a populi insultibus, pactâ cum Gothofredo sibi a Secretis pecuniâ, Virgam & annulum ad Henricum Imperatorem remisit, qui eundem Gothofredum, Archiepiscopum illico declaravit. Verùm cùm novus hic Præsul ab ea Dignitate rejiceretur, Clero & populo reluctante, desiderium in VVidone revixit Sedem dimissam recuperandi; utque id facilius obtineret, reconciliare se Herlembaldo studuit, obtinuitque; sed deteriori exitu quàm sperasset: Herlembaldus enim specie in Metropolim illam introducendi, ad Celsianum Monasterium constitit, ibique sub custodia eum inclusit, ad agendam commissorum scelerum, poenitentiam, Anno quem

quem Puricellus congruentius tradit MLXX. Excitato autem saevissimo incendio per hanc Metropolim, in Annalibus nostris ad funestam memoriam descripto, VVido e Monasticis Claustris dimissus, in Derthonensem agrum concessit; ibique Dignitate omni exutus, tandem ignobili morte in Bergolio Oppido, ad Tanarum amnem sito, vitam clausit Anno MLXXI. ibidem sepultus, non sequenti, ut tradit Ughellus.

Mediolanensi praeuit Ecclesiae annis XXVI., relicta post cineres exosa sui nominis fama.



GOTHOFREDUS.



Cum Mediolanenſem Cathedram Gothofredus, cujus paulo ante mentionem fecimus, conſcendere vetaretur, quinimo expulſus Urbe foret, ad paternum Caſtrum, appellatum *Caſtellionum*, naturæ & artis munitis optimè inſtructum, tamquam ad aſylum conſūgit. Non ſegnes tamen fuere Mediolanenſes ad arma arripienda; collecto namque exercitu, & paratis ad Arcis illius oppugnationem bellicis machinis, Duce Herlembaldo, illuc accurrere, ut inde etiam extruderent hunc Pſeudo-Pſeulem, qui frequentibus eruptionibus vaſtationem agris proximisque vicis inferebat. Voti autem compotes facti fuiſſent, niſi vorax incendium, quod (ut diximus) Tempſa & Domoſ Metropolis hujus miſerrimè deſolabatur, quamplures ex Civibus in Caſtris degentibus Mediolanum revocaſſet; ut ſupelleſtili ac Familiæ periclitanti conſulerent, & reliquias ſaltem paternorum larium atque opum ab ignis faucibus eriperent.

Quandoquidem verò armis remove a propugnaculo ſuo Gothofredum dominatui Eccleſiæ inhiſcentem minimè valere, conſiliis in hac Urbe habitis imminenti malo moderi Cives curaverunt. Quapropter Herlembaldus, qui auctoritate ac præſentia Mediolani primas tenebat, colligere populum Clerumque ſtudit, ut legitimum Gregi huic Paſtorem communibus ſuffragiis inſtituerent, quemadmodum etiam conſe-

ctum

Quam scribit Arnulphus. Sed de hoc novo Archiepiscopo inferius differemus.

Interim ne à Gothofredo recedamus, cum cerneret iste, Astutium contra se in campum educi, Henricum Imperatorem, patrum suum precibus ac munusculis adiit, ut in Sedis Ecclesiæ Ambrosianæ potestate regiâ confirmaretur. Nullam in hac re moram interposuit Imperator. Quapropter, expedito Legato interventore, Suffraganeis Provinciæ Mediolanensis Episcopis præcepit, ut apud Urbem Novariam convenientes Gothofredo manum Consecrationis imponerent, Arnulpho restante. Accepti Chrismatis sacri unctione Archiepiscopus iste excidii timorem in audaciam convertit. Siquidem erumpens e Castro Castellione, Brebiam & Leucum, Oppida tunc Archiepiscopalis Mediolanensis Ecclesiæ, invasit; quamvis missis illuc Mediolano opportunis militum subsidiis, reiectus a Castro Leuci, etiam Supremum Ducem suum, in præceps actum ab alta rupe, amissum lugere debuerit.

Dum hæc dissidia & prælia in Langobardiæ finibus agerentur, defuncto Romæ Alexandro II. Summo Pontifice. Anno MLXXIII., delectus est in Successorem Hildebrandus Archidiaconus, sub nomine Gregorii VII. Is enim conscius luctuosæ calamitatis, quæ Ecclesiæ Mediolanensis sub tyrannico Pseudo-Archiepiscopi iugo premebatur, Literas misit ad Beatricem & Mathildem Tusciæ ac Liguriæ Dominas, easdem admonens, ut à communionem recederent tum Gothofredi, tum Antistitem qui eundem consecraverant. Solicitavit insuper per Epistolam Gulielmum Papiensem (Pitaviensem errore fortasse Typographi legimus in Pagio)

Epi-

Episcopum, necnon fideles omnes Sancti Petri Apostolorum Principis Antistites populosque, ut manus darent ad extirbandum a Sede Mediolanensi Gothofredum inuasorem. Præterire silentio nolumus verba ipsa, quibus Sanctus iste Pontifex Epistolam hanc postremam signavit: „ Nam sicut scitis, Gothofredus vivente Guidone, dicto Archiepiscopo „ Mediolanensi, eandem Ecclesiam, quæ quondam meritis „ gloriosissimæ Virginis & Genitricis Dei Mariæ, necnon auctoritate Clarissimi Doctoris Beati Ambrosii inter ceteras „ Longobardorum Ecclesias religione, libertate, ac speciali „ gloria emuit, nunc quasi vilem ancillam præsumpsit emere, Sponsam videlicet Christi Diabolo prostituere, & a „ Catholica Fide tentans eam separare, niscus est simoniacæ „ Hæresis scelere maculare „ &c. Demum collectâ Romæ ex omnibus Italici Episcopis Synodo, Gothofredum simul cum iis Præsulibus, qui eidem manus imposuerant, anathemate confixit, narrante Arnulpho; seu potius confirmavit excommunicationem, quam in eisdem tulerat Alexander II. in Synodo V. Romana, ut Pagius animadvertit.

Henricus quidem Imperator, rebellis factus Ecclesiæ Romanæ, eas obedientiæ sese submiserat, datis, ad Gregorium VII. Literis, Gothofredum, licet Pontificio decreto exautoratum atque ab Ecclesiæ corpore anathemate rescissum, iterum in Sede Archiepiscopatus Mediolanensis expedito Diplomate confirmavit, quemadmodum Pagius ex Vita Gregorii VII. a Paulo Bemriedensi scriptâ docet ad Annum MLXXV. Verum, cum Mediolanenses Schismatici eodem anno Legationem misissent ad Henricum, rogantes ut viduæ tandiu vero

vero Pastore Ecclesiæ alterum substitueret, Impetator ipse, destituto Gothofredo, Thedaldum, de quo inferius loquemur, in Archiepiscopum dedit. Itaque omni Archiepiscopali jure exutus Gothofredus, invisus omnibus, extorris & profugus obiit, nemine excepti extremi spiritûs d.tique sepulcri gloriam sibi aucupante, quemadmodum in Commentariis ad Sigonium *de Regno Italia* Libr. IX. sub Annum MLXXV. jam adnotavimus.

In Catalogis vetustis nulla Gothofredi mentio occurrit; electus namque simoniacè, nec umquam a Mediolanensibus receptus, indignum se reddidit qui hujus Ecclesiæ Archiepiscopis accenseretur, ejusque nominis memoria in nostris monumentis perennaret.



A T H O.



Athotus quoque est antiquis Catalogis Atho Clericus Mediolanensis, electus in Archiepiscopum Anno MLXXII., cum tamen canonicè ad Cathedram istam promotus fuerit, assentiente scilicet Summo Pontifice, ac sanioris Cleri parte suffragium suum in eum conferente: Et licet Sacro Chrismate inunctus non fuerit, aliquam saltem sui memoriam in hisce Chartis meretur.

Defuncto apud Tanarum Widone Archiepiscopo, Herlembaldus qui partes continentie tuebatur, atque institutus fuerat a Summis Pontificibus Simonie oppugnator, iurejurando Civitatem Mediolanensem obstrinxit, ut rejecto Gothofredo, quem intruserat Henricus, Pastorem sibi deligeret hac labe minimè infectum, castæque in Sacerdotibus religionis intrepidum assertorem. Statutus quoque est Epiphaniæ Domini Solemnis dies Anni MLXXII. ad perficiendum hoc Opus gloriâ Dei plenum. Nec irritus fuit conatus, præsentem namque Bernardo Cardinali, Apostolicæ Sedis Legato, acclamatus est in Archiepiscopum Atho. Verùm ea Cleri pars & populi portio, quæ Henrico favebat, illique injuriam ac probum arbitrabatur inferri, si alium Antistitem acciperet nisi quem ipse daret, concitato tumultu in Aulam conviviij irrupit, tantoque in Athonem furore exarsit, ut vix percerit vitæ. Itaque eo periculo deterritus novus Præsul
Tem-

Templum Maximum adiit, ac suggestum conscendens publice professus est, se liberè juri suo cedere, & in perpetuum ab ea Dignitate sese abdicare.

Inter argumenta illa, quæ Schismaticos Cives moverunt ad fervidam ad eò sepulchram optimi hujus Pastoris, nonnulli Scriptores nostri censuere, illud fuisse, quod Arnulphus Libr. III. Cap. XXIII. scripsit, nempe extitisse Athonem *tenera ætate juveniculum*. Puricellus tamen Libr. IV. *Vita Sancti Herlembaldi* Cap. XXII. egregiè oppositum tuetur, ostenditque solidis, ex Gregorio ipso Summo Pontifice, documentis mendacem fuisse Arnulphum, utpote Schismaticis addictissimum. Et sanè, quis valeat opinari, Hildebrandum Cardinalem, paulo post Pontificem Maximum, approbare voluisse in Archiepiscopum contra Sacrorum Canonum sanctiones Adolescentulum, & puerum nondum pubertatis annos egressum, quemadmodum illum depinxit Ripamontius? Validius etiam fallax hæc fama dissolvitur, si quod Romæ postmodum gestum est attendamus: Accepto namque hoc nuncio illuc perlato, Alexander II. Synodum Episcoporum coëgit, in qua Athonis abdicationem ab Archiepiscopatu Mediolanensi, utpote vi ac metu mortis extortam, irritam declaravit; cùm potius damanda fuisset Electio, cui repugnasset antiqua Ecclesiæ consuetudo, quæ immaturam ætatem prorsus ineptam censuit Episcopalibus exercendis muneribus.

Dum hæc Romæ agerentur, intempestiva mors rapuit terris Alexandrum Summum Pontificem; & Sedem Sponso suo viduam implevit Hildebrandus, ut diximus, Gregorius VII. appellatus. Ad hunc igitur Atho hinc profectus se contulit,

tulit, a quo (ut Calchus refert) *perbenignè exceptus, & publicè a Pontifice laudatus, in penitentiorem familiaritatem admiffus fuit*. Trahit hoc contubernium Athonis in Aula Pontificia, tot benevolentia signis a Pontifice Maximo acceptis firmatum, trahit inquam Ripamontius in sua *Hiflor. Ecclesiast. Mediolan.*, in argumentum superbiae; ac si Atho Romæ instigaret Gregorium, & Herlembaldus Mediolani suadeque omnia confunderet ac ruinam Patriæ minaretur, ut Solium Archiepiscopale Athonis altius extolleret, & sibi libram in Cives Urbemque pararet dominationem. Verum Puricellus in *Vita Sancti Herlembaldi* Libr. IV. Cap. XXXVII. carpit dicacitatem Scriptoris hujus, nimiamque licentiam in ista re tam ignominiosè descripta, contra omnem fidem Testium coëvorum. Porro nihil minus cogitavit Atho, quàm ut dissidia foveret, & per Contribulium odia cadesque, viam sibi ad Mediolanensem Cathedram aperiret. Misit quidem Gregorius Pontifex Mediolanam Literas ad Herlembaldum, quibus ipsum hortabatur, ut pro virili susceptam Causæ defensionem ageret, eidem injungens, ut benignè se gereret cum iis qui a Schismaticorum Cœtu recederent, & inchoatum opus ad Dei gloriam & Ecclesiasticæ castimonie leges, prudenti qua poterat clementiâ urgeret consummareque Collecto autem, ut supra indicavimus, Italicorum Præsulum Romæ Concilio, Gorchofredum damnavit, atque electum Athonem coram omni Cœtu præsentem laudavit, quemadmodum refert Arnulphus.

De hoc Athone nihil ultra in Historia legimus, cum debaccante in Insubribus altero Pseudo-Archiepiscopo, simoniacè

niacè ab Henrico Imperatore electo , numquam patuerit Atho-
ni locus recipiendæ Consecrationi : cujus defectu. ipsius no-
men Mediolanensium Antistitum Catalogo minime adscriptum
videmus .



THE-

T H E D A L D U S.



Thedaldum proferimus, tragicæ hujus Scenæ Actorem postremum. Fuerat is Metropolitane Mediolanensis Ecclesiæ Subdiaconus; cùmque Henrici Regis sibi gratiam comparasset; in Aulam vocatus eidem Sacris faciendis intervñt. Missa autem a Civibus nostris Legatione in Germaniam, ut jugum excuterent Gothofredi, nimiam ambitione ac rapinis undique deservientis, Henricus Imperator, nullam ipsius habitam rationem, cujus patrocinium hæcenus susceperat, Thedaldum Archiepiscopum Mediolanensem constituit Anno MLXXV. Hic verò indignationem Apostolicæ Sedis justè metuens, per Amicos tentari curavit animam Gregorii VII., illiusque consensum viis omnibus petiit. Attamen prudentissimus ille Ecclesiæ universæ Rector, datis Literis ad eundem Thedaldum, ei præcepit, ne Sacris Ordinibus Archiepiscopalem gradum sumere præsumeret, donec recto inito examine dignosceretur, quis ex duobus Archiepiscopis, altero Mediolani electo & tunc Romæ degente (nempe Athone), altero ab Henrico Imperatore dato, jus æquius ad Cathedram Mediolanensem possideret. Id autem declarari debere in proximè indicto Romano Concilio, notum eidem fecit: utque facilius causam suam ageret, Thedaldum Romam invitavit, tutum iter, moram, reditumque securissimum spondens. Alias quoque Literas ad omnes Mediolanensis Ecclesiæ Suffraganeos expedit, iisdem

ve-

vetans manuum impositionem Thedaldo exhibendam, cujus institutio nondum pro legitima habebatur, & a collectis in prima Romana Synodo Patribus dijudicanda committebatur. Extant hæc Literæ inter alias Gregorii VII., quas recitant Conciliorum Editores. Verum fefellit ipem optimi Pontificis pervicax Thedaldi & Episcoporum hujus Provinciæ contumacia; spretis namque Apostolicæ Sedis præceptis, illimet Episcopi, qui Gothofredum consecraverant, Thedaldum quoque Sacro Chrismate inunxerunt. Testis est Arnulphus, qui licet Schismaticus, in hanc exclamationis vocem erupit, *Historia sua* Libr. V. Cap. V. *Res mira, & cunctis retro temporibus inaudita, ut Urbis unius uno cliso Antistite, sacro altero, uno eodemque tempore tertius erumpat!*

Thedaldus hac Gregorii æquissima Sanctione præ superbia sua exacerbatus, junctis cum Guiberto Archiepiscopo Ravennate Schismatico amicis fœderibus, in Summi Pontificis perniciem conjuravit. Quinimo excitatis bellicis tumultibus universam hanc Metropolim fœdissimè exagitavit; quodque dolendum magis est, Herlembaldus continentis Sacerdotalis egregius Patronus, Pontificum Romanorum præconiis celebratus, atque per Epistolas ad ipsum datas ad intrepidè perseverandum in suscepto munere Ductoris armorum pro Dei & Ecclesiæ gloria conservanda commonefactus, in quadam iniita concertatione ferro hostili percussus interijt, Anno MLXXVI., relictis mortalibus exuviis insolentis ac ludibrio plebis, quæ illas impiè diripuit, & lapidibus obruit, Arnulpho hæc describente Libr. IV. Cap. X.

Itaque vincente mitissimi Gregorii patientiam, hujus Pfeudo-

do-Episcopi nostri arrogantia, cum aliis Langobardie Schismaticis Præsulibus fœderati, Pontifex ille Maximus in tribus Conciliis Romæ habitis, ipsum aliosque Socios Episcopos facri anathematis telo iterum iterumque confixit. In postrema autem Synodo Anno MLXXX. confirmata est inter cetera Depositi Thedaldi ab Archiepiscopatu, addita hac clausula, *sine spe recuperationis*. Quamobrem extorris ab Urbe, circum Verbani oras erravit Thedaldus, vitamque Aronæ explevit Anno MLXXXV.. Malè hoc Oppidum locavit Papebrochius, & ex eo Pagius ad *Fluvium Abdum*, mediâ inter *Comum & Bergomum viâ*; jacet namque ad oram Verbani Lacus, quinque milliaribus distans a Vico appellato *Sexto*, ubi e dicto Lacu Ticini Flumen iterum egreditur & fluit.

Obiisse Thedaldum in Schismate pertinacem tradidere Puricellus, Ughellus, & alii. Porro si solidis veterum Documentorum ac Testium fundamentis innixa forent ea, quæ narrat Antonius Bessa Negrimus in *Elogiis* italicè scriptis *Genetis Castellionæ*, videlicet eluissè hunc Archiepiscopum male actæ vitæ maculas penitentia lacrymis; obtentaque a Summo Pontifice absolutione præteriti Schismatis, dies suos in pace clausissè, non modica eidem gloria accederet, nostræque Ecclesiæ decus repararetur. Id quidem etiam Gaspar Bugattus *Historia suæ* Libr. III. inseruit: Verùm, cùm de hac penitentia omnino fileant superiorum ætatum Scriptores, calanum suspendimus, donec certiora proferantur.

Non ita prætereundum est quod Bonaventura Castellioneus scriptum reliquit in Libro *de Gallor. Insubr. antiquis Sedibus*, vide-

videlicet conditum esse a Thedaldo Arona Templum ac Cœnobium, & inductis in ipsum Monachis Sancti Benedicti, ampla ad eodẽm alendos prædia in perpetuum fuisse assignata. Difficultate tamen non caret etiam hoc eruditissimi Auctoris testimonium. Siquidem Carolus a Basilica Petri, ubi agit in *Novaria Sacra* de Oppido *Inorio* antiquam Inscriptionem metricam refert, cujus primum carmen hoc est:

MEMBRA SUB HOC TUMULO REQUIESCUNT PRINCIPIS ADÆ.

Et post pauca;

ET STATUIT TEMPLUM HOC IN HONORE DEI,

FECIS CŒNOBIUM SUB NORMÆ TRAMITE DIGNUM:

SUFFICIENS VICTUM FRATRIBUS ESSE DEDIT.

Alii verò quemdam Obizonem Anglicæ Comitum, ejusdem Cœnobii conditorem fuisse testantur; Sed hoc postremum, mendacio proximam, facillè dignoscitur ex *Dissertatione* inserta *Vindiciis Sanctorum Corporum Protasii & Gervasii*; nobis in hæc editis, in qua *Comitum Angliæ*, & *Vicomitum Mediolani* Historia fabulis expargatur. Anonymus Auctor *Tabulae Chorographicae Italiae Mediævi*, impressæ Tom. X. *Rerum Italicar.* pag. CXVII. ea quæ leguntur in Inscriptione de *Principe Adæ*, & quæ narrantur de Thedaldo Archiepiscopo nostro, assertis Conditoribus Templi & Monasterii Aronensis, ingeniosè atque eruditè conciliare studet, chronologicis animadversionibus rem hanc in tenebris adhuc latentem illustrans. Ait verò, omnia quæ expressa sunt in

lapide, tumulo Adæ appposito, Seculo XI. optime convenire, hanc Perusii Aronam se conferens miles seu Princeps Adæ, secumque ferens pretiosa pignora Sanctorum Martyrum Gratiani & Felini, invenerit ibidem Thedaldum a patrio solo exulantem, ejusque opibus dono datis, aut prædiis sibi dividendis, Templum & Cœnobium construxerit; eoque titulo a recentioribus Scriptoribus existimatus fuerit primus Cœnobii Auctor, Archiepiscopus Thedaldus.

Annos regiminis IX., menses III., dies XXI. huic Archiepiscopi tribuunt Catalogi antiqui; Sepulcrum autem Scriptores omnes receptum ab eo fatentur in Aronæ Oppido, tunc juris Archiepiscopalis. Nec dubium esse potest, cum Petrus Paulus Bosca in *Notis ad Martyrolog. Ambros., ad diem I. Junii*, testetur effossum fuisse Thedaldi Cadaver Anno MDCXCV., dum fundamenta cujusdam propugnaculi jacerentur ad *manium rutilam*. Opinatur autem Anonymus Auctor *Tabula Chorographica*, superius memoratus ibidem olim extitisse Templum ac Cœnobium, aliò translatum Anno MCDLXXXIX. De emortuali die Thedaldi dubium se ostendit Purcellus, asserens neminem se habuisse, cui satis acquiesceret posset. Nos tamen antiqui Catalogi testimonio freti, eum demigrasse ex hac vita VIII. Calendas Junii secure pronunciamus.

ANSELMUS III.



Officiis vacantis Sedis Mediolanensis, Anselmus a Nio: Rhaude oriundus susceptus est Thedaldo, Anno nempe MLXXXVI. mense Julio vix inchoato, juxta calculum Papebrochius. Utrum vero canonicè electus fuerit, an ab Henrico Imperatore Schismatico, hujus Metropólis Archiepiscopus fuerit institutus per virgam & anulum, variè opinantur Scriptores. Baronius in *Annalibus* ad Annum MLXXXV. relatà Thedaldi mortè, ista subdit: *Mediolanensi Ecclesiæ erigere caput: cuius, extinctisque cervicibus Jugo Schismaticorum, Catholicum sibi delegit Antistitem Anselmum, quos nominis verum.* Ugheius quoque in hanc sententiam concessit, asserens Anselmum a Catholicis fuisse electum in Archiepiscopum. Eadem Pagius repetit, sagillans Paricellum, & Sigonium, qui hunc Anselmum *Henricianum* appellant. Attamen doctissimus Vir in hac re plurimum a vero aberravit. Primb enim credidit, superiora verba a Baronio prolata, esse eadem, quæ Bertholdus synchronus Scriptor *Historiæ suæ* inseruit, cum tamen nihil tale Auctor ille somniaverit, ne dum chartis mandaverit (in hunc errorem incidit etiam Papebrochius in *Engefi*). Deinde argumentum illud, quo Pagius fulcire ex Bertholdo contendit opinionem suam, videlicet tunc temporis Mediolanenses cum quibusdam aliis Langobardiæ Civitatibus conjurasse contra Henricum, ejusque fautores ad vi-

ginti annos, inane prorsus est; Bertholdus enim rem hanc affixit non Anno MEXXXVI., ut Pagius censuit, sed Anno MXCIII., quemadmodum in Adnotationibus ad Sigonium. *de Regno Italia* sub Anno MLXXXIV. compertum jam fecimus. Itaque securior sententia videtur ea, quam Sigonius, Puricellus, & Papebrochius adoptavere, nempe Anselmum verè ab Henrico Mediolanensis Ecclesie Archiepiscopum fuisse institutum; sed postmodum vel a Victore III. Gregorii Papæ VII. Successore, vel ab Urbano II. qui brevè Victoris Pontificatum excepit, in Catholicæ Ecclesiæ communionem receptum. Idque etiam validè confirmatur auctoritate Landulphi junioris, appellati *de Sancto Paulo*, qui *Historia sua* Cap. IX. loquens de Grossulano Mediolani Archiepiscopo hæc habet: *Grossulanus dedit sententiam deponendi Andreæ Primicerium, & alios Sacerdotes, quos Anselmus de Rode Mediolanensis Archiepiscopus, & a Rege Henrico investitus ordinavit*; scribebat autem in nostramet Urbe, sub finem Seculi ejusdem. In hac controversia, in qua Pagius, commendatione omni, alioquin dignissimus, primium judicio suo detulit, ac conceptæ opinioni blanditus est, reliquos, Sigonium præsertim, contrarium asserentes acriter stylo configans, veritatis propugnandæ gratiâ nonnulla hic cogimur adnotare. Primum insignis iste Scriptor Patricellum, coarguit, qui minime inficiatur, potuisse Anselmum ab Henrico Cæsare institui, sed ait subinde, Ecclesiæ Romanæ fuisse reconciliatum, inquit, *nonnisi positivis argumentis in medium adductis id asseri posse*. Porro quid ad fidem statuendam magis idoneum, quam auctoritas Arnulphi, & Landulphi

dulphi junioris cœvorum, & apertis verbis rem hanc testantium, desiderandum relinquitur? Rediisse autem in gratiam Apostolicæ Sedis, Anselmum ipsemet Pagius negare nequit, cum Bertholdi de illo Elogium paulo antea protulerit, videlicet: *Venerabilium Anselmum Mediolanensem Archiepiscopum in causa Sancti Petri fuisse studiosissimum*. Quod autem ad Sigonium spectat, qui pariter institutum ab Henrico in nostrum Antistitem Anselmum profitetur, miramur, e Pagii calamo excidisse hæc verba: *Sigonius multa de suo dicere solitus est, & cum magna cautela legendus*; quamvis enim Scriptor iste celeberrimi apud omnes nominis, inopiâ documentorum, quæ ex pulverulentis Tabulariis postmodum emergere, aliquando a vero aberraverit, hoc loco tamen veritatem optimè consecutus, injuriosam hanc notam minime promerebatur. Sed Pagio fucum fecere verba illa, quibus Baronius paragraphum narrationis suæ de electione Anselmi in Archiepiscopum Mediolanensem claudit, videlicet: *hæc ex Bertholdo*; censuit enim eruditissimus Pagius, in Bertholdo reperiri omnia, quæ Baronius eo loco narraverat, minimè animadvertens, plura in eam paginam Baronium e suo penu intulisse, inter quæ numerari debet periodus illa, cujus gratiâ disceptare aggressus est contra illos, qui in adversa parte constiterant. Præstat eandem hic transcribere: *E medio sublato potentissimo Ecclesiæ Mediolanensis invasore (Thedaldo) erigere caput ea cepit, exussuque e cervicibus iugo Schismaticorum, Catholicum sibi deligit Antistitem Anselmum, ejus nominis tertium*. Verùm evolutâ ab exordio ad calcem Bertholdi Historiâ, ne vestigium quidem assertæ a Baronio Catholi-

tholicæ electionis Anselmi nobis occurrit. At de his satis.

Parcè admodum Auctores ævi illius præclaras Anselmi nostri Antistitis res gestas recensuere; splendidis tamen elogiis ornatum ejusdem nomen ad nos transmiserunt, ut infra videbimus. Nonnulla nos ianuemus, quæ laudem illi non modicam peperere; eaque ex Urbani II. Epistolis, & Bertholdo cœvo Scriptore colligimus. Incidit in illa tempora Anselmus, quæ pacatis in hac Metropoli rebus, lætiori Civibus nostris dierum serenitate assulgebant. Siquidem ab Anno MLXXVII. fessi diuturna calamitate ad meliorem frugem sese converterunt qui Henrico favebant, & Pontificii anathematis vinculo irretiebantur; atque ob hoc ipsum Legationem miserunt ad Gregorium VII. ut solutionem a clementissimo Pontifice consequerentur. Nec ille abnuerat, ad se revertentes Mediolanenses excipere. Quinimo expeditis Mediolanum duobus Legatis, nempe Anselmo Lucense, postea Sanctorum Catalogo adscripto, & Gerardo Ostiense Episcopis, potestatem iis tribuit, Civitatem universam ab excommunicatione absolvendi; quemadmodum etiam feliciter peractum est a Legatis, trium dierum eloquenti prædicatione præmissa. Narrat hæc Arnulphus Libr. IV. Cap. XII., qui unum se fuisse ex Oratoribus ad Apostolicam Sedem missis, seque ad saniozem vitæ castigationis integritatem ejus muneris occasione redactum testatur.

Supererant reliquæ aliquæ transacti Schismatis abolendæ in Sacerdotibus, quos Arii restituere opus erat. Urbanus itaque II. peculiari erga Ecclesiam Mediolanensem caritate succensus, Literas ad Anselmum Antistitem nostrum dedit, ut hæc

hæc etiam labes ab ejusdem vultu abstergeretur. Ejus verba sunt: „ Discretionis nostræ videtur, quatenus secundum „ præcepti nostri tenorem, quando *secundum Ecclesiæ vestra* „ *morem* sacros daturus quibuslibet aliis Ordines, benedicere cœperis; eos quos tua duxerit solertia reconciliandos, „ inter benedicendum & manus imponendum facias interfesse: quibus cetera omnia consecrationis instrumenta præter „ unctionis explebis; „ & sic ad Sacra ministeria reconcilia- „ bis. „ Refert hoc Urbani Rescriptum Baronius sub Annum MLXXXVIII.; sed cum illud ex Ivone Part. VI. Cap. CDVL. desumpserit absque ullis Chronicis notis, quo verè anno datum sit, nos ignorare candidè profitemur.

Incipites hæere non possumus circa ea, quæ narrat Bertholdus memoratus ad Annum MXCIII., ait enim: „ *Civitates de Longobardia Mediolanum, Cremona, Lavia, Placentia contra Henricum in viginti annos conjuraverunt.* Hæc autem omnia in laudem non modicam Anselmi reserunt. Neque enim opinari quisquam potest, Societatem hanc inter finitimas Civitates initam fuisse absque consilio & consensu Archiepiscopi Mediolanensis, qui in Comitibus, arduisque rebus disponendis principem in Italia locum obtinebat, ut Eruditis Viris notum jam est.

Alterâ non minus decora Celebritas peracta est ab Anselmo, Anno supra memorato. Cum enim Conradus Henrici Imperatoris filius a Patre, quem pudendis aliis sceleribus scitatem toties Summi Pontifices execraverant, descivisset, & Mediolanensem Urbem adiisset, noster iste Archiepiscopus expanfis ulnis illum excepit, Regemque Italiæ institutum,

ferreo

ferreo diademate spectemni pompi præcinxit, quemadmodum narrare prosequitur idem Bertholdus: Neque omittendum est elogium, quo illius memoriam celebrat Auctor prædictus, subdens: *In Longodardis Venerabilis Anselmus Mediolanensis Archiepiscopus, in Causa Sancti Petri studiosissimus, & qui nuper Conradum Regem incoronavit, satis laudabilem finem fecit, magnamque merorem Fidelibus Sancti Petri reliquit.*

Octo omnino annos Mediolanensem Ecclesiam administrasse Anselmum, tradit Ughellus. Verùm antiquus Catalogus dilucidè adnotat; *Sedit ann. VII., menses V. di. IV. Obiit pridie Nonas Decembris, sepultus in Basilica Apostolorum.*

Antequam manum retrahamus ab hujus Archiepiscopi Vita, necesse ducimus refellere, quæ præpostrè inseruit Galefinus *Tabula Archiepiscoporum Mediolanensium*; scribit enim, ab Anselmo III. *magnam classem exercitumque comparatum, ut Babylonem caperet; quod profectus, multis commissis præliis nihil profecit.* E lutulentis certè fontibus hæc haussisse Scriptorem istum, in ceteris commendatissimum; credendum est. Neque enim unquam audivimus, Classes paratas a Præfulibus nostris, nec ullas eo tempore de expeditionibus in Saracenos sermo increbuerat. Itaque excusate proflus non valemus amplum anachronismum quo peccavit Galefinus, quodque omnino expungendum est ab eadem Tabula, ne oscitantæ nobis labes inuratur.

ARNULPHUS III.



Tatim ac Anselmus vitâ decessit, Arnulphus hujus nominis tertius, appellatus *de Porta Argentea*, idest quæ in nostra Urbe Orientem spectat, assumptus est in Archiepiscopum Anno MXCIII, teste Bertholdo, die verò VI. Decembris, post unum tantum Sedis vacantis diem, ut ex antiquo Catalogo colligit Papebrochius. Quæ autem fuerit causa hujus præter morem festinæ electionis, excogitare aliam nequimus, nisi eam, ne videlicet Henricus Imperator antiquæ consuetudinis tenax, alium in hac Dignitate per virgam & anulum constitueret. Attamen Ughellus a Sigonio deceptus affirmare non dubitavit, per virgam & anulum, tradente Cæsare, fuisse Arnulphum Mediolanensis Ecclesiæ institutum Archiepiscopum. Porro, quantum ista repugnent Historiæ hæcenus allatæ, conjunctionis nempe Langobardiæ Civitatum in viginti annos contra Schismaticum Henricum, & adventûs in hanc Urbem Conradii filii, in eundem pugnantis, nemo est qui non videat. Plura in hanc rem adnotavimus in calce ad Libr. IX. Sigonii *de Regno Italiæ*, ad Annum MXCII, quæ hic non vacat repetere, cum manifestè pateat error tum Sigonii, tum Ughelli eundem exscribentis. Id quidem certum est, Arnulphum electum minimè tunc manum admovisse ad habenas in hac Ecclesiâ regendas, causâ alterâ id prohibente. Siquidem deficientibus Episcopis Suffraganeis, qui anathemate ob contumaciam.

in Schismate innodati erant ab uno tantum Catholico Episcopo, iis quidem consecrationibus, sed non imponens manus, consecrationem receperat. Quamobrem Apostolicus Legatus irritam eandem declaravit: Neque (ut optime animadvertit Ughellus) Præsul ille, cujus cordi plus insita erat pietas quam ambitio, quidquam in sui favorem adduxit, sed Ecclesiastica acceptæ Dignitatis Insignia deponens, Cœnobio se inclussit, ibique honestissimam vitam transegit, donec Urbanus II. absoluto felicissimè Concilio Placentino, Mediolanum se contulit, ad aliud Claromonte in Gallia celebrandum profecturus. Tunc enim eductus est e Claustro Arnulphus, & iussu ejusdem Pontificis Maximi a Dimone Saltzburgenſi Archiepiscopo, Gebardo Constantienſi Episcopo, & Udalrico Patavienſi, sacro Chrismate unctus, ritè huic Ecclesiæ datus est Pastor; imo etiam a memorato Summo Pontifice Pallio decoratus Anno MXCV., teste Bertholdo.

Neque hoc solummodo beneficium Mediolanensibus acutit Urbani II. præsentia, ut videlicet paterna Arnulphi cura & regimine, quo supra annum caruerant, fruerentur, ac legitimè sedentem in Solio Archiepiscopum suum conspicerent; sed etiam aliud nobilius Aris ipsis nostris impartitas est, Sanctorum Martyrum Catalogo adscribens Herlembaldum, Civem hujus Metropolis claro genere ortum, qui pro inducenda in Sacerdotes castimonia, atque abolenda Simoniæ correptela vitam posuerat. Paticellus insuper refert, voluisse quoque huac Summum Pontificem Sacrum Corpus effodere, ac e priori Tumulo in alterum Ecclesiæ Sancti Dionysii honestiorem transferre. Huic autem pſo operi perficiendo adfuit noster etiam Antistes Arnulphus, quem-

quemadmodum testatur Inscriptio, quam recitat idem Puricellus Cap. LXXIX. *Vita Sancti Herimbaldi*, & his versibus clauditur :

URBANUS SUMMUS PRÆSUL; DICTUSQUE SECUNDUS,
NOSTER ET ARNULPHUS PASTOR PIUS ATQUE BENIGNUS,
HUIUS MEMBRA VIRI TUMULANT TRANSLATA BEATI.

Comitem quoque se dedisse Arnulphum Urbano in Gallias proficiscenti, ut simul cum eodem, Concilio Claromontano intereffet, fidem facit Claudius Robertus, qui id adnotavit in *Gallia Christiana* Appendice, ubi Catalogum rexit Archiepiscoporum Mediolanensium.

Expeditis in Gallia maximis pro Ecclesia negotiis, & statuta in pluribus Conciliis morum regula, necnon indicta in Saracenos expeditione, sese Romam restitutus Urbanus iterum Mediolanum invisit, ubique beneficentiae suae fructus relinquens. Landolphus a Sancto Paulo mentionem faciens in Chronico suo rei cuiusdam in juventute sua gestae, hæc habet Cap. XXVIII. „ De Francia Mediolanum (Urbanus) rediit „ (Anno MXCVI.) in qua Civitate cum ipse Papa staret, in „ Pulpito Sanctae Theclae, immensae multitudini hominum utriusque sexus prædicavit, & prædicando de magna sapientia sua „ protulit; quod minimus Clericulus de Ecclesia Dei est major „ quolibet Rege mortali. Addidit etiam, quod Clerici & Sacerdotes per pecuniam in Ecclesias non sunt introducendi, „ sed per electionem hominum, qui sunt Ecclesiarum vicini „ . Cur autem in Templo Sanctae Theclae potius, quam in fug-

gestu Metropolitane Basilicæ Concionem habuerit Pontifex Maximus, ea ratio est, quod Ambrosiano tunc temporis Ritu Primarius Clerus a Paschate Resurrectionis usque ad tertium Dominicum diem Octobris, in Ecclesia Sanctæ Theclæ, quæ ideo *Festiva* dicebatur, Sacra omnia peragebat.

Pagius in Critica Baronii ad hunc Annum, num. XVI. Puricello adversatur in iis, quæ superius ex ipso retulimus, nempe in Sanctorum Album relatam fuisse Sanctum Martyrem Herlembaldum, ejusque exuvias tumulo nobiliore donatas a memorato Summo Pontifice, antequam Gallias adiret; asserens, convenientius sibi videri, transferenda hæc esse ad secundam Mediolani moram, cum minimè opinandum sit, festinantem Urbanum ad urgentia universæ Ecclesiæ negotia componenda, peculiari huic Ecclesiæ voluisse gratificari, atque in hisce, piis licet, operibus tempus impendere, gravioribus curis destinatum. Parùm tamen id nostrà refert, sive ante discessionem ab hac Urbe, sive in reditu ad nostram Metropolim dignatus sit Maximus ille Pontifex, Herlembaldum novo Tumulo & Aris donare, & hanc geminatæ præsentis suæ gloriam immortalæ Mediolanensibus indulgere. Ceterum vix credibile est, a Landulpho, qui præfens erat rebus Mediolani eo anno gestis, & non tantum Concionem ab Urbano pronunciatam, sed etiam ejusdem argumentum chartis commisit, omisam fuisse ignavo silentio sacram Celebritatem, a Summo ipso Romano Hierarcha raro admodum exemplo apud nos peractam; præsertim cum procul dubio eidem interesset debuisset frequentissima Civium & Exterorum corona, si verè Urbanus illam tunc intituisset: Proinde standum esse Puricelli narrationi securiùs arbitramur.

Quanto

Quanto erga Deum amore ac desiderio amplificandi ejusdem cultus æstualet Arnulphus, colligimus ex Diplomate, quod nos jam vulgavimus in Dissertatione *ad vindicandam veritatem* &c. Cap. XIV. in calce, ex Tabulario Metropolitani Mediolanensis Capituli. In eo autem ista leguntur: „ Nos bis in nostra Mediolanensi Domo, nostrorum Cardinalium, „ scilicet Presbyterorum, Diaconorum, & Subdiaconorum interventu residentibus, animarumstrarum salutis providentes, & nostræ Sancti Gemuli pauperulæ Ecclesiæ vigilantes, „ tam presentibus, quam futuris, notum fieri volumus, quatenus nos vigintiquatuor denarios, quos homines de Belare, qui „ vocantur Garilioli, Presbytero de Arcidiate dabant, duodecim propter duodecim Missas, quas in Sancti Gemuli Ecclesiæ cantabat, & duodecim propter duodecim prandia, deinceps nullo modo dentur. Candelæ verò, quæ in ipsius Sancti Gemuli festivitate Ecclesiæ Sancti Victoris de Arcidiate „ dabantur propter luminaria, amodo ab aliquo non exigantur. „ Ne autem plebs illa detrimentum pateretur, a *Venerandis Viris, scilicet Athone Presbytero, Ingizone Jdice, & Arderico Camgellarii Ariprandi Germano, qui abjecto Mundo ad eandem Sancti Gemuli concurrerunt Ecclesiæ*, tanta terræ portio emptæ est, unde annualiter reciperet Plebs segetem & panicum, quem posset Canonici de Arcidiate perolvere, simul cum quatuor cæræ candelis, tribuendis Sancti Victoris Ecclesiæ pro luminaribus supradictis. Vult autem Arnulphus, ut *omni anno mittantur ad Ecclesiæ Metropolitanæ Sanctæ Mariæ duæ Candelæ, per unamquamque unam libram cæræ habentes, quæ in Domini & Salvatoris Nostri Nativitate ardeant super Altare.*

Sanctæ

Sancta Maria in nocturna Missa Sancta Anastasia, & peractâ Missâ perveniant in potestate Censuariæ illius Ecclesiæ. Præcipit etiam, ut Ambrosianum Officium celebretur a Presbyteris, & Clericis, vel aliis, quos ipsi elegerint. Eximit demum Ecclesiam illam omnino a jurisdictione Presbyteri, vel Clericorum de Arcidiate. Subscripta est hæc Charta manu propria Arnulphi, Dei gratiâ Archiepiscopi Mediolanensis, Gothofredi Archiepiscopi, & aliorum; data verò est in Dome Sancti Ambrosii, Anno Dominicæ Incarnationis millesimo nonagesimo quinto, secunda die mensis Novembris, Indictione quarta.

Diploma hoc Arnulphi postmodum typis commisit Clariss. Muratorius, inseruitque Tom. V. *Antiquiss. Ital. Med. Ævi*, colum. CCLXVII. Animadvertit autem diligentissimus Scriptor iste, nullum Monachorum ibidem habitantium vestigium in hoc Privilegio occurrere; Cum tamen Bosca in *Martyrologio Mediolanensi* ad diem IV. Februarii hæc adnotaverit: *Monasterium Gannense fuit olim Benediclinorum: Nunc Conobitis caret; illius siquidem reditus Pius IV. Pontifex Maximus addidit Nosocomio Majori Mediolani*, verisimile censet Muratorius, tunc Coetum aliquem Clericorum eum in locum coaluisse, cum ipsum Arnulphus Archiepiscopus eximat a jurisdictione Archiepiscopi, seu Plebani Arcidiatensis Ecclesiæ; postea verò sibi elegisse Abbatem, & Institutum Benedictinum suscepisse. Perennem certè memoriam meretur pietas Arnulphi Archiepiscopi, qui campum aperuit hac institutione, ut paupercula ea Sancti Gemuli Ecclesiæ religionis hominum evaderet domicilium, ac subside Coenobium Monachorum.

Hal-

Hallucinati plurimum sunt Galefinius non secus ac Ughellus, qui constanter asseruere, ab hoc Arnulpho Archiepiscopo collecta fuisse septem militum millia Cruce signata, ut ad redimendam e Barbarorum manibus Ierosolymam mitterentur; de hoc namque bellico Arnulphi apparatu ne verbum quidem protulere Scriptores: Neque tempus eidem superfuit, rem tot difficultatibus obstatam, tantique dispendii propemodum excogitandi; siquidem morte præreptus Anno MXCVII., die XXIV. Septembris Ecclesiam hanc regere desit; multòque magis hoc verum esset, si Ughellum sequeremur, qui uno ante anno defunctum Arnulphum scribit: quo tempore vix promulgata in Concilio Claromontano Ex-peditio in Barbaros fuerat, sed nondum instructa.

Ecclesiæ Ambrosianæ præfuit annis III., mensibus IX., diebus XIX., ut ex antiquo Catalogo discimus.

Sepultum fuisse Arnulphum apud Sanctum Victorem, *cujus ille Templum ditaverat fortune gratiæque, ac privilegiis exornaverat*, proximè relatus Ughellus testatur. Si tamen veteres Catalogos consulamus, tumulum Arnulphus habuit in Monasterio Clivatenfi; atque idem adnotavere Galefinius, alitque. Quocirca facile censei potest, fucum fecisse Ughello duplex Cœnobium Monachorum Montis Oliveti, alterum Mediolani, alterum in Vico Clivate Mediolanensis Diœcesis, ut unum pro alio designaret, in quo Archiepiscopi hujus nostri Ossâ condita fuerint.

ANSELMUS IV.



Electionem Anselmi IV., de Buis appellati, in Archipræsulem Mediolanensem describit Landolphus de Sancto Paulo, illius temporis Scriptor, qui ait, defuncto Arnulpho Archiepiscopo, Mediolanum advenisse Armanum Brixiensem Episcopum electum, Provinciæ nostræ Suffraganeum, atque collectis Comitibus designatum fuisse Successorem Landolphum de Badagio, Præpositum Canonici Sancti Ambrosii, Virum moribus ac vita optimè ornatum; sed eodem Antistite Armano minimè consentiente, acclamatum postea fuisse Anselmum Canonici Sancti Laurentii Præpositum, & gratiâ Comitissæ Mathildis, necnon Urbani II. Summi Pontificis assensu accedente confirmatum. Quandoquidem verò Sacris Ordinibus carebat, eodem statim recepit; deficientibus autem Suffraganeis, ab alterius Provinciæ Episcopis in Archipræsulem Mediolanensem est consecratus. Nec defuit eidem exornando in hac Dignitate Pontifex Maximus, mittens ex veteri inore per Legatum suum Stolum seu Pallium, quo in solemnibus Sacrificiis indueretur.

Prudentiæ suæ præclarum testimonium statim dedit Anselmus; cum enim Obertus quidam, cognomine *Baltricus*, Sedem Brixiensem invadere tentaret, utpote ab Henrico Imperatore Schismatico ad eandem promotus, constanter obstitit Archiepiscopus noster, eoque prorsus rejecto, sacro
Christ-

Chrismate inunctum Armanum, illius Ecclesiæ jampridem electum, ut diximus, Episcopum declaravit.

Insuper eo tempore altè animo Episcoporum ac Principum Italiæ desiderium ac sollicitudo instruendi exercitum adversùs Saracenos, undique personantibus vocibus, quæ populum ad magnanimum hoc Opus impigrè aggrediendum incitarent; præcipuè cum Urbanus II. frequentibus Monitis Litterisque, etiam ad Anselmum nostrum datis, Expeditionem in Orientem urgere prosequeretur. Proinde succenius ab iisdem Antistes noster vires omnes impendit, ut ex Insulribus ac Langobardicis huic Metropoli subditis Provinciis validum militum subsidium pararetur exercitui, jam profecto ad sacrum contra Barbaros bellum aperiendum. Nec sibi ipsi pepercit inclytus Præsul, citatis itineribus per Italiæ Urbes excutrens, ut præsentia & servidis exhortationibus animos juvenibus ac viris adderet, ad sese sacræ militiæ conscribendos, vitamque pro tutanda Fide Deique gloriæ amplificanda, bellorum periculis intrepidè exponendam. Tantum autem industriâ laboreque profecit, ut Abbate Urspergensî & Sigonio testantibus, quinquaginta millia Langobardorum, inter quos septem millia Mediolanensium numerabantur, colligere atque armare valuerit.

Antequam tamen professionem in Orientem iniret, Pastoralis Officii sui munera exercere non desit. Ac primò, cum Ecclesiastica disciplina plurimum concidisset, depravatis Sacerdotum moribus, excitatis Civilibus bellis, & Henriciano Schismate in Ecclesias inducto, Concilium celebrare Mediolani statuit, pluresque Catholicos Episcopos non tam Pro-

vinciæ suæ, quàm exterarum regionum ad illud convocavit, aperuitque Anno MXCVIII., Indictione VI. Nonis Aprilis. Nicolaus Sormanus antiquitatis peritissimus & Collega noster, ejusdem fragmentum publici juris fecit in suo Opere, edito in *Causa Præminentia* &c. Integrum ipse archetypum servat, quod optandum esset, ut quamprimum typos subiret, unâ cum ampla Serie Documentorum veterum ac Diplomatum, quam ipse summo labore ac studio ex Archivis collegit, Notisque illustravit. Hujus Concilii ea tantum vulgavit, quæ ad rem suam spectabant, addiditque Anselmi Diploma, quod absoluto Concilio expeditum fuit favore Canonice Basilicæ Ambrosianæ, cum subscriptionibus Præsulum, qui eidem Synodo interfuerunt, itque ita describuntur: *Anselmus Archiepiscopus Mediolanensis: Guibellinus Arelatensis Archiep.: Gotsfredus Magalonensis Ep.: Aldo Placentina Ecclesia Præsul: Bonsenior Regina Ecclesia Proviser: Ubaldus Mantuanus Antistes: Guido Cumanus Gubernator: Herimannus Brissensis: Guido Terdonensis, Azo Aquensis Electi: & Gregorius Romana Ecclesia Cardinalis.* Eruditissimus Pater Joannes Dominicus Mansi, e Congregatione Matris Dei, nostrique amantissimus in Tom. II. *Supplement. ad Concilia*, Lucensis Editionis Anni MDCCCLXIX. fragmentum istud inseruit fol. LV., suasque animadversiones adjecit, in quas mendum irrepsit, cum Anselmo de Rode, tertio hujus nominis, Anno MXCI. e vivis erepto. attribuat hanc Synodum, quæ congregata est ab Anselmo de Buis, Anno MXCVII. ad Archiepiscopalem Mediolanensem Sedem evecto.

Alterum laudis argumentum in nostro hoc Antistite coligit

ligit Puricellus ex Lapide adhuc superstitie in fronte Atrii, præjacentis Templo Sancti Ambrosii, & ibidem posito Anno MXCVII., quo ipse præerat Ecclesiæ Mediolanensi, concessam videlicet fuisse ab eodem Immunitatem a publicis vectigalibus, iis omnibus qui Mediolanum se conferrent ad celebrandam Sanctorum Protasii & Gervasii Martyrum Solemnitatem. Equidem libentissimè amplecteremur Puricelli sententiam, cum ageretur de præcipuis Metropolis nostræ Patrovis, quos Sanctus Ambrosius professus est, tales se ambire Defensores. Verum si expendamus serio examinae Lapidem illum, clarè patebit, non cepisse eo primùm anno solemnem hanc institutionem: In eodem namque leguntur hæc verba: *Statutum est ab Archiepiscopo Anselmo, & ejus postea Successoribus sub nomine excommunicationis, & communi Consilio totius Civitatis, ut non liceat alicui homini in eorum Festivitate, & per tres dies antea, & per tres postea, Curtandiam tollere, idest Vectigal a viatoribus perfolvendum. Cum igitur de re præterita Lapis loquatur, quis ex tribus aliis Anselmis fuerit primus Auctor hujus indulgentiæ, divinare non licet. Nihilominus negari nequit, plurimum gloriæ in hunc Anselmum refluere, cum notum sit, eo tempore principem locum habuisse Archiepiscopum Mediolanensem in publicis rebus; & præsertim cum subjungatur in ea Inscriptione, per octo dies ante Festum, & per octo post Festum, pacem omnibus hominibus ad Solemnitatem venientibus & redeuntibus communi Consilio firmatum esse, Alam & Pagano huic bono opem dantibus, Anno jam dicto. Sed de his sufficiamus in Vindictis Sanctorum Martyrum Protasii & Gervasii, Cap. I. pag. XXV.*

Solido procul dubio fundamento nititur Judicium habitum ab Anselmo Archiepiscopo Anno sequente MXCIX. Cùm enim controversia ageretur diu vigens inter Vicinos Parochiæ Sancti Protasii, & Monachos Sancti Simpliciani, qui ibidem degebant antequam ad illud Cœnobium transfmigrarent, re maturè perpensâ Decretum edidit Archiepiscopus in favorem Congregationis Monachorum, quo lites omnes in futurum compefcuit. Extat hujus Sententiæ Exemplar apud Ughellum, ab ipso Anselmo subscriptæ, & latæ Anno MXCIX, IV. Nonas Februarii.

Eodem anno animum adjecit Antistes hic noster excitandis Civium cordibus ad religiosiorem perfolvendum cultum Sancto Martyri Arialdo, incontinentiæ & Simoniz, Sacros Altaris Ministros eo Seculo sædè contaminantium, egregio profligatori. Quamobrem institutâ solemnî Supplicatione, ejusdem Corpus ex primo in Ecclesia Sancti Celsi Tumulo, ad Sancti Dionysii Templum transtulit, ut simul quiesceret cum altero Sancti Herlembaldi Martyris, qui in eadem arenâ tandem decertavit, donec fuso proprio sanguine triumphalem a Deo palmam promeritus fuisset. Recitat Puricellus in *Vita Sancti Herlembaldi* Cap. LXXXIII. Inscriptionem appositam Sancti Arialdi Sepulcro in prædicta Ecclesia Sancti Dionysii, in qua idem animadvertit, memoriam inferi etiam Socii sui Sancti Herlembaldi. Translationem hanc ab Anselmo peractam fuisse circa tempus Autumnale scripsit Pagius ad hunc Annum. Serius tamen id contigisse nos docet Landulphus Senior Lib. III. Cap. ultimo; ait enim, susceptam fuisse a nostro Antistite sacram hanc curam post biennium sua Conf-

secrationis. Cum autem ipse Episcopalem unctionem receperit die II. Novembris Anni MXCVII., memoratus verò Auctor minimè asserat, statim post biennium in Æde Dionysiana collocata fuisse Ossa Sancti Aialdi, clarè patet, fortasse provecto jam Novembre Sanctum Corpus ibidem fuisse repositum.

Interim perlatum est in hanc Urbem latissimum nuncium, captam videlicet fuisse a Gothifredo Bullionio cum suis Commilitonibus Cruce-signatis Jerosolymam Idibus Julii, ibidemque erectum Sanctæ Crucis Vexillum. Quapropter festivis vocibus ac plausu resonantibus undique compitis, meditatus est Anselmus Archiepiscopus perenne aliquod tantæ victoriæ monumentum in hac Metropoli figere. Aderat in Urbis meditullio Templum, Anno MXXXI. extructum a Benedicto de Rozone in honorem Sanctissimæ Trinitatis, quod religiosissimè colebatur. Hoc renovari placuit in accuratam similitudinem Sancti Jerosolymitani Sepulcri, atque hoc nomen in hodiernum usque diem eidem Templo perseverar, adjectis Claustris, & ibidem fixâ Sede Congregationis Oblatorum, quam postmodum instituit Sanctus Carolus Borromeus. Ipse autem Anselmus Archiepiscopus solemnem diem indixit peragenda Dedicacioni, nempe Idus Julii, Anni sequentis MC.; utque alliceret Cives exterosque ad devotius solemniusque sacram hanc Celebritatem recolendam, expedito Diplomate, quod Puricellus, & Ughellus integrum recitant, sanxit, ut Supplicatio Cardinalium Ecclesiæ Majoris iniretur a Templo Maximo ad aliud Sancti Sepulcri, eaque quolibet anno impostero renovaretur. Insuper edixit, ut *octo diebus ante Solemnitatem, & octo postea pax fieret, & trina-*

per

per Comitatum Mediolanensem. Nundinas etiam ab omnibus immunes vectigalibus, affluentes mercibus instituit, nihilque omisit, quod magnificentiam non spiraret.

Imminebat tempus statutum itineri in Orientem suscipiendo, Duce ipso Anselmo Archiepiscopo. Compertum minimè est, quâ viâ processerit. Conscendisse ipsum Genuæ Classem, quæ Calendis Augusti Anni MC. inde solvit, a Ligusticis Annalibus tradi Calchus affirmat. Nihil tamen de hac re habere Justiniani, & Folietæ Historias advertit etiam Pagius ad Annum MCI., num. VII. Addimus quoque Cassarum editum Tom. VI. *Rerum Italicar.*, qui exordiens Historiam suam ab Anno MC., nullum prorsus verbum facit de Archiepiscopo Mediolanensi, & ejusdem exercitu; cùm tamen profectionem Triremium Januâ Jerosolynam accuratè describat. Arbitramur potiùs, terrestri Anselmum itinere Constantinopolim contendisse; Uspersenis namque Abbas refert, Langobardorum exercitum Carinthiâ permeatâ in Bulgariæ Civitatibus hyemasse, ac tandem Anno MCI. Constantinopolim pervenisse.

Duplicem profectionem in Orientem nonnulli ex Scriptoribus ab Anselmo susceptam affirmant, præsertim Puricellus, & Ughellus; alteram scilicet Anno MXCVIII., ex qua reversus ea peregerit, quæ superius descripsimus; alteram Anno MC. post Dedicationem Ecclesiæ Sancti Sepulcri. Arduum tamen caput est geminatum hoc iter; cùm videamus quolibet anno, post indictam ab Urbano II. Summo Pontifice Expeditionem in Syriam, exercuisse Anselmum Mediolani Præfatus sui officia, & Celebritates, quæ absolvi non poterant brevi morâ ab ipso habita in hac Urbe; Concilium nempe collectum, ac celebratum

Anno

Anno MXCVIII. ; compositam litem inter Monachos Sancti Simpliciani, & Vicinos Sancti Protasii Anno MXCIX. ; Translationem Corporis Sancti Arianaldi Martyris sub finem ejusdem anni ; & demum quam proximè retulimus magifico apparatu peractam Dedicationem Templi Sancti Sepulcri . Porro quis autumare, umquam valeat , Archiepiscopo tot publicis negotiis expediendis occupato superfuisse dies ac menses, quibus tam longam peregrinationem iniret , reditum expleret , ac iterum eidem itineri sese committeret ? Pater Eustachius a Sancto Ubaldo respondere nittur in Libro *de Metropoli Mediolanensi* Clarissimo Muratorio, qui eandem Sententiam tuetur, conciliare omnia satagem, quæ difficultatem non! levem geminato huic itineri injicere posse videntur ; num, tamen CCLXXXIV. hæc habet : *Ut Muratorio meo morem gerere non desinam, eam assertionem, quod Landolphus (a Sancto Paulo) unam tantum Archiepiscopi Expeditionem referas, libenter amplector ; eam enim magis conformem rationi, & veterum Auctorum Scriptis agnovit .*

Pastoralis caritas , qua Gregem suum fovebat Anselmus , minimè passa est, vacuam relinqui Rectore suo Sedem Mediolanensem, atque ita occasionem præbere dilectis Oribus suis ejusdem absentiam inani dolore, ac multo earum dispendio lacrymis prosequendi . Quapropter ante discessum suum , consilium, iniit Vicarium sibi aliquem substituendi, Virum peculiari doctrina ac prudentia instructum . Is fuit Grossulanus , quem ut præstantiori auctoritate muniret, Saonensi Episcopatu ab illius Clero & Populo ornari studuit, missis illuc duobus Legatis ; quemadmodum etiam communibus votis ad eam Sedem fuit promotus . Electionem hanc contigisse Anno MXCVIII. affirmat Ughellus

in

in Episcopis Saonenſibus ; ſeriùs tamen id factum ex Landulpho colligitur . Cùm enim eum dicat eodem tempore ordinatum Episcopum , quo Archiepſcopi Mediolanenſis Vicarius eſt conſtitutus , & in hoc munere per biennium perduraſſe , donec videlicet certum de Anſelmi obitu nuncium accepit , clare deducitur , non potuiſſe illum uſque ab anno memorato Episcopum eligi , atque ordinari ; ſecus namque quatuor annos in hujus Mediolanenſis Eccleſiæ adminiſtrandæ officio inſumpſiſſet , fide Landulphi repugnante . Statuenda igitur eſt huiusmodi electio , & conſecratio ad Annum MC. , ante menſem Julium , ſicuti eandem Pagius in *Critica* ad hunc Annum refert . Quid egerit in hoc munere Groſſulanus , ſuo loco narrabimus .

Infelicem exitum habuit tot conſiliis ſumptibusque maturata Expeditio Anſelmi in Orientem ; conferentibus namque manus militibus noſtris cum Turcarum copiis apud Daniſman , in Romania ſitam , improſperè cecidit pugna , ſuſis Catholicorum agminibus , ipſoque Archiepſcopo vix fugâ elapſo . Radulphus , unus & ipſe ex Crucesignatis , Familiaris Tancredi Antiochiæ Principis , cujus etiam res geſtas deſcripſit , narrat , initum prælium apud memoratam Urbem , & inter alios Duces nobileſque milites , Anſelmum quoque Mediolanenſem Archiepiscopum fuiſſe interemptum . Antiquiorum tamen omnium , & recentium Scriptorum una vox eſt , obiiſſe hunc Præſulem Conſtantinopoli . Itaque ne alicui ex coræis fides abnegetur , cenſeremus dici poſſe , exiſtimatum fuiſſe ab aliquibus in pugnae fervore mortuum Anſelmum ; ſed fortasſe poſt acceptum vulnus , Conſtantinopolim ductum fuiſſe , ubi in gravi luctu expiraverit . Certè modicum temporis eſt fluxit ab inito prælio , ad obitum hujus

hujus Antistitis, adeoque verisimile admodum est, gravi alia de causa, quam ex solo mœnore, ac luctu illum interiisse.

Inaudita res est, quam nobis in *Tabula Archiepiscoporum Mediolanensium* Galefinius obtrudit, inquam: *Fidei nomine in exilium pulsus* (Anselmus) *Constantinopolim venit, ubi obiit*; nusquam enim legimus enatam occasionem exilium indicendi Anselmo, quod alioquin eidem gloriosum fuisset. Commentum hoc vulgavit Cattaneus in Libro inscripto: *Successores Sancti Barnabæ*, ubi agit de Anselmo, hujus nominis quarto, & plura de suo miscet, a vero profus aberrantia, ut alibi jam adnotavimus.

Quo anno sublatus e vivis fuerit Anselmus, diversa tradidere Scriptores. Sigonius, Ughellus, alique annum Secularem statuunt ejusdem morti. Verius tamen sequens Annus MCL. & dies XXX. Septembris, postremus fuit vitæ Anselmi; atque in hunc etiam consensit Puricellus, qui Cap. LXXXIII. *Vita Sancti Hartembaldi* priorem ab ipso vulgatam opinionem de Anno Seculari apertè rejecit.

Regimini Anselmi annos III., menses X., & dies XXVIII. assignat antiquus Catalogus; sepulcrum autem habuisse in Monasterio Sancti Nicolai in Byzantina Urbe connotavit.



GROSSULANUS.



Statim ac Anselmus IV. professionem in Syriam suscepit, Grossulanus Episcopus Saonen-
sis electus, Mediolani consecratus, & Vi-
carius Anselmi Archiepiscopi constitutus Anno
MC. , quemadmodum proxime regulimus,
munus suum a Dei cultu & caritate in-
proximos inchoavit, instituens ut singulis secundis Feriis cuj-
libet hebdomadae Clerus ac Cives omnes ad Sancti Ambrosii
Basilicam sese conferrent, ibique fervidas preces ad Deum
effunderent, ut felicem Anselmo ejusque exercitui peregrina-
tionem largiri dignaretur. Insuper Grossulanus ipse non his
tantum Feriis, sed in singulis ferme diebus Festis e sug-
gestu concionabatur, quinimo parcitate cibi asperique vestitus,
quo utebatur, exemplo ad Christianae modestiae ac virtutum
exercitationem populum succedere conabatur. Per triennium
in hac vivendi norma, Vicariique officio perduravit; donec
infaustum nuncium ad hanc Urbem perlatum est, Archiepi-
scopum Mediolanensem Constantinopoli obisse. Postquam vero
luctui & funebribus Sacris satisfactum est, ut anima tanti
Antistitis ab expiatorio igne eruta celerem ad Superos transi-
tum faceret, de substituendo altero Archiepiscopo cogita-
tionem sumpsit Grossulanus, habitoque consilio cum Clericis
& Nobilibus Comitatus indixit; cumque spectante populo ini-
tium fuisset Colloquium ut Successor declararetur, & a Cleri
Primicerio propositi essent duo ex Canonicis Metropolitanae

Ba-

Basilicæ, qui a bello Jerofolymitano iter aggressi fuerant, in Patriam reversuri, Landulphus nempe de Badagio, & aliter Landulphus de Vateglate, qui ex Præposito Basilicæ Sancti Nazarii delectus est in Episcopum Astensem, ac Beatorum albo etiam adscriptus; Grossulanus vetuit, ne in absentes suffragia ferrentur. Quamobrem, instante Arialdo Abbate Monasterii Sancti Dionysii, pars Cleri & populi Grossulanum ipsum in Antistitem acclamavit: Is verò Archiepiscopalem Sedem illico conscendit, Episcopali paludamento indutus a memorato Arialdo Abbate, Anno MCII.

Non accitit omnibus hæc electio; atque ideo excitatus est in compitis tumultus: Liprandus autem Rector Ecclesiæ Sancti Pauli (qui sociam opem præstiterat Sancto Herlembaldo in extirpanda labe incontinentiæ ac Simonie, atque ob id a Sicariis naso & auribus fuerat mutilatus) Grossulanum de Simonia increpavit, seque obtulit ad eandem comprobendam judicio ignis. Imo Legatos Romam præmitit, qui Paschalem II. Pontificem Maximum admonerent, ne hunc electum Archiepiscopum consecratione suâ firmaret. Non audiri tamen fuere Clerici ad Apostolicam Sedem directi; Bernardus enim S. R. E. Cardinalis, postmodum Parmensis Episcopus, impetratum a Summo Pontifice Pallium ipsemet Mediolanum detulit, eoque Grossulanum publicè exornavit. Non defuit prompto Liprandus, sed post varias concertationes tandem obtinuit, ut utraq; consentiente Parte suæ fidei experimentum daretur. Igitur coram Principibus & Episcopis, quos ex universa Provincia ad Synodum convocaverat Grossulanus Anno MCII., paratum se Liprandus obtulit

ad vitæ suæ periculum faciendum, ut Dei ipsius testimonio indubiè constaret, Grossulanum *simoniacum esse per munus a manu, per munus a lingua, per munus ab obsequio*. Itaque ineunte hebdomada Sanctiorem Anni MCIII. (non MCI. , ut perperam scripsit Ughellus) publico ære comparata ligna, ante Atrium Basilicæ Sancti Ambrosii disposita fuere hinc inde, in latitudinem decem ulnarum, atque in altitudinem superiorem humano corpore, idest ulnarum quatuor; via verò intermedia lignis pariter strata erat in latitudinem unius ulnæ & semis. Stato autem die, Feriâ nempe IV., ipso præsentē ac consentiente Grossulano, præmissis Sacris cæremoniis, quæ in hisce Judiciis ex more adhibebantur, intrepidus in ignem se conjecit L'prandus Sacerdotalibus indumentis ornatus. Tum verò recedentibus hinc inde flammis, quasi tramitem ad exitum monstrarent, candentes prunas veluti mollem arenam calcavit, seque illæsum in tæto positum reperit, ne tactis quidem aut denigratis Sacris vestibus lineis sericisque. Hujusmodi Judicia vigeant illâ ætate, & non tam Statutis Judicum sed etiam Archiepiscoporum Mediolanensium præscripta erant, ut involuta ambagibus veritas eluceret. Extat Mstus Codex in Ambrosiana Bibliotheca Consuetudinum Mediolani, Anno MCCXVI. Consulium & Judicum auctoritate compactus, in quo de variis Judiciorum generibus agitur, *Mononachia* videlicet *per Campiones, aquæ frigida*, & aliorum similium. Superfunt quoque in Antiphonario hujus Ecclesiæ Metropolitanæ nostrorum Antistitum regulæ, observandæ in Judiciis *ferri candentis*. De his omnibus nonnulla exposuimus in nostra *Historia Literario-typographica*, ad Annum

num MCDLXXX. Plura protulit Muratorius sæpe laudatus in Tom. III. *Antiquit. Ital. Med. Ævi*, colum. DCXIII., & seqq.; fusè autem de his disseruit Edmundus Martene de *Antiqu. Eccles. Ritib.* Tom. II. Libr. III. Cap. VII. Perduravit mos iste in hac Metropoli usque ad medium Seculi XIV.; Statuta enim, eo tempore edita a Principibus ex Vicecomitum Familia, prædicta Judicia prorsus abrogavere.

Sed Grossulanum sequamur, qui audito clamore universæ Plebis, Presbytero Liprando plaudentis, Sedem Archiepiscopalem deseruit, & consensu equo, sese a Civitate proripiens Romam profugit. Ibi non modò benignè exceptus a Paschali II. Pontifice Maximo, verùm etiam auctus est honore, cujus non alterum in Historiis exemplum legimus, Siquidem (ut verbis Landulphi de Sancto Paulo utamur) ipse Papa Paschalis super Sedem suam ipsum Grossulanum posuit, & per quot dies ipse Grossulanus tunc temporis Laterani fuit, eundem super Sedem suam sedere fecit, atque ipsi sedenti cesserit & locum dedit; suam quoque Curiam & omnes Causas Ecclesiasticas a se discernendas & judicandas, ipsi Grossulano ad discernendum & judicandum tradidit; idque contigit Anno MCIV.

Sequente anno idem Pontifex Concilium II. Lateranense coëgit, ad quod convenere Grossulanus & Liprandus, necnon Landulphus de Varegate, alique Suffraganei Episcopi, & Clerici, qui adhuc Grossulano adhærebant. Exitus autem hujus Synodi fuit restitutio ejusdem in Archiepiscopum Mediolanensem, ab ipso Paschali & universis Patribus decreta. Quamobrem memoratus Archiepiscopus iter suscepit, ut Sedis pos-

possessionem reciperet. Verum a Primoribus Cleri ac Civitatis admissus minimè fuit, neo ullà Arcium aut Locorum Archiepiscopalis Mensæ possessio eidem relicta. Quinimo Collegium Canonorum Ecclesiæ Majoris, regimen ejusdem suscepit, ac si Sedes vacaret, & per annos duos administravit; quod etiam facto comprobatur est. Cum enim Anno MCV. in Ecclesiâ Sanctæ Mariæ appellatæ *ad Portam* inventæ fuissent insignes Reliquiæ Passionis Christi Domini, aliorumque Sanctorum, Cardinales Metropolitanæ Ecclesiæ, & Primicerius cum universo Clero Festum diem publicis Literis indixere, VII. nempe Idus Maji, quo à servilibus operibus vacaret populus, non secus ac in solemnioribus diebus Festis, datâ etiam publicis nundinis quolibet anno a vectigalibus immunitate per octo ante, & totidem post dies. Statuta est. etiam annua Supplicatio Cleri a Basilica Æstiva ad memoratam Sanctæ Mariæ Ecclesiâ sub nomine Festi *Aylo*, idest *Sancti Smarctum*. Integrâ hanc Epistolam recitat Landolphus de Sancto Paulo Cap. XXII.

Constans indignatio, quâ Mediolanensis Civitas conceperat in Archiepiscopum Grossulanum, ob crimen Simonie quo infectum verè illum arbitrabatur; feralis occasio contentionum & etiam cædium fuit. Cum enim Antistes ille quàmplures quoque ex Primoribus Viris ac Præsulibus fautores haberet, qui tamquam pro aris & focis in ejusdem gratiam decertabant, ut Solio hujus Ecclesiæ restitueretur; alii verò pari nobilitate ac opulentia præstantes Grossulanum execrarentur, pugnatum est sæpius, varî exitûs conditione. Tandem propitia fors eò Grossulanum adduxit, ut Arosiæ

Ca-

Castrum aliaque Loca Archiepiscopalis juris feliciter possideret. Aberat tunc Olricus Vice-Dominus, unâ cum aliis Sociis studioꝝ causâ in Gallias profectus; admonitus autem de hac Grossulanâ (ut ait Landulphus) invasione, illico Mediolanum festinus advēit; cumque collectis auxiliariis copiis Aronam sese contulisset, vacuum Arcem & finitima Loca a factione ejusdem deserta invenit. Siquidem qui Grossulano familiares erant, eidem consilium præbuerant iter Jerosolymitanum aggrediendi, quod etiam admisit perfecitque.

Landulphus hæc scribens, sequentia verba chartis commisit: *In hac manifesta dispositione, & alia non pluribus cognita, Grossulanus Jerosolymitanum iter intravit.* Pagius ad Anonym. MCX. num. II. censuit, vocem illam *dispositione* amanuensis mendum esse, ac loco illius reponendum *depositione*, quemadmodum in suo Exemplari ita scriptum Paricellus testatur; hoc enim verbo perspicuum fieri ait, Grossulanum tunc ab Archiepiscopali Sede sese prorsus abdicasse. Verum in geminis Exemplaribus Ambrosianæ Bibliothecæ, patentibus literis legimus *dispositione*; quamobrem in incerto adhuc versamur. Veritati tamen proximiorē esse lectionem nostram ipse Grossulanus ostendit, qui & antequam iter in Orientem aggrederetur, sibi Vicarium in hac Ecclesia Ardericum Novariensem reliquit, & redux post biennium ab Jerosolymis, rectâ in hanc Metropolim iter intendit, & armis etiam ingredi eam tentavit, quamvis irritō conatu, ut infra narrabimus.

Baronius in *Annalibus* ad Annum MCXVI. nobiliori de causa

causa exstimulatum putavit hunc Archiepiscopum ad processionem in Ierosolymitanam Urbem, mandato scilicet Paschalis II., qui eundem Legatum miserit ad Alexium Comnenum, ob causam sibi incognitam. Hæc opinio in alios quoque celebres Scriptores irrepfit, eamque Libris suis inferuere. Verùm silentibus cœvorum Historiis, Landulpho autem nostro asserente, sola Amicorum suasionem permorum Grossulanum difficili ac longinquo huic itineri se dedisse, satis clarè colligere possumus, huiusmodi Legationem supposititiam esse. Sanè illam commentum vocat Pagius ad Annum MCXVI., a Leone Alatio adoptatum, & aliis passim. Nihilominus certum omnino est quod a Viris istis celeberrimis traditur, disputasse Archiepiscopum nostrum coràm Alexio Imperatore de processione Spiritus Sancti a Patre & Filio, contra Græcos; legitur namque in Baronio fragmentum Orationis, quam habuit in ejusdem Augusti Principis præsentia memoratus Præsul Grossulanus, qua egregiè argumenta omnia Doctorem Græcorum illam oppugnantium convellit. Integrum hoc Opusculum asservari MStum in Bibliotheca Regia Parisiensi, sub titulo: *Petri Grossulani Episcopi de Processione Spiritus Sancti*, testatur Pagius loco laudato.

Sigonius *de Regno Italia* Libr. X., aliique recentes Auctores affirmant, a Grossulano impositum fuisse Henrico V. Imperatori Regium diadema Mediolani, vel Modoëtiæ Anno MCX. Attamen Coronationem hanc ad fabulas rejiciendam esse ex eo constat, quòd Landulphus præsens in hac Urbe nullum de ea verbum profert; asserit verò, Grossulanum mense Aprili recessisse ab hac Metropoli, ut Ierosolymam pete-

peteret; Henricus autem ineunte Autumno in Italiam descendit, Donizone cœvo Scriptore id expressè narrante. Imo cùm idem referat, excisam ferro & flammis fuisse Novariam, & Mediolanenses Henrico ipsi constanter obtitissè, arguere possumus, nedum minimè coronatum, sed nec fortassè etiam in Urbem nostram admissum illum fuisse in hoc suo adventu in Italiam. Hinc hallucinatos credimus Ciaconium & Sigonium, qui retulere, a Grossulano Henricum in ingressu Vaticanæ Basilicæ oblatum fuisse Paschali II., cùm ad Coronam Imperii postularet admitti; quæ enim mox attulimus de itinere Grossulani in Orientem, ubi per biennium moram duxit, errorem evincunt; eoque etiam dilucidius, cùm Henricus nonnisi Anno MC-XI Imperii Coronam acceperit.

Dum Grossulanus cum Græcis pro Catholicæ Fidei dogmate de Spiritu Sancto gloriôsè contendebat, Mediolani Pars eidem adhærens ignominiosâ contentione cum altera adversâ digladiabatur. Quandoquidem verò odia invicem fovebantur, & sanguis Civium affiniumque infructuosâ effusione a frequentibus plagis manabat, quidam Ardericus de Carimate, Archidiaconus Ecclesiæ Metropolitanæ, auctoritate plurima in hac Urbe pollens, ut finem civilibus bellis faceret, meditatus est utramque Partem in unum conciliare. Approbatum est ejusdem consilium, simulque convenerunt, ut novem ex iis, qui Grossulanum peculiari patrocínio tutabantur, totidemque alii, qui eidem obstabant, coram Metropolitanæ Basilicæ Canonicis Ordinariis, & reliquo Clero, necnon Primoribus Nobilium, & Populi, judicium facerent, utrum Grossulanus absens posset esse Archiepiscopus Mediolani, necne; præstito etiam ab om-

E c

nibus

nibus juramento standi Sententiæ, quam illi decemosesto Viri protulissent. Itaque statuta est dies Calendarum Januarii Anni MCXII., qua illucescente, & Arderico ipso cum Vice-Domino suggestum conscendente definitum est in hæc verba: *Nos salvâ reverentiâ Papæ, secundum auctoritatem & justitiam Canonum dicimus, quod Grossulanus non potest esse Archiepiscopus Mediolani*; atque a cunctis hoc confirmato, in Jordanum de Clivi Presbyterum suffragia converterunt, eundem Mediolani Archiepiscopum diligentes, consentiente postmodum Summo Pontifice.

Semen tamen aliquod discordiarum adhuc remanserat; quamobrem cum Anno sequente MCXIII. Grossulanus Jerosolymis reverteretur, & intellectâ Jordani substituti electione, in hanc Metropolim gressus dirigeret (quod certè abdicationem Mediolanensis Præfaturæ non sapit, ut superius contra Pagium dicebamus) occurrere illi, qui obstinati in ejus obsequio erant & dilectione, eique hospitium paraverant in Turri, quæ imminabat Portæ, appellatæ *Romanæ*, juxta parvam Ædem Sancti Victoris. Qua re cognitâ a ceteris Civibus, illuc plurimi accurrerunt, & gravis pugna commissâ est tanto ardore, ut egredi coactus sit Grossulanus, prorsus expulsus. Placentiæ igitur domicilium sibi statuit in Monasterio Sancti Marci, Congregationis Vallis-Umbrosæ.

Tertio post anno, idest Anno MCXVI. Paschalis II., ut utriusque Archiepiscopi Causâ expenderetur, Concilium Lateranense indixit, ad illud advocans Jordanum, & Grossulanum, qui Pontificiis mandatis illico parvere. Cum ergo collecta esset Synodus, sedit Jordanus, nullo intermedio, ad dexteram Pascha-

chalis, Grossulanus verò ultimo post Archiepiscopos loco, sed ante alios Episcopos. Agitata est per quinque dies illius Causa, ipsomet egregium sui patronum agente. Demum Summus Pontifex doctrinam & eloquentiam Grossulani commendans, simulque mentionem faciens experimenti ignis, a Presbytero Liprando editi, & ea etiam quæ in Concilio Anni MCV. acciderant commemorans, Sententiam tulit, Synodo universa consentiente, in hunc modum, ab Abbate Urpergenſi descriptum in *Chronico*, ad Annum MCXVI.: *Translationes Episcoporum duobus fieri modis, necessitate, vel utilitate; hujus autem translationis Grossulani, quæ videbatur, utilitatem, in animarum & corporum damna conversam*: Proinde ad Episcopatum Saonæ remittendum Grossulanum, Jordanum verò ab ipso approbatum Archiepiscopatui Mediolanensi dandum decrevit.

Abfoluto Concilio Grossulanus, loco restituendi se Saonensi Ecclesiæ eamque administrali, Romæ perstitit, Dignitatem Episcopi servans, hospitiumque elegit in Domo Sancti Sabæ, quæ olim a Græcis Monachis incolebatur. Ibi autem Anno MCXVII. extremum spiritum Deo reddidit VIII. Idus Augusti, post annum unum, & menses quatuor moræ habitæ in eo Monasterio. Catalogus antiquus Metropolitane Ecclesiæ annos VII., & menses IV. regiminis Grossulano attribuit; noster verò, quo hæcenus usi sumus, ad annos IX., & menses IV. illud extendit. Conciliari tamen invicem possunt, si dicamus, in primo connotatum fuisse tempus restitutionis Anno MCV., cum antea putaretur Sedes vacasse; in altero autem initos fuisse calculos ab electione, nempe ab Anno MCII., usque ad MCXII., quo electus est Jordanus.

Sepulcrum recepit in eodem, ubi debebat Cœnobio. Scriptores nostri Galefinius, Boffius, alique passim asserunt, rumulatum fuisse Grossulanum Romæ, ad Sanctum Sebastianum; sed falsò, quemadmodum Puricellus ex vetustis Historiis & Catalogis solidè probat in *Vita Sancti Herlembaldi* Cap. LXXX. Epitaphium ejus Sepulcro appositum recitat idem Puricellus in *Monum. Basilicæ Ambros.* num. CCCXXVI., quod nos ex illo transcribimus.

INSUBRIUS PATRIÆ CHRYSOLAUS GENTIS ALUMNUS

AMBROSIE PRÆSUL RELIGIONIS ERAM.

ROMANA LASSO PRO TE, NON ITALA TANTUM

LUSTRATA EST OMNIS PARRHASIS ORA MIHI:

INVIDA MORS MERITUM NIHIL EST QUOD TOLLIS HONOREM;

PENSATA ÆTERNIS SUNT MEA DAMNA BONIS.

Vir fuit eximius animi dotibus ornatus, nisi eas plurimum denigrasset impotens dominandi libido. Ceterum Theologicis Scientiis, Sanctorum Patrum & Canonum studio, Latinaeque ac Græcæ Linguae peritiâ illa ætate excelluit, ut docent Libri ab eo editi, quorum Catalogum texuit Tritemius, & ex eo Baronius.

Monere hoc loco Lectorem opus est, ne se in errorem abduci sinat a Galefinio, qui de Chrysolao, seu Grossulano agens in Tabula Archiepiscoporum Mediolanensium hæc habet: *Henrici I. Imperatoris opibus adjutus Ecclesiam Mediolanensem occupavit, pulso inde Anselmo, eoque nomine apud Pascalem II.*

Pon-

Pontificem accusatus Romam venit . Sanè una ista periodus pluribus scatet mendis , contra historicam veritatem . Primò namque Henricus I. Imperator ultra centum annos a Grossulani Præfulari distabat ; in Henricum autem IV. per viginti annos conjuraverant Mediolanenses , ab Anno nempe CMXCIII. ; neque amplius ille in nostrorum Antistitum electionibus immiscere se potuit . Erroneum quoque omnino est , pulsū fuisse ab Archiepiscopali Sede Anselmum , cū , sicuti vidimus , constitutus Grossulanus ab eodem fuerit in hac Diocesi Vicarius , antequam peregrinationem in Syriam Anselmus susciperet ; nec inde umquam redierit , Constantinopoli moriens . Quòd verò eo nomine accusatus Grossulanus apud Pontificem Paschalem II. fuerit , nemo hætenus somniavit ; de Simonia namque tantummodo , fortassè cum Optimatibus aliisque Electoribus exercita , qui postmodum in ejusdem favorem pertinaciter usque ad sanguinem perstitere , querimoniz Romam delatz sunt , sumptumque ignis Judicium , quemadmodum superiùs narravimus .



J O R D A N U S .



Lectum fuisse Jordanum de Clivi Anno MC-
 XII. Calendis Januarii, in Grossulano jam
 adnotavimus. Emendandus igitur est Cal-
 chus, qui id contigisse scribit biennio ante,
 nempe Anno MCX. Vocati sunt postmodum
 Suffraganei Episcopi, ut ejusdem Ordina-
 tioni interessent; Mamardus autem Taurinensis Romam con-
 tendit, Pallium a Summo Pontifice impetraturus, illudque
 obtinuit, ei tamen conditione, ut Jordanus antequam eo
 indueretur, sacramentum præstaret. Quod esset hoc sacra-
 mentum, Landolphus non exprimit; attamen conjectare pos-
 sumus, fuisse sacramentum fidelitatis erga Romanam Ecclesiam
 in ea rerum perturbatione, in qua plures Henrico V. Im-
 peratori adhærebant, adeoque jura Episcopatus ab eodem Im-
 peratore postulabant. Neque hoc caret exemplo; Innocentius
 namque II. in Concilio Pisano sacramentum a Robaldo,
 Archiepiscopo Mediolani electo exegit, antequam illum con-
 firmaret. Renuit Jordanus oblatum a Mamardo Pallium in-
 duere; demum post sextum mensem passus est, illo se or-
 nari. Sequenti mense post electionem suam in Ecclesia Hy-
 emali, sacro Chrismate inunctus fuit ab Arialdo Januensi,
 & Mamardo Taurinensi Episcopis; Landolpho de Vereglate
 Astensi Antistite adstante, quidem, non tamen ut Episcopo,
 sed spectatore: Reliqui verò Suffraganei Præsules Consecra-
 tioni interesse minimè voluerunt, acti metu Henrici Impera-
 toris,

toris, qui auctoritatem investendi Episcopos, tot Summorum Pontificum & Conciliorum Decretis abrogatam, mordicus adhuc sibi arrogabat. Inter ceteros Azo Aquisgranensis pertinaciter obstitit, seque inextinguibilem constituit tumultuum & cadium, quæ subinde Urbem nostram luctu & sanguine repleverunt. Testis factiosus hujus animi est Epistola, quæ legitur in Codice Udelrici Bambergensis, ab Eccardo vulgato, in Tom. I. *Scriptorum Medii Aevi*. Missa autem illa est ad Henricum Imperatorem his inter alia verbis pag. CCLXVII. *Mediolanenses quendam Archiepiscopum (idest Jordanum) elegerunt, & a quibusdam Parochianis suis (intellige Suffraganeos Aialdum Januensem & Mamardum Taurinensem) eum consecrari fecerunt; quod ego videns contra Imperii vestri honorem fieri, omnino interdixi, & licet ab ipsis multum rogatus, hujusmodi Consecrationi interesse, nec assensum præbere volui; imo dedi operam erigendi magnum partem populi contra populum sub occasione cujusdam alterius Archiepiscopi (idest Grosfulani) quem pars illorum intendit deponere, Viri scilicet perfectissime literati, & ingenio astutissimi & eloquentissimi, Curia vestra valde necessarii, cujus partem propter honorem vestrum tantum auxi, quod medietas populi contra medietatem populi contendit. Nunc itaque videat pietas vestra, si ad hoc velitis me laborare, ut & populus ille maneat divisus, & antiquus ille Archiepiscopus a vestra Majestate adjuvetur, scribendo præcipite; quoniam quicquid mandaveritis & de his, & de aliis fideliter implere studebo &c.* An & quid rescripserit Imperator, adhuc in tenebris latet.

Pontificatus sui initia illustra reddidit Jordanus, pacto cum

cum Papiensibus & Mediolanenſibus ſœderè; eique ſtatuendo conſenſum ſuum præbuere ambo Antiſtites Jordanus Archiepiſcopus, & Bernardus Ticinenſis. Sed amici pace, quam cum Exteris ſancivit Præſul noſter, frui minimè potuit in hac ipſa Metropoli. Siquidem cùm redux ab Oriente Groſſulanus Anno ſequentē MCXIII. Portæ Romanæ immineret, & ingreſſum ſibi aperiret armis Civium qui eundem patrocinio ſuo fovebant, manus conferere debuit ad Sactam Sancti Joannis Ædem, appellatam *ad Conſtam*, ut Æmulum ſuum progredi tentantem e mœnibus exturbaret longèque propelleret. Nihilominus, eo etiam abſente, quies nulla Jordano fuit, vigentibus ferme quotidie inter adverſas factiones frequentibus præliis per biennium; donec Paſchalis II., coactō Latetanenſi II. Concilio, ſerale hoc incendium prorsus extinxit, depoſito ab hac Sede Groſſulano, & ad Saonenſem ſuam Eccleſiam recedere juſſo; confirmatoque Jordano, ut ſuperiùs inuimus.

Actis a Præſule noſtro in Synodo prædicta demiſſiſſimis gratiis, ab eodem Summo Pontifice erectus Paſtoralem virgam recepit; ſequenti verò die Brixienſem Electum, nomine Villanum, in Episcopum conſecravit, Armano ejusdem Urbis Antiſtite depoſito ab illa Sede, quibus de Cauſis Hiſtoriæ ſilent. Eodem anno Româ Mediolanum reverſus Jordanus mandata implevit, quæ ab Apoſtolica Sede injuncta eidem fuerant, & a Cardinali Joanne Cremenſe admonente receperat, ut videlicet Henricum Imperatorem, reum perpetrati ſacrilegi criminis ob conſectum in vincula Summum Pontificem & Cardinales Sanctæ Romanæ Eccleſiæ, publicè ſerali

ana-

anathemate percussum denunciaret. Itaque conscendens Archiepiscopus Sanctæ Theclæ suggestum, coram universo Clero & populo eundem a Catholico corpore confuetis Ecclesiæ diris, veluti putidum membrum rescidit.

Sequens Annus MCXVII. infaustus Italiæ fuit ob infolita prodigia in aëre, in aquis, in montibus, in planitiis ac silvis visa, auditaque subterranea tonitrua magno cum populorum terrore, quæ iram Dei flagello armatam Civitatibus ostendebant. Inter cetera terræmotus ingens, tertio Januarii die cœpus hanc Metropolim adeo concussit, ut non tam Domus & Palatia, sed Ecclesiæ ipsæ augustiores in ruinam deciderint, quemadmodum Landulphus præfens tunc infortunii quæ accidebant, non sine lacrymis testatur. Peculiare est quod Rogerius de Hoveden, æqualis iis temporibus narrat, quadraginta nempe dierum spatio concussam fuisse Langobardiam; de nostra verò Urbe hæc tradit: *Viri Mediolani Patriæ dignitatis, dum de Republica tractantes sub una residerent Turri, auribus omnium vox foris insonuit, unum ex illis nomine vocans, & sistens exire rogans; quo tardante, persona quædam apparuit, quæ vocatum Virum, ut egrederetur obtinuit. Extante illo, Turris repente cecidit, & omnes qui ibidem erant casu miserabili oppressi.* In hac animorum perturbatione publica quoque calamitate Provinciale Concilium convocandum censuit Jordanus. Itaque missis nunciis Suffraganeos suos invitavit, ut Mediolanum concederent; illique restitutâ jam telluri quiete, & temperato pavore præteriti infortunii in unum convenere. Landulphus de Sancto Paulo innuit tempus, quo celebratum est hoc Concilium;

F f

ait

ait enim, *post hoc Colloquium, & tempus terramaris, non ultra decem menses & dimidium, Paschalem supervixisse.* Cum ergo certum sit, diem obitus Summi illius Pontificis fuisse vigesimum primum Januarii, Anni MCXVIII, initio calculo assignare possumus celebrationi nobis Concilii finem Februarii, aut initium Martii anni præcedentis.

Collectam fuisse hanc Synodum in *patenti prato*, non verò in Ecclesia Hyemali, ut mos erat, noster Scriptor enarrat; fortasse ob metum, ne iterum subfiliet tellus, Aedesque corruerent. Certe Landulphus tradit, nonnullis post diebus Jordanum venisse in locum, qui dicitur *Brotium Archiepiscopi*, ibique pias aliquas causas audivisse, cuncto populo affluente *timore ruinarum*, ut Missæ & Concioni interesset. Adfuere etiam distinctis Sedibus, præter Archiepiscopum & Provinciales Episcopos, Consules duo, & Judices jurisperiti, adstante in circuitu innumera multitudo Clericorum & Laicorum, necnon mulierum quoque ac virginum *expectantium* (ut scribit Landulphus) *sepelitionem vitiorum, & suscitationem virtutum*. Quid actum sit in eo Concilio, Auctor noster, querelis suis describendis intentus, silentio præterit; ex communi tamen memorata expectatione cujuscumque conditionis hominum conjicere possumus, præscripta fuisse Decreta, apta placandæ Supremi Numinis indignationi, & moribus impofterum necessariò formandis ad Catholicæ vitæ normam. In eo etiam Conventu pertractatum fuisse de Causis Civilibus agere licet ex ipso Landulpho Cap. XXXV, in quo refert, Calixtum II. Summum Pontificem Derthonæ commoratum fuisse Anno MCXVIII. circa finem Quadragesimæ, ibique in Ramis

mis

mis Palmatum declarasse, conjugium initum a Guazzone Clesico, Mediolanensis Ecclesie Lectore, esse legitimum, quod *Jordanus Archiepiscopus cum suis Consulibus in tempore terramotus de suo Theatro divulgaverat esse adulterium*.

Comense Bellum, cujus fatalis memoria in ore omnium viget, & in Historiis ad exemplum florentium aliarum Urbium, extremi excidii descriptione perennat; hoc Anno MCXVIII. exordium habuit. Cives illi viribus suis & Arcium munitio- nibus, qua Urbem circumvallabant, nimium fortasse confisi, violentis manus injecerunt in Landulphum de Carcano, Medio- lanensis Ecclesie Ordinarium, eumque carceri mancipaverunt; Nepotes autem ejusdem, Ortohem praefertim hujus Metropolis egregium Capitaneum, rabida aggressionem trucidaverunt. Per- lato Mediolanorum inexpectato hoc nuncio, in iram exarsit po- pulus omnis, arma & vindictam inclamans. Itaque coacto mi- litum & Civium Conventu, actum est de conscribendo Exer- citu, & de movendis militaribus signis in hostes adeo praefere- vidos & superbientes: Jordanus quoque Concionem ingressus, plurimum conquestus est de irruptionibus in Ecclesiastica prae- dia, iniuriisque illatis in homines, qui Archiepiscopali custodien- do patrimonio inserviebant; quamobrem animos jam ad ultio- nem paratos vehementius incitavit. Collecto igitur valido ag- mine, indictoque bello, Castra in Comensi Agro non longè ab Urbe fixerunt, viaque non custodita vallis, quae torrenti Aperto adjacet, Communi descendere; cumque vacua defensori- bus moenia reperissent, ob egressum copiarum, quae in Arce Ba- radelli confederant, Urbem ferro & flammis incenderunt, & Landulphum de Carcano e vinculis extraxere: Non diu tamen

ex hac victoria gloriam sibi aucupare potuerunt Mediolanenses; accurrentibus namque Cumanis militibus, qui proximis Colles tabantur, intenti prædæ Cives nostri, acri pugna commissa, irruenti hosti Urbem cedere coacti sunt. Decennium ferme absumpsit hoc Bellum, varia hinc inde fortuna; sed maximâ utriusque Partis cæde, excurrentibus undique infestis signis, & Classe navium in Lacu Lario ruinam Oppidis Vicisque adjacentibus inferente. Superest luctuosum monumentum hujus infelicitis & pertinacis odii inter æmulas Partes, in Poëmata inscripto *Cunæus*, quod publici juris fecit Palatina Societas Tom. V. *Scriptor. Italia*; illudque eruditis adnotationibus illustravit Vir Clariss. Joseph Maria Stampa Clericus Regular. Congreg. Somaſchæ, Libris in lucem editis de Literaria Republica optimè meritis. In eo leguntur quæcumque in longo hoc annorum curriculo accidere, & tandem refertur exitialis Obsidio, qua Cives Mediolanenses Comum vallarunt, aditum omnem subsidiiis præcludentes, occupato etiam armatis navibus Portu: Quamobrem fessi Comenses diuturnis nocturnisque vigiliis, & spe dejecti conservandæ Patriæ ac libertatis, consulere studere fœminis puerisque; idèoque excitato in Urbe magno fragore, ne obsidentes animadverterent fugam eorumdem, cum muliebri cœtu ac thesauris ad proximam Arcem *Vici* confugientes, vacua compita reliquerunt, ita ut manè facto, ex silentio obfessorum, de illorum recessu admoniti Mediolanenses, Comum ingressi injectis undique flammis, veluti parato funebri rogo, omnia excidentes, nobilissimæ ac florentissimæ Urbi suismet sub ruinis sepulcrum præstitere Anno MCXXVII. Reliquum decenniî impensum est expugnandis Arcibus in Comensum circuitu, aut armis; aut dedi-

ditione. Stetit ferale hoc vestigium vindictæ & strenuitatis Mediolanensium, donec volventibus sese annis, erectisque in spem meliorem Civibus caritate in Pacem flagrantibus, effectum est, ut Novocomum e cineribus suis augustius renasceretur.

Jordanus Archiepiscopus, qui inter alios Proceres Mediolanenses manum admovebat succedendo huic Bello, citò naturæ debitum solvit, neque integro biennio superstes. Hasce autem vitæ suæ reliquias gravibus Sedis Romanæ negotiis absolvendis insumpsit. Mortuo Paschali II., Gelasius II. cùm Capuæ moraretur, recentissimè anathemate confixerat Henricum Imperatorem. Langobardiæ Principes Marchiones & Comites, Regis sui ægremio Ecclesiæ expulsi partes firmiter tuebantur. Ad Jordanum igitur querelas de injustè inflicta hac pœna direxere: Is autem convocato ex universa Provincia altero Episcoporum. Conventu Anno MCXVIII. Concilium celebravit. Illic adfuere memorati Principes Procereque, innocentiam Henrici comprobaturi, tantæque eloquentiâ peroravere, ut quamplures arbitrati sint, Henricum culpâ carere. Non hoc tamen senserunt collecti in Synodo Præsules, atque in primis Archiepiscopus noster, qui spretâ Imperatoris benevolentia ac Principum gratiâ, pro virili in favorem Gelasii II. egregiè disseruit, protulitque sententiam. Mortuo interim, integro nondum expleto anno, Gelasio Calixtus II. Pontificiam Sedem tenuit, qui statim in Gallias profectus, pluribus celebratis Conciliis, Romam revertebatur, ut inde eliminaret Burdinum Pseudo-Pontificem, sub nomine Gregorii VIII. ab Henrico intrusum: In itinere Derthonam pervenit sub finem Quadragesimæ Anni MCXX. Ad eum Mediolano properavit Jordanus, ipsum allocuturus de insolentia rum

Re-

Regis, tum Principum, qui in jura Ecclesiastica se ingerebant, ibique constitit usque ad Calixti recessum. Cum autem Petrus quidam in Episcopum illius Urbis delectus fuisset, Jordanus Archiepiscopus cum Suffraganeis suis Episcopale Chriftima eidem administravit; qui tamen Dignitate sua malè utens, ab Innocentio II. in Concilio Pisano exauthorari meruit ob manifestissimas vitæ culpas, teste Ughello in Episcopis Derthonensibus, num. LII.

Alterum ipse Jordanus Episcopum Anno MCXVII. amovit a Cremonensis Ecclesiæ Sede, nempe Ugonem de Nocero, antea Parmensis Ecclesiæ Archidiaconum; cum enim Henricus Imperator, virgæ & annuli traditione, illius Urbis Antistitem constituerat, quemadmodum refert Landolphus noster in extremo Capite *Historiæ Mediolanens.*; illique successit Obertum, sive Ubertum, quem ipsemet consecravit.

Recedente a Derthonensi Urbe Calixto II., ut Placentiam adiret, Jordanus se Mediolano restituit. Attamen paucis mensibus superfuit in vivis; incunte enim Octobri spiritum Deo reddidit Anno MCXX, IV. Nonas ejusdem mensis, non die VI., ut scripserunt Galefinius & Ughellus; cùm sedisset an. VIII., mens. IX., dies III. Sepultus est in Basilica S. Ambrosii, juxta suggestum.

Prætereundum non est, plurimum errasse Galefinium in Tabula sapidis memorata, dum ait, Jordanum Archiepiscopum nostrum *Concilio Guastallio, quod Pontificio* (Paschalis II.) *habuit, præsentem aduisse.* Siquidem Concilium illud tractum est sex annis antequam Jordanus in Archiepiscopum Mediolanensem deligeretur, idest Anno MCVI., quemadmodum Pagius adnotavit ad eum Annum, num. IV., & Labbeus in Tom. X. *Conciliorum.*

OLTRICUS.



Post Jordanum defunctum, & mensem unum, dieque crescentis Sedis vacantis, Oltricus, alius Henricus, rex Vice-Domino, & subinde Archipresbytero Ecclesie Melitolanensis, Archiepiscopali dignitate decoratus est die XVII. Novembris: Atque in hoc emendandus est Ughellus, qui eundem electum fuisse in Archiepiscopum Anno sequenti MCXXI tradit; multoque magis Galefianus, qui hunc Antistitem substitutum fuisse Jordano scripsit sub Gelasio II. Summo Pontifice, creato & vita functo Anno MCXVIII., cum adhuc viveret Jordanus.

Triennio post, idest Anno MCXXXI. (non XXII., ut censuit Ughellus, Baronius, alique) Calixtus II. Pontifex Maximus, Concilium indixit, Laterani celebrandum ad reformatam præsertim (ut ait Baronius) labefactam diuturnis Schismaticorum factionibus Ecclesiasticam disciplinam. Eidem adfuit Oltricus noster; contra quem sæpius discussam ac definitam veterem controversiam excitavit Ravennæ Archiepiscopus, princeps post Summum Pontificem loco sedere præsumens. Attramentus iste irritus cecidit; Oltricus namque dexteram Calixti Se-desis tenuit, quam proximis temporibus Grossulzus & Jordanus (ut ostendimus) nullo contrahente obtinuerant, quemadmodum restatur Landulphus Historicus, qui in eadem Synodo Causam suam præfens agebat; subdens etiam, vergente ad exitum Quadagesimæ tempore, eundem Oltricum *orasse pro Henrico Rege,*

Rege, & ramos Palmarum, prout moris & legis consuetudo exigebat, per Landrianensem Thealdum, Ecclesie Mediolanensis egregium Notarium, in Germaniam misisse. Altum est silentium in Historiis Patrie nostrae de hac lege & consuetudine mittendi Ramos Palmarum ad Reges Italia; sed cum asserat Landulphus, illam suo tempore viguisse ex more jam indulto, de eadem dubitare vix possumus. Huic autem, sive ex debito, sive gratuito eo libentius satisfecit Olricus, quod in eodem Concilio firmata pax fuerat inter Sacerdotium & Imperium, teste Pagio ad Annum MCXXIII.

3 Ferrebat Anno MCXXV. lis acerrima inter Episcopos Ardericum Landensem, & Petrum Derthonensem de jure, quod ambo sibi adscribebant supra Cœnobia Præcipiani & Lavianonis. Propterea cum ad Metropolitanum Olrici judicium appellassent, ipse in Broletto, juxta Domum Archiepiscopatus judiciario more residens, Suffraganeis Præsulibus adstantibus, in favorem Ecclesie Landensis sententiam tulit. Placitum hoc Archiepiscopi nostri vulgavit Ughellus in Episcopis Landensibus, actum Anno ab Incarnatione Domini Nostri Jesu Christi MCXXV. (oscitantia Typographi impressum fuit in Editione Veneta MCCCXXV.) mense Decembri Indictione IV. Subscribere noyem Episcopi, coram triginta quinque Testibus ibidem signatis. Hanc Chartam iterum typis commisit Clariss. Muratorius Tom. IV. *Antiquitat. Ital. Med. Aevi*, colum. MXXVII.

Immortali memoria dignum est pium Institutum, quod Olricus in Ecclesiam Mediolanensem induxit, etiam antequam ejusdem curam Pastoralem suscipere, Jordano illam admi-

ni-

nistrante: Qua in re plurimum aberravit Galefinius, qui Jordanum ejusdem Auctorem fecit, cum illud tantum auctoritate sua firmaverit. Sanctus Odilo Abbas Cluniacensis Seculo XI. vivens, ut gementibus in expiatorio igne animabus Defunctorum æternæ gloriæ possessionem Divinique Sponsi nuptias acceleraret, commendatissimum Opus excogitavit, Commemorationem nempe omnium Fidelium defunctorum statò die in Ecclesiis celebrandam. Attamen intra illius Ordinis claustra solummodo viguit hæc consuetudo; postmodum verò universi Christiani illam amplexi sunt, designatusque est dies secundus Novembris ab Apostolica Sede, ut Sacrificiis precibusque ad Deum effusis tantæ pietatis Opus erga parentes, affines, amicos, omnesque alios in osculo Domini defunctos, collectis in unum suffragiis perficeretur. Contigit hæc gloria Ecclesiæ Ambrosianæ, ut prima exemplum fraternæ caritatis in mortuos, Olrico ejusdem Ecclesiæ Archiepiscopo ritum hunc præscribente, exerceret; quamvis alio die statuto, nempe Feriâ II. post Dedicationem Ecclesiæ Majoris, quæ imperturbato ordine celebrata semper fuit tertio Octobris Dominico die. Beroldus ea ætate scribens Librum Cæremoniarum, *Manuale* appellatum, in paginas retulit quidquid in usu erat tunc temporis in nostra Ecclesia, circa Festorum dierum, Officiorum, & Missarum Solemnium celebrationem. De hoc autem Instituto ita habet: „ Feriâ II. „ post Dedicationem Ecclesiæ instituit Dominus Olricus bonæ „ memoriæ Archiepiscopus (quia post illam institutionem, „ eam Dignitatem adeptus est) Commemorationem & Officium fieri omnium Fidelium Defunctorum in Ecclesia

G g

„ Me-

„Mediolanensi pro animæ suæ remedio; quod hoc ordine
 „celebratur. Finito itaque Matutino supradicti diei, omnia
 „tintinnabula Ecclesiarum pulsantur, & Matutinum Defun-
 „ctorum publicè cantatur. Simili etiam modo, facto mane,
 „Missâ ubique Defunctorum tantum voce excelsa celebratur.
 „His verbò finitis, & sonito Signo, universus Clerus Urbis
 „convenit in Ecclesiam Æstivam cum Præsule suo, ut va-
 „dat cum Processione in Ecclesiam Hyemalem, ubi Sacra
 Solemnia ab Archiepiscopo celebrabantur. Eleemosynas quo-
 que Sacris Ministris erogandas quotannis Olricus legavit,
 earumque distributionem ita paritus est, ut Archiepiscopus
 solidos IV., & tantumdem Hebdomadarii cum denariis IV.,
 Presbyteri autem & Diaconi Cardinales per unumquemque
 denarios VI. haberent &c. Tunc namque monetæ valor, longè
 nostræ ætatis æv & argentum pretio superabat. Perduravit
 mos iste in nostra Ecclesia ferendi in universum suffragia
 Defunctorum animabus, memorato die post Ecclesiæ Dedi-
 cationem, donec Sanctus Carolus Borromeus Anno MDLXXXII.
 diem secundum Novembris fixit, ratus magis proficuum fore,
 si unâ cum Romana Ecclesia, Mortuorum Officium decan-
 taretur, & conjunctis piis operibus Sacrificiisque, plenum
 levamen degentibus in lustrali igne Animabus a piissimo Do-
 mino omnes Christifideles deprecarentur.

In assignando mortis Olrici anno perturbatam admodum
 Seriem Mediolanensium Antistitum conspiciamus, cùm varii
 varias proferant opiniones. Paricellus in *Monum. Basil. Am-
 brof.* num. CCCXXXV., Sigonium pluresque alios sententiæ
 suæ fautores enumerans, mordicus tenet, decessisse Olricum

Anno

Anno MCXXIII. Pagius quoque eundem Annum adnotat illius morti, licet in utraque Editione Antuerpiensi & Lucaensi impressus per errorem legatur Annus MCXXII., cum ipse Pagius fateatur, Olricum interfuisse Concilio Litteranensi, celebrato Anno MCXXIII.; alii verò hujus Archiepiscopi obitum figunt Anno MCXXIV., XXV., & etiam XXVI., ipso Puricello adnotante. De hac controversia fusè egimus in *Commentariis ad Landulphum de Sancto Paulo*, Cap. XXXVII., edixi Tom. V. *Scriptorum Italiae*, in quibus accuratum calculum inivimus juxta antiquos Catalogos, qui Olrici Sedi assignant annos V., menses VI., dies XI.; obitum verò statuunt V. Calendas Junii, idest die XXVIII. Maji. Hinc autem retrogrediendo constabit, fuisse illum electum Anno MCXX., die XVII. Novembris, post mensem unum & dies tresdecim. Sedis vacantis; ideòque e vivis excessisse Anno MCXXVI., die XXVIII. Maji. Papebrochius, qui optimè noverat, Catalogos omnes in hoc consentire, quòd memoratum Olrici regiminis tempus ad annos, menses, & dies relos productum fuerit, ut sententiam suam tueretur de morte Olrici. figenda Anno MCXXIII., eos decurtare conatus est, inquit: *videntur Scriptori Catalogi obrepisse anni quinque pro duobus, itaut obierit Olricus Anno ipso MCXXIII.* Equidem mirum esset, si omnes Catalogi veteres ac recentiores, mendaces forent, nec ullus umquam Scriptorum Patriæ mendum hoc deprehendisset, aut saltem suspicio diligentiam eorumdem ad veritatem inquirendam excitasset. Præterea non soli Puricello innitendum erat, qui uni tantum Parti, nempe Monachis Sancti Ambrosii militabat; postmodum enim duo


alia Documenta emerere, vulgata a Nicolao Sormano Collega nostro, in Libro scripto *ad Concordiam in Causa Præminentis* &c., alterum Olrici Archiepiscopi, altetum Calixti II. Summi Pontificis, quæ data sunt mense Octobri, & Decembri, Anni MCXXIII., & clarè ostendunt adhuc viventem Olricum post Majum mensem, cui etiam Papebrochius affixit ejus decessum. Demum apud Ughellum legitur in Episcopis Laudensibus Sententia lata in favorem Episcopi illius Urbis, cui se subscripsit Olricus Anno MCXXV. Indictione IV., mense Decembri. Licet autem eidem subscriptus sit etiam Anselmus Archiepiscopus, facili negotio idem Puricellus nodum solvit in *Dissertat. Nazarian.* Cap. CVI. num. X. & seqq., afferens in exemplum binas Algisii subscriptiones, quæ in Diplomatis a Sancto Galdino manu propria firmatis extant (de quibus suo loco agemus); ait enim, non eo protinus tempore appositæ Chartis fuisse, quo Documenta ipsa confecta fuere, sed post aliquot inde annos: Fortè siquidem aliæ postea lites excitatæ sunt, quibus e medio tollendis prodesset, subscriptionem illam Archiepiscopi superaddi: quæ omnia aptari possunt Documento huic in causa Sententiæ ab Olrico prolata. Nec novum est antiqua versanti Diplomata, reperire in Chartis veteribus geminas & etiam plures Archiepiscoporum subscriptiones uni eidemque pergamenæ adjectas, in confirmationem earum rerum, de quibus in illis agebatur.

Postrema ratio, quæ celebrium Scriptorum opinionem de morte Olrici Anno MCXXIII. prorsus evertit, testimonium est

est Landulphi de Sancto Paulo, qui Cap. XXXVII. narrat, se cū in Germaniam iter aggressus esset, ut felicem exitum Cause suæ consequeretur ab Henrico Imperatore, intellexisse in confiniis Episcopatus Tridentini, memoratum Imperatorem vitā excessisse, ideoque Mediolanum versis gressus revolvit. Dum verò in domuncula sua morabatur, & mercenario calamo alienas lucubrationes exscribens victum sibi parabat, ululatum & gemitus Civium audivit, Olrici Archiepiscopi mortem desistentium. Quamobrem surrexit ab officio suo, & properè ad Anselmum de Pusterula perrexit, qui in Archiepiscopum a Clero & Suffraganeis Episcopis delectus fuerat, post mensem unum ac dies duos Sedis vacantis. Vivebat igitur Olricus post obitum Regis Henrici: Itaque cū notum sit Eruditis, obiisse Regem illum Anno MCXXV., X. Calendas Junii, nemo non videt, dici minimè posse, Olricum e vita migrasse Anno MCXXIII., nisi denegare quis velit fidem Scriptori rebus iis præsentī, & omnia prout accidebant sincerè narranti. Imo ex ipso Landulphi textu clarè patet, supersitem adhuc fuisse hunc Archiepiscopum Anno sequente MCXXVI.; refert enim, se accepto nuncio mortis Henrici sub finem mensis Maji, cū longe ab hac Metropoli degeret, reditum in Patriam parasse, suæque in domo quievissè, donec excitatus a singultibus Civium lugentium Pastoris sui seralem jacturam, ad Anselmum Successorem jam electum properavit, ejusdem sibi gratiam conciliaturus. Hæc autem omnia componi certè nequeunt cum die XXVIII. Maji (cui Catalogi Scriptoresque Olrici obitum

tum concordēs affigunt) Anni MCXXV. Transferenda igitur est mors prædicti Præsulis nostri ad Majum anni sequentis .

De loco Sepulcri nemo ambigit , obtigisse Olrico in Ecclesia Hyemali , prope suggestum .



AN-

ANSELMUS V.



Successorem Olrici habuit Ecclesia Mediolanensis Anselmum V., *de Pusterula* nuncupatum: In statuendo tamen Anno electionis eadem preminuit difficultate, ob quam veluti ad scopulum alliâ insignes etiam Viri, triennio imminutam Decessoris vitam volvere. Ad hunc implicandum validius nodum accessit auctoritas alterius Scriptoris, qui in Poëmate ab ipso confecto, Comense Bellam descripsit, eique interfuit; atque inter alia, duo hæc carmina inseruit: Historiæ suæ poëticiis numeris elaboratæ:

*Qui ferus Anselmo fuerat, tunc mittere tentant
Archiepiscopus intbronizatus, sed malè passus.*

Locum hunc obscurissimum, qui *Ædipo* indigebat, illustrare ausuit eruditissimus Pater *Stampa* superius memoratus, in-
quiens, sensum Auctoris esse, missos Legatos ad Anselmum, Virum immitem, qui tunc videbatur *intbronizatus* Archiepiscopus Mediolanensis, sed malis pactionibus; seu (ut *Clariss. Meratorius* dilucidius explicat in Præfatione ad prædictum Poëmæ) *malè passus*, quia ut arbitratore inconsultâ, imo adversante Romanâ Curia se tamquam Archiepiscopum gerebat, intactâ tamen auctoritate ac redditibus Olrici viventis; veritati namque a nobis hæctenus propagnatæ obsequens, professus ibidem est, Olricum verè obiisse Anno tantum

tum MCXXVI. Quocirca ut Partem utramque dissidentem conciliaret, hanc sibi cogitationem in mentem induxit atque etiam edidit, triennio nempe post Annum MCXXIII. superfuisse Olricum, Anselmum verò electum fuisse Archiepiscopum, ut vocant *Coadjutorem*. Hisce omnibus responsum jam dedimus in *Commentariis* tum ad Landulphum de *Santo Paulo*, tum ad Sigonium de *Regno Italia*. Ne igitur Lectorem fatigemus, ea regerendo in hunc Librum, quæ jam vulgavimus, pauca subjungimus; videlicet diversâ methodo incedere Historicum, ac Poëtam; nec eandem fidem mereri in singulis verbis unum, & alterum: Novimus namque, Poëtæ ludentis arbitrium hoc esse, ut res etiam veras figuratè exprimat, ac metaphoris involvat. Quo posito, quis nobis vadem se præbeat, Anonymum Comensem voluisse nobis depingere Anselmum ea Dignitate prorsus ornatum, quæ verè (ut creditur) fulgebat; an potiùs ejusdem superbiam exprobrare, quæ, Olrico in Lateranensi Concilio Romæ sedente, se gereret Mediolani veluti *Archiepiscopum linthronizatum*, sed malè passum, idest omni fundamento prorsus carentem; fortasse enim in sui absentis vicem eidem Olricus injunxerat, ut Comense Bellum urgeret. Profectò divinando hæc proferimus, cum nota minimè sit Poëtæ intentio. Certè hoc absonum non est a mente & stylo Poëtæ. Subinde, quomodo jam erectum Anselmum ad Solium referre poterat Anonymus, cum fatente Clarissimo Muratorio possessionem Archiepiscopatus inire non posset, reluctante Curia, Romanâ? Quæ demum obfistente ratione rem tanti momenti silentio contegere debuisset Landulphus, qui Condiscipulum in studiis

studiis Anselmum habuerat atque ad eum, statim ac mortuo Olrico delectus est in Archiepiscopum, advolaverat, ut superius jam diximus? Aut quid opus erat convocandis Episcopis Suffraganeis, ut alterius Antistitis post Olrici decessum electionem curarent, si jam & *Archiepiscopus & inthronizatus* Sedis suæ securus erat Anselmus? Addimus quoque, novam prorsus esse vocem hanc Archiepiscopi *Coadjutoris*, a laudato Muratorio adinventam, cujus nullum omnino vestigium occurrit in universis Præfulum Mediolanensium Catalogis, ac Scriptoribus Rerum nostrarum. Exemplum autem Algisi subscribentis se titulo Archiepiscopi, vivente adhuc Sancto Galdino, quod unicum profert in tot Seculorum, quæ ad hunc diem fluxerunt, intervallo, non modò levi manu evertitur juxta Puricelli doctrinam, paulo ante allatam in Documento subscripto a duobus Archiepiscopis Olrico, & Anselmo; sed etiam veritati omnino repugnat, cum (ut suo loco ostendimus) disputatum diu sit post Sancti Galdini obitum, quis ad Archiepiscopale Solum promovendus esset, in Archipresbyterum partim, partim in Archidiaconum conspirantibus suffragiis; Algisi ne quidem proposito, nisi ut contentio distarna dirimeretur. His ita per compendium expositis, judicium Lectori relinquimus, cui magis fidendum sit, Landulpho-næ Historico, aut Anonymo Poëtæ, ambobus synchronis Scriptoribus, sed diversimodè illius temporis res gestas narrantibus. Nos certè in ea sententia consistimus, Anselmum haud electum fuisse, nisi post obitum Olrici Anno MCXXXVI. Id autem dilucidius firmatum ostendemus infra, cum de annorum spatio, quibus Anselmus Ecclesiam Medio-

lanensem rexit, sermonem habebimus.

Statim ac promotus est Anselmus ad Ambrosianam Sedem suffragiis Episcoporum Provinciae, Clerique & populi, ut adnotavimus, Romam se contulit, ut Stolum seu Pallium obtineret, reluctante licet universa hac Metropoli, ne antiquum decus Ambrosianae Ecclesiae imminueretur, illud recipiendo e manibus Summi Pontificis. Ibi Anselmum egregiè propugnasse Ecclesiasticas consuetudines & decora Mediolanensis Archiepiscopatus coram Honorio II. Pontifice Maximo & Cardinalibus, testis est Landolphus Cap. XXXVIII. Cùm autem de Pallio a memorato Summo Hierarcha suscipiendo actum est, Honorio illud ultro offerente, intrepidè abnuir, & absque hoc ornamento se Mediolano restituit. Ambigente tamen Clero populoque, an ille secretò violasset Ambrosianae Ecclesiae veterum consuetudinum praerogativas, antequam Solum conscenderet, publicis in Tabulis jurare coactus est Anselmus, se non acceptando Pallium a Pontifice oblatum, easdem Romae intactas servasse.

Præstat hic referre quod in Commentariis ad dictum Landolphum Caput attulimus, ut de hac re lumen aliquod hoc etiam loco affulgeat. Consuetudo honorque Archiepiscopalis suae Dignitatis, quam apud Honorium & Cardinales præcipuè defendebat Anselmus, ea erat, qua donatam fuisse antiquitus Mediolanensem Ecclesiam ex Historiis colligimus, ut videlicet Pallium a Summo Pontifice, nonnisi per Legatos missum, acciperet. Id in usu positum reperimus usque ab Anno DXCIV., quo Indictione XII. scribens Sanctus Gregorius Magnus Constantio Episcopo Mediolanensi, Epistola I.

Libr.

Libr. IV. hæc habet : *Præterea Pallium ad Sarra Missurum solemniter utendum , ex more transmissimus .* Seculo X. , Anno circiter CMXXX. conservatam hanc honoris prærogativam Mediolanensi Archiepiscopo legimus in *Historia Leodienſi* , in qua Rathérius Veronenſis primò , ac deinq. Leodienſis Episcopus in Epistola sua testatur , Hilduino Antistiti nostro Pallium detulisse , a Joanne XII. ad eundem transmissum . Proximè verò ad hunc Anselmum , peculiaris , decoris testimonium receperat , ab Urbano II. Arnulphus hujus nominis III. , nec non Anselmus de Buis , & a Paschali II. Grofsulanus atque Jordanus , ut Landulphus superius narravit . Quanti autem momenti decus hoc foret , ex Baronio intelligere possumus , qui ad Annum MLXX. refert , Lanfranco Cantuariensi Archiepiscopo petenti , ut ab Alexandro II. Pallium mitteretur , negatum id fuisse , atque ab Ildebrando Archidiacono , postea Gregorio VII. , in hæc verba rescriptum : *Necessarium nobis videtur , vos Apostolorum liminis vîstare .* Præclarius est quod in Epistola sua apud Papebrochium in *Exegeti* , nump. CII. ad Arnulphum præmemoratum scribit Urbanus II. : *Pallium Fraternitati tuæ , præter consuetudinem Romanæ Ecclesiæ , quæ nulli hoc Dignitatis genus , nisi præſenti , concedit , Literis tuis exorati ex Apostolicæ Sedis benedictione transmittimus .* De singulari hac prærogativa adeò tenaces fuere etiam post Anselmum , Cives Mediolanenses , ut cùm electus in Archiepiscopum suum Robaldus , Pisas ad Innocentium II. se contulisset , ad juramentum fidelitatis eidem præstandum , ipsique Summus Pontifex Pallium offerret , ab illius præſentia recesserit , ac Mediolanum reversus fuerit ,

non modicâ Innocentii indignatione , quem postea Sanctus Bernardus Abbas Carævallenſis pacatum reddidit , obtinuitque ab eodem Pontifice , ut ad hanc Metropolim Pällium remitteret , quemadmodum infra patebit .

Fauſtiſſima contingere Anſelmo Archiepiſcopatûs initia ; redux namque a Romana Urbe exceptus eſt a Mediolanenſibus Civibus , eximiis benevolæ venerationis ſignia ; præſtitroque jurejurando , a ſe ne latum quidem unguem læſum fuiſſe Ambroſianæ Eccleſiæ honorem ; ſolemni pompâ deductus eſt ad Solium Pontificium Mediolanenſe , atque ad omnium Arcium & Oppidorum ejuſdem Menſæ pacificam poſſeſſionem , juxta Catalogorum fidem . Ipi etiam obtigit propitia fors conſummandi obſtinatiſſimum Bellum contra Comenſes , glorioſâ de illis relatâ victoriâ , dirutâque funditus eorum Urbe , ac ſpoliis opimis Mediolanum adveſtis Anno MCXXVII. Sequenti autem Anno illuſtri honore cumulatus eſt , Italici Regni Sertum imponendi Conrado in Italiam advenienti . Nec unâ tantum vice ; Landulphus enim de Sancto Paulo , qui præſens erat huic Celebritati , ſcriptum reliquit , memoratum Principem primò fuiſſe Modoëtiæ Coronâ ferreâ redimitum , ſequæ virgâ Paſtorales in ſolemni Supplicatione detuliſſe ab Eccleſia Sancti Michaëlis , uſque ad alteram Sancti Joannis Baptiſtæ , ubi Conradus diadema & Sacram unctionem ab Anſelmo recepit in Feſto Sancti Petri Apoſtoli . Poſt aliquot ſubinde dies , altera inſtituta eſt Celebritas Mediolani in Sancti Ambroſii Bâſilicâ , in qua , plaudente populo , iterum coronatus acclamatusque eſt in Regem Italiæ .

At-

Attamen citò evanuit tranquillæ hæc dierum ferenitas, conversâ in luctum lætitiâ, plausuque in opprobrium, seu potius execrationum. Etenim cum prædictus Contadus aliena jura invasisset, & debitam Lothario (legitimis suffragiis ac Honorii II. approbatione delecto ad Imperium Regnumque Germaniæ Anno MCXXV.) reverentiam contumaci rebellionem denegasset, ejus Imperium sibi arrogans, idem Summus Pontifex illum repulit a Romanæ Urbis ingressu, anathematis telo confixum. Eadem quoque adversa fortuna Anselmum Archiepiscopum affixit; Joannes namque Cardinalis Cremonensis, jubente Honorio, Concilium Provinciale Papiæ convocavit, ad quod Anselmum in Castello Ecclesiastici sui juris morantem accivit; Cùmque nonnisi per Legatos Concilio interesse voluisset, Papiensis, Cremonensis, Novariensis, & aliarum Civitatum Episcopi, qui pro Lothario semper steterant, inclamantes, Coronationis opus ab Anselmo peractum, contrarium esse Deo & magno Regi Lothario, Nuncios ab illo missos rejecerunt, ipsumque Anselmum auctoritate Joannis Cremonensis Cardinalis, excommunicationis pœnâ multare, sicuti narrat Landulphus; qui tamen subdit, catholicam reverentiam a Mediolanensibus exhibitam fuisse Anselmo, donec in vivis fuit Honorius Pontifex Maximus. Celebratum est hoc Concilium Anno MCXXIX., non verbò præcedente, ut Pagius tradit; ejusdem namque mentionem minimè agit Landulphus, nisi post relatum Conradi discessum ab Italia, qui contigit sub finem Anni MCXXIX., quo moratum illum fuisse in Italica regione ex Diplomatis constat; & valde credibile est, nonnisi expulso ab Italia Conrado,

rado , processisse Honorium ad plectendum Anselmum illius fautorem .

Parvo tempore superstes fuit Honorius II. , ereptus e vivis Anno MCXXX. , XVI. Calendas Martii . Sequenti die post ejus mortem , idest XV. Calendas Martij electus fuit in Romanum Pontificem Gregorius Diaconus Cardinalis Sancti Angeli , sub nomine Innocentii II. , Vir tantæ morum integritate conspicuus , ut *unius unice Dignitati Divinæ jam videtur providentiâ præformatus* , ut verbis utamur Arnulphi Sagienfis Synchroni , editi Tom. III. *Rerum Italicarum* . Sed minimè quieta electio fuit : Exortum namque est nefandum Schisma , quod Ecclesiam Dei summo opere perturbavit , Siquidem postridie Innocentii electionem , idest decimosexto Februarii die , in Cathedram Apostolicam intrusus est Petrus , Petri Leonis filius , Presbyter Cardinalis Tituli Sanctæ Mariæ trans Tiberim , flagitiis omnibus deturpatus (ut idem Arnulphus Cap. III. scribit) *Anacletus II.* dictus , Pseudo-Papa . Anselmus Archiepiscopus , qui ab Honorii manibus Palium sumere detrectaverat , illud recepit a Schismatico Anacleto , missum per suos Legatos a Landulpho descriptos . Ipse verò coram universo populo & Clero , ut obrenti ab hoc Pontifice adulterini honoris pompam ageret , publicè illud e manibus Legatorum accepit induitque . Addit Oldoinus , Anacletum , qui ut se in Pontificia Dignitate firmaret Amicos quamplurimos aggregare studebat , retulisse quod Anselmum suarum partium fautorem in Pseudo-Cardinalium numerum Anno MCXXXI. , mense Decembri . Facile allici se passus est ab Anacleti favore ad ejus obedientiam Anselmus

mus

mus; quinimo (ut tradit Sigonius) & Mediolanenses Cives, & plerosque Langobardiæ Episcopos in ejusdem partes trahere contendit, sed exitu infelici. Siquidem cum plures ex Primoribus Metropolitanæ Cleri, Decumanis, & Sacerdotibus cœpissent Conradi & Anacleti causam latenter deridere ac spernere, Anselmus Archiepiscopus admonitus, atque acri in eos odio exstimulatus, ab Ecclesiæ gremio illos segregavit, excommunicationis telum publicè in eosdem contorquens, e suggestu Ecclesiæ Sanctæ Theclæ.

Non tulit injustè illatum hoc probrium Major Ordo Metropolitanus, & reliquus Clerus Mediolanensis. Quamobrem cum Anselmus Archiepiscopus ad Populi adhuc Conrado & Anacleto faventis Concionem provocasset, Archipresbyter, nomine Guandeca, cum ceteris patenti ore verba hæc a Landulpho relata, in Archiepiscopum conversus pronunciavit: *Tu es hæreticus, perjurus, sacrilegus, & aliis criminibus, quæ non sunt hic notanda, es reus; seque paratum asseruit, omnia de quibus illum exprobraverat, comprobare, edito super Codicem Evangeliorum, quem manu tenebat, juramento coram Provinciæ Præsulibus. Placuit utrique Parti Synodi convocatio. Quapropter advocatis in hanc Metropolim per Consulum nuncios reliquis Episcopis, acclamatum est omnium vocibus, expellendum a Sede Urbeque Archiepiscopum. Dissoluto autem Couventu quisque ex Suffraganeis Episcopis ad Sedem suam rediit; Anselmus verò per Castella & Vicos Ecclesiæ Mediolanensis extorris oberravit. Hujus infortunii Epocham figit Pagius Anno MCXXXIII., quidquid in contrarium statuunt Puricellus & Papebrochius, biennio inter se dissentientes.*

In-

Interim Innocentius II. Generale Occidentis Concilium Pisis congregavit; statimque illuc confluxere Mediolanensis Cleri Primores Myſtæ, ut legitimum Pontificem Innocentium revererentur, eique obedientiam jurarent; Summusque ille Pontifex depositionem atque expulſionem ſæpediti Anſelmi de Puſterula firmavit. Supererat Populus ad unitatem Eccleſiæ & obſequium Lotharii Imperatoris revocandus, repudiario Conrado. Itaque Innocentius expeditiv Bernardum Abbatem Caravallensem, tamquam Angelum pacis, duosque simul Cardinales Guidonem Piſanum & Matthæum Albanensem Epiſcopum, unâ cum Gaufrido Carnotenſi Antiftite. Quæ fuerit Mediolanenſium Civium lætitia plaufusque in tanti Viri adventu, explicari vix poteſt. Ad ſeptem uſque miliaria obviam illi occuſſiſſe populum, tantâ ſexûs omnis ac conditionis frequentia, ut triumphali veluti more excipi ac deduci in hanc Metropolim videretur, Ernaldus in ejus Vita Cap. II. Libr. II teſtatur. Longum eſſet, ſingillatim recensere, quantum profecerit in hac Urbe Abbas ille Caravallensis. Id unum ſatis ſit referre, Mediolanenſes Cives, tamquam Oves placidiſſimas, ſeſe illius ductui commiſſiſſe tanta demiſſione, ut ad illius conſilium ac nutum, ejurato Schiſmate & Anacleto, ſe converterint ad Innocentium Pontificem Maximum, & Lotharium Imperatorem. Proinde per Cardinales Legatos ſublatus eſt ab Urbe Interdictum, redditus Metropoli priſtinus honor, diſrupta anathematis vincula, aſſiſtæque Eccleſiæ noſtræ pax & tranquillitas reſtituta.

Anſelmus, dum hæc ſeſtavis in Civitate acclamationibus agerentur, inter triſtes ancipitis animi cogitationes fluctua-

bat; b

bat ; cùmque se Dignitate exutum , abjectumque a Clero & populo inspiceret , nescius quò se verteret , consilium a Familiari petiit , qui ei suggessit , Romam pergeret experturus , an sub eo Cœlo serenius sibi que favorabilius Sidus affulgeret , Anacleto ibidem cunctâ regente . Verùm spes ista infelici auspicio concepta , extremam potiùs calamitatem eidem peperit . Siquidem cùm iter ingressus esset , & per Mantuanum ac Ferrariensem agrum Romam ire tentaret , ad Padum flumen incidit in manus Goizonis de Martiengo , captusque transmissus est ad Innocentium Summum Pontificem . Quis esset hic Goizo , divinare non licet ; verisimile tamen videtur , fuisse illum qui inter Cardinales ab Innocentio II. creatos appellatur *Goizo Presbyter Cardinalis , Titul. Sancta Cecilia* , & pluribus Diplomatis ejusdem Innocentii ab Ughello relatis subscriptus legitur , atque interfuit Comitibus pro eligendo Cœlestino II. , Innocentii Successore . A Pisana Urbe Anselmum Romam remisit Innocentius , ubi in custodia positus , vitam & fortunas , quas sibi auspicabatur , amisit .

Mortuum fuisse Anselmum die XIV. Augusti , sermè omnes Historici & Catalogi asserunt . De anno gravior dissensio est apud Scriptores . Tristanus Calchus & Morigia decessisse Anselmum tradunt Anno MCXXXIII. ; sequentem ejusdem morti assignant Puricellus , Pagius , & recentiores Catalogi . Papebrochius in *Exegesi* eam in Annum MCXXXV. conjicit ; neque enim (ut ipse ait) videtur , res tot tantisque a Landulpho narratas perfici potuisse illomet Anno , quo celebratum est Concilium Pisanum . Nos verò ex hoc eodem Papebrochii argumento seriùs etiam Anselmi obitum .

protrahendum censuimus; nempe ad Annum MCXXXVI. Nec fundamento destituimur; siquidem cum in assignando regiminis tempore consentiant Catalogi, Anselmo tribuentes annos X., mensem I., & dies XIV., si calculum retro ineamus a die XIV. Augusti, quo obiit Anno MCXXXVI., ad XXX. Junii diem Anni MCXXXVI., pervenimus ad tempus, quo electus fuit post mensem unum & dies duos vacantis Sedis a morte Olrici. Et hoc posito implentur prorsus anni diesque Sedis, Anselmo tributi.

Antequam ultro progrediamur, necessarium ducimus, nonnulla de Actis ac morte Anselmi peculiariter adnotare: Tot enim commenta de Anselmo isto ubique in nostris Annalibus tradita occurrunt, ut eadem ex Landulpho nostro emendare opus sit, ne posteritati amplius imponant. Coronatum ab Anselmo Mediolani Lotharium Imperatorem refert Calchus ad Annum MCXXIII., & fidentissimè Zucchius etiam Modoëtiæ, testem producens Ottonem Frisingensem; cum nihil tale umquam narraverit Scriptor ille, nec Lothario Anselmus adhæserit, Conrado addicimus, atque ob id etiam a Sacris & Sede ipsa Mediolanensi repulsus. Absurdins est quod tradit Ripamontius Libr. I. *Histor. Eccles. Mediolan.* Part. II., ivisse videlicet Romam Anselmum, petendæ a Pontifice absolutionis gratiâ, ibique magnâ dignitate transigisse velut in altera Patria reliquum vitæ tempus, assiduam Pontifici Innocentio, qui amicè illum liberaliterque tractavit; Innocentius enim nec Romæ tunc erat, nec diu in ea Urbe supervixit Anselmus, carceri mancipatus ac mortuus: illomet Augusti mense, quo Romam fuerat Pisis transmissus.

missus . Quid , quod memoratus Morigia , & Catalogus inscriptus *Succēssores Sancti Barnabæ* testantur , videlicet ab Anselmo Sanctum Bernardum sæpenumero hospitio receptum , ejusque intuitu Carævallense Monasterium ab Anselmo Archinto constructum atque donatum ? Figmenta omnia fœdissima hæc sunt : cum ex Landulpho constet , dejectum a Sede atque extorrem fuisse hunc Antistitem , antequam redux a Pisano Concilio Mediolanum primò ingrederetur Sanctus ille Abbas . Adde , Calcho Anselmum istum Mediolani defunctum affirmari , quo nihil a veritate magis alienum : Ut externos Auctores prætereamus , Angelum nempe Manrique , qui in *Annalibus Cisterciensibus* ad Annum MCXXXIV. Cap. II. num. VII. inter alia falsò narrata de nostro Anselmo toto illo Capite , scribit , eundem sicuti Schismatis socium , ita Dacem poenitentiae Mediolanensibus fuisse , unionisque & debitæ obedientiæ persuasorem ; imo impetrarum ab ipsis , ut in Sede restitueretur : quæ quomodo cum Auctoris nostri , de re sibi præsentis scribentis , Historia componi possint , prorsus non videmus : Et Claudium Robertum , qui Part. II. *Gallie Christianæ* sepultum Anselmum tradit in Monasterio à se condito Carævallis ; humatum namque Romæ in Ecclesia Sancti Joannis Lateranensis docent Catalogi vetustiores . Inde autem colligit Pagius ad Annum MCXXXIV. , num. XII. poenituisse Anselmum contumaciæ suæ , atque in Catholica Fide & unitate , anathemate solum obdormivisse .

Omitti prorsus nequit Galefinius , cujus Tabulam Archiepiscoporum Mediolanensium nos emendare contendimus ; Elenchum enim omnium errorum , quos hætenus retulimus , in-

Epilogo Vitæ Anselmi V. concessit, hæc suo Marte addens, nempe missum eundem fuisse Legatum in Germaniam, ac reversum in hanc Urbem fregisse audaciam Astensis Episcopi, detrectantis obedientiam & obsequium Metropolitano, Archiepiscopo exhibere. Excusari tamen potest Vir iste doctus, quod diligentia suæ laudem crassis admodum mendis fœdaverit; nondum enim eo tempore a pulvere & tinea emergerat Historia Landulphi, quæ faciem prætulit superioris ævi caligini diluendæ.



SAN-

SANCTUS BERNARDUS.



Edilblanensium Archiepiscoporum numero Sanctum Bernardum Caravallensem Abbatem Gallesinius accensuit; jure quidem & merito. Quamvis enim admiranda ejusdem humilitas illustrem hanc gloriam nobis inviderit, illiusque animum ab acceptando splendido hujusmodi honore averterit retraxeritque, nihil tamen defuit, quin revera, ob summa quæ Ecclesiæ & Civitati Mediolanensi impertitus est dona, appellare illum debeamus ac colere, ut Pastorem ac Patrem. Insonuerat undique per Europæ Provincias fama sanctimonix virtutumque Sancti Bernardi; quamobrem cum evocatus ab Innocentio II. Summo Pontifice ad Pisanum Concilium e Galliis in Italiam transmigraret, Clerus omnis, Seniores, Nobilesque Viri, quorum non modica pars turbulento illo tempore mundanæ vanitatis fallacias agnoverat, rudique atque abjecto indumento per vias incedebat, Cisterciensis Ordinis disciplinam amplecti expetens, Nuncio ad illum direxerunt, rogantes, ut Pisas profecturus, Mediolanum versus iter suscipere dignaretur. Annuere precibus Mediolanensium non potuit Sanctus Abbas, urgente sollicitudine adeundi Pisas, cum immineret dies statuta aperiendo Concilio. Tres tamen Epistolas plenas venerationis amorisque erga hanc ab ipso laudatissimam Civitatem renisit, ad Clerum nempe, ad universos Cives, & ad Novitios apud Mediolanum conversos; quas, cum obviæ sint in Operibus Sancti Bernardi toties recufis,

non

non vacat referre. Itaque citatis equis profectus est iter, atque illuc pervenit, pridie quàm Synodus inchoaretur. Ibidem gravissimis expeditis negotiis Ecclesiæ universæ, injunctaque ipsi ab Innocentio Summo Pontifice Legatione ad Mediolanenses, viam ingressus est, hanc Metropolim versùs, Anno MCXXXIV. Qua exultantis animi significatione illum exceperit Civitas nostra, quoque proventu Ordinum omnium Urbis totiusque Diœcesis moram apud nos duxerit, jam superius retulimus. Plura tamen adhuc supersunt, quæ hîc recensere opus est, cursim saltem, ut quanto emolumento fuerit Civibus omnibus hujus Sancti Viri præsentiâ dignoscamus. Siquidem non tantum publicam tranquillitatem nobis paravit, Innocentio & Lothario Augusto pacatis, sed etiam animabus corporibusque medelam quæ indigebant indulxit, miraculorum frequentia. Ut brevitati consulamus, testimonio tantum utemur Landulphi Scriptoris, ea quæ propriis oculis perspexit, strictim narrantis Cap. XLII, ubi hæc habet: *Ad nutum hujus Abbatis omnia ornamenta Ecclesiastica, quæ auro & argento palliisq; in Ecclesia ipsius Civitatis videbantur, quasi ab ipso Abbate despecta, in scriniis reclusa sunt; & non solum masculi, sed etiam mulieres tonsæ sunt, & ciliciis & laneis vilissimis induti ad quælibet religiosa convertuntur. Aqua in vinum mutatur, Dæmones fugantur, contracti eriguntur, & quoscunque captivos infirmos Mediolanenses habebant de inimicis suis in custodia, Abbas ipse solvit, & liberos dimisit.* Multò magis autem virtutem suam cœlis datam exercuit Sanctus Bernardus in solvendis Dæmonum laqueis, quibus Energumeni premebantur; ait enim Ernasius Bonævalensis Abbas in *Vita Sancti Bernardi* Libr. II. Cap. II. *Cum*
diu

diu sub *Anselmi Schismate*, qui *Petri* (*Antipapæ Anacleti*) fautor *Mediolanensem* occupaverat *Cathedram*, *Sacerdotes* gementes, *Virgines* squalidæ, *sanctificationes* maledictæ, *Altare* pollutum *iram Dei* in *populum* provocassint : At verò in adventu *Viri Dei*, *abdicatis Anselmi præstigiis*, & in *Sedis Apostolicæ* obedientiam sub *Innocentio* revocatâ *Ecclesiâ*, impedita est *Dæmonum* licentia ; & quotidie dabat locum, & ad preces *Viri Dei* diffugiebat *Diabolus* ; & si quando resistere conabatur, in ipso conflictu succumbens gloriosius vincebatur . Innumere sunt gratiæ aliarum curationum, quas *Mediolani* larga manu impertitus est *Civibus* nostris *Sæctus Bernardus* ; easque singillatim recensuit ejusdem *Vitæ* *Scriptor* *Ernaldus* loco laudato, quas hic præterire lubet, ut ad reliqua progrediamur .

Vacabat eo tempore *Sedes Mediolanensis*, deposito *Anselmo* in *Provinciali Mediolani Synodo*, & confirmatâ *Pis* ab *Innocentio II.* ejusdem exauratione . Ideo cùm præsentem haberent *Cives* *Virum*, *Dei Spiritu* plenum, summisque omnium virtutum donis ornatum, effugere sibi e manibus opportunum tempus nolebant implendi hanc *Sedem Pastore* tam digno . Quapropter confluentes turmatim ad *Hospitium Canonice Sæcti Laurentii*, in quo *Bernardus* degebat, illum cum hymnis & laudibus, & solito suo *Kyrie eleison*, ut ait *Landolphus*, in *Archiepiscopum* acclamavere . Restitit festivis hiæ vocibus illius humilitas ; utque mitiori repulsa desiderium . *Cleri* *populique* leniret, inquit : *Ego in crastino ascendam . Palafredum meum, & si me extra vos portaveris, non ero vobis quod petitis* . Responso tamen huic non acquievit *Civitas*,

vitas, quæ (ut refert Mantique in *Annalibus Cisterciens.* ad Annum MCXXXIV ex ore Venerabilis Ramaldi, Sancti Bernardi Socii, factæ præsentis) cum ad illum accessisset, raptura potius unanimi consensu quàm electura, parata erat omnino vim facere, nisi latenter in fugam evasisset.

Desperato tam felicitis sortis beneficio, quæsitum est, ut saltem vestigium aliquod Sancti Bernardi apud nos perennaret, Cœnobium videlicet Ordinis Cisterciensis, in quo si non præsentia, saltem spiritu tanti Viri in Alumnos suos effuso, Cives fruerebuntur. Sponderant Mediolanenses Sancto Abbati Carævallensi, se locum extructuros excipiendis Filiis ejusdem, dum in hac Urbe moraretur; sed refrigerante caritate suspensum remanserat Ædificium, etiam post illius discessionem: Jamque Cistercienses Monachi, quos miserat ad hanc Urbem Sanctus Bernardus, rem infectam cernentes, in Gallias reditum maturabant. Verùm Mediolanenses acti pudore, quòd a fide data Sancto Abbati deficerent, nuncios misere, ut ab itinere jam Novariam versùs suscepto, prædictos Monachos revocarent; opemque omnem contulerunt, ut constructo nobili Cœnobio, emptisque prædiis Sedem hujus Ordinis Alumnae, dignam hac Metropoli in perpetuum pararent, nomenque eidem indidere *Carævallis* Anno MCXXXV. Illius temporis memoria, insculpta Lapidiperantiquo caractere in hunc modum, etiam nunc legitur in Claustro, e quo in Ecclesiam itur:

ANNO

ANNO DOMINICÆ INCARNATIONIS MILLESIMO
CENTESIMO TRIGESIMO QUINTO CONSTRUCTUM
EST MONASTERIUM S. Mariæ CARÆVALLIS
TEMPORE SANCTI BERNARDI ABBATIS
CARÆVALLIS, UNDECIMO CALENDAS
FEBRUARII.

Ex hac Inscriptiōe colligitur Puricellus *in Monum. Basil.
Ambrosian.*, num. CCCLXXXIII., diem prædictum, inclu-
sum verè Anno MCXXXV. juxta Æram Incarnationis, per-
tinere ad subsequenter Annum XXXVI., sumptum ab
eiusdem Domini Nativitate. Ad constructionem hujus Cœ-
nobii, quarto ab hac Metropoli lapide dicti, liberalem
opem contulisse Guidonem ex Capitaneis Portæ Orientalis,
scriptum reperiri in antiquo Codice illius Monasterii affirmat
idem Puricellus loco laudato. Nobilissimam quoque Familiam
Archinteam, Patriciam, Mediolanensem, amplissimis prædiis
dono, datis plurimum auxisse, eorundem Monachorum Cen-
sum, testis est Tabula Sepulchralis, ante Portam Ecclesiæ
Caravallis adstantibus obvia, quæ hæc verba refert:

MILLESIMO DUCENTESIMO VIGESIMO
OCTAVO, CALENDAS MAJAS
MANFREDUS ARCHINTUS PATRICIUS MEDIOLANENSIS
EROGATIS ILLUSTR. CENOBIO LATIFUNDIIS
MONUMENTUM SIBI ET POSTERITATI P.

Hæreditariam veluti in Posteris hujus vetustæ præclarissimæque Gentis Archintex largitatem erga hujus Cœnobii Monachos commendare prosequitur Ughellus, asserens etiam monumentum grati animi, exsculptum in marmore, in fronte Ecclesiæ illius posito, licet mendosè descriptum.

Laudari etiam ipse Ughellus meretur, quòd inhzrens vestigiis nostri Landulphi, inoffenso pede percurrerit Acta nostrorum Antistitum illius ætatis. Non ita profectò cautè incesserunt plures alii Mediolanenses Historici, quos hic emendare juvat, ut defœcator rerum nostrarum series oculis legentium occurrat. Corius plurimùm erravit, dum electum Sanctum Bernardum Anno MCXIX. asseruit; eique subscripsit etiam Gaspar Bagatus, expanso prioris Olrico, & substituto statim Anselmo post Sanctum Bernardum: quodque mirum admodum est, in eandem scrobem impegit Triflanus Calchus, qui ad Aanam prædictam, ut in marginalibus Notis legitur, Sanctum Abbatem Caravallensem impectrasse ait a Primoribus nostræ Urbis, in Theatro quod tunc adhuc durabat sedentibus, exemptionem a vectigalibus pro Cœnobio in Bergomatium Vico Pontida, ab iisdem contracto in honorem Sancti Jacobi, expedito Diplomate, a quinque & triginta Viris subscripto. Auctores hos omnes in errorem duxit nomen *Bernardi*, quo appellabatur alter ex tribus Monachis Mediolanum missis; non enim alium esse arbitrati sunt eum, quàm Bernardum Caravallensem; cum tamen Cluniacensis Ordinis ii forent, & Sanctus Abbas non nisi Anno MCXXXIV. primò attigerit Mediolanensem Civitatem, ut animadvertit quoque Puricellus in *Monum. Basil.*

An-

Ambros. num. CCCXXXI. Alii tolerabiliori mendo statuerunt electioni in Archiepiscopum Sancti Bernardi Annum illum, quo censuerunt mortuum Olricum Decessorem, nempe MCXXXIII. (quamvis falsò, ut jam superius de Olrico agentes comprobavimus), eoque in errore versati sunt Sigonius, Joannes Franciscus Besurius, & Claudius Robertus in sua *Gallia Christiana*, qui omnes Anselmo de Pusterula præmittunt Sanctum Bernardum, acclamatum in Archiepiscopum. Neque maculâ suâ caret *Historia Chronologica Sancti Bernardi*, alioquin diligentissima, italicè edita ab Abbate Don. Gaspare Antonio Petrina Anno MDCCXXXVII. in Taurinensî Urbe; Ubi enim de Legatione ejusdem Sancti Abbatis ad Mediolanenses agit. Scriptor ille, inter cetera, quæ ab Innocentio II. Paris morante obtinuit in favorem nostrorum Civium, impetrasse quoque narrat confirmationem in Archiepiscopatu Anselmi V. nostri Archipræsulis. Id autem repugnat veritati, cum nihil de hac re Landolphus scripserit; imo asseruerit, Anselmum in itinere ad Pseudo-Pontificem Anacletum Romam versus suscepto, captum transmissumque Pisas ad Innocentium II., atque ab eodem traditum fuisse custodiæ Petri Latrî, Ministri sui in Romana Urbe, ibidemque e vita migrasse. Fieri quidem potest, eoram legitimo Summo Pontifice ejurasse Schisma Anacleti hunc Præsulem, atque ab illo fuisse absolutum, quemadmodum Pagius superius allatus piè credidit vulgavitque; sed confirmationem in Mediolanensis Ecclesiæ Solio habuisse Anselmum, admitti nequit.

R O B A L D U S.



X Archidiacono Majoris Ecclesie nostrae in Episcopum Albensem electus Robaldus Anno MCXXIV., Ughello in eorum Antistitum Catalogo testante, Ecclesiam Mediolanensem administravit Vicarii titulo, ab Anno MCXXXIII. ad Annum MCXXXV.

Siquidem eum in Concilio Praesulum Suffraganeorum Mediolani coacto, depositus fuisset Anselmus, atque a populo expulsus ab hac Metropoli, ne pastorali cura vidua remaneret Ecclesia nostra, redeuntibus ceteris Episcopis ad Sedes suas, Robaldus hic constitit, ut in Chrismate & reliquis Episcopalibus officiis ipsa juvaretur, quemadmodum tradit Landolphus. Adveniente postmodum Mediolanum Sancto Bernardo, Clerus & populus, ingentibus beneficiis miraculisque ad amorem raptus tanti Viri, eundem acclamavit in Episcopum; ipso autem recusante atque in Gallias profecto, Metropolitanae Ecclesiae Ordinarii, & Primicerius cum reliquo Clero Nuncios misere ad Litifredum Novariensem, Vidonem Hipporiensem, & ceteros Suffraganeos Ecclesiae Mediolanensis, ut statim die Mediolanum convenirent, suffecturi optimo Pastori electo Bernardo, sed hunc honorem humillime respuenti, egregium Successorem. Adsuere illi, collectique in Comitibus Robaldum ad Archiepiscopale Solium implendum delegerunt. Quandoquidem vero huius Electioni Sacri Canones obsistebant, ventantes, ne inconsulto Summo Pontifice ab una ad alteram.

Ee-

Ecclesiam Episcopi commigrarent, dato ad Innocentium II. supplici Libellō, favorable Rescriptum obtinere. Id constat ex Epistola CXXXI. Bernardi, ubi Sanctus ille Abbas memorans beneficia; quæ in Mediolanenses contulerat Pontifex Maximus, gratiam hanc addit: *Si voluistis licuisse vobis quod illicitum, nisi pro magna quidem necessitate Sacri Canonis judicant; Translationem Episcopi scilicet in Archiepiscopatum, concessum est.* Hinc autem refellendum censemus tum Mabillonium in Notis ad memoratam Epistolam, tum Pagium ad Annum MCXXXIV., num. XVIII., qui asserunt, hæc verba intelligenda esse de restitutione Dignitatis Archiepiscopalis, quæ ob Schismā ab Innocentio II. abrogata nostræ Urbi fuerat; loqui enim Sanctum Bernardum de nostro Robaldo, qui cum Episcopus esset Albenſis Ecclesiæ, ad Sedem Mediolanensem translatus est, cuilibet ipsius verba perpendenti perspicuum esse potest.

Fervebat adhuc eo tempore Anacleti Pseudo-Pontificis Schisma; Ecclesiæ autem Occidentis in partes scindebantur, eidem faventibus nonnullis; aliis verò Innocentio II. obtemperantibus. Quamobrem Episcopi huic addicti, antequam propriam Sedem inirent, juramentum præstare fidelitatis Pastori legitimo tenebantur. Necessè igitur fuit, ut Robaldus electus, Pisas iterum commigraret, coram Innocentio fidelem constantemque obedientiam Sanctæ Romanæ Ecclesiæ juraturus. Verum perturbationis non modicæ occasio fuit laudabilis hæc animi demissio. Quippe, cum Summus Pontifex non benigno tantum vultu, sed etiam liberali manu cum cumulare vellet novis beneficiis, Archiepiscopale Pallium Robaldo

baldio obeat : Is verò recipere illud de manu Innocentii recusavit , utpote privilegiorum Mediolanensis Ecclesie tenacissimus ; adeò ut , cum Anselmus predecessor Romam se contulisset , & Honorio II. offerente eidem Pallium ibidem suscipiendum , Robaldum Episcopum , qui comes itineris fuerat , consulisset quid ipsi agendum esset , responsum hoc reddiderit , *quòd ipse prius sustineret , nasum suum scindi usque ad oculos , quàm daret consilium* (. Anselmo .) , *ut suscipere Roma Stolem , & Ecclesie Mediolanensi praeponeres hanc novam & gravissimam , quam Honorius Papa dicebat sibi imponere mensuram .* Itaque inconsultis omnibus se Pisis protinuit , ac Mediolanum reversus est . In iram exarsit Innocentius , & expectato trimestri , meditabatur justam animadversionem in Robaldum , & Mediolaneuses , quos adhuc tumultuantes intuebatur . Opportunè tamen , periclitantibus Civibus nostris , ne gratiam Innocentii amitterent adfuit Sanctus Bernardus , qui de hac re admonitus , Epistolam ad Summum Pontificem dedit , positam in Editione Mabillonii sub num. CCCIV. , in qua ejusdem Papa animum placabilem reddere studebat , laudans Robaldum , eumque vocans *Virum boni consilii & fidelem* , atque paratum *esse sine populo , quàm sine Domino , & pluri facientem Apostolicam gratiam , quàm Mediolanensem Cathedralam .* Officiosissimum hoc patrocinium Bernardi tantum valuit apud Pontificem illum Maximum , ut , quicquid petierat Civitas Mediolanensis , benignissimè indulsisset . Quapropter idem Bernardus Epistolam direxit ad Mediolanenses , quos suos appellat , idest *ad Universum Clerum & Populum* , in qua commemorat beneficia omnia ab

In-

Innocentio in ipsos collata, subdens hæc verba: *In quo potestremo quamque rationabilis petitio filie, non dico refusam, sed vel moram passa est. apud iam Matrem (Ecclesiam Romanam.)? En ad complementum Pallium præsto est, plenitudo honorum. Nunc vero audi me incluta plebs, gens nobilis, Civitas gloriosa.* Prosequitur deinde omnes hortati, ut in Fide permaneam, & muneribus a Summo Pontifice acceptis grata obedientia respondeat.

Illustria quoque Robaldo contigere exordia Pontificatus, duobus exedificatis magni nominis Cœnobii Ordinis Cisterciensis, eo videlicet de quo jam supra disseruimus, nempe Cæsariensi, & altero Morimundi, auctoritate ejusdem constructo in Valle Ticini, intra fines Mediolanensis Diœcesis, quod initium habuit Anno MCXXXVI. Ad hoc erigendum tres Mediolanenses Presbyteri patrimonia sua finitima in manus Robaldi liberali dono obtulere; iisque acceptatis idem Archiepiscopus assensum præbuit ædificandæ Ecclesiæ, ac Monasterio prædicto, quemadmodum constat ex Documento relato ab Ughello, & subscripto ab ipsis Presbyteris, ac firmato a Robaldo Mediolanensi Archiepiscopo. Crevit postmodum hoc Cœnobium in eam opulentiam, ut biscentum & eo amplius Religiosi Viri omni pietate instituerentur ibidem ad virtutem, ac inter celebriora Langobardiæ Monasteria recenseretur, eodem testante Ughello; qui etiam subjungit, temporum malignitate, ac invidorum (Papiensium) scelere feras eas vicissitudines passum esse memoratum Cœnobium, ut, nisi Mediolanensium Archiepiscoporum accessisset pietas, futurum esset, ut incultum sædatumque ad nostram usque ætatem jacuisset.

Quo

Quo tempore Sanctus idem Bernardus Mediolani morabatur, datâ Ecclesiæ nostræ pace, ad compescendas bellicas contentiones, quæ inter Mediolanenses, & Cremonenses præsertim fervebant, se contulit ac Cremonam ingressus, Cives illos ad concordiam paciscendam, depositis hostilibus odiis, cum Primoribus Urbis Mediolani conatus est provocare. Verùm re infectâ opus illi fuit ex ea Civitate discedere; & ne videretur officio sibi commissò defuisse, conscium itineris sui Innocentium per Epistolam fecit, eam videlicet, quam paulò ante retulimus, iniqui *Cremonenses induraverunt, & prosperitas eorum perdit eos: Mediolanenses contemnuunt, & confidentia ipsorum seducit eos. Hi in curribus & equis specusum ponentes, meam frustraverunt, & laborem meum exinanierunt.* Ex hac pertinacia alacriorem animum sumentes Cives nostri, actius bellum contra ipsos instauravere. Dum autem agros depopularentur, & munita etiam Castella invaderent, Lotharius Imperator, qui in Italiam descenderat, Langobardiæ fines ingressus est Anno MCXXXVI. Confluxere ad illum Civitatum Primores, qui infectis præliis se invicem prosequendebant; præsertim verò Cremonenses, & Mediolanenses, ut ejusdem auctoritate judicioque finis bellicis contentionibus imponeretur. Placido animo excepit illos Augustus Princeps, & re maturè perpensâ, sententiam contra Cremonenses tulit, eosque Principum Italiæ consensu, hostes judicavit proscriptisque, quemadmodum narrat Otto Frisingensis Libr. VII Cap. XIX. in hunc modum: *Ibi, nempe ad Caristallum* (idest Guardastallum, quem recenter occupaverat Lotharius.) *Mediolanenses & Cremonenses diuturnum inter sese*

. bel . . .

bellum habentes, obvius habuit; disussâ utriusque Urbis Causâ, Cremonenses a Principibus Italiæ, hostes judicantur, proscriptique discedunt. Aderat in Castris Lotharii Robaldus Archiepiscopus Mediolanensis cum suis Suffraganeis, Landulpho teste, qui ad pœnam augendam rebellium eorum Civium, anathematis quoque telum in ipsos evibravit, quia (ut ait Landulphus) non reddiderunt Imperatori Mediolanenses vincula & captionem sustinentes Cremonensium. Altera etiam causa infingendæ excommunicationis ea esse potuit, quam innuit memoratus Landulphus Cap. ultimo, videlicet quòd, cum Ubertus consecratus a Jordano Archiepiscopo nostro, inauguratus fuisset Cremonæ Episcopus, juramento firmaverit, se fidelem futurum ipsi Jordano Ecclesiæque Ambrosianæ; postmodum, verò unâ cum Civibus suis ab hac obedientia prorsus desciverit: Landulphus enim eodem Capite hæc scribit: Hic fortassis Episcopus iste (Ubertus) reminiscitur amaritudinis, qua potatus fuit Mediolani in die suæ Ordinationis, cum, nempe, ut idem Scriptor explicat inferiùs, compulsus est jurare fidelitatem Ecclesiæ Mediolanensi, & Archiepiscopo Jordano.

Prosequitur idem Auctor narrationem suam his verbis: *Mediolanensium igitur Exercitus confortatus præsentia Imperatoris & vinculo excommunicationis, Sonzinum, Sanltunque-Bassanum, & alia multa Castella Cremonensium destruxerunt. Innocentius II. qui adhuc Pisis morabatur, miseratione fortasse Cremonensium commotus, ad eorum preces excommunicationis vinculis, quibus eosdem innodaverat noster Robaldus, clementer solvit; Mediolanensis autem Exercitus etiam post ab-*

solutionem profecutus est, armis eos comprimere, Juvenaltam Castellum diripiens, & quæcumque illius Civitatis Opida occurrebant, confertis agminibus devastans; neque ipsi Episcopo Uberto parcens, quem cum invenisset loricatum, hortantem suos ad pugnam, & perficientem homicidium, de Castello in quo includebatur pertraxit, captivumque per plures menses in custodia tenuit, donec Herlembaldus de Bressorio, qui eum in carcere custodiebat, infectus veneno ex improvviso in mortem corruit; eoque sublato Episcopus eadem nocte fugam arripiens, Papiam primò, postmodum Cremonam adiit libertati restitutus. Verùm relata hæc sint obiter, cum nostræ provinciæ minimè sit, civilibus istis bellicorum eventibus diutius immorari.

Communis Scriptorum Mediolanensium opinio tradit, Lotharium Imperatorem fuisse Italicâ Coronâ primò Mediolani, dein Modoëtiæ redimitum. Si tamen sinceriores Historias consulamus, nihil de hac gemina solemnî Celebritate scriptum offendimus. Et sanè, si insistere itineribus a Lothario per Italiam ac Langobardiam susceptis velimus, nullum peragendæ huic Coronationi commodum tempus occurrit. Ea omnia singillatim recensuimus, ex Germanis nostrisque Scriptoribus desumpta, in Adnotationibus ad Historiam Landulphi Cap. XLIV.; proinde hic tantum ista subjicimus, videlicet mirum valde fore, quòd Landolphus Historiam suam profecutus usque ad Annum MCXXXVII (qui postremus fuit illius Imperatoris, mortui in reditu ad Germaniam eodem anno), atque ubique eundem conveniens, ut Causam suam peroraret, nullum de ejusdem adventu in hanc Urbem verbum

bum protulerit, nullam de accepto Mediolani ac Modoëtiæ Regio Italico Serto memorem vocem suis in scriptis reliquerit, cum alias hujusmodi Regum inaugurationes utrobique peractas non tam retulerit, sed minutim etiam descripserit. Porro hoc silentium, tanti momenti Pagio visum est, ut Coronationem hanc prorsus commentitiam affirmet ad Annum MCXXXIV. num. XIX; multòque magis cum Germani etiam Scriptores de eadem sileant omnino. Attamen hæc dicta volumus, ut sinceritas Historiæ prodatur, quia nulla invidiæ culpa in nos refundatur, ac si gloriam ab Urbe nostra & Modoëtienſi Oppido, quam Sigonius, Puricellus, alique plures ultro tribuunt, propulsare conemur. Candidè profiteamur, libentissimè nos manus ipsis daturus, si validiora ad novum hoc decus Patriæ nostræ ac Modoëticiæ vindicandum suppeditentur.

Anno MCXLIII. revixit controversia de quibusdam juribus in Ecclesia Sancti Ambrosii, quæ censebatur jam conscripta, inter Canonicos & Monachos, ibidem alternatim. Deo Beatoque illi nostro Patrono laudes quotidie persolventes. Integrum annum absumpsit Causa hæc definienda, non sine magna animi perturbatione Archiepiscopi nostri Robaldi. Siquidem ad ipsius Tribunal primò delata, dein Consulum Mediolanensium judicio, ad declinandum Ecclesiasticum Forum, commissa, postremò iterum ad examen Robaldi, ac Goizonis & Hubaldi Sanctæ Romanæ Ecclesiæ Cardinalium. Legitorum Romanæ Sedis, Pontificiis decretis revocata, non parum laboris angustiarumque exegit, ut ad finem perduceretur. Extat in *Monum. Basil. Ambros.* a Puricello editis nar-

ratio hujus diuturnæ contentionis, quam ipse claudit recitato integro Diplomate a Robaldo subscripto, firmatoque a Galdino, tunc Subdiacouo & Cancellario Ecclesiæ Mediolanensis. Uberiora in publicam lucem protulit diligentissimus Collega noster Nicolaus Sormanus, ex Canonicorum Sancti Ambrosii Archivo eruta; dissidium enim omne, & varias hinc inde vicissitudines, quæ contigere, singillatim enucleat, Epistolas plures tum Robaldi, tum Legatorum ad Cælestinum II. & Lucium pariter II. Pontifices Maximos scriptas refert, imo etiam anathema in Abbatem & Monachos contortum, & confirmatum ab Apostolica Sede, cum aliis omnibus Documentis ad hanc rem pertinentibus in propatulum explicat. Demum quid statutum fuerit ad litis omnes inter sacros hosce Dei Ministros dirimendas, in Dissertatione sua Historica, ad *Concordiam* inscripta, typis impressit. Nostra minimè est, rebus istis jam agitatis definitisque immisceri. Id tantùm delibavimus, quod in laudem Archiepiscopi nostri, pacem Ecclesiæ suæ omni studio parare studentis, vergit, & perennem memoriam meretur.

Innocentius II. Summus Pontifex in Concilio Pisis celebrato Anno MCXXXIV. teste Pagio ad hunc annum, Decretum promulgaverat, quo jubebantur Monachi & Regulares Canonici de laboribus terrarum, quas propriis excolebant sumptibus, Decimis nullatenus persolvere. Has exigere præsumebat Præpositus de Rosate cum suis Clericis a Monialibus Monasterii Sanctæ Mariæ de *Montano*, nunc in *Valle* seu verius in *Vallo* nuncupati. Itaque Robaldus Antistes Mediolanensis, ut jura hujusmodi Sororum tueretur, & Innocentii II.

Præ-

Præceptum executioni mandaret, Diploma expedit, quo prædictas Moniales a præstandis memorato Præposito de Rosate ejusque Clero Decimis eximebat, indictâ Præposito gravissimâ poenâ, nempe ab officio suo decidendi, aliisque Clericis aut Laicis anathematis comminatione, si Decimas ullas exigere præsumpissent. En Charta hujus Præcepti, ex Tabulario ipso dictarum Monialium deprompta, quam *in suas Antiquit. Ital. Med. Ævi* transtulit Clariss. Muratorius Tom. III. colum. CCXXV.

„ Robaldus Dei gratia Sanctæ Mediolanensis Ecclesiæ Archiepiscopus. Dilectæ in Christo Filiæ Monasterii
„ Sanctæ Genitricis Virginis Mariæ de Montano Abbatissæ
„ & ejus Sororibus tam præsentibus quàm futuris in perpetuum. Venerabilis Pater noster & Dominus Papa Innocentius in Pisana residens Synodo, astantibus Religiosis Patriarchis, Archiepiscopis, Episcopis, Abbatibus & aliis Sacerdotibus, Clericis, hoc promulgavit Decretum, ut videlicet Monachi & Regulares Canonici de laboribus terrarum, quas propriis excolunt sumptibus, Decimas nullatenus tribuant: quod etiam in Concilio nuper Romæ celebrato innovatum Apostolicâ sanxit autoritate. Nos itaque prædicti Domini Nostri, & Sanctæ Romanæ Ecclesiæ autoritate suffulti definitivâ statuimus Sententiâ, uti Abbatissæ Monasterii de Montano, & ejus Sorores sub Regula Beati Benedicti, ut credimus, regulariter degentes, quæ modò sunt, vel pro tempore fuerint, de laboribus terrarum, quas propriis excolunt sumptibus, Præposito de Rosate & ejus Fratribus, seu alieno Clerico vel Laico de cetero
„ Deci-

„Decimam minimè persolvant. Si quis igitur, quod absit,
 „Præpositus, Sacerdos, seu Diaconus vel Subdiaconus a
 „prædictis Monialibus amodo, contemtâ Sanctæ Romanæ
 „Ecclesiæ autoritate, Decimam exigere vel extorquere præ-
 „sumpserit, vel propter hoc eas persequendo turbaverit,
 „gradus sui periculo subiacebit; si verò Clericus vel Lai-
 „cus fuerit, excommunicationi subiaceat.

„Ego Robaldus Dei gratia Mediolanensis Archiepisco-
 „pus subscripsi.

„Ego Tedaldus Archipresbiter subscripsi.

„Ego Landulfus Presbiter subscripsi.

„Ego Wido Presbiter subscripsi.

„Ego Guifredus Presbiter subscripsi.

„Ego Obitus Subdiaconus & Camiliarcha subscripsi.

„Ego Adelardus Diaconus subscripsi.

„Ego Anielmus indignus Diaconus subscripsi.

„Ego Willielmus Diaconus subscripsi.

„Ego Jordanus Diaconus subscripsi.

„Ego Oprandus Camerarius subscripsi.

„Ego Galdinus Cancellarius a me dictato subscripsi.

Inter Asceteria Monialium, quæ subsunt Archiepiscopo
 Mediolanensi, celeberrimum illud est, quod decimo texto ab
 Urbe nostra lapide confurgit in Loco Medæ. Si enim an-
 tiquitatem spectes, a noningentis circiter annis extractum
 fuit ob insigne miraculum, quod typis vulgatum per manus
 omnium excurrit; si verò Privilegia Summorum Pontificum
 eidem concessa intuearis, peculiarem venerationem meretur.
 Hujus Cœnobii indemnis servandi curam suscepit Robaldus;
 cùm

cum enim in ejusdem jura sese ingerere tentasset ob loci proximitatem Præpositus Ecclesiæ, appellatæ de Seveso, delatâ ad Archiepiscopum Robaldum Causâ, Sententiam protulit in favorem Abbatissæ & Monialium, quemadmodum docet sequens Charta, ex Archivo ejusdem Monasterii deprompta;

„ Robaldus Dei gratiâ Sanctæ Mediolanensis Ecclesiæ Archiepiscopus. Dilectæ Filie Martine Abbatisse Monasterii
„ Sancti Victoris sibi in Loco Meda & ejus Sororibus in
„ perpetuum. Sacrâ significante Scripturâ omnium & maxime spiritualium est Potestatum pacem inter discordantes
„ componere, & in negotiis disfiniendis nec ad dexteram
„ nec ad sinistram declinando, regio idest justitiæ incedere
„ tramite, proinde ut quod debemus executioni pro posse
„ mandemus, controversiæ inter Plebem de Seviso, & Abbatissam Metensis Monasterii exorte, inito cum Fratribus
„ nostris Sanctæ Mediolanensis Ecclesiæ Cardinalibus, & Primicerio, aliisque religiosis Presbyteris & Clericis consilio,
„ prout ratio exigit, & auctoritas dicat, justum curavimus
„ imponere finem. Controversia autem & ex utraque parte
„ assertiones hec sunt. Prefate siquidem Plebis Præpositus,
„ fretus quæ inferius ponuntur rationibus, assererat Capellam
„ quæ in honore Sanctæ Mariæ Virginis in Loco Meta, videlicet in Foro sitam sub predictæ Plebis regimine & tamquam membrum capiti, & filiam sue Matrici Ecclesiæ
„ debere esse subpositam, dicens, seponominata Capella infra
„ Plebis terminos est fundata, deinde in domini signum annualiter ibi Sancti Sebastiani Festum celebramus, & refectio-
„ tionem

„ ctionem a predictæ Capelle Capellano honorifice recipimus.
„ Chrisma & aquam ad pueros baptizandos in die Sabbati
„ Sancti sanctificatam a pretaxata Plebe habet, & non ali-
„ unde, & quod quondam predictæ Ecclesiæ Clericum, Otto
„ n mine, in nominata Capella, qui Capellam & populum sibi
„ commissum regeret, sua posuissent autoritate, pluribus ni-
„ tebantur asserere testibus. Econtra verò prefata Abbatisa se-
„ predictam Capellam juris & regiminis Metensis Monasterii
„ Sancti Victoris esse, & ad Plebem minime pertinere his
„ assererat argumentis; Sacerdotes namque, quibus ab Ab-
„ batissa que pro tempore in prescripto Monasterio fuit, se-
„ predicta Capella est comissa, ut ibi Divina celebrent Of-
„ ficia, & Metensem populum regerent & gubernarent quiete
„ per triginta annos unumquemque voluit, Abbatisa libere
„ elegit, quorum unus, videlicet Otto, astante bonæ me-
„ morie Abbatisa Orta, investituram Capelle de altario re-
„ cepit, ad quod probandum quamplures legales & idoneos
„ producebat testes. Insuper Cartarum ostendebat Instru-
„ menta, in quibus quod pretaxati Monasterii Sanctæ memo-
„ rie Berlanda Abbatisa, tamquam potestatem & dominium
„ habens, comutationem de tercia prenominate Capelle se-
„ cerat, & comutationi consenserat, aperte demonstrabatur.
„ Diligenter itaque utrinque auditis rationibus & argumen-
„ tis, atque ad discernendam veritatem mentis intendentes
„ intuitum, quoniam testimonia super tricenali possessione,
„ & investitura de Altari suscepta, competentia nobis visa
„ sunt atque sufficientia: communicato ut superius diximus
„ cum Fratribus nostris consilio, sex Testium juramenta
„ susce-

„ suscepimus , quorum duo Abbatissam in sepedicta Capella
„ tricennali possessione ante introitum memorati Ottonis , re-
„ gimen & dominium optinuisse , & in ea , sua auctoritate
„ sine aliqua contradictione libere posuisse Sacerdotem , &
„ duo alii post ejusdem Ottonis introitum similiter per tri-
„ ginta annos quietè jus & dominium habuisse prestitis ju-
„ ramentis ante nos approbaverunt . Duo verò , quod Ab-
„ batissa astante , predictus Otto investituram Capelle in Loco
„ Metà , videlicet in Mercato fundate , de Altario Beati Vi-
„ ctoris suscepit , juramento firmaverunt . His ita peractis ,
„ tot evidentibus atque perspicuis sultis rationibus , sepe no-
„ minatam Capellam ad jus & dominium predicti Monasterii
„ ex integro pertinere diffinitivà decrevimus Sententià , &
„ ut inibi Sacerdotes , qui Divina celebrent Officia , & spi-
„ ritualiter populum regant atque gubernent , Abbatissa que
„ pro tempore fuerit , suà ponat autoritate unumquemque
„ voluerit ; jure concedimus perpetuo . Actum est hoc se-
„ liciter a Domino Robaldo , Dei gratia Mediolanensi Ar-
„ chiepiscopo in Mediolanensi Palatio , Anno ab Incarnatione
„ Jesu Christi millesimo centesimo trigesimo octavo , Indi-
„ ctione secunda , Mense Decembris . Ex hac autem Sen-
„ tentia predictus Archiepiscopus duo Privilegia uno tenore
„ componi , & suo insigniri precepit sigillo , & in utrif-
„ que propria manu subscripsit .

„ ✠ Ego Robaldus Dei gratia Mediolanensis Archiepisco-
„ pus subscripsi , & affirmavi .

„ Ego Tedaldus Archipresbyter interfui & subscripsi .

„ Ego Landulfus Presbyter subscripsi .

M m

„ Ego

- „ Ego Wido Presbyter subscripsi .
 „ Ego Amizo Archidiaconus subscripsi .
 „ Ego Adelardus Subdiaconus interfui & subscripsi .
 „ Ego Walterius Subdiaconus interfui & subscripsi .
 „ Ego Anselmus Diaconus interfui & subscripsi .
 „ Ego Jordanus Subdiaconus interfui & subscripsi .
 „ Ego Obitius Subdiaconus interfui & subscripsi .
 „ Ego Ardericus Cimiteria & Vicedominus subscripsi .
 „ Ego Berengarius Diaconus interfui & subscripsi .
 „ Ego Wifredus Presbyter subscripsi .
 „ Ego Nazarius Presbyter ac Primicerius interfui &
 „ subscripsi .
 „ Ego Stephanus Archipresbyter subscripsi .
 „ Ego Galdinus Cancellarius a me dictata subscripsi .

Neque in hac Urbe tantum ac Diocesi Pastorale desiderium, quo intendebatur ad procurandam inter Oves suas sinceram & pacificam animorum consensionem, palam fecit Robaldus: Etiam ad Mediolanensis Provinciae Greges paterni sui amoris curam extendit. Lis acerrima fervebat inter Canonicos Sancti Vincentii, & Sancti Alexandri Urbis Bergomatis de quibusdam juribus Ecclesie unius in alteram, quæ invicem utraque prætendebat. Controversias hasce componere visus fuerat Innocentius II. Summus Pontifex; dato Pisis Diplomate ad Petrum Præpositum & Canonicos Sancti Alexandri Anno MCXXXV., aliisque tribus Epistolis ad Gregorium Episcopum Bergomensensem directis. Verum cum exasperati Canonicoz animi minimè acquievisset Pontificiæ Sententiæ, & devoluta tandem fuisset Causa ad Archiepiscopum

scopum Mediolanensem Robaldum, Archipræsul noster cunctas lites diremit, & capita omnia ejusdem Causæ, singulatim discussa, usq̃ cum Ecclesiæ Mediolanensis Fratrum suorum ac Legislatorum consilio, definiit atque composuit, expedito Diplomate ad Albertum Archipresbyterum & Canonicos Sancti Vincentii Urbis illius Anno MCXLI., Prædie Nonas Augusti, cujus rei per Epistolam conscium fecit Gregorium Ecclesiæ Bergomensis Antistitem. Nonnulla in hisce Diplomatisprehendimus ibidem in usu posita, quæ tunc in nostra quoque Mediolanensi Ecclesia vigeant, nempe mutatio Ecclesiarum statibus temporibus cum *Arce* delatione, & pertractio Pœnitentium in Ecclesiam, die Cœnæ Domini; de quibus sermo erit, cum publici juris fient Commentaria Rigas Ambrosiani.

Eodem quoque desiderio pacis se inflammatum ostendit Robaldus, auctoritate sua compescens injusta dissidia, ab Episcopo Derthonensi Gulielmo excitata. Prætendebat olim Petrus hujus Prædecessor dominium Cœnobiorum de Præcipiano & Lavianone, contra Laudensem Episcopum Ardericum; iste verb Causam ad Olrici Archiepiscopi Mediolanensis Tribunal deferens, favorem sententiam obtinuerat Anno MCXXV., quemadmodum in Olrici Vita retulimus. Effluxere quatuordecim anni a lata Sententia, quin Episcopi Laudenses ejusdem fructu fruerentur, possessione jurium controversorum apud Derthonensem Ecclesiam remanente. Quamobrem Joannes Episcopus Laudensis electus Anno MCXXXIX. querelas suas armavit coram Robaldo Metropolitano Archiepiscopo, ut Gulielmus Derthonensis Antistes sese

abdicaret a possessione jam memorata, in damnum Laudensis Ecclesiæ hactenus retenta. Robaldus compatiens Laudensæ Præfuli, in iudicium vocavit Gulielmum Derthonensem; at iute conscientia sua tactus inducias quæsit, quas benignè Mediolanensis Archiepiscopus indulxit. Verùm tentante illo, Sententiam subterfugere, in contumaciam obstinati Antistitis, assentientibus Metropolitanæ Canonici & Iudicibus, confirmavit Robaldus Decretum Olrici, iussitque ut Derthonensis Episcopus integram possessionem proprio Domino redderet; quinimo omnes etiam fructus, qui post promulgationem primæ Sententiæ Olrici Archiepiscopi quocumque modo ipsi obvenissent, absque mora restitueret. Actum hoc est in Palatio Mediolanensi, Anno MCXL., Mense Januario, Indictione tertia. Refertur integrum Documentum ab Ughello in Episcopis Laudensibus num. XXIII.

Regimen Ambrosianæ Sedis produxit Robaldus usque ad Annum MCXLV., quo e vivis ereptus est, die XXX. Decembris. Hanc Epocham fiximus morti prædicti Archipræfulis, contra Puricellum & Ughellum, qui præcedentem Annum signant, multòque magis contra Sigonium, qui bienio etiam ante eum vitâ functum tradit. Ad id nos cogit tempus electionis ejusdem, nempe Annus MCXXXV., XXIX. Julii, & spatium annorum X. mensium IV. dierum XXVI. Sedis, adnotatum in antiquissimo Catalogo Ecclesiæ Metropolitanæ; initis namque calculis clarè patet, Robaldi obitum anno & mense prædictis contigisse: Dies autem, qui supersunt computo, tribuendi sunt moræ post electionem, ob expectandum Innocentii II. Placitum pro tollendo obstaculo

culo Episcopatus Albenſis, a quo transferendus erat ad Mediolanenſem, ut canonica declararetur Electio.

ſepultus eſt in Eccleſia Hyemali, juxta ſuggeſtum, ut tradunt veruſti Catalogi.

Prætere non poſſumus egregium Caritatis Opus, a Robaldo inſtitutum, quod in ejusdem præconium inſeruit Galeſinius *Tabula ſua Mediolanenſium Antiquum*, videlicet Hoſpitaſes *Ædes Brolii* a Gothofredo Cive extruendas ipſum curaviſſe: Cùm tamen nullo alio teſtimonio aut Documento id firmatum viderimus, hoc tantum innuere in illius fide oportu- num duximus.

Sequens Diploma, ex Archivo Cœnobii Monachorum Sancti Ambroſii Mediolani deſumptum, utpote anno carens, & in Archiepiſcopi hujus noſtri laudem vergens, poſtremo hoc loco ſubjungimus.

✚ „ In Nomine Patris, & Filii, & Spiritus Sancti,
„ Amen. Sicut Apoſtolo docente didicimus, quod non tan-
„ tummodo malè agentes, ſed etiam illis conſentientes, digni
„ ſint morte; ita ratione dictante cognoviſimus, quod non
„ ſolum bene operantes, verum etiam eos conſolantes, at-
„ que in bonis operibus confirmantes, digni æterna remu-
„ natione permaneant. Hujus itaque argumenti inventionem
„ ſuffultus Ego Robaldus Dei gratia Sanctæ Mediolanenſis
„ Eccleſiæ Archiepiſcopus, dilecti Fratris noſtri Petri, Cella-
„ nenſis Epilcopi bonam voluntatem approbo, atque ejus
„ bona opera abſque ulla dubitatione confirmo. Unde tam
„ ego, quam omnium noſtrorum Ordinariorum Conventus,
„ ad honorem Dei & Beatæ Mariæ, necnon Confeſſoris
„ Chri-

„ Christi Ambrosii, Ecclesiam construendi, atque regularem
„ Canonicam ordinandi in Loco, qui dicitur Domergascus,
„ cum veræ caritatis affectu ei licentiam damus: Ei tamen
„ conditione, ut in eodem Loco Ambrosianum Officium ce-
„ lebretrur. Quidquid vero ad hoc Opus peragendum sive
„ retinendum præfato Episcopo, vel sibi adhærentibus aut
„ ei succedentibus, bonorum Virorum donatione aut iusta
„ emptione collatum est, vel erit, sive Loco illi modis
„ omnibus iuste fuerit acquisitum, auctoritate Dei & no-
„ stra, sine ulla ambiguitate firmamus. Ipsum autem Lo-
„ cum, omnesque in eo habitantes & quidquid ad eum per-
„ tinet vel pertinebit, per Dei gratiam, & Beati Am-
„ brosii merita defendere atque manutenere modis omnibus
„ pollicemur. Si quis igitur, quod absit, præfatum Lo-
„ cum, aut ejus habitatores in aliquo disturbare voluerit,
„ Dei inimicitias & nostras sine dubio incurere se cogno-
„ scat; unde in futuro Divinum judicium, in præsentem vero
„ nostrum sollicitè pertimescat. Quisquis autem eum, vel in
„ eo habitantes, pro Dei amore, & sui Confessoris Am-
„ brosii honore manutenebit, & hic nostra benedictione,
„ & in futuro Divina retributione proculdubio non carebit.
„ Tantâ enim affectione simul & devotione sæpèdictum Lo-
„ cum amplectimur, ut quæcumque in eum fiant, in nos
„ fieri computemus; quippe præter Deum & Beatum Am-
„ brosium, nullum alium defensorem requirit. Volumus ita-
„ que, firmiterque istud atque præcipuè confirmamus, ut
„ ab omni subjectione sive conditione tam Rosiatensis Ec-
„ clesiæ, quam omnium aliarum liber in æternum perma-
„ near.

„ neat. Præterea statim, quatenus Ecclesiæ & Altarium.
„ consecratio, necnon Clericorum in eodem Loco degentium
„ ad Sacros Ordines promotio, ad solum spectent Ambro-
„ sianum Pontificem. Præpositus vero præfati Loci ad Ge-
„ neralem Synodum vel Capitulum, a Sancta Mediolanensi
„ Ecclesia convocatus, venire nullatenus prætermittat. Sæpe-
„ nominati autem Loci benefactores sive Coadiutores Omni-
„ potens Dominus benedicat, qui in Trinitate perfecta sine
„ fine vivit & regnat. Amen. Item Præpositus in eodem
„ Loco, a suis Fratribus canonicè electus, Mediolanensi
„ Archiepiscopo ad confirmandum præsentetur.

„ ✚ Ego Robaldus Dei gratia Mediolanensis Archiepi-
„ scopus subscripsi.

„ Ego Tedaldus Archipresbyter subscripsi.

„ Ego Landulfus Presbyter subscripsi.

„ Ego Amizo Archidiaconus subscripsi.

„ Ego Berengarius Diaconus subscripsi.

„ Ego Adelardus Diaconus subscripsi.

„ Ego Obitius Subdiaconus subscripsi.

„ Ego Odo Notarius subscripsi.

„ Ego Nazarius Presbyter & Primicerius subscripsi.

„ Ego Oprandus Camerarius subscripsi.

„ Ego Ardericus Notarius subscripsi.

„ Ego Galdinus Cancellarius subscripsi.

Extat in calce Sigillum in cera rubra, in quo cernitur
impressa effigies Sancti Ambrosii.

Cùm Episcopatus Celanensis ignotus sit omnibus Cata-
logis Italiæ Sacræ, ab Ughello digestæ, ejusque memoriâ
careant

careant Romanæ Curia, ut vocant, Regesta, ad quæ sedulo exploranda Amicorum, antiquitatis studio & peritiâ insignium diligentiam sollicitavimus; neque ambigi possit de sinceritate ac fide archetypæ hujus Pergamænæ, in memorato Sancti Ambrosii Mediolani Tabulario asservatæ, & a nobis diligenter inspectæ, conjecturis agendum esse censemus, ut dignoscatur, cur Episcopus iste (ubicumque tandem Celenensis Ecclesia locata fuerit) curaverit, ut construeretur Ecclesia & Canonica Regularis in Loco Domergasco Diœcesis Mediolanensis. Itaque opinamur, hunc Petrum Præsulem fuisse natione Mediolanensem, atque paterna prædia ibidem possedisse; utque testaretur peculiarem, qua servebat erga Deum, Beatissimam Virginem, ac Sanctum Ambrosium, religionem publico aliquo atque perenni monumento, juris sui Bonæ in Sacris istis Ædificiis erigendis ac conservandis impendisse. Certè Vicus Domergascus, sive, ut corrupto vocabulo nunc appellatur *Domergasco* subiacebat Ecclesiæ Rosiatensi, in præsentiarum *de Rosate*, a qua parùm distat: Robaldus autem Archiepiscopus ab omni Rosiatensis seu alterius Ecclesiæ jurisdictione, Ecclesiam & Collegium illud exemit, adjectis conditionibus, ad Dignitatis Archiepiscopalis decus, & Ritum Ambrosianum, per universam Diœcesim in Regularibus etiam Claustris vigentem, omnimodè retinendum.

OBER-

O B E R T U S I.



Post viginti tres dies Sedis vacantis, Obertus, seu Ubertus, ex Capitaneis de Pirovano, Robaldo successit die XXII. Januarii Anni MCXLVI. Obierat Lotharius Imperator, ut diximus, Anno MCXXXVII, quemadmodum Struvius in *Historia Germaniae* plurimum Scriptorum testimonio confirmat; eique in Comitibus Confluentia, Oppidi Galliae, celebratis substitutus fuerat Conradus II., olim rebellis & Schismaticus, tunc vero legitime electus. Hunc Augustum Principem, quem Anselmus V. Archiepiscopus, Mediolani & Modoëtiæ Regio ferro præcinxerat, atque ob id Pontificio anathemate, unâ cum Civitate Mediolanensi percussus fuerat, iterum eadem Coronâ redimitum fuisse utrobique a Robaldo, seu ab Oberto tradidere Scriptores nostri, quos enumerat Puricellus in *Monum. Basil. Ambros.*, num. CD., atque inter eos etiam Calchus ad Annum MCXXXVIII. Attamen commentum hoc esse Vir ille antiquitatis peritissimus scribit; & merito. Cum enim memoratus Imperator pluribus in Germania excitatis tumultibus aliò distineretur, Rogerio invasore Siciliæ instigante, ne Conradus Siciliæ Regnum recuperaret, quemadmodum tradit Andreas Presbyter in *Chronico Brvaria*, minime potuit in Italiam validâ militum manu sese conferre. Scribit sane Sigonius ad Annum MCLII., *Conradum Coronæ accipienda, Apuliam recuperanda, & Lombardiâ non tam componenda*

da quam comprimendæ studio inflammatum jurasse, se pro-
pedem cum exercitu in Italiam trajecturum; verum eodem
Anno (idest MCLII.) repentino morbo oppressum, non sine
veneni suspitione, a Medicis inducti Rogerii dati, XV. Calen-
dai Martii vitâ cessisse.

Inter primas hujus Archiepiscopi nostri curas ea fuit,
 ut ad preces Abbatis & Monachorum Ordinis Sancti Bene-
 dicti, in Cœnobio Sancti Simpliciani degentium, Diploma
 confirmationis omnium Bonorum, quæ tunc illi possidebant,
 expediret; quod etiam peregit Anno Dominicæ Incarnationis
 millésimo centésimo quadragésimo septimo, mense Januarii,
 Indictione decima. Subscriptus est huic Chartæ Obertus ipse
 Archiepiscopus, unâ cum aliis Collegii Ordinariorum Me-
 tropolitanz, & Galdino Diacono ac Cancellario: Authentici-
 cam autem ejusdem Exemplum, jussu Ottonis Archiepiscopi
 Mediolanensis editum a Rodulpho Notario Mediolani Anno
 MCCXCIV., tertio exeunte Januario Indictione septima, ser-
 vatur in Archivo memorati Monachorum Cœnobii.

Biennio post electionem suam Obertus in favorem quo-
 que Monachorum Sancti Ambrosii Mediolani confirmationem
 indulgit omnium Privilegiorum, quæ a prima istius Cœnobii
 origine, concessione Pontificum, largitione Regum vel Princi-
 pum, oblatione Fideiium, seu aliis justis modis adepti erant.
 Extat hoc Documentum in Archivo eorundem Monacho-
 rum, ab Ughello jam vulgatum. Sedavit etiam animos in-
 vicem dividentes Præpositorum Ecclesiis Sancti Eustorgii (quæ
 nondum Sancti Dominici Alumnis cesserat) & Sancti Lau-
 rentii, controversias eorum definiens, quæ utrumque Capito-
 nico-

nicorum Collegium diu vexaverant; datâ Sententiâ in Palatio Mediolanensi, Anno Dominicæ Incarnationis MCLII, mense Januarii, Indictione quintadecima, cujus exemplar authenticum inspexit Puricellus in Archivo Basilicæ Sancti Laurentii.

Alteram Sententiam protulit Obertus Mediolanensis Ecclesiæ Archiepiscopus in controversia de electione Parochi Ecclesiæ Sanctæ Mariæ ad Circum nuncupatæ, inter vicinos ejusdem Ecclesiæ, & Abbatissam Monasterii Majoris. Illi enim prætendebant, proprii juris esse electionem Parochi memorati; contra verò Abbatissa antiqua jura sua in eam Ecclesiam, & consuetudinem in illos armabat. Obertus autem, cum prædictos Vicinos, judicium detrectantes, videret etiam post datas inducias, eorum petitionem in contumacia damnavit, latâ in favorem memoratæ Abbatissæ Sententiâ, cujus Exemplar Clariss. Muratorius intulit in Tomum V. *Antiquit. Ital. Med. Ævi*, colum. DLXV. Actum est hoc Placitum Anno Dominicæ Incarnationis, MCXLVIII, mense Julii, Indictione undecima, subscriptusque est ipse Obertus Archiepiscopus, unâ cum aliis Canonicis Metropolitanæ Basilicæ, sigillo etiam Archiepiscopali Chartam hanc muniri jubens. Certè in hodiernum usque diem Monasterii Majoris Abbatissa in hoc jure perseveravit, nutu suo eligens Parochum, qui Sanctæ Mariæ ad Circum Ecclesiæ, est pro tempore instituendus. Jam itaque Chartam ipsam subjicimus.

„ Obertus Dei gratia Sanctæ Mediolanensis Ecclesiæ Archiepiscopus. Dilectæ in Christo filiæ Margaritæ Monasterii Majoris Abbatissæ, ejusque Sorogibus salutem. Scriptum est: *si verè usque justitiam loquimini, rectè judicate filii*

„hominum, & alibi: *Beati qui custodiunt iudicium, & faciunt iustitiam in omni tempore.* His itaque auctoritatibus
„communici, discordiæ inter Abbatissam Majoris Monasterii,
„Vicinosque Ecclesiæ Beatæ Mariæ, quæ dicitur *ad Circum-*
„*lan,* diutius agitatæ debitum studuimus imponere finem.
„Controversia autem hæc erat: Prænominati liquidem Vicini,
„quod de jure sibi competeret Sacerdotem vel Clericum,
„qui illi Ecclesiæ Beatæ Mariæ deserviret, petere
„vel eligere, & ipsam electionem solummodo Domino Archiepiscopo, & nullatenus Abbatissæ representare, ut ab
„eo confirmaretur, asserere nitebantur. Adversa autem pars
„eorum refellens intentionem, prænominatam Beatæ Mariæ
„Ecclesiam ad jus & dominium jam dictæ Abbatissæ ejusque
„Sororum spectare, ita quod inibi Sacerdotes vel Clericos
„inconsultis Vicinis liberè & sine eorum contradictione
„ponere possit & debeat, pluribus inductis rationibus allegabat.
„Nos itaque hanc litem dirimere, & cuique jus suum
„servare volentes, utrique Parti terminum præfiximus;
„ad quem prædicti Vicini ante nos venientes, & adversam
„partem nullatenus rationabiliter improbantes, a tramite veritatis deviantes,
„in suis defecerunt petitionibus. Quibus propterea uti ad plenum,
„si quam in hac Causa iustitiam haberent, dignosceremus,
„eisdem alias quasi ex abundantia delimus inducias.
„Ipsi verò tamquam Dei iustitiâ dissidentes, nostrum subterfugiendo iudicium, per contumaciam
„se absentaverunt. Abbatissa autem tamquam innocens, &
„ut absolveretur ad iudicium properans ad nos venit; parata
„nostræ obedire Sententiæ. Communicato itaque cum
„Fra-

„ Fratribus nostris consilio , cum scriptum sit , quodd *absentes*
„ *per contumaciam* , ut *nihil de sua lucrentur contumacia* , tam-
„ *quam presentes judicentur* , Galdino Cancellario nostro , uti
„ hanc promulgaret Sententiam injunximus . Qui nostro parens
„ mandato inquit . Si Abbatisa Majoris Monasterii per Advo-
„ catum suum jramento prestito affirmaverit , quod Ecclesia
„ Beatæ Mariæ , quæ dicitur *ad Circulum* , sua sit , ita quod
„ in ipsa Ecclesia Sacerdotes vel Clericos , qui in Ecclesia illa
„ Divina celebrent Officia sine consilio prefatorum Vicinorum
„ vel consensu , ponere , collocare possit & debeat , amodo Ec-
„ clesia illa in dominio & potestate illius Abbatisæ & aliarum ,
„ quæ pro tempore fuerint in Monasterio illo , perpetuo jure
„ permaneat , eandemque sicuti Ecclesiam suam de cetero dis-
„ ponat & ordinet . Ibique sæpeditæ Abbatisæ Advocatus ,
„ Obizo nomine , sicut in Sententia fuerat promulgatum , jura-
„ mento firmavit . Insper etiam Guilielmus Cacainarca , & Am-
„ brosius Greppus , Scutolinus Butraffus de suprascripta Ecclesia
„ in nostra manu per se , & per alios Vicinos finem fecerant ,
„ & nos eam vice sæpenominatæ Abbatisæ suscepimus . Actum
„ est hoc , Anno Dominicæ Incarnationis millesimo centesimo
„ quadragésimo octavo , mense Julii , Indictione undecima .

„ Ego Obertus Archiepiscopus subscripsi .

„ Ego Tedaldus Archipresbyter subscripsi .

„ Ego Anselmus indignus Diaconus interfui & subscripsi .

„ Ego Willielmus Diaconus subscripsi .

„ Ego Jordanns Diaconus subscripsi .

Solicitudinem quoque suam protendit Obertus ad com-
ponendos animos Antistitem Mediolanensis Provinciæ . Cum
enim

enim ferveret diffidium inter Obertum Cremonensem, & Girardum Bergomensem Episcopos, sagacitate sua & consilio apud Legatum Apostolicum Guidonem de Summo, Sanctæ Romanæ Ecclesiæ Presbyterum Cardinalem ita omnia disposuit, ut discordia diutius vicens de medio tolleretur. Data est Sententia in *Palatio Mediolani*; *Anno Dominicæ Incarnationis MCXLVIII., IV. Idus Octobris, Indictione XII.* eamque eruit ex *Regeſto Cremonensis Episcopii Franciscus Antonius Zacharias, Societatis Jesu, in laudatissimo suo Opere Cremonensium Episcoporum Series*, pag. CXX.

Præ ceteris tamen Pastoralis erga gregem amoris exemplis, quibus regimen suum illustravit Obertus Archiepiscopus, insigne admodum ac laude dignissimum illud fuit, inducendi in Collegium Canonicorum Metropolitanæ Basilicæ, communis vitæ Institutum. Nemini ignotum est, post felices annos Ecclesiæ nascentis, cum scilicet non tam Bonæ Christifidelium communia tunc forent, sed etiam ob fraternæ caritatis vinculum, unum in ipsis cor esset & anima, inceptiſſe fervidam hanc Societatem, ac prorsus decidisse. Seculo IV. jacta sunt in Italia fundamenta, ad hanc religiosam vivendi normam saltem inter Clericos renovandam; primusque fuit Sanctus Eusebius, qui vitæ communis methodum Clero suo Vercellensi insinuarer perficeretque, quemadmodum ex Sermionibus Sancti Maximi Taurinensis Episcopi, iis temporibus sermone æqualis; optimè etiam Clariſſ. Muratorius Tom. V. *Antiquit. Ital. Mediæ Aevi*, Dissertatione LXII. Sanè hac in re Sanctus Eusebius laudatores plures habuit, quàm imitatores. Octavo Seculo non tam reviviscere

ceſſit

cœpit præclarum hoc Institutum; sed etiam Episcopus Metensis Chrodogangus Regulam hujusmodi Clericorum in commune viventium conscripsit; eamque postmodum Concilium Moguntinense, Anno DCCCXIII. coactum approbavit simul atque laudavit. In Italiam quoque sensum penetravit ista vivendi norma; pluraque instituta sunt Collegia Clericorum eodem Seculo, teste memorato Muratorio, qui Diplomata plura, ad eam statuendam in Italicis Ecclesiis data ibidem recenset. Extat in Labbeo Tom. VIII. *Conciliorum* Decretum Eugenii II. Summi Pontificis, prolatum in Synodo Romana, habita Anno DCCCXXVI., quod sic jacet: *Necessaria res existit, ut juxta Ecclesiam Claustra constituantur, in quibus Clerici disciplinis Ecclesiasticis vacent: Itaque omnibus unum sit Refectorium, ac Dormitorium &c.* Non segnis fuit Mediolanensis Metropolis ad hoc vitæ genus insignioribus Ecclesiis admittendum; Seculo namque decimo in iis vigeat Ordo Præpositi, & Canonicorum, ut fusiùs narravimus in *Dissertatione historica, ad vindicandam veritatem &c.* Cap. II., & XIV. In Metropolitano Templo Jordanus Mediolanensis Archiepiscopus (ut superius innuimus) datis Literis Anno MCKVI., potestatem Decumanis Ecclesiæ Majoris fecit, ut *Altari Sancti Blasii uterentur, ad Sacra peragenda in communi vita degentes*; Primariùs tamen Clerus nondum eo tempore leges huiusmodi amplexus fuerat. Reservata est Oberto huic Archiepiscopo laus redigendi in unum reditus omnes Collegii Ordinariorum Mediolanensium, ut simul degere possent, more in aliis Ecclesiis jam instituto. Supplex itaque per Literas ad Eugenium III. Pontificem Maximum petrexit, qui, expedito Diploma-

plomate Anno MCXLIX, Oberti propositum summopere commendavit, eique auctoritate Apostolica indulſit, ut reditus omnes ac proventus Metropolitana Ecclesia ad communem vitam Canonicorum, qui in loco ipſo pro tempore morabuntur, in unum colligeret, ac ſcripto Privilegio confirmavit; præcipiens, ut ea quæ ad ſervandam communem vitam adhuc deerant, quantociùs complerentur, videlicet, *ut in uno Refectorio comederent, atque in uno Dormitorio dormirent*. Quid ſubinde actum ſit, Hiſtoriæ noſtræ non memorant. Certè Sanctus Carolus Borromeus, huiusmodi exemplo commotus, niſi omni curavit, ut hoc Inſtitutum in Metropolitanò Collegio reſtitueretur; ſed in irritum, ob ſubnaſcentes difficultates, religioſiſſima ejuſdem vota ceſſere, quemadmodum narrat Gluſſianus in *ejuſ Vita* Libr. V. Cap. II.

In Tabulario Inſignis Baſilicæ Canonicorum Sancti Georgii, in *Palatio* appellati, aſſervatur Charta Placiti, ab Oberto lati, in Controverſia, quæ tunc vertebat inter Guiſfredum Præpoſitum atque Canonicos, & Joannem Diaconum ejuſdem Eccleſiæ, Superſtantis munere fungentem. Eam, cùm nondum lucem viderit, & manu propriâ Oberti ſignata ſit, integram vulgare, non incongruum exiſtimamus.

„ **P** In Nomine Sancte & Individue Trinitatis. Recordatio Sententie, que data eſt a Domino Oberto, Sancte Mediolanenſis Eccleſiæ Archiepiſcopo, ſuper Controverſia, que erat inter Guiſfredum Canonicum Beati Georgii Præpoſitum ejuſque, Fratres, & ex altera parte Johannem, qui dicitur Saracenus,
 &

„ & est ipsius Ecclesie Diaconus & Superstans. Controversia
„ autem hec erat. Conquerabatur siquidem Prepositus, quod
„ prefatus Johannes Superstans, ipsius Ecclesie Cimiterium,
„ quod ei non licet, nam ipsius Cimiterii dispositio seu or-
„ dinatio ad Prepositum ejusque Fratres, liquidò spectare di-
„ noscitur, usurpaverat, & ut Domus quam in eodem Ci-
„ miterio quidam Superstans, ut dicebatur, hedicaverat,
„ quia prestat impedimentum, destrueretur, & ostium alte-
„ rius Domus Superstantie, quod ad ipsum vergit Cimate-
„ rium, clauderetur, intendebat. Econtra prescriptus Johan-
„ nes, quoniam, ut cujusque Ecclesie Superstans, de Ec-
„ clesia est, se licite Cimiterium posse tenere dicebat, nec
„ Domus destruenda, nec ostium claudendum est, quoniam
„ tam ego, quam Predecessores mei per XL. annos & eo
„ amplius hec omnia quiete possideo. Insuper dispositionem
„ sepulcrorum, que in sepedicto Cimiterio sunt, de quibus
„ Prepositus conquestus fuerat, ad se, non ad Prepositum,
„ pertinere dicebat. Vixit itaque hinc inde rationibus & ar-
„ gumentis Venerabilis Dominus Archiepiscopus, communica-
„ to cum Fratribus suis consilio, hanc promulgavit Senten-
„ tiam, inquit. Ostium, de quo dictum est, muro elau-
„ datur, domus destruat, & ut Cimiterium usque ad . . .
„ pedes, ut Canones dicant, liberum, & sepulture de ce-
„ tero in potestate . . . dispositione Prepositi & Canonico-
„ rum consistant, precepit.

„ Data est hec Sententia a Domino Oberto, Sancte Me-
„ diolanensis Ecclesie Archiepiscopo Anno millesimo centesimo
„ quinquagesimo tertio, mense Augusto, Indicione prima.

„✠ Ego Obertus Archiepiscopus subscripsi :

Alterius Sententiæ Documentum typis edidit ibidem Ughellus, in Controversia, quæ agitabatur inter Canonicos Ecclesiæ & Plebis Sancti Victoris de Casolate (vulgò *Casorate*), atque Abbatem Monasterii Morimundi, constituti prope Coronagam, super XVII agrorum possessionem, quam utraque Pars sui juris esse venditabat. Illam serîo examine Testium, coram Arnaldo de Ludiglo Assessore suo & Iudice productorum, idem Archiepiscopus definivit, Abbatem & Monasterium de Morimundo a petitione Canonicorum seu Plebis absolvens. Data hæc est Anno Dominicæ Incarnationis MCLIV; V. Calendas Martias, Indictione II., & subscripta ab Oberto Archiepiscopo.

Quanto ardore serveret Archipræsul noster Obertus inferendi in omnes Sacras Familias pacem & quietem, manifestum quoque facit Sententia, quam Puricellus vulgavit in *Monum. Bisl. Ambros.* num. CDIX. Lata autem est Anno a Nativitate Domini MCLIV., cùm ab Incarnatione assignari deberet Anno superiori. Controversiam circa legitimam possessionem Hospitalis & Ecclesiæ dicatæ Sancto Michaëli, quam Fratres prædicti Hospitalis sibi debitam prætendebant, instituto iudicio & Testium examine Obertus diremit, in Monachos Sancti Ambrosii potiori jure illam referendam esse dijudicans. Clariss. Muratorius eandem Chartam refert Tom. H. *Antiquit. Ital. Mæd. Ævi*, colum. MCCLXIX.

Incidit Archiepiscopus iste in ea tempora, quibus a Frederico I. Imperatore renovatum est, acrius quàm ante, Schisma in Ecclesiam Romanam, & ferale excidium in Mediolanen-

lanensem Urbem, a crudeli eodem hoste illatum. Inauguratus fuerat Imperator Fridericus post mortem Conradi Patruj, Anno MCII. Elapso biennio in Italiam se contulit, idest Anno MCLIV. Sigonius, Puticellus, alique Mediolanenses Scriptores tradidere, Fridericum Regium Italiae Sertum tunc sumpsisse, e manu Oberti Archiepiscopi in Basilica Sancti Ambrosii. Sed nimiam fidem adhibuere Galvano Flammæ, qui *Historiam suam Comitem Angleria* Commentis infarcivit; Morena enim, qui præsens tunc erat, nihil de hoc refert; imo irâ fuisse inflammatum Fridericum contra Mediolanenses scribit, quod Sichertum Legatum suum, ad eos missum in favorem Laudensium, malè habuissent. Pagius verò ad hunc Annum, num. XII. & seqq. singillatim dicta Scriptorum refellens, ad fabulas proxis amandat prædictam Coronationem. Perrexit quidem Romam Fridericus, ubi ab Adriano IV. Summo Pontifice insignitus est Imperii Coronâ ac nomine Augusti, Anno eodem MCLIV., XIV. Calendas Julij; sed Italicum diadema minimè tunc recepit.

Liberalem etiam animum suum ostendit Obertus, præsertim circa Religiosos Viros, Sacra Deo litantes, & Ecclesiasticis Collegiis adscriptos. Siquidem Guifredo, & Canonicis Basilicæ Sancti Eustorgii jure perpetuo concessit *ordinationem, dispositionem, regimen, dominium, & investituram Superstantiæ ipsorum Ecclesiæ*. Chartam hujusce Donationis a se inspectam Puticellus loco laudato, num. CDXIV., & num. CDXXI. tradit, expeditam fuisse Anno Dominicæ Incarnationis MCLVI., mense Julij, Indictione quarta.

Superius innuimus, Sichertum Friderici Imperatoris Le-

gatum, missum e Germania ad Mediolanenses, ut pro Laudensibus peroraret, malè acceptum fuisse a Primoribus nostræ Urbis; imo exarsisse illos contra Laudenses, quod Fridericum adversus hanc Metropolim malo animo incendissent. Quapropter Anno MCLVII. Cives Laudæ Mediolanum accivere, ut juramento fidem suam firmarent, præstarentque sinceram Mediolanensibus obedientiam. Paruere mandato Laudenses, collectique in Palatio Oberti Archiepiscopi, se paratos exhibuerunt ad nutum Consulum & Primorum Urbis nostræ, excepto tamen juramento, ne juratam jampridem Imperatori fidem infringerent. Obertus idem miseratione commotus, cum eos pedibus suis jacentes stentisque conspiceret, enixè rogavit pro sua paterna pietate adstantes omnes Consules Primoresque Viros, ut aliquid indulgenter remitterent de injuncto præcepto: Sed frustra; ipsi enim cum valida militum manu Laudam petentes, eandem penitus exciderunt. Narrat hæc Otto Morena, qui tamen ubique se ipsum prodit, acerrimo livore in Cives nostros succensum, cujus in hoc uno tantùm facundus est calamus, ut exosos posteritati reddat Mediolanenses.

Delatum est ad aures Friderici I. Imperatoris ferale hoc nuncium excisæ Laudensis Urbis; quæmobrem irâ percitus vindictam in proximum Annum juravit, cum tunc temporis implicitus esset Germanicis bellis. Anno itaque MCLVIII. superatis Alpibus, in Campos Italiæ extremo mense Mayo cum suis copiis descendit, obsisâque primò Urbe Brixie, quæ cum Mediolanensibus fœdus inierat, eandem ad dedicationem coëgit. Extremi Cives nostri, ut imminentem jam
sibi

sibi bellicam procellam averterent, Principes Viros ad Fridericum mittere, ut illius iram pecuniâ aut gratiâ mulcerent. Sed incassum, cum potius Imperator magis exacerbatus, Mediolanenses declaraverit hostes. Nec mora: Mediolanum obsidione cinxit, validoque impetu munimenta perfregit. Obstitere quidem pro virili Cives nostri; sed cum effugia omnia salutis & libertatis auferri ac dirui viderent, pluresque eorum obstinatè usque ad extremum pugnare velent pro Patria, Guido Comes Blanderatensis, unus & ipse Mediolanensium Procerum, ut tradit Radevicus Frisingensis Libr. I. Cap. XL., prudenti solidaque adhortatione ostendit, amentis furiosique hominis esse, desperatè obniti contra hostem, mucrone jam faucibus insistentem. Orationem integram recitat Sigonius ad Annum MCLVIII. Quamobrem de petenda a Friderico pace consilium unanimes sunt amplexi; missisque ad Regem Boëmiae, & Ducem Austriæ Consulibus aliisque Civitatem moderantibus Optimatibus, ut benevolum redderent Fridericum, habitâ ab Augusto Principe securitate, ad illum supplices accessere primò Obertus Archiepiscopus cum Clero universo, prælatis Crucibus, ut tunc mos erat in Italia, dein Consules & Majores Civitatis, postremò turba omnis mulierum, & puerorum, clementiam implorantium. Excepit illos sereno vultu Fridericus, testatus se nonnisi invitum contra Clarissimam hanc Civitatem arma movisse. Verùm durissimis conditionibus, quas ex Radevico descripsit Sigonius, gratiam & benignum amorem suum supplicibus Civibus restituit, illosque liberos ad Urbem remisit. Processisse exinde Fridericum. Modestiam,

tiam, ibique Regni Italici. ferto ab Archiepiscopo nostro coronatum fuisse refert Continuator Ottonis Frisingensis Radevicus; silentibus tamen de hac re Ottone Morena, & Sire-Raul, in Urbe nostra tunc commorantibus. Statuit postmodum, Curiam habere in Roncaliis, ad repetenda Regalia, & Leges formandas: Idcirco convocatis omnibus Italiæ Principibus, necnon etiam Episcopis, eam aperuit die Festo Sancti Martini. Adfuit Archiepiscopus noster Obertus, qui nomine omnium Episcoporum ac Procerum eloquentissimè peroravit; eaque Oratio legitur Libr. II. Radevici *Hystoria*, Cap. IV. In hac autem cuncta jura, quæ hætenus possederant, Imperatoris arbitrio subscdere, Legesque ab ipso editas acceptarunt.

Decesserat ex hac vita Calendis Septembris Anni MCLIX. Adrianus IV. Pontifex Maximus, eique substitutus fuerat a juniori Cardinalium Cœtu Rolandus Cardinalis, Sanctæ Romanæ Ecclesiæ Cancellarius, sub nomine Alexandri III.; Octavianus autem pariter Cardinalis, Tituli Sanctæ Cæciliæ, a duobus tantum Collegiis suis electus, Pontificatum invasit. Huic ad hæsit Anobardus: Quapropter ab Alexandro III. legitimè in Sancti Petri Cathedra sedente tum Octavianus (Victor III., seu IV. ut alii volunt, appellatus) tum Fridericus ipse Imperator, Anagninæ Anno MCLX., sacro anathemate confixi fuere. Imo Literas ipse Pontifex ad Principes & Civitates dedit, necnon ad Episcopos, ut prædictos Schismaticos execrarentur. Præcipuè verò ad Mediolanenses Joannem Anagninum Cardinalem legavit. Is autem III. Calendis Martii unà cum Oberto Archiepiscopo suggestum.

Ma-

Majoris Ecclesiæ conscendens, Octavianum & Fridericum. Sacris interdixere; die verò XII. Martii eodem telo perculerunt ceteros Episcopos ac Proceres, qui Schisma fovebant. Fridericus indignatione exarsit contra Mediolanenses, non hac tantum de causa, sed multò magis, quòd Legatos suos Raynaldum Cancellarium, recenter Archiepiscopum Coloniensem electum, & Ottonem Palatinum Comitem de Bajoaria, Mediolanum missos, ut Prætorem & Consules nomine Imperatoris crearent, excitato in Urbe tumultu ab hac Metropoli expulissent. Ideo iterum castra movit, ut Mediolanum expugnaret. Non defuit paterno erga Oves suas & Patriam amor Obertus Archiepiscopus, qui (ut scripsit Sire-Raul, editus Tom. VI. *Scriptor. Italiae*, & præsens rebus quæ tunc agebantur) unà cum Milone Archipresbytero, Galdino Archidiacono, & Algiso Cimitiarcha hortatus est populum ex parte Dei Omnipotentis & Beati Ambrosii, ut viriliter ad bellum procederet; quin etiam collectis militibus ipsemet Varixium perrexit, & ad finitima Oppida Friderico addicta, ob tollenda Imperatori subsidia. Parùm tamen hæc omnia prudentiæ & strenuitatis consilia profuere; Fridericus enim Germanicis Italicisque copiis stipatus afflictam Civitatem diuturna obsidione, ferroque ac fame coëgit ad deditionem. Antequam tamen Mediolanenses se suasque opes ac liberos voluntati victoris offerrent, Obertus cum memoratis Milone, Galdino, Algiso (qui omnes unus post alium Ambrosianam Cathedralam conscenderunt) & aliis majoribus Ecclesiæ suæ Ministris Alexandro III. militantibus, Genuam se contulit ad eandem Summum

Pon-

Pontificem, qui illuc recenter appulerat. Interim Fridericus victoriâ relata superbiens, relegatis in Suburbia Civibus nostris, Urbem istam inimicis diruendam reliquit, eamque ingressus sub Quadragesimæ finem Anni MCLXII., benedictas Oleas de manu Abbatis Sancti Ambrosii, Schismati faventis, in ea Basilica more christiano recepit, cetero ejusdem Ecclesiæ Clero, ob præstitam Alexandro obedientiam, exilium libentissimè amplectente.

Auxit lacrymabilem calamitatem doloremque Civium ea insolentia, qua non tam Domibus, quàm Templis vastationem intulere effrænati Milites, pretiosumque Thesaurum, videlicet Corporum trium Sanctorum Magorum, qui Infantem Jesum in Bethlehemitico specu, flexo genu ac munera oblatione adoraverant, aliò transportavere; Raynaldus enim superius relatus, Archicancellarij Italiæ dignitate jam insignitus eadem Sacra pignora, Friderico assentiente, ad Coloniensem Urbem transmisit, unè cum aliis Sanctorum Reliquiis, veluti spolia e denudatis Altaribus evulsa, in crudelis triumpho memoriam. Hæc Sacra Corpora, utpote valdiflima Civitatis præsidia; religiosissimè asservata in: Templo Sancti Eustorgii extra mœnia erecto a pluribus antea Seculis, ne in manus cederent Ænobarbi, imminente obediōne, intra Urbem traduxerant Mediolanenses, atque in Turri Sacræ Ædis Sancto Georgio dicatæ collocaverant super Tabulam candidi marmoris, columellis pariter inarmoreis sustentam, quæ adhuc extat, & recognita fuit nuperrime a duobus Canonicis Ecclesiæ Colonienfis, ex ea Urbe Mediolanum profectis, tamquam omnino congruens antiquis Scripturis,

turis, quæ in eorundem Tabulario servantur. Solliciti semper fuisse Mediolanenses, ut si non integra pretiosissima hac pignora, saltem partes aliquas iterum in Ecclesiam nostram reducerent. Datæ propterea sunt non ad Colonienſes tantum, sed etiam ad Summum Pontificem aliosque Proceres Literæ a Ludovico Maria Sfortia Mediolani Duce Seculo XV., ac sequenti a Sancto Carolo Borromeo, & demum ab Eminentiss. Alphonſo Litta Archiepiscopo Mediolani; sed irritæ semper curæ, frustratoque nostrorum Civium desiderio, quemadmodum fusè narravimus in *Appendice ad Dissertationem pro vindicandis Mediolano Sanctorum Protasii & Gervasii Corporibus*, editâ in hac Urbe Anno MDCCXIX.

Verùm, ut insistamus venerandis Oberti Archiepiscopi nostri vestigiis, qui ad Alexandrum III. Genuæ degentem unâ cum Sociis confugerat, Historiam prosequimur. Non diu ibidem moram duxit Pontifex ille; sed in Galliam delatus comitem semper habuit Obertum nostrum, & Socios Mediolanenses in peregrinatione suscepta per eas Provincias, Concilia passim celebrans, quæ referr Labbeus. Ferme per quadriennium exulavere in Ecclesiis Gallicanis egregii isti Duces Fidei, & Schismatis oppugnatores, sicuti referr Anonymus Scriptor *Vita Sancti Galdini*, apud Bollandum, die XVIII. Aprilis, & Pagium ad Annum MCLXV., donec felicissimè in Italiam reversus Alexander Romam repertiir, plaudente populo festivis acclamationibus. Redux e Galliis Pontifex Maximus Messanam appulerat; inde verò rricemibus Gulielmi Regis Siciliæ transfretaverat mare, Salernum deductus, atque inde Romam. Verùm plerique Præfules, qui il-

lum comitabantur, pertæsi maritimum iter, ut tradit Sigonius ad Annum MCLXV., terrestrem viam aggressi in Beneventana Urbe confluxerant. Obertus autem exilio, ærumnis, & senio confectus, ibidem extremo correptus morbo vitam deposuit Anno MCLXVI., V. Calendas Aprilis.

Huic Sanctissimo Archiepiscopo non defuere calumniæ, ab ipsis Mediolanensibus in eandem illatæ. Galvaneus Flamma, quo tamquam Magistro etiam alii paginas suas infecerunt, is fuit qui foedissimum Commentum Scriptis suis inseruit; invehitur enim in Obertum, veluti hujus Metropolis proditorem, exilio etiam a Friderico ob id damnatum; subjungitque, memoratum Præfulem, cum se despectum atque exosum omnibus videret, jussisse, ut sibi mortuo præciderentur lingua manus & pedes; atque ita factum esse tradit: quo putido mendacio nihil detestabilius sub Sole audiri potest. Suscepit illius tutelam, justam sanè ac necessariam, Puricellus in *Monum. Basil. Ambros.* nam. CDLXXXIX., ne debita tanto Viro laus, apud infirma & imperita ingenia excideret ac deturparetur; sincerumque Scriptorum *Vita Sancti Galdini* testem adducit ita loquentem: *Contigit, ut Obertus Mediolanensis Archiepiscopus, Præcessor suus (Galdini) ad Dominum in pace migraret, omnibus relinquens exemplum, pro Fide & unitate Ecclesiæ se morti ac periculis dare, ac pro Domino caduram hanc & mortalem vitam ponere.* Pagius quoque ad Annum MCLXII. innocentiam Oberti tutatur, carpens nonnullos malè de eodem sentientes, præsertim Sigonium, qui Flammam sequi videtur, dum ait, urgente rabidissima fame tunc temporis Mediolani, accusa-

tum

tum fuisse Obertum passim a Civibus, *quasi ille bello tumere tanto causam dedisset, aut paci moram atque impedimentum afferret*. Hoc autem falsi omnino arguit narratio Morenz & Sire-Raul, famem istam & excidium Urbis minutim referentium. Subjungit verò idem Pagius, optimè se gessisse Obertum in iis tumultibus, nec alia de causa prætulisse voluntarium exilium amoris Patriæ, nisi quia Fridericus impensè faveret Pseudo-Pontifici, a quo ipse abhorrebat insensissimè.

Galesinius in *Tabula Synodali* refert, hunc Archiepiscopam sollicitam curam habuisse, ut excisa a Friderico hæc Metropolis restoreret; adeoque Pontidenſe Colloquium cum finitimis Urbium Primoribus indixisse, ut fœdus inirent, excussoque iugo servitutis gravissimæ, sese in pristinam libertatem assererent; atque eidem adituisse, ut ex Catalogo Archiepiscoporum Mediolanensium, inscripto *Successores Sancti Barnabæ*, in Oberti Vita relatum videmus. Error tamen hic est recentium Scriptorum, Obertum cum Sancto Galdino confundentium: quo verè in Mediolanensi Sede constituto Societas Langobardorum statuta fuit, & in antiquum decorem Mediolanensis Urbs restituta.

Sedit Obertus in Metropolitana Mediolanensi Cathedra, annis XX., mensibus II., & diebus VI., idest a die XXII. Januarii, Anni MCXLVI., ad XXVIII. Martii Anni MC-LXVI., Catalogis antiquis id adnotantibus.

Tumulum habuit Beneventi, in Ecclesia Sanctæ Sofiæ Ordinis Sancti Benedicti, dignis Exequiis summoque cum honore sepultus, Anonymo Scriptore *Vite Sancti Galdini* comvo, & paulo infra memorando, id referente.

SANCTUS GALDINUS.



LX nobili Valvafforum de Porta Orientali Stirpe, dictâ *de Sala*, progenitus Sanctus Gal-
dinus, cooptatus in Collegium Metropoli-
tanæ Mediolanensis Ecclesiæ, primò Sub-
diaconi & Cancellarii per diuturnum tem-
pus, dein Archidiaconi munere functus
fuit. Inascente autem Schismate, & Friderico Imperatore
arctissima obsidione excidium huic Metropoli minitante, comi-
tem O^xerto Archiepiscopo nostro se dedit, ut Alexandro III.
Summo Pontifici, cui semper fidus adhæserat, præsentia suâ
obsequium præstaret. Post varia cum ipso itinera in Galliis
suscepta per quadriennium, eundem persecutus est usque Sa-
lernum: Subinde Beneventum profectus Anno MCLXV. evo-
catus est Romam, ubi jam Alexander morabatur; eumque
ille promptè obsequutus fuisset Pontificiis mandatis, adscrip-
tus est Cardinalium Collegio, sub Titulo Sanctæ Sabinæ;
annoque sequenti mortem Oberti rescivit, non sine maximo
dolore, ut testatur Anonymus in ejus Vita, inquit: *Bea-
rus Galdinus tanto Patre orbatus, tantoque destitutus solatio,
multas pro carissimo Patre & Domino lacrymas fudit, me-
tuens, ne tanto Patre ex hac luce migrante Mediolanensis
periclisaretur Ecclesia, præsertim cum eo tempore Civitas di-
ruta jaceret, & populus sub jugo captivitatis & duræ ser-
vitutis detineretur.* Videant hîc Oberti osiores, an proditoris
titulo

titulo aliisque diſtictis ſupra relatıs denigranda ſit fama Saceri hujus Viri, quem tanti faciebat Sanctiſſimus Præſul Galdinus.

Non expectavit Alexander Pontifex Maximus diutınam moram temporis ad reſarciendam gravem hanc jaſturam Mediolanenſis Metropolis; ſed diſperſo in hiſce partibus Clero, Suffraganeis verò Epiſcopis ſerme omnibus Schiſmate infectis, Romæ collegit Algiſum Cimiliarcham, Galdinum Archidiaconum, & Milonem Archiprebyterum, ceteroſque Primores Eccleſiaſticos Viros, qui eum comitati fuerant, illique inſtantibus, Galdinum Virum ſanctiſſimum multiſque præditum virtutibus (ut loquitur Auctor illius Vitæ) ad preces Fratrum qui aderant, in Epiſcopum confecravit Domini cā II. poſt Paſcha, quæ tunc incidit in diem XVIII. Aprilis.

Puricellus in *Differt. Nazarian.* Cap. CVI. contendit, Galdinum Archiepiſcopum factum, deſiſſe Cardinalis Titulum uſurpare, atque in hoc ſeſe confirmat tum auctoritate Onufrii Panvinii, qui conſtanter aſſerit, iis temporibus Cardinales, Epiſcopos factos tamquam in altiori gradu conſtitutos non amplius fuiſſe appellatos eo Titulo, tum etiam ex Diplomatiſ iſtis Galdini, Mediolani datis, quæ ipſemet Puricellus reſert eum inſcripto nomine ſolummodo *Archiepiſcopi & Legati Apoſtolici*. Non adeò tamen firma eſt hæc Sententia, ut reſelli non poſſit; Edmundus namque Martene, Tom. III. *Theſauri Anecdotor.*, colum. MCCXXXV. recitat Diploma Alexandri III., cui octavo loco ſubſcriptus legitur: *Ego Galdinus Sanctæ Sabina Prebyter Cardinalis, & Archie-*

chiepiscopus Mediolanensis subscripsi. Alterum nos exemplum adduximus in Adnotationibus ad Cap. I. Landulphi de Sancto Paulo, Tom. V. *Rerum Italicarum* vulgati.

Interim Friderico Ænobarbo impensius semper Schisma, fovente, novoque Tyranno Paschali III., post mortem Victoris, in Sancti Petri Cathedram intruso, Lateranense Concilium celebratum est ab Alexandro Anno MCLXVII., in quo (ut scribit Joannes Saresberienus a Pagio relatus) *absulit ab eo etiam Regiam Dignitatem, ipsumque anathemate condemnavit &c.* Hoc Itali audito, ab eo discedentes *readificaverunt Mediolanum, Schismaticos expulerunt, Catholicos reduxerunt Episcopos, & Apostolicæ Sedi unanimiter adhaerunt.* Ad perficiendum opus Italo nomine & animo dignum, statutum est Cœnobium Pontidis in Agro Bergomate, ad quod confluere deberent Proceres Civitatum, quas enumerat Continuator Morenæ, ut fœdus juramento firmatum inirent, curarentque Mediolanum restituere in eam antiquæ fortitudinis & munimentorum gloriam, quæ reliquarum Italiæ Urbium defensionem contra hostes inserviret. Pacta autem sunt hæc fœdera VII. Idus Aprilis Anni MCLXVII., testibus Corio & Sigonio. Nec segnes fuere Mediolanenses excavandis Fossatis, refarciendis Domibus, muniendis Portis, quantum fieri poterat; donec missis ab unaquaque Civitatum fœderatarum Vexillis ac Legionibus, revocati sunt in Patriam Mediolanenses, per quinquennium exules, egestate ac ærumnis sæpe consumpti, eaque felicissima dies, fuit V. Calendas Maji, ejusdem Anni. Tunc (ut tradit Auctor Viræ Sancti Galdini) *fuit videre populum de Babylonica captivitate reduntem, Vi-*

ros præ gaudio flentes, parvulos & mulieres præ lætisia clamantes. Ferebantur voces in Cælum, festinabat quisque ad propria. Ne verò temporum iniquitate in oblivionem decideret insignis memoria restauratæ hujus Urbis, incisus marmore fuit Annus diesque, quo, licet obnitate furenteque Friderico præ ira atque odio, illustrior resurgere coepit excelsa Insulbrum Metropolis, in hæc verba:

ANNO DOMINICÆ INCARNATIONIS MILLESIMO
CENTESIMO SEXAGESIMO SEPTIMO
DIE JOVIS V. CALENDAS MAGII
MEDIOLANENSES INTRAVERUNT CIVITATEM.

Extat hic Lapis in fronte Portæ, quæ Romam ducit, amplificatis ad gloriæ incrementum, dirutis olim, mœniis, quæ arctioribus confiniis Urbem cingebant.

Galdinus Romæ adhuc degens, accepto hoc prospero faustoque nuncio, iter in hanc Metropolim illico maturavit, & munitus ab Alexandro III. Summo Pontifice Dignitate Legati Apostolici per universam Langobardiam, ingressus est die V. Septembris (non Decembris, ut Calchus malè adnotavit) iis exceptus gratulationibus, quæ tantæ sanctimoniz Præfulem & Patriæ Patrem decebant. Prima ejusdem sollicitudo fuit, injunctum sibi a Pontifice Maximo officium implere: Quamobrem ad Laudenses, & præsertim ad Albertum de Cazano Majoris illius Ecclesiæ Præpositum, Clerumque Diocesis, necnon & ad Consules, qui adhuc Schismate contaminati erant, delectos Nuncios misit, duos nempe Abates

bates Sancti Ambrosii, & Sancti Vincentii, Ordinis Sancti Benedicti, iis omnibus indicens, ut vel ejurarent Fridericum, & Paschalem Pseudo-Pontificem, aut Interdicto & Beneficiorum expoliationi illico subjacerent. Ancipites primò hæserunt Laudenses; meliori tamen accepto consilio, Galdini mandatis obtemperarunt, & deposito Alberico Merlino, Albertum Præpositum Ripæ altæ-siccæ in suum Antistitem elegerunt, quem ipse Archiepiscopus noster consecravit, maximo cum Diœcesis illius proventu; Albertus enim memoratus eximiis florens virtutibus, & miraculis decoratus in Sanctorum Album referri meruit. Plures alios Provinciæ suæ Episcopos sacro Chrismate inunxit Galdinus, cum eos, qui in sæce diuturni Schismatis sese pertinaciter volutaverant, Apostolicâ auctoritate e Sede Episcopali deturbasset, anathemate sacro perculiis, substitutis probatæ fidei ac vitæ Præsulibus. Seorsim eos refert Ughellus, collectim autem Gotesfridus Henschenius in *Analeis*, post *Vitam Sancti Galdini*, ad diem XVIII. Aprilis.

Quamvis in Germaniam fugam potius quàm iter arripisset Ænobarbus post sacrilegè dirutam incensamque Porticum Beati Petri in Romana Urbe, atque ideo iram Dei in se convertisset, sæviante per exercitum teterrima hæc, infesta nihilominus Schismatis radix in Papiensi solo, & ditione Marchionis Montisferrati Friderico adhærentium, identidem in Italiâ noxia germina emittebat, & florentem per saniores regiones obedientiam erga Catholicam Ecclesiam non tam inficere, quàm excindere nitebatur. Opportunum itaque censuerunt Rectores Civitatum, Alexandri Pontificis Maximi partibus mi-

militantium, a fundamentis erigere integram Urbem, quæ illas tueretur, & ingruentes Schismaticorum nilus contereret ac propulsaret; eamque in Summi illius Hierarchiæ reverentiam. *Alexandriæ* nomine decoravere Anno MCLXVIII. Neque inane fuit erectum hoc munimentum; irruente namque ad ejusdem obsidionem Friderico iterum in Italiam delato, & illius direptionem immisissis per subterraneos cuniculos militibus tentante, vigil custodia defensorum ad eò in omnes partes sese diffudit, ut astum hostilem intrus eluserit, simulque exterius repentinâ eruptione in Obsidentes impetum fecerit, eosque in fugam conjectos, longè recedere motis castris compulerit pudore suffusos. Ferunt nonnulli Scriptores, quos inter Cardinalis de Aragonia in *Vita Alexandri III.*, visum fuisse Beatum Petrum, cui dicata fuerat Civitas, Catholicis copiis præire, albo equo insidentem, ac inimicas acies coruscantibus armis concutere. Ad hoc propugnaculum construendum non tam consilio, quàm liberali ære opem tulisse Galdinum, haud dubium est. Id certè novimus, ejusdem precibus, necnon Provincialium Episcoporum & Consulum Mediolani impetratum, fuisse ab Alexandro III., ut Sedes Episcopalis institueretur in nova ea Urbe; quod etiam benignissimè indulxit Pontifex ille, designato in primum Antistitem Arduino Sanctæ Romanæ Ecclesiæ Subdiacono, inter Suffraganeos Mediolanensis Ecclesiæ Præsules numerando, & consecratione Galdini Archiepiscopi ad eam Dignitatem promovendo; licet intempestiva mors & eundem Arduinum, & Successorem rapuerit, antequam eis manus a nostro Antistite imponerentur.

Ad abstergendum autem squalorem miserrimè in ruinis jac-

Qq

centis

centis nostræ Metropolis animum, adjecit Sanctus Galdinus; teiste namque Auctore ejus Vitæ, *Archiepiscopale Palatium*, ab inimicis funditus diruptum, *longè excellentius miroque decore & ornatu reparavit*. Temerè oblatravit contra hunc Sanctum Antistitem Georgius Merula Libr. III. *Antiquitat. Vicecomit.*, in eum invidiam Mediolanensium congerens, ac si Circum & Theatrum, vetusta Romanæ magnificentiæ monumenta deleverit, ut *Ædificio suo materiem subministraret*. Sed insulam eam opinionem egregiè sugillat Petrus Paulus Bosca in *Pontificatu Gasparis Vicecomitis*, pag. LXXIX., auctoritate veterum Scriptorum, necnon Calchi & Alciati, insignium Patriæ Historicorum. Nec tantum curam suscepit Galdinus construendi Palatii; sed prædia etiam & Patrimonium Ecclesiæ, quod sæviente Ænobarbo in prædam rapinamque multorum datum fuerat, de faucibus eorum, qui illud deglutiverant, quantocius eripuit. Ecclesiæ quoque Majorem, cujus pars magni Papiensium odio corruerat, cum Turrim æris Campani nixæ pulchritudinis præcipitem agerent, ad Galdini exemplum Nobiles Matronæ reparavere; ductæ namque eâ religione, quæ semper floruit in sæmineo Mediolanensi Sexu, dividendis annulis, monilibus, aliisque muliebris mundi ornamentis, opes omnes contulere ad restituendam pristino decori atque opulentæ Sacram Ædem, Deiparæ Virgini dicatam: Sanctus verò Galdinus Legati Apostolici auctoritate Civitatem Papiæ Ecclesiastico Interdicto supposuit, donec XVIII. milia Florenorum persolveret, ob dirutam impio ausu Metropolitane Ecclesiæ celeberrimam Turrim; quod præstitum fuisse Corius aliique tradunt.

Lætitie amplitudinem quam conceperat Galdinus in adventu ad hanc Metropolim, ob restitutum Urbi suæ populum, acerbo mœrore confecit squalor Mediolanensium, qui a propriis latibus tamdiu exules, inedia & ærumnis fracti, in everfis Domibus vix hospitium nanciscebantur, victuque ac suppellectile orbari alterum ferme exilium in Patria perpeti cogebantur. Præcipuè verò Pastoralem ipsius animum tangebant cura Infirmorum, quibus nec annona, nec vires parando sibi necessario alimento ac commodo suppetebant. Consilium itaque cepit, quale expectari poterat ab amantissimo Patre, Divino spiritu pleno. Aderat in hac Metropoli Nosocomium appellatum *de Brolio*, prope Ecclesiam Sancti Protomartyris Stephani, cui Obertus claræ memoriæ Archiepiscopus Regulas præscripserat, ut causa pauperum ægrotorum accuratius ageretur. In hunc Christianæ caritatis locum oculos conjecit Galdinus ad levandas Civium suorum calamitates, injunxitque Ortoni Præposito Crescentiagi, Joanni Presbytero Sancti Silvestri, Petro Presbytero Sancti Xilti, & Anselmo de Horto, ut hoc Opus pietatis augendum curarent, pacatis dissidiis, quæ inter Decanos Confortii, & Fratres Conversos versabantur. Constitutiones postmodum adjecit, quarum Exemplar MStum servat Bibliotheca Ambrosiana, inter *Miscellanea* Francisci Castelli, olim Canonici Ordinarii Ecclesiæ Mediolanensis. Cum autem in Ughello præclarum hoc Documentum desideretur, in lucem illud educere, gratum Lectoribus fore existimavimus. Ita verò se habet :

PACTA ET CONVENTIONES INTER MAGISTRUM , DECANOS ,
ET FRATRES HOSPITALIS BROLI
AD PRÆSENTIAM DOMINI GALDINI ARCHIEPISCOPI ET
APOSTOLICÆ SEDIS LEGATI :

„ In nomine Sanctæ & individue Trinitatis . Nos Otto
„ Præpositus de Crescentiagio , Joannes Presbyter Ecclesiæ San-
„ cti Silvestri , Petrus Presbyter Ecclesiæ Sancti Xisti , arque
„ Anselmus de Horto , ex præcepto Domini Galdini , Sacro-
„ sanctæ Mediolanensis Ecclesiæ Archiepiscopi , & Apostolicæ
„ Sedis Legati . Inter Fratres Hospitalis pauperum , & Deca-
„ nos Consortii pauperum , visâ priûs Conventione inter eos
„ facta , & Privilegio Domini Oberti , bonæ memoriæ Ar-
„ chiepiscopi ,

„ Ita statuimus , ut deinceps usque in perpetuum omnia
„ Bona jam dicti Consortii , quæ nunc habet , & in futurum
„ habeat , simul atque Infantium , sint communia cum Bonis
„ omnibus dicti Hospitalis ad languentium pauperum refe-
„ ctionem , & arbitrarium pupillorum nutritionem , tali vi-
„ delicet modo , ut Conuersi dicti Hospitalis , qui nunc sunt
„ vel pro tempore fuerint , colligere debeant omnes ægro-
„ tantes pauperes , quibus ad seruendum personarum & re-
„ rum subsidium deest , & expositos infantes , quos per Ur-
„ bem inuenerint , & ad Hospitale ducere , & sufficientem
„ victum & vestitum pro posse tribuere : Aliis verò pauperi-
„ bus languentibus , subsidium personarum habentibus , de re-
„ bus

„bus ipsius Hospitalis, cum convenienter facere potuerint,
„consilio Decanorum ministrare, ita tamen ut non aliis
„consolatio, manentibus autem in Hospitali tribulatio; &
„prædicti Consortii Decani, qui nunc sunt vel pro tem-
„pore fuerint, debent tam prædesignati Hospitalis pauperi-
„bus & pueris expositis, quam aliis per Civitatem ægro-
„tantibus de oblatione & eleemosynis ipsius Consortii, cum
„consilio Magistri ipsius Hospitalis, secundum quod potue-
„rint, & eis melius visum fuerit, distribuere eis; si quid
„in auro vel argento, seu aliis rebus mobilibus ipsi Hospi-
„tali, vel Decanis Consortii donatum vel legatum fuerit,
„pauperibus fideliter erogetur ✚ , & non in emptionem.
„prædiorum collocetur. Si verò vineam vel agrum quis eis
„reliquerit, proprietate apud eos durante, usufructus pau-
„peribus & pupillis ministretur. Si autem Domus alicujus
„largitione ad eos pervenerit, quæ usibus eorum necessa-
„ria non sit, aut commutetur aut vendatur, & pretium
„ejus in emptione prædiorum collocetur.

„Item disponimus, ut unus Decanus aut plures inter-
„sint servis pauperum in eodem Hospitali, ita videlicet
„ut, si ipsi pauperes bene fuerint procurati, & servientes
„eorum illis bene servierint, gratias Deo agere debeant;
„si autem in ipso pauperum servitio aliquid deesse cogno-
„verint, ad ipsius Hospitalis Magistrum vadant, & ei quid
„sibi in hac causa videretur deesse, annuncient. Quo facto
„idem Magister tamquam potestatem habens, quod sibi vi-
„derit corrigendum, corrigat & emendet. Si autem inter
„ipsum Magistrum & Decanos eandem super hoc aliqua
„suc-

„ fuerit orta controversia , videlicet si Magister dixerit ,
 „ nihil ibi corrigendum , & Decani dixerint , aliquid ibi
 „ esse corrigendum , & hoc per alios Decanos non poterit
 „ pacisci ; ipsi Decani ad Dominum Archiepiscopum , qui pro
 „ tempore fuerit , vel eum qui ab eo ad hoc vice sua con-
 „ stitutus fuerit , recurrant , & hæc ei notificent ; & quod
 „ inde præceperit , utraque pars adimpleat . Præterea si quan-
 „ do contigerit , ipsos Decanos in hoc officio aliquid perpe-
 „ ram agere , ad iussionem ipsius Magistri emendetur . Verum-
 „ tamen si eis Decanis videtur , se non peccasse , & e contra
 „ Magister dixerit , eos deliquisse , hæc questio ad Dominum
 „ Archiepiscopum , vel eam quem vice sua ad hoc consti-
 „ tuerit , similiter deferatur , & per eum terminetur . Quod
 „ si aliquando prædicti Hospitalis Magister & Conversi cu-
 „ ram ipsorum pauperum pupillorum neglexerint , tunc po-
 „ testatem habeant ipsi Decani , cum consilio Fratrum ip-
 „ sius Consortii , eleemosynas pauperum & bona pupillorum ,
 „ & quidquid augmenti nunc habent , vel habuerint ex lar-
 „ gitate defunctorum vel vivorum , exceptis his quæ a Con-
 „ versis qui curam pauperum & pupillorum neglexerint , &
 „ eisdem Decanis contradixerint , data fuerint , in eodem
 „ Hospitali pauperibus & pupillis fideliter ministrare . Quod
 „ si non permiserint , liceat Decanis , cum consilio Fratrum
 „ ipsius Consortii , & auctoritate Domini Archiepiscopi ,
 „ qui pro tempore fuerit , vel ejus qui ab ipso vice sua
 „ ad hoc fuerit constitutus , eleemosynas pauperum & bona
 „ pupillorum , & quidquid augmenti nunc habent vel hæ-
 „ buerint ex largitate defunctorum seu vivorum , exceptis
 „ his ,

„ his, quæ a Conuersis qui curam pauperum & pupillorum
„ neglexerint, & eisdem Decanis contradixerint, data ✚ fue-
„ rint, alibi secundum quod eis melius visum fuerit, ad
„ utilitatem pauperum & pupillorum disponere & ordinare.

„ Præterea iubemus, ut Magister Hospitalis Celerarium,
„ communi consilio Fratrum ipsius Hospitalis & Decanorum
„ constituat; nec liceat ei sine communi consilio eorumdem
„ eum remove. Prædictus verò Celerarius & Magister
„ omnia quæ in Hospitali erunt, Decanis semel in mense,
„ vel amplius si opus fuerit, manifestent. Cibus & potus
„ Fratrum & pauperum communis sit, nisi infirmitas hinc
„ vel inde aliud exegerit. Numerus verò Fratrum mascu-
„ lorum, connumerato Magistro, ultra tredecim, Fœmina-
„ rum verò ultra septem non extendatur; qui omnes ad hoc
„ debent esse in præfato Hospitali, ut sint seruitores pau-
„ perum, salvâ in omnibus auctoritate Domini Archiepisco-
„ pi. Magister a Conuersis ipsius Hospitalis, & Decanis Con-
„ sortii communicato consilio eligatur. Et hæc omnia ita,
„ ut dictum est, observentur, nisi pro magna & evidenti
„ utilitate, cum consilio Domini Archiepiscopi, vel ejus qui
„ ab eo ipsius loco ad hoc constitutus fuerit, & Magistri,
„ & Fratrum, atque Decanorum aliter factum fuerit.

„ ✚ Ego Galdinus Sanctæ Mediolanensis Ecclesiæ Ar-
„ chiepiscopus, & Apostolicæ Sedis Legatus, hoc pactum
„ seu conventionem confirmavi, & subscripsi,

„ ✚ Ego Milo Mediolanensis Archipresbyter subscripsi.

„ ✚ Ego Algisius Mediolanensis Ecclesiæ Cimiterarcha,
„ & Cancellarius subscripsi.

„ ✚ Et

„✠ Et ego Otto Crescentiacensis Præpositus hanc conventionem cum prædictis Sociis, ex jussione Domini Galadini Mediolanensis Archiepiscopi, & Apostolicæ Sedis Legati composui, & subscripsi.

„✠ Ego Joannes, Ecclesiæ Brati Sylvestri immeritus Officialis, prænominatæ conventioni interfui, & subscripsi.

„Actum est hoc, Anno Incarnationis Dominicæ millesimo centesimo sexagesimo octavo, undecimo Calendæ Septembris, Indictione prima.

Franciscus Castellus, Ecclesiæ Mediolanensis Canonicus Ordinarius, & Vicedominus, hæc ad calcem adnotavit: *Præfata conventio est sculpta in Tabula lapidea, alijs affixâ muro Hospitalis Brolii versus plateam, & nunc assortatâ intra muros disti Hospitalis; & maximo cum sudore extractâ, quia erat corrosa, & lapidibus a pueris quassata, prout etiam videri potest.*

Hujus Nosocomii ædificium & famam absorbit alterum Nosocomium, quod regiâ magnificentiâ extravit ibidem Franciscus Sfortia Dux IV. Mediolanensis, qui eidem Titulum Majoris apposuit, & cetera omnia huiusmodi Loca, excipiendis pauperibus quovis morbo correptis huic subjecit, impetrato a Pio II. Summo Pontifice Unionis Diplomate. Viget adhuc hoc pauperum ægrotorum Domicilium, Aula potius Principum appellandum, summâ Equitum Mediolanensium ab Archiepiscopo delectorum curâ & pietate administratum, confluentibus ad illud non tam Mediolani Infirmis, sed etiam totius Ditionis, ac Peregrinis.

Ab ægris corporibus, ad domesticam Civium suorum ino-

inopiam abigendam progressa est caritas Pastoralis Galdini, tantâ largitate, ut nihil sibi, sed omnia eis se possidere existimaret, quemadmodum testatum facit Auctor ejusdem Vitæ: *Nec solum de iis sollicitus erat, qui inopiâ & paupertate laborarent, sed multo magis de Nobilioribus, qui elemosynam petere erubescabant. Enim verò vocem petituri prævenerunt, omnibus misericorditer compatiebatur & triebat*; verba sunt prædicti Anonymi Auctoris. Supererant ii, qui ære alieno gravati, & in carceribus detenti ob delicta perpetrata, opportunis ad vitam subsidii carebant. His quoque subvenire studuit Galdinus, assignato Censu, ex cujus fructibus in perpetuum alerentur. Locus adhuc visitur in hac Urbe, cum Sacello, quod Sancto Leonardo ipse dicavit; nunc verò etiam *Sancti Galdini ad Carceres Malastalla* nomen accepit: petenne monumentum tenerrimi amoris, quo erga Proximum sanctissimus ille Pastor servebat.

Consuluit etiam honori Metropolitanæ suæ Ecclesiæ Galdinus, præsertim ut Canonicos Ordinarios, a reliquo Decumanorum Ordine & Clero inferiori discernaret, prout decebat primores Mystas, qui unum cum ipso corpus constituentes, tamquam lumina Ecclesiasticæ Hierarchiæ, ceteris præluere debebant. Expedivit igitur Anno MCLXX. Diploma, quo antiquas eidem Collegio prærogativas confirmavit, indictis in violatores pœnis, & Omnipotentis Dei indignatione, Illud integrum recitat Ughellus, quod ex iisdem *Miscellaneis* memo.ati Francisci Castelli Paricellus jam vulgaverat.

Diu disceptatum fuerat inter Arnaldum Præpositum Ple-

R r

bis

bis de Vicomercato, & Valeriam Abbatissam Monasterii Sancti Michaelis de Burgo-novo, circa munia Parochialia, & jus in ipsam Ecclesiam Sancti Michaelis, quod sibi omnino spectare contendebat Arnaldus, quemadmodum etiam Oblationes, quæ a Christianis ibidem sponte fiebant, die Festo Sancti Michaelis quotannis recurrente. Tandem Galdino consilium & auctoritatem suam interponente, omnis controversia dirempta fuit, ope quarundam Conventionum, quas Abbas Monasterii Sancti Ambrosii Mediolani, nomine Abbatissæ prædictæ, & Magister Faxatus pro memorato Præposito inter se mutuo conciliavere; ita ut imposterum quælibet Pars sua jura liberè & absque lite, sub certis conditionibus ac Legibus exerceret. Firmata est hæc Conventionum Charta, in Palatio Domini Archiepiscopi, Anno MCLXXI, X. Cal Maji, Indictione IV., quam nos hic integram damus, ex Archivio Monachorum Cœnobii Ambrosiani benignè communicatam:

„ In nomine Sanctæ & individue Trinitatis. Coram,
„ Domino Galdino, Sanctæ Mediolanensis Ecclesiæ Venera-
„ bili Archiepiscopo, Apostolicæ Sedis Legato. Inter Arnal-
„ dum Præpositum Plebis de Vicomercato, nomine ipsius
„ Plebis, & ex altera parte Valeriam Abbatissam Monaste-
„ rii Sancti Michaelis de Burgo-novo controversia verteba-
„ tur de Ecclesia ipsa Sancti Michaelis, & de iure Paro-
„ chiali, & de oblationibus: super quibus questionibus utr-
„ que Pars suos produxit testes; Causa autem diu ventila-
„ ta, placuit utrique Parti per suos Missos scilicet Domi-
„ num Amizonem Abbatem Monasterii Sancti Ambrosii de
„ „ Civi-

„ Civitate Mediolani, & Comitem Conversum ipsius Mona-
„ sterii Sancti Michaëlis, Missos præfatæ Abbatisæ, & ex
„ altera parte Magistrum Faxatum, Missum prædicti Præpo-
„ siti, talem facere Transactionem, scilicet ut visitatio, &
„ sepelitis personarum in jam dicto Monasterio degentium,
„ & omnia Parochialia jura ad jam dictam Plebem perti-
„ neant. In Festo quo . . . Beati Michaëlis tres personæ
„ cum uno serviente de jam dicta Plebe in eodem Mona-
„ sterio Sancti Michaëlis ad refectorem honorifice susci-
„ piantur; Oblationum verò, que in ipso Festo Sancti Mi-
„ chaëlis ad Monasterium, sive ad Altare sive ad manum
„ Sacerdotis pervenerint, medietas ad Plebem, alia vero
„ medietas ad Monasterium prædicti Sancti Michaëlis perti-
„ neat. Nec liceat eidem Abbatisæ, aut ei succedenti ali-
„ quem Sacerdotem, nisi de ipsa Plebe, absque consensu
„ ejusdem Plebis, in Monasterium prænominati Sancti Mi-
„ chaëlis, ad Divina officia celebranda introducere. De in-
„ vestitura autem, aut de ejus depositione, sive de domi-
„ nio aut disciplina Monasterii, nulla molestia nullaque in-
„ quetatio, seu requisitio jam dicto Monasterio Sancti Mi-
„ chaëlis, ex parte jam dictæ Plebis moveatur, nec liceat
„ jam dictæ Plebi aliquam aliam exactionem jam dicto
„ Monasterio Sancti Michaëlis imponere. Factum est hoc in
„ eadem Civitate, in Palatio præfati Domini Archiepiscopi,
„ Anno a Nativitate Domini Nostri Jesu Christi milleximo
„ centesimo septuagesimo primo, die Jovis decimo Kalen-
„ das Magii, Indictione quarta, & de hac Transactione
„ duo instrumenta uno tenore rogerunt fieri.

R r 2

✠ Ego

✠ Ego Martinus ex mandato Domini Galdini Mediolanensis Ecclesie Archiepiscopi subscripsi.

✠ Ego Arnaldus Præpositus de Vicomercati subscripsi.

✠ Ego Anselmus de Orto interfui & subscripsi.

„ Signum ††† manuum Descendii, qui dicitur de Sex-
to, Petri, & Landulphi, qui dicuntur Valliani Buronis
de Melate, Joannis, qui dicitur male-ingambatus, testium.

„ Ego L. mirancus, qui dicor Baudus, Notarius Sacri Pa-
latii, rogatus tradidi & scripsi.

Perseverabat ea tempestate in primævo flore extra Metro-
polititanam Basilicam Dignitas Primicerii Majoris, a remo-
tissimis temporibus, & (opinione quorundam Scriptorum)
ab ipso Sancto Ambrosio instituta. Quàm conspicuum foret
hoc Munus, docent publicæ Tabulæ, a nobis editæ ad cal-
cem *Dissertationis ad vindicandam veritatem* &c.; in iis enim
hæc habentur: *Primiceriatus Major, Dignitas honorabilis est,
habens ex longissima & inconcussa consuetudine, & per tanti-
temporis spatium quod non est memoria in contrarium, cogni-
tionem & decisionem Causarum matrimonialium Civitatis &
Diocesis Mediolani, facultatem absolvendi in Casibus Episco-
palibus, & secundum antiqua Ecclesie Instituta, & prout in
Libro antiquo Sacristie dicte Ecclesie, in quo ordines &
præminentie Dignitatum ejusdem describuntur, est latius ex-
pressum, Archiepiscopi Penitentiarius existit. Est quoque Ca-
pituli Cleri, & Cœnium de Ferula (Decumani appellabantur)
& Major inter Præpositos Ecclesiarum Collegiarum, & Præ-
positorum Præpositus nuncupatur. In Letaniis Primicerius ipse
Major & aliis Congregationibus Ferula utitur, sicut Archi-
pres-*

presbyter & Archidiaconus. Imo centum sub se habet, qui de Ferula dicuntur. Habet collationem Obedientiarum Majoris Ecclesiæ, & curam Annulariorum, quæ sunt per totum Clerum, & ad hoc Evrogatarios, & distributores constituit Sec. Dignitas ista vitæ cursu minimè mensurabatur, sed ad certum temporis spatium, in Primicerium Majorem universus minor Clerus Viros deligebat, virtute prudentiâ probitate insignes; quemadmodum in Republica Consules aut Prætores ad regendum populum in curulibus Sellis constituuntur. Contigit in regimine Galdini Archiepiscopi, ut eligendus foret Successor illius Primicerii, qui expletâ statione suâ ab Officio administrato deciderat; gravisque exorta est inter Electores controversia. Cùm hæc componi privatis studiis non posset, necesse fuit ad Summi Pontificis Alexandri III. tribunal Causam deferre. Is verò tribus Judicibus Ambrosio Abbati de Cerreto, Ottoni Præposito de Crescentiango, & Joanni Bono Sanctæ Romanæ Ecclesiæ Subdiacono quæstionem definiendam commisit. Protulere iidem Sententiam, XI. Calendas Maji, Indictione tertia, idest Anno MCLXX., qua statuebatur, ut Presbyteri & Clerici Decumani eligerent octo ex eorum Collegio magis idoneos, pacis & concordie amatores, qui simul cum Domino Archiepiscopo Primicerium unanimiter sincereque renunciarent. Itaque delecti octo ex Decumanis *Gibuinum Præpositum Sancti Georgii* in Majorem Primicerium nominavere. Sed iis subscribere Sanctus Galdinus Archiepiscopus renuit, alterumque ipse, nempe Magistrum *Nicolaum Præpositum Sancti Nazarii* ad hoc munus gerendum designavit. Cùm autem neu-

tra

tra pars recedere a proposito vellet, recurrendum iterum fuit ad Apostolicam *Sedem*. Alexander verò III., ut lites omnes præcideret, Breves Literas ad Archiepiscopum dedit, quibus utramque electionem Apostolica auctoritate irritam declarabat, legesque indicabat, ut non tam illà occasione, sed aliàs etiam, quandocumque Primicerius eligi debuisset, nulla postmodum controversia suboriretur. Hæc Pontificias Literas in suis *Miscellaneis* MS.tis nobis servavit laudatus Franciscus Castellus; eaq̃ue e tenebris tandem eruere minimè absonum ab Instituto nostro judicamus; præsertim, cum Dignitas ista adoptata sit in Collegium Ordinarium Templi Maximi, ac post Archipresbyterum & Archidiaconum in tertiam transierit Anno MCDXLI., ut constet ex Diplomate expedito a Francisco Picoipasso Archiepiscopo Mediolanensi, & confirmatione Eugenii IV. Summi Pontificis, impressis in nostra *Dissertatione* superiùs indicata:

*Alexander Episcopus Servus Servorum Dei
Venerabili Fratri Galdino Mediolanensi Archiepiscopo,
Apostolicæ Sedis Legato
Salutem & Apostolicam benedictionem.*

„ Ex Literis tuis & Decumanorum Ecclesiæ tuæ, qui
„ adversum te de electione Primicerii causam habere noscun-
„ tur, & ex Scripto, quod nobis dilecti Filii nostri Mam-
„ fredus Sancti Georgii ad Velum-aureum Diaconus Cardi-
„ nalis, Apostolicæ Sedis Legatus, & Consules Mediolani
„ direxerunt, manifestè nobis innotuit, quòd cum inter te, &
„ eos-

„ eosdem Decumanos super Causa Primiceriatûs diutius apud
„ nos & alios disceptatum sit & tractatum; tandem ratio-
„ nes & allegationes hinc inde ad nos transmittentes, &
„ nobis sollicitis precibus postulastis, ut eidem Causæ, quæ
„ dio sub Delegatis Judicibus & Arbitris est tractata,
„ finem debitum imponere studeremus, & omnem de me-
„ dii tollere materiem iurgiorum. Receptis siquidem allega-
„ tionibus & rationibus vestris, super his cum Fratribus no-
„ stris diutinam & circumspectam deliberationem habuimus;
„ quoniam allegationes ipsæ satis prolixæ erant atque dif-
„ fusæ. Si verò integra Causa ad examen nostrum delata
„ fuisset, aliter fortè in ea deliberavissemus; sed quia in
„ eadem Causa a Delegatis Judicibus fuerat Sententia lata,
„ nec per appellationem suspensa, imo ab utraque parte
„ recepta, tam in hoc quod manifestum est & apertum,
„ non duximus irritandam. Sanè cùm iidem Iudices Senten-
„ tiam protulissent, ut liceret Presbyteris & Clericis Decu-
„ manorum eligere octo de Collegio suo ad hanc Causam
„ quos putaverint magis idoneos & pacis & concordiæ
„ amatores, qui sint cum Archiepiscopo, exhibentes ei ho-
„ norem & reverentiam tamquam Patri & Domino, ipso
„ eis tamquam Filiis morem gerente, & electionem Primi-
„ cerii unanimiter & concorditer & sincerè faciant & ipse
„ cum eis, & ipsi cum eo. Ipsi secundùm tenorem Sen-
„ tentiæ octo Electores de Collegio elegerunt, qui multo-
„ ties tecum super electione Primicerii facienda tractarunt.
„ Tandem verò octo Electores voluntatem tuam reverenter
„ inquirentes, & secundùm tenorem prædictæ Sententiæ te-
„ cum

„ cum volentes electionem facere, cum te viderent, sicut
„ ajunt, non tantummodo Sacerdotum, sed quorundam fa-
„ miliari dilectione studentem, absque assensu tuo, sicut ex
„ ipsis allegationibus datur intelligi, Magistrum Gibuinum,
„ Præpositum Sancti Georgii nominarunt, arbitantes, sicut
„ credimus, quod tu cum eis tamquam Filiis, prout in Sen-
„ tentia statutum est, morem gerere deberes, & ipsi octo
„ sint numero, tu verò unus; si ab eis discordares, nihi-
„ lominus eorum electio robur firmitatis haberet. Verum,
„ post nominationem eorum factam, Magistrum Nicolaum,
„ Præpositum Sancti Nazarii, continuò in Primicerium, imò,
„ sicut tuæ allegationes continebant, tres nominasti, credens,
„ sicut arbitramur, ex eo verbo quod positum est in Sen-
„ tentia, id tibi licere; quoniam ipsi tibi sicut Patri &
„ Domino in electione Primicerii honorem debent & reve-
„ rentiam exhibere. Inspectis itaque rationibus, quæ super
„ his allegatæ fuerant, exinde cum Fratribus nostris studio-
„ sè satis & diutius deliberavimus, & post diuinam deli-
„ berationem, utramque electionem, non ratione Personarum
„ vel meritorum suarum, sed pro vitio ipsarum electionum,
„ Apostolica auctoritate cassavimus; quia neutram earum,
„ secundum tenorem præscriptæ Sententiæ, vel secundum,
„ Jus commune comperimus factam fuisse. Cum enim in
„ Sententia statutum fuerit, quod tu cum præfatis Electori-
„ bus, & ipsi tecum unanimiter, concorditer, & sincerè ele-
„ ctionem Primicerii faceretis, constat, neutram electionum
„ ipsarum secundum tenorem ipsum factam, quia non con-
„ corditer nec ipsi tuo, & tu eorum assensu, sicut cre-
„ dimus

„ dimus , & ex ipsis allegationibus apparet , non requisito ,
„ electionem fecistis . Secundum verò Jus commune , neutra
„ debet electio stare , quia licet ex parte Decimanorum octo
„ sint numero Electores , unam tamen personam in eadem
„ electione solummodo gerere videntur ; cum enim inter te
„ & Collegium , tamquam inter duas personas questio ver-
„ teretur , placuit Judicibus Delegatis utrique electionem ad-
„ judicare , statuentibus , ut de toto Collegio octo Electo-
„ res ad electionem tecum celebrandam eligerentur , cum
„ grave & difficile videretur , omnes in electionem insimul
„ convenire . Qui utique , sicut statuerunt de octo , ita
„ etiam potuissent fuisse de uno , vel de pluribus & plu-
„ cioribus ; & cum illi octo , sicut diximus , unam tantum
„ gerant personam , & tu alteram , nec tu sine ipsis , nec
„ ipsi sine te electionem facere potuistis . Qualiter autem de
„ cetero debeat electio fieri , & quæ electio sit rata ha-
„ benda , omisâ disceptatione illatum duarum questionum ,
„ utrum videlicet Arbitris interpretari licuerit , & an justè
„ interpretati sint , volentes præsentì Scripto decernere , de
„ communi Fratrum nostrorum consilio judicamus , quòd
„ cum illi octo , sicut prædictum est , unam personam gere-
„ re videantur , & tibi & ipsis sit adjudicata electio , si ipsi
„ sine te , vel tu sine eis electionem feceritis , utraque ele-
„ ctio nullius debet esse momenti , tamquam si , duobus in
„ eadem Causa Judicibus Delegatis , unus eorum unam fe-
„ rat sententiam , & alter alteram , neut a sententia tenet .
„ Si verò tu , & iidem octo Electores communiter & con-
„ corditer electionem feceritis , electio ipsa sine questione

„ rata debet haberi, nisi esset pro Personæ vitio reprobanda. Ceterum si in Personam non poteritis communiter
„ convenire, & duo saltem vel plures ex illis octo Electoribus tecum in electione convenerint, electionem ipsam
„ ratam esse censemus; quia cum ipsi octo vicem in hoc
„ unius personæ gerere videantur, & tu alteram geras personam, postquam duo ex his tecum, qui digniorem
„ ris personam, in electione convenerint, non immeritò
„ electio ipsa rata debet haberi; tamquam si Conventus duarum Ecclesiarum, habentes parem numerum personarum,
„ ad quos spectat electionem facere, in electione non poterunt concorditer convenire, & duæ personæ, vel una
„ etiam de uno Conventu, cum altero in electione convenerint, ipsa electio tenet, præsertim si dignior Conventus electionem fecerit. Sicut autem ex prædictis allegationibus intelleximus, Arbitri statuerunt, ut quando Collegium convocari debet pro electione Primicerii facienda,
„ petita licentiâ ab Archiepiscopo convocetur; & si Archiepiscopus licentiam dare renuerit, nihilominus Sacerdotibus
„ liceat, Collegium pro electione Primicerii facienda convocare; & e converso si Sacerdotes Collegium pro hac
„ Causa convocare noluerint, tunc Archiepiscopus sincerè & paternè Collegium convocet, & illos octo, qui secum
„ electionem facere debent, eligi faciat: Quod quidem, sicut
„ ab eisdem Arbitris est statutum, non duximus immutandum; sed id ratum & firmum habentes, auctoritate
„ Apostolica confirmamus, & perpetuæ firmitatis robur habere sancimus. Ut autem hæc nostræ definitionis Sententia

„ tia

„tia perpetuis temporibus inviolabiliter observetur, eam au-
„thoritate Apostolica confirmamus, & præsentis Scripti pa-
„trocinio communimus. Statuentes, ut nulli omnino homi-
„num liceat hanc paginam nostræ definitionis & confirma-
„tionis infringere, vel ei aliquatenus contraire. Si quis au-
„tem hoc attemptare præsumpserit, indignationem Omnipoten-
„tis Dei, & Beatorum Petri & Pauli Apostolorum ejus
„se noverit incuriurum. Datum Tusculani VIII. Calendæ
„Aprilis.

Prætermittendum minimè est quod Gotsfridus Henschen-
nius in *Analektis ad vitam Sancti Galdini* §. III. num. XI.
refert, Civitatem nempe Ticinensem iterum Interdicto Ec-
clesiastico a Sancto Galdino percussam fuisse, quòd Papien-
ses fœdere juncti cum Marchione Montisferrati, Frideri-
cum Ænobarbum Schismaticum sollicitassent, ut cum vali-
do exercitu in Italiam reverteretur; quemadmodum Acta
Alexandri III. apud Baronium testantur Anno MCLXXIV.
Imo Summus ipse Pontifex Episcopum illius Ecclesiæ Pe-
trum Toscanum Dignitate ac Pallio privavit, quod postea,
reconciliato Ænobarbo, eidem simul cum Sede restituit.

Tradidere nonnulli, Humiliatorum Ordinem Apostolica
auctoritate a Sancto Galdino confirmatum fuisse. Traditionem
hanc refellere nititur Gotsfridus Henschenius loco lau-
dato; quia multò ante hunc Archiepiscopum institutus fue-
rat Ordo ille. Ad abigendam hanc nubem, quæ at-
tenuare videtur laudem Galdini, animadvertendum est, non
statim coaluisse in perfectam vivendi disciplinam Humiliato-
rum Congregationem, sed in tres Ordines fuisse distributam.

Qui primo Ordini adscribebantur, parum a Laicis castigationis vitæ quo ad mores dissentiebant: Secundus melior, arctiori vinculo continebatur, & castitatem, inclusis alio domesticis uxoris, præscribebat. Institutus deinde fuit tertius Ordo a Sancto Joanne, de *Mds* nuncupato, qui Sacerdotium & regularem in Humiliatos observantiam induxit circa dimidium Seculi XII. Porro quid alienum a veritate emergere potest, ne dicamus, potuisse Ordinem istum ab Apostolico Legato Sancto Galdino confirmari, donec Regulis a Sancta Romana Sede approbatis, Innocentii III. Decreto firmentum acciperet?

Moderante Ecclesiam Ambrosianam vigilantissimo hoc sancto Antistite, Catharorum Hæresis e Germania, seu, ut aliis placet, e Galliis profecta (quæ jam ante Annum MCXXX. Mediolanensem ditionem viciaverat, teste Landulpho a Sancto Paulo) occasione diuturni Schismatis & ingruentium bellorum, sese copiis militaribus immiscens, nostram etiam Metropolim teterrimæ lue conspexit. Silentio & tenebris primum contexta latuit; postmodum serpens privatis in auribus, tandem apertâ fronte erupit in publicum. Huic malo jam radices figenti in simplicium rudiumque Civium animis, sese opposuit Catholicæ Fidei propugnator acerrimus Galdinus, iisque omnibus armis accinctus, quibus Christianæ militiæ Pugilem manitum depingit Paulus Apostolus; hostem intrepide adortus est; tantoque ardore pugnavit, ut exstirpato prorsus pestilenti hoc germine, Vineam Domini ipsi commissam, intactam florentemque moriendo reliquerit. Testatum id habemus ab Auctore Anonymo ejusdem Vitæ, qui

h.c

hæc verba scriptis suis inseruit: *Sævisſima* (Catharorum)
poſt *Vir Sanctus* ſe opponens, multis *Sermonibus prædicationibusque* populum ſuum ab illo ſtulto errore & veſania retrahēbat, atque cum rudimentis *Catholicæ Fidei* quantum poterat inſtruens, verbo proſpiciebatur & exemplo. Quinimo vitam in ipſo conflictu depoſuit, quemadmodum memoratus Auctor proſequitur, inquiens: Cū decennium in ſuo expleſſet Pontificatu, eodem die quo conſecrationem accepit, ſecundā poſt *Paſcha die Dominica*, zelo Dei accenſus, *Sanctæ Theſſalæ Eccleſiam* petiit, de more *Divina in eā Officia* peracturus. At quia corporis multā debilitate laborabat, *Miſerum Solennia*, a *Cimiliarcha* (*Algiſio*) qui poſtea ſucceſſit, celebrari præcepit. Ipſe verò Confeſſione cum *Fratribus ſanctis*, priuſquam *Evangelii Lectione* populo recitaretur, *Pulpitum* aſcendens, contra præmemoratos *Catharos* eorumque complices præclariffimam habuit *Orationem*, eorum errores multis argumentis & rationibus, apertiffimè & quantum oportebat, conſutans, *Eodemque Catholicam* multis *Sanctorum Patrum exemplis*, & *Evangelicis comprobans Scripturis*; facto dicendi ſine, ac ſi certaminis curſum conſummaſſet, animi deliquio correptus, in eodem loco *Spiritum Deo* reddidit. Quibus ſignis cœleſtibus ac miraculis ſupremus Juſtorum Remunerator illuſtraverit *Galdini obitum*, narrat laudatus Auctor apud *Bollandum*, ad diem *XVIII. Aprilis*, quo ad *Superos* evolavit.

Controverſum eſt inter *Scriptores*, quo verè Anno contigerit mors hujus Sancti *Archiepiſcopi*. *Sigonius* Annum *MCLXXV.* designavit; *Ughellus* mordicus tuctur, deceſſiſſe illum Anno *MCLXXIII.* *Fundamenta* hujus ſuæ opinionis,

duæ

duæ sunt antiquæ Chartæ, a Monachis Morimundensis Cœnobii ad ipsum transmissæ, in quibus subscriptus legitur eo Anno *Algisius Archiepiscopus Mediolani*. Verùm basis hæc ruit, si stare velimus iudicio Henschenii, qui in *Adnotationibus ad Vitam Sancti Galdini* asserit, Documenta ista minimè desumpta fuisse ex archetypis, sed ex aliquo eorundem Exemplari; tum quia nulla sub initium mentio fit Algisii, quemadmodum notum est, in similibus Chartis fieri; tum etiam quia frequenter in Magno Opere *de Actis Sanctorum* ipse aliique Socii laboris, similes errores in Diplomatis detexere, etiam ante annos septingentos rescriptis, quibus addita nomina Episcoporum, diu ante mortuorum, & anni Regibus aliquot post eorum obitum attributi reperiuntur. Quamobrem ait, cautè procedendum esse in istiusmodi quæstionibus, ex fide descriptorum Diplomatum definiendis. Puricellus quoque, qui hæc Chartas accuratè expendit in *Dissertat. Nazarian.*, Cap. CVI. num. VIII. & seqq., se reperisse testatur subscriptionem Algisii Archiepiscopi, extra consuetum locum, appositam, quod signum est, non eo tempore, quo confecta sunt Documenta, ab illo propriâ manu signata fuisse; idque aliis exemplis confirmat.

Nos tamen minimè indigemus his conjecturis, ut sententiam nostram firmemus cum Puricello, Papebrochio, & antiquis Catalogis, videlicet per integrum decennium in hujus Ecclesiæ regimine perseverasse Sanctum Galdinum, adeoque nonnisi Anno MCLXXVI. illum ad cœlestem Patriam migrasse. Habemus enim Auctorem sæpius memoratum Vitæ hujus sancti Antistitis, qui apertè asserit, Algisium adhuc Cimiliar-cham

cham fuisse, eique mandasse Galdinum, ut Solemnia Missarum celebraret eo die, quo ipse obiit. Qua ergo ratione componi hæc possunt, quòd nempe Algisius a triennio jam Archiepiscopus foret, & Cimiliarchæ munere adhuc fungeretur? Præterea certum est ex Catalogis, diu fuisse disputatum, post Sancti Galdini decessum, quis promovendus esset ad Cathedralam Mediolanensis Ecclesiæ; alii enim ex Collegio Canoniorum Metropolitanæ Basilicæ suffragia sua contulere in Milonem Taurinensem Episcopum, simulque Archipresbyterum Commendatarium Ecclesiæ nostræ; altera pars delegit Ubertum Cribellum, postmodum non tam Archiepiscopum, sed etiam Summum Pontificem, qui tunc Archidiaconi Dignitate fulgebatur. Neque unius mensis spatium absolutum est hoc dissidium, quemadmodum tradidit Calchus; sed per decem integras hebdomadas & quatuor dies suspensa perduravit electio, fidem faciente Puricello, plurium veterum Scriptorum testimonio, in *Momum. nt. Basil. Ambros.*, num. DXLVIII. Porro si Algisius se jam antea subscripsisset Archiepiscopum Anno MC-LXXXIII., quomodo tamdiu ambigendum fuisset de Successore Galdini; aut quam ob culpam detrudi e Solio debuisset, alio successore? Tam clara hæc sunt, ut commentum dici queant omnia, quæ Ughellus in suæ opinionis tutamen explicavit. Præcipuè cum ipsum videamus adeò tenacem propositi sui, ut fidem etiam denegaret archetypo Documento, a Puricello inspecto & relato in *Dissertat. Nazarian.* Cap. CVI. num. I., quod actum est in Palatio Mediolanensi Anno Domini millesimo centesimo septuagesimo tertio, Indictione septima, sexta die mensis Oclubris; ex quo apertè discimus, non tantum in vivis adhuc

adhuc fuisse sub finem ejusdem Anni Sanctum Galdinum, sed etiam Algisum eo tempore non fuisse Archiepiscopum, cum se eidem Chartæ subscribat *Cimiliarcham & Cancellarium Mediolanensis Ecclesie*. Sicuti etiam parvi facit alterum autenticum Documentum solutionis quarundam pecuniarum, factæ Domino Satrapo Præposito Basilicæ Sancti Ambrosii, a Domino Joanne ejusdem Sancti Ambrosii Abbate, *coram Domino Galdino, Dei gratia Sanctæ Mediolanensis Ecclesie Archiepiscopo, & Apostolica Sedis Legato, presentibus Fratribus suis Ordinariis præfatæ Mediolanensis Ecclesie, Anno MCLXXIV., decimo Aprilis, Indictione sexta*. Quinimo auctoritatem Ambrosianæ Ecclesie infringere videtur, quæ Natalem Sancti Galdini, olim Dominicâ II. post Pascha commemorabat, inquires, diem illum non mortis fuisse, sed Consecrationis; contra testimonium Auctoris Vitæ ejusdem Sancti Archiepiscopi, assertantis, eodem die mortuum Sanctum Galdinum, quo consecrationem accepit. Addimus etiam ultimas Tabulâs superiùs memorati Gibuini, Præpositi Ecclesie Sancti Georgii in Palatio, quas unâ cum aliis in hoc Opere vulgatis Chartis, nobis obtulit Canonicus *Joseph Miris Saxius* ex fratre nepos, Archivo ejusdem Basilicæ Collegiatæ Præfectus. Datæ istæ sunt Anno Dominicæ Incarnationis MCLXXV., XIII. Calendas Januarii, idest quatuor tantum mensibus incompletis ante obitum Galdini; easque *Adobadus Lektor* ex mandato Domini Galdini, *Sanctæ Mediolanensis Ecclesie Archiepiscopi, Apostolica Sedis Legati confirmavit, & vice ejus subscripsit*. Non ingratum erit Eruditis Viris has integras legere typis impressas, eam non tantum fidem faciant Vitæ Sancti Galdini usque ad Aprilem.

Anni

Anni MCLXXVI. productæ; sed etiam ea, quæ tunc temporis in usu erant, cum annuæ Mortuorum memoriæ peragerentur, nobis exhibeant.

„ Anno Dominicæ Incarnationis milleximo centesimo septuagésimo quinto, tertiodécimo Calendas Januarii, Indiçtio-
„ ne nona. Ego in Dei nomine Gibuinus Prepositus Ecclesiæ
„ Sancti Georgii, qui dicitur in Palacio, Civitatis Mediolanensis: Volo & iudico, seu per hoc meum Judicatum confirmo, a presenti die & hora, post meum decessum Canonicis Sancti Georgii pastum unum omni anno in perpetuum. Ita quod dentur in expensis pastu denarii quatuor pro unoquoque Canonico, ea conditione apòsita, ut si quis eorum defuerit, ejus pars detur pauperibus, & quicquid ab eo pasto remanserit, similiter pauperibus detur. Ita ut Canonici predictæ Ecclesiæ Sancti Georgii, cum sex Presbyteris, quibus dentur pro unoquoque cum suo Clerico denarii tres terciolis monete, & faciant inibi Annuale unum omni anno in perpetuum; quorum Presbyterorum Ecclesiæ sunt hæc, Ecclesiæ Sancti Ambrosii in Solariolo, & Ecclesiæ Sancti Mauricii, & Sancti Victoris ad puteum, & Ecclesiæ Sancti Victoris de curte nova, & Ecclesiæ Sancti Alexandrini, & Sanctæ Mariæ in Vale. Item volo & iudico Custodo ejusdem Ecclesiæ Sancti Georgii, qui cetero ibi erit, denarii tres omni anno in perpetuum, & Monache denarii tres: Que omnia Legata constituo super campo uno, quem emi a predicta Ecclesiâ Sancti Georgii, in territorio Loci Pioltelli, ubi dicitur in Credario; Cohæret ei a mane frixati albi, a meridie bonfantis de Li-

T t

„ midli,

„ Ego Ginamus, qui dicor de Carte nova Notarius Sa-
 „ cri palatii autenticum hoc exemplavi, vidi, & legi, ut in
 „ eo continebatur, ita in isto legitur exemplo, extra literas
 „ plus minusve.

„ Ego Ardericus Notarius, qui dicor cultixius autenticum
 „ hoc exemplavi, vidi, & legi, ut in eo continebatur, & sic
 „ in isto legitur exemplo, extra literas plus minusve.

„ Ego Ardericus, qui dicor papienfis, Notarius Sacri pa-
 „ latii hoc exemplum ex autentico exemplavi, & sicut in eo
 „ continebatur, sic in isto legitur exemplo, preter literas plus
 „ minusve.

Non potuit tamen Ughellus tantum obniti contra veri-
 tatem adeo patenter fulgentem, ut hallucinatos omnino fuisse
 illos omnes affirmaret, qui Vitam Sancti Galdini usque
 ad septuagesimum sextum annum illius Seculi produxere;
 quamobrem aliud effugium excogitavit, veluti naufragii ta-
 bulam, ne a statione sua dimoveretur, subjungens: *nisi as-
 serere velimus, Aegisium eo tempore (idest Anno MCLXXIII.)*
Galdini Coadjutorem fuisse. Verùm, quàm infirmum ac la-
 bile sit hoc fulcimentum, docet vox ipsa *Archiepiscopi Coadju-*
toris, quæ numquam in universa Antistitum Mediolanensium
 Serie auribus nostris insonuit, atque in omnibus Catalogis Hi-
 storiarum rerum & Præfulum Ambrosianæ Ecclesiæ exemplo
 caret. Adde, nihil opus fuisse sancto huic Antistiti altero
 Archiepiscopo Coadjutore, cum usque ad extremum spiritum
 indefesso labore coluerit agrum Dominicum assiduis Sermoni-
 bus, vigiliis, exemplisque omnium virtutum, atque insuper
 eodem die, quo Cælo inductus est, Ecclesiam petierit, de-

more Divina in eâ Officia peracturus, quemadmodum testatur Auctor Vitæ sæpius laudatus, temporibus iis æqualis. Itaque pace doctissimi hujus Viri in illa perstitimus sententia, quam amplexi sumus, videlicet superfuissæ Sanctum Galdinum in suo regimine usque ad Annum MCLXXXVI., & Algisium non fuisse inauguratum Archiepiscopum, Mediolanensem, nisi eo defuncto.

Festum diem Sancti Galdini, quem teste Oldoino in Album Sanctorum retulit Alexander III., Mediolanensis Ecclesiæ nunc celebrat XIV. Calendas Majas, idest die, XVIII. Aprilis, in quem Dominica II. post Pascha Anno MCLXXXVI. incidebat. Olim autem ipso die Natali Sancti Galdini, nempe Dominicâ II. prædictâ agebatur ejusdem Festivitas celebratione Missæ, non verò Officii Divini, eam Ritu nostro ille dies Dei cultui reservetur. Sanctus Carolus Borromeus, ut integer omnino dies Dominicus sacer Deo foret, memoriam Sancti Galdini fixit diei XVIII. Aprilis supra memorato. Nihilominus, ut aliquod vestigium Natalis hujus sancti Antistitis supersit, ex veteri consuetudine annua Supplicatio Secularis Cleri universi procedit post Vesperas Sabbati, antequam post Pascha Dominicam, ad exponendum Pontificium Diploma Indulgentiæ Plenariæ in Sacello, Sancto Galdino dicato, ad Carceres qui appellantur *Malefalle*, in Aurificum Vico positos.

Sepulchrum fuit Sancti Galdini Corpus in eadem Ecclesiâ Sanctæ Theclæ, ubi in oculo Domini decessit, ut proximè narravimus. Cum autem Cathedralis Æstiva illa, Ecclesiâ senio saturisceret, & instauranda foret Anno MCDLXI. Carolus,
de

de Forlivo Archiepiscopus Mediolani cum toto Clero , & festivo sonitu æris Campani , ac cereis accensis , a Sanctæ Theolæ Templo transtulit Corpus hujus Sancti Antistitis in Ecclesiam Majorem , unâ cum SSiss. Clavo Crucifixi , Domini Nostri Jesu Christi , qui ibidem a temporibus memoriam omnem vincentibus religiosissimè colebatur ; quemadmodum Anonymi Chronicon , servatum apud Clariss. *Joannem Andream Iricum* Collegam nostrum , Postcæis fidem facit .

Sanctus Carolus Borromeus pro eo , quo semper exarshit desiderio promovendi cultum Sanctorum , animadvertens , temporum vitio defecisse venerationem erga Sacra Lypfana , quibus ditata fuerat Metropolitana Basilica , ea ibidem , sicut & in aliis Ecclesiis , ex incultis Sepulcris educere in lucem statuit , tantâ sollicitudine , ut vulgare hoc proloquium usurparetur , *sub ejus regimine non licuisse nec vivis , nec mortuis frui quiete* . Itaque inter alia Sanctorum Corpora in Templo Maximo deposita , illud Sancti Galdini in Arca marmorea jacens recognovit ; Carolus autem a Basilica-Petri , qui præfens erat , testatur , inventum fuisse *Pontificiis Insignibus , vel saltem eorum vestigiis ornatum* . Ossa igitur ejusdem Sancti Archiepiscopi , unâ cum reliquis Martyrum ac Confessorum exuviis , in Altari Confessionis , sub Ara Majori ab ipso magnificè exstructæ , locavit : Caput verò argenteo senisimulacro includit , eo animo , ut in gravioribus hujus Metropolis calamitatibus per vias circumlatum , aut in Altari expositum , ab imminente flagello Cives subluceret , Deique iram placaret .

Vitam hujus Sancti Præfatis retulere Mombrinius & Bollandus ; recenter autem Italicè edidit Mediolanensibus typis Presbyter *Ignatius Scrvilianus Latusda* , Rerum Patriæ studiosissimus .



ALGISIUS.



Ortuo Sancto Galdino, post longam concertationem quam superius descripsimus, delectus est in Archiepiscopum Algisius Civis Mediolanensis, e Pirovana Familia (ut tradit Galefinius) primò Canonicis Ordinariis adscriptus, dein Cimiliarchæ & Cancellarii Sanctæ Mediolanensis Ecclesiæ munere perfunctus. Si fidem præstemus Ughello, & nonnullis recentibus Catalogis a Puricello relatis, in ipso Pontificatûs exordio intrepidum animum suum publicè significandi occasionem nactus est, Frederico Ænobarbo nostræ Metropolis expugnationem iterum meditante. Siquidem cum iste non tam Germanicis, sed etiam Italicis copiis probè instructus in fines Insuabricos irrupisset, atque jam spe & desiderio tamquam cruentus Leo prædæ inhiaret, Algisius Archiepiscopus unâ cum Fœderatis Mediolano Langobardis sese hosti objecit, per agros hujus Ditionis fœda vastatione debacchanti, ac simul cum auxiliariis agminibus tantum profecit, ut fracto Ænobarbi exercitu, ipsum quoque ab equo suffosso dejectum in fugam compulerit, & insignis victoriæ triumphum in hanc Metropolim reportaverit. Ne tamen placidè ac lubenter in Ughelli sententiam abeamus, nonnulla mox exponenda nos retrahunt. Cum enim certum sit apud omnes, faustum diem gloriôsæ hujus pugnæ fuisse XXIX. Maji, Sanctis Martyribus Sisinio Martyrio & Alexandro dicatum, quorum etiam auxilio (ut credere Cives nostri

stri ob felix augurium trium columbarum, ab eorumdem Sepulcro avolantium, atque insistentium Carrocii vexillo, dum ad ineundum prælium progredierentur) fusæ fuerunt hostiles copię, relicto victoribus campo, castris & spoliis: Ex altera verò parte, ipso satente Ughello, cum decem effluerint hebdomadæ, antequam sublatis diffidiis Algisius in Archiepiscopum deligeretur, præsens celebri huic pugnæ tamquam Præsul procul dubio adesse non potuit, cum quadraginta tantummodo dies a morte Galdini, ad victoriæ diem, intercessissent. Præterea nemo ex Scriptoribus Patriæ nostræ, Corio, Tristano Calcho, Sigonio, aliisque, Algisium aut duxisse exercitum, aut interfuisse pugnæ memoravit; quamvis minutim descripserint quidquid in hoc conspectu a Mediolanensibus actum fuit. Nihilominus laudem in re huiusmodi, si quæ debetur Algiso, non invito relinquinus. Id quidem admitti potest, quod Ughellus refert, Friderico pacem statuenti cum Alexandro III. Pontifice Maximo in Veneta Urbe, Algisium Antistitem unà cum aliis Archiepiscopis & Cardinalibus adstitisse Anno MCLXXVII.; quamvis nec Romualdus Salernitanus, qui præsens omnia minutim descripsit, nec Labbeus habitum tunc Venetiis Concilium referens, Archiepiscopi nostri nomen alicubi enuncient. Quid enim verisimilius credi potest, quàm Archipræsulem Civitatis Mediolanensis tot cladibus & ruinis ab Ænobarbo afflictæ, ad Venetas oras properasse, tum ut Alexandro Pontifici Maximo obedientiam suam obsequentissimè exhiberet, tum ut supplicem ante illius pedes cum Imperatorem intueretur, qui ferox & minax, Solum suum in dirutæ Civitatis ruderibus crexerat? Certè Ferrariam

rariam se contulisse Algisium cum Episcopis & Abbatibus Lombardiæ, die Dominico Passionis Domini, testis est memoratus Romualdus, qui ait, *exceptum fuisse* (Mediolanensem Archiepiscopum) *a Papa paterno affectu, & prout decuit, satis benigne*; sed an comitatus fuerit Pontificem Maximum Venetias usque, ibidemque moram duxerit, donec abfolveretur celebritas omnis Tractatum, & mutæ pacis inter Alexandrum III., & Fridericum Imperatorem simul cum Siciliæ Rege, & Lombardiæ Rectoribus, conjectando asserere possumus ex hoc antiquo vestigio a Romualdo nobis relicto, profectionis videlicet Algisii ad Ferratiensem Urbem, non autem constanter affirmare, nullo nobis securo alio monumento, indubiam fidem faciente. Itaque certiora prosequamur.

Cum inter Consulem Loci *Trenste*, & Joannem Monachum Monasterii Sancti Ambrosii, qui præerat Ecclesiæ Sancti Sepulcri ipsius Loci, controversia exorta foret circa quædam pascua, utrum videlicet ad unum, vel alterum spectarent, resque delata esset ad Algisii Mediolanensis Archiepiscopi Tribunal, ipse per Joannem Causidicum, Assessorem suum Causâ attentè discussâ, Sententiam protulit in favorem Joannis Monachi. Extat Documentum in *Monum. Bifiliæ Ambrosianæ*, num. DLXXIV., expeditum Anno Dominicæ Incarnationis millesimo centesimo septuagesimo octavo, primo die Novembris, Indictione duodecima, subscriptum ab eodem Algisio, Mediolani Archiepiscopo.

.. Puricellus idem e Monasterio Monialium Sanctæ Mariæ appellatæ in *Vallis*, seu in *Vallo*, quia proximum foret mœniis Mediolani, authenticum Documentum extraxit,

Vu

datum

datum ab hoc nostro Antistite Anno Dominicæ Incarnationis MCLXXVIII., X. Calendas Maji, Indictione XI., ut litem dirimeret inter Ottonem, & Petrum Presbyteros Ecclesiæ Beati Apollinaris, ubi nunc degunt Moniales Sancti Francisci Assisiatæ, & Joannem Sacerdotem Ecclesiæ Virginis Mariæ, quæ dicitur *in Vallis*, in quam a vetusto tempore Moniales Ordinis Sancti Benedicti inductæ fuerunt. Causam hanc, quæ exorta fuerat de quodam Libellario Fictio pro Vineâ jacente in Loco *Limidi*, per Assessores suos accuratè perpensam Algisus Archiepiscopus dissolvit, præcipiens, ut præstaretur in perpetuum a Presbyteris Sancti Apollinaris Libellarium Fictum Sacerdoti Sanctæ Mariæ in Vallis, *presentius Domino Uberto Cribello, Ecclesiæ Mediolanensis Archidiacono, & Algisto Cimiarcha, ipsius Domini Archiepiscopi Nepote.*

Celebratum est ab Alexandro III. Summo Pontifice Anno MCLXXIX., circa medium Quadragesimæ, Generale Concilium Lateranense III. triplici de causa, ut adnotavit Pagius: Primò, ut Schisma prorsus aboleretur; secundò, ut Valdenses Hæretici damnarentur; tertio, ut disciplina Ecclesiastica, quæ durante Schismate labefactata fuerat, restitueretur. Huic Concilio interfuisse trecentum & ultra Episcopos, inter quos Archiepiscopus noster Algisus fuit, innuit Galestinus, atque Ughellus confirmat; quamvis temporum vicio perierint Subscriptiones, illæque tantum supersint, quas ex Gallicanis Provinciis collegit Sirmondus, & Labbeus imprimi curavit ad calcem hujus Concilii Lateranensis.

Sequenti Anno MCLXXX. idem Alexander Pontifex Maximus,

ximus, ut Alexandrinæ Ecclesiæ in Langobardia consuleret, Episcopatum Aquesem transferre decrevit in prædictam Civitatem. Quapropter Algisum Mediolanensem Archiepiscopum delegit, eique Apostolicam auctoritatem impertitus est, ut hanc Unionem perficeret: quod ipse mandatis Pontificis Maximi obtemperans fidelissimè implevit. Leguntur Literæ Antistitis nostri, ad Clerum & Populum Alexandrinum hac de re scriptæ, apud Ughellum ante Seriem Episcoporum illius Urbis, datæ Mediolano, Anno proximè memorato, quibus Algisus declarat, Venerabilem Episcopum Aquesem unà cum Sede sua, in eam Civitatem Apostolica auctoritate se transferre, eâ tamen conditione, quòd remaneant in ipso jura & potestas in Aquesem Ecclesiam, sicuti antea; nec ea ullo modo se subtrahere velle, aut ullatenus imminuere, quominus in illa & aliis Ecclesiis suis plenum jus & potestatem exercere valeat.

Alteram Sententiam refert Puricellus in *Monument, Basil. Ambros.*, num. DLXXVII., datam in Palatio *Stationæ* Anno MCLXXXI., Mense Maji, Indictione XIV. Erat hoc Oppidum juris Archiepiscopalis hujus nostræ Ecclesiæ, ita in antiquis Documentis appellatum, ut pluribus exemplis ostendimus in *Appendice ad Dissertat. pro vindicandis Mediolano Corporibus Sanctorum Protasii & Gervasii*; nunc verò mutato nomine *Angleria* dicitur. Causa agitabatur inter Joannem de Besutio, Monachum Coenobii Sancti Ambrosii, & Petrum Clericum de Lixia (Italicè *Lesa*) circa Campum unum in agro Lixiense jacentem, quem uterque juris sui esse profitebatur. Itaque commisso examine Joanni Judici & Assessori suo, Algisus Archiepiscopus Petrum condemnavit, ut Campum Mo-

nacho memorati Cœnobii dimitteret, tamquam illius proprium. Eodem Anno Diploma expedit in favorem Nofocomii, quod erectum fuerat in Plebe Varisii Ambrosianæ Diœcesis, sub nomine *Sancti Petri de Molina*; utque nobiliori cultu pauperibus ministraretur, & inviolatum permaneret, Domum illam ac Ministros sub protectione Sanctæ Mediolanensis Ecclesiæ esse declaravit. Datum est Mediolani, Anno superius dicto, XVI Calendas Maji, Indictione XIV., & asservatur apud Clariss. Nicolaum Sormanum, Collegii Ambrosiani Doctorem. Refertur etiam ab Ughello Charta integra Contractûs venditionis initæ inter Domnum Gulielmum Abbatem Sancti Celsi, & Domnum Jacobum Abbatem Cœnobii Morimundi, quam auctoritate sua firmavit, ac propria manu subscripsit Algisus Mediolanensis Archiepiscopus. Data est hæc Charta Anno Dominicæ Incarnationis MC-LXXXI., die II. mensis Julii, Indictione XIV.

Abbatissâ Monialium Monasterii Sancti Ambrosii, siti in Suburbio Civitatis Florentiæ supplicem Libellum Algisio porrexerat, rogans eum, ut confirmare dignaretur concessiones ac donationes quarundam Possessionum, factas Cœnobio suo a Prædecessoribus Archiepiscopis Ecclesiæ Mediolanensis. Ejusdem itaque justæ petitioni annuens Algisus, favorable Rescriptum remisit, quo prædicta omnia confirmavit, vetuitque ne ab aliquo perturbaretur jus illius Cœnobii *sub pena indignationis Dei omnipotentis & Beatissimi Ambrosii*. Retulit illud Ughellus in Serie Archiepiscoporum Florentiæ, sub num. XXXIII., datum Anno Domini millesimo centesimo octuagesimo tercio, mense Februario, Indictione prima.

Præ-

Præclarum Documentum Pastoralis vigilantiae atque accuratae Sacrorum Canonum custodiae in eo vigentis nobis reliquit Algisius, teste eodem Ughello tum in Episcopis Vercellenfibus num. LXIII., tum in Archiepiscopis Mediolanenfibus num. LXXXIV. Cum enim Guala inauguratus Vercellarum Antistes Anno MCLXX. malè administrasset Ecclesiam illam, imo plurima variaque jura maximo ejusdem detrimento vendidisset, Algisius Provinciae Metropolitae peculiari Decreto, tamquam bonorum suae Ecclesiae dilapidatorem, cum Episcopatu multavit Anno MCLXXXIV. Quamobrem Guala exauthoratus vitam postmodum inglorius amisit, eodem Ughello narrante.

Difficile est assignare annum & diem, quo Archipræsul Algisius obierit: Cum enim in antiquo Catalogo tempus regiminis ita adnotetur: *Sedit Annis IIX., & mensibus V., quinque diebus minus*, Scriptores diversimodè extendunt aut contrahunt hosce annos ejusdem regiminis. Ughellus qui electum Algisium triennio ante obitum Sancti Galdini firmissimè tuetur, mortuum eum affirmat Anno MCLXXXIII., adeoque extra orbitam vagatur, decem ipsi annos Sedis tribuens, contra fidem Catalogorum. Imo etiam miramur, quòd hanc Epocham fixerit morti Algisii, cum ipse in Uberto, Successore ejusdem asserat, ab Algisio Archiepiscopo nostro exauthoratum fuisse Gualam Antistitem Vercellensem Anno MCLXXXIV., idemque repetat, loquens suo loco de Guala Episcopo. Corius & Sigonius retrahunt Algisii obitum ad Annum MCLXXXI.; falsò tamen, cum supersint Documenta ab ipso subscripta Anno MCLXXXIII., & sequenti,

ti, quæ nos indicavimus. Denum Papebrochius, qui in *Exegesi Mediolanensium Antistitum* optimè decem hebdomadarum & quatuor dierum interpontificium a morte Galdini, ad electionem Algisii servavit, nihilominus ejusdem vitam producit ad Annum MCLXXXV., die XXIX Martii, adeoque excedit numerum annorum & mensium, quos Catalogus ab ipso illustratus Algisii Pontificatui assignat, nullâ ratione connotatâ, cur ab illius fide recedere cogatur. Nos accuratis initis calculis, & retento etiam die II. Julii, a Papebrochio statuto electioni Algisii, explerum tempus regiminis agnoscimus Anno MCLXXXIV., die XXVIII Novembris.

Seputus est in Ecclesia Hyemali, prope Suggestum.



UBER-

UBERTUS I.



Cribella vetusta ac illustri Mediolanensi Familia progenitus Ubertus (quem alii Lambertum, alii Umbertum appellavere) defuncto Algisio datus est, post mensem unum & dies undecim Sedis vacantis, Successor in Cathedra Archiepiscopali hujus Metropolis, Anno nempe MCLXXXV., die IX Januarii. Adoptatus ipse fuerat in Collegium Metropolitanum Basilicæ Majoris, ac subinde ad Archidiaconatus Dignitatem promotus, egregiè illud munus exercuit. Galefinius in *Tabula Mediolanensium Archiepiscoporum* tradit, eundem Episcopatus Vercellensis Insulâ decoratum fuisse Anno MCLXXXIII., idemque confirmant Scriptores & Catalogi illius Ecclesiæ: Omnino tamen contra verum; Ughellus namque hanc opinionem optimè refellit ostendens, nullum fuisse intermedium tempus, quo Auctores Vercellenses intrudere possent Ubertum in Seriem eorum Antistitum. Præterea Puricellus in *Monument. Basil. Ambros.*, num. DLXXXIII. Sententiam refert, quam Algisius pronuntiavit favore Monialium Sanctæ Mariæ in *Valis*, ex authentico illius Monasterii Documento desumptam, cujus nos mentionem jam fecimus: Ei autem præsens fuit Ubertus Cribellus, tantum Archidiaconi nomine designatus in hunc modum: *Interfuerunt Dominus Ubertus Cribellus ipse Ecclesiæ Archidiaconus, Algisius Cimitarcha, ejusdem Archiepiscopi Nepos &c.* Data est hæc Charta Anno Dominici In-

car-

carnationis millesimo centesimo septuagesimo octavo, decimo Calendas Madii, Inditione undecima. Clarè hinc patet, Minoros nostros ne somniasse quidem, quòd Ubertus quinquennio ante Vercellensis Ecclesiæ fuisset Antistes. Id certè dubio caret, insignem hunc Virum Cardinalitia Dignitate præfuisse ob merita, quæ apud Romanam Ecclesiâ cognitam pridem fuere. Siquidem in Gallias profectus, fidus comes exillius fuit, quod pertulit Sanctus Thomas Archiepiscopus Cantuariensis: Quamobrem Baronius ad Annum MCLXXXII. Ubertum præclaris elogiis exornat, connumerans illum inter celebres & insignes Viros, gloriosâ confessione decoros, qui Sanctum cum Archiepiscopum sunt secuti. A quo tamen Summo Pontifice supremum hunc honorem Ubertus receperit, non una est omnium sententia. Ciaconius enim inter alios, loquens de tertia Cardinalium creatione, ab Alexandro III. Anagninæ facta Anno MCLXXXIII, mense Septembris, Lambertum quoque Cribellum ex Archidiacono Ecclesiæ Mediolanensis Presbyterum Cardinalem tunc creatum ceteris connumeravit. Verùm hoc mendum dilucidè refellitur a superiori Sententia Algisi, cui ut diximus Archidiaconi solummodo titulo distinctum interfuisse constat Anno MCLXXXVIII. Itaque, quod negari nequit, adscriptus est Ubertus Cardinalium Collegio a Lucio III. Pontifice Maximo Anno MCCLXXXII. Er sanè Ughellus, qui diligentissimè examinavit subscriptiones omnes factas ab Uberto Diplomatis Summorum Pontificum, nullam invenit exaratam ante Annum memoratum. Declaratus etiam fuit ab eodem Lucio III Sedis Apostolicæ per Insubriam Legatus Anno MCLXXXIV.; quemadmodum

con-

constat ex Sententia , quam refert Puricellus in *Monumentis Bist. Ambros.* , num. DLXXXIV. , lata a Rogerio de Landriano Judice , *Mediolani in Palatio* (gentilitio) *ejusdem Domini Cardinalis* , ex mandato Domini Uberti Cardinalis Presbyteri , Tituli Sancti Laurentii in Damaso , & Apostolicae Sedis Legati .

Lucius III. Pontifex Maximus , dum esset Veronae , Fridericum Imperatorem allocuturus , Concilium Episcoporum coëgit Anno MCLXXXV. , Pagio restante , ad quod Ubertus Cribellus jam Cardinalis Sanctae Romanae Ecclesiae , & Archiepiscopus Mediolanensis se contulit , ibique moram duxit . Contigit autem eodem Anno , atque in eadem Urbe obitus Lucii Summi Pontificis , VII. Calendas Decembris . Quapropter Cardinales omnes , qui defunctum Pontificem comitati fuerant , collectis suffragiis , statim evexere ad Sancti Petri Cathedram Ubertum nostrum Antistitem , qui tamen usque ad mortem Archiepiscopatum Mediolanensem numquam dimisit , sed per fidos sapientesque Ministros hanc Ecclesiam gubernare dignatus est .

Fridericus Imperator Mediolanum profectus , nuptias disposuit Filio suo Henrico VI (alijs V.) in nostra Metropoli celebrandas cum Constantia , Rogerii Siciliae Regis Filia , quam perperam nonnulli dixerunt Monialem , ut animadvertit Baronius . Initae illae fuerunt in Basilica Sancti Ambrosii Anno MCLXXXVI. solempni ea pompa , quae Augustam Familiam decebat , & splendido tantae Metropolis decori responderet . Corona pariter Italica tribus hiis Principibus imposita fuit : Sed quis eorum Praesulum qui aderant , Coro-

X x

natio-

nationis honorem retulerit, plures Scriptorum nostræ Patriæ malè expressere. Alii enim indicaverunt Algisium, qui jam satis concesserat; alii, Milonem, qui nondum erat Archiepiscopus; alii demum Ubertum, qui Pontificatus Maximi Dignitate præfulgens, longe ab aliis aberat. Pagius dubium omne exsolvit, referens verba æqualium illi tempori Auctorum, ac præsertim Radulphi de Diceto, ita scribentis: *Inter Henricum Regem Theutonicum, & Constantiam Filiam Rogerii Siculi Regis, Amitam verò Gulielmi Regis Siculi, Generi Regis Anglorum, matrimonium celebratum est VI. Calendarum Februarii: Viennensis Archiepiscopus Fridericum Imperatorem Mediolani coronavit. Eodem in die Aquilegensis Patriarcha coronavit Henricum Regem Theutonicum, & ab ea die vocatus est Cæsar. Quidam Episcopus Theutonicus coronavit Constantiam. Hæc acta sunt in Monasterio Sancti Ambrosii. Id autem omne peractum est, absque obtento consensu Urbani III. Pontificis Maximi atque Archiepiscopi Mediolanensis. Quocirca, ut justam indignationem suam profiteretur, tum Aquilejensem Patriarcham Godefridum, tum alios Præfules qui interfuerant, a Divino suspendit Officio.*

Ubertus Pontificia Dignitate auctus, secundo Anno electionis suæ in Summum Hierarcham, Diploma expedivit Veronæ adhuc degens, in favorem Cœnobii Morimundensis, cui Alexander III. Pontifex Maximus Privilegia quædam indulserat Anno MCLXXI, ut tradit Ughellus in Serie Archiepiscoporum Mediolanensium, ubi de Robaldo agit: quo eadem Privilegia confirmavit Anno MCLXXXVI. Illud non retulit memoratus Ughellus, asserens conforme prorsus esse

Re-

Rescripto Alexandri, quod recitaverat, ut diximus in Vita Robaldi.

Quid egerit Urbanus III. sedens in Suprema Sancti Petri Cathedra, & quot labores atque ærumnas pertulerit, ut auctoritatem suam, Fideique Catholicæ partes tueretur, coactus etiam intrepidè obstitere Friderico Ænobarbo, ejusque Filio Henrico, nostrum non est enarrare; cum abundè egregias Urbani res gestas ad posteros transmiserint Cardinalis Baronius, Ciaconius, Platina, & alii qui Vitas Pontificum Romanorum descripsere. Summâ procul dubio religione Pontificem istum excelluisse, apud nos vestigia etiam in præsentem diem servata testantur. Siquidem multò etiam ante quàm Dignitates splendidiore consequeretur, idest Anno MCLXX, ut refert Pennotus, Monasterium condidit prope Ticinum, amnem, in Loco appellato *Bernate*, gentilitii juris sui, ditavitque opulento censu ex paternis facultatibus, subdens illud alteri Cœnobio, nuncupato *de Crescentiaco*, Ordinis Canonici Lateranensis. Neque hoc contentus, novum similiter Monasterium erexit, quod nunc etiam dicitur *Sancti Petri ad Vinum*, illudque pariter proprii patrimonii redditibus locupletavit. Hinc autem factum est, ut creditus fuerit Ubertus Cribellus, nomen suum dedisse Ordini Regularium Canonici, quemadmodum legi potest in laudato Pennoto, & Oldoini Additionibus ad Ciaconium: Sed citra verum; cum nemo unquam memoraverit ex nostris, aut Pontificiis Scriptoribus, eidem sacræ militiæ adscriptum eam fuisse, quævis revera propensissimum animum servavisse erga celebrem hanc & sanctissimam Congregationem ipse semper commonstraverit.

X x 2

Non

Non leve indicium quoque religiosissimi in Deum & Sanctos cultus, est cura, quam Ubertus habuit, ut Sacra Coelitus Lypsana Fidelium venerationi exponerentur; refert namque Petrus Paulus Bosca in *Martyrologio Ambrosiano*, ad diem XXV. Augusti, reperta fuisse ab Uberto Corpora Sanctorum Martyrum Astantii & Antoniani, in Pago Viconzoni Diocesis Mediolanensis, prope agrum Laudensem, atque ab ipso (ut Bosca autumat) traducta inde fuisse Mediolanum, in Aedem Sancto Satyro dicatam. Siquidem ipsemet Clariss. Bosca testatur, se expositos in Ara Majori ipsius Ecclesiae multos Cineres horum Martyrum vidisse, dum de Festo Epiphaniae singulis annis cum aliis quamp'uribus Reliquiis publicae venerationi exhiberentur, & debito obsequio coluisset. Illustrius tamen argumentum pietatis, quae in Urbano III. Summo Pontifice, simulque Archiepiscopo nostro fervebat, ea omnia sunt, quae paulo ante obitum summo studio curavit, ut nempe conservata Jerosolyma, & venerandis Terrae-sanctae Locis, vividior semper floreret contra Barbarorum irruptiones triumphalis gloria Crucifixi Redemptoris. Id namque ostendunt sollicita meditamenta in unum colligendi universos Principes Occidentales, ob expedienda in Orientem subsidia copiarum. Sed intempestiva mors obstitit praclarissimis coeptis; cum enim Veronam Ferrariam se contulisset, Venetias usque penetraturus, ad animos Christianorum militum inflammandos, ferale nuncium accepit, captam jam esse a Saladino Jerosolymae Urbem; ac intimo cordis dolore percussus contabuit, obiitque, sepultus in Ecclesia Cathedrali Ferrariensi, post annum I., menses X., dies

dies XXV. aëtos in suprema Hierarchica Dignitate ; & annos II. , menses IX. , dies X. in Archiepiscopatu Mediolanensi , ut mox compertum faciemus .

Appositum est illius Tumulo in memorata Ferrariensi Cathedrali sequens Epitaphium :


HIC JACET SACRÆ MEMORIÆ URBANUS PP. III.
NATIONE MEDIOLANENSIS ,
EX GENERE CRIBELLORUM
SEPULTUS . MCLXXXVII.

De numero annorum , mensium , & dierum , quibus Mediolanensem Ecclesiam Ubertus rexit , si inspiciamus Catalogos antiquos nobis relictos , dubitari nequit , cum eidem attribuant annos II. , menses IV. , & dies X. Verum si iisdem standum sit , nodus nondum extricatus objicitur , quo videlicet die electus fuerit in Archiepiscopum hujus Metropolis . Sigonius , qui Uberti electionem ad Ambrosianam administrandam Ecclesiam Anno MCLXXXI. figit , longe aberrat , proinde minimè est attendendus . Puricellus , qui Annum MCLXXXV. rectè adnotat , III. Calendas Aprilis collatum Uberto Præfultum affirmavit ; Nec multum dissentit Ughellus , qui circa exeuntem Martium , aut Aprilis initium , eundem institutum Archiepiscopum tradit . Papebrochius in *Exegesi Mediolanensium Antistitum* , ad diem XI. Maji (quem nos etiam secuti sumus in Adnotationibus ad Sigonium) differt Uberti Successionem in Sedem Algisi defuncti . Attamen cum secundis curis has Epochas expendimus ,

rimus, compertum nobis effectum est, neminem ex hisce laudatis Scriptoribus in scopum collimasse. Namque seriò attendentes annorum numerum, qui in vetusto nostro Catalogo tribuuntur Algisio, nempe, *annos VIII, menses quinque, quinque diebus minus*, diximus superius, eos compleri die XXVIII. Novembris, Anni MCLXXXIV.: Admonente verò Catalogo eodem, *vacasse* Mediolanensem Sedem *mensē I., & diebus XI.*, patere arbitramur, electionem Uberti post Algisi obitum, incidisse in diem IX. Januarii, Anni MCLXXXV. Porro certum est; Pagio teste, mortem Urbani III. Archiepiscopi nostri amoveri non posse a die XIX. Octobris Anni MCLXXXVII; proinde anni II., menses IV., & dies X. minimè congruunt calculo Scriptorum, quos hactenus indicavimus, aut enim deficiant, aut excedunt. Quod optimè percipiens Papebrochius, opinatus est, ab Urbano III. dimissum fuisse Archiepiscopatum Mediolanensem mense uno ante mortem; reluctante potius veterum Scriptorum testimonio. Nos qui superius relata Epocham fiximus, in tanta opinionum varietate non aliam viam enodandæ huic difficultati amplecti posse arbitramur, quàm asserendo, excidisse e calamo Amanuensis numerum IV. mensum, cum IX. exscribendi forent ab archetypo Catalogo. Neque hoc novum est, cum alibi etiam idem Papebrochius similem errorem conatus sit emendare. Sanè si conjectandi libertas nobis quoque indulgeatur, censemus in archetypo antiquo Catalogo adnotatum fuisse hunc Romanum numerum *LX.*; sed Amanuensem alterum numerum *IV.* excerpisse, cum illud fortasse vel malè compactum, vel corrosum offenderit. Equidem hoc

ablato

ablato exscriptorum menlo, temporis spatium adamussum & electioni Uberti, & morti respondet in Summo Pontificatu; ideoque nihil securius nobis statuendum objicitur. Nihilo tamen minus penes Lectores judicium sit; nobis profitentibus, certiora si emergant, libenter nos amplexuros.



MILO.

M I L O.



AD Archipresbyteri Dignitatem in Majori Mediolanensi Ecclesia primò evectus fuerat Milo, dictus *de Cardano*, ut ipsemet testatur in Diplomate, cujus infra mentio fiet: quocirca emendandus est Galestinus, qui eum apertè vocat *Candianum*. Comes fuit unà cum Sancto Galdino peregrinationis susceptæ ab Oberto Archiepiscopo nostro ad Januensem Urbem, ut sequeretur Alexandrum III. inde in Gallias profecturum, tempore Schismatis & excidii Mediolanensis Urbis a Friderico Ænobarbo parati. Deinde Insulam Taurinensem obtinuit Anno MC-LXX. ; quod minimè animadvertit Ughellus in Episcopis Taurinensibus, ejusdem electionem affigens Anno sequenti, cum tamen id expressè legatur in *Monument. Basil. Ambros.*, num. DCIX. apud Puricellum, a quo archetypum Documentum profertur Transactionis peractæ coram Domino Galdino Mediolanensis Ecclesiæ Archiepiscopo & Apostolicæ Sedis Legato, inter Abbatissam Monasterii Majoris Mediolani, & Abbatissam Cœnobii de Montano (prope Pagum Roxari, extra Urbem nostram ad Occidentem). Cùm enim translatum esset judicium arbitriumque Partis utriusque in Dominum Milonem, Mediolanensem Archipresbyterum, & Taurinensem Episcopum, ipse in concordiam prædictas Abbatissas composuit. Data est hæc Charta per manum Domini *Algisi Cymeliarchæ & Cancellarii*, de mandato supradicti

Do-

Domini Galdini, Archiepiscopi, & subscripta a Milone Taurinensi Episcopo, & Archiepiscopito, Anno a Nativitate Domini millesimo centesimo septuagesimo, XII. Calendas Novembri, Indictione IV.

Neque hac sola occasio fuit, publicè experimentum faciendi, quantà præditus esset Milo dexteritate ac prudentia. Etenim, cùm ageretur Anno MCLXXVII magnum Opus reconciliantii Fridericum cum Alexandro III. Pontifice Maximo, septem Cardinales Summus Pontifex pacis arbitros ac mediatores delegit; Lombardi verò ad propriam partem totidem sapientissimos Viros designavere, quorum primus Milo fuit. Taurinensis Episcopus, simul cum Bergomensi, Cumano, & Astensi Electo, aliisque tribus Laicis Judicibus. Constat hoc ex Actis ipsius Alexandri III., quæ Baronius refert.

Mediolanensem Ecclesiam ditare voluit Milo Divini cultus incremento, etiam antequam hujus Metropolis Solium conscenderet. Recitat Franciscus Castellus sæpius laudatus in Collectaneis MStis, quæ in Bibliotheca Ambrosiana custodiuntur, Chartam Donationis, quam Taurinensis iste Præsul expedivit Anno MCLXXXVI, ut Primario Clero Metropolitane Basilicæ novus Canonicus accresceret. Quapdoquidem verò Documentum istud adhuc latet in tenebris, non ingratarum erit Lectoribus, in lucem productum illud accipere.

„ In nomine Domini, Anno Dominicæ Incarnationis millesimo centesimo octuagesimo sexto, quintodecimo die mensis „ Julii, Indictione quarta, Capitulo Ordinationum Mediolanensis Ecclesiæ. Ego in Dei nomine Milo Turinensis, Episcopus,

Y y

pup,

„ pus, & Mediolanenſis Eccleſiæ Archipreſbyter, qui dicitur
 „ de Cardano, conſenſu & voluntate Domini Urbani Papæ
 „ & Mediolanenſis Archiepiſcopi, ſicut per ejus Literas bul-
 „ latas a me viſas apparebat; necnon & præſente & con-
 „ ſentiente Heriprando Judice & Advocato ipſorum Ordina-
 „ riorum, & Domino Petro Buxoro Archipreſbytero de
 „ Monte; & Magiſtro Philippo, atque Guiſcardo Vicecomi-
 „ te, & Albrico de Surexina, & Hugone de Oranò Sacer-
 „ dotibus, atque Ottone Vicedomino, qui dicitur de Cur-
 „ te, & Oldone Crivello Diaconibus, ac Magiſtro Faxa-
 „ to, qui dicitur Menclotius, & Uberto Lento, & Alber-
 „ to, item Menclotio Subdiaconibus ipſius Capituli. Dico
 „ præſenti die & hora inter vivos; Nominative omnes il-
 „ las poſſeſſiones, quas habeo, & mihi pertinent in Locis
 „ & Fondis Foffadolto, Paninzacco, & in eorum territo-
 „ riis, ac in circumſtantibus Locis tam in Caſtris, quàm
 „ in Villis & in finibus, quas emi a Mainetiis, pretio li-
 „ btarum ſeptingentarum ſeptuaginta novæ monetæ Medio-
 „ lani; ſcilicet Ciſas, ſedimina, ac molendinorum ſedes,
 „ cum ædificiis eorum, & ceteras territoriarum res cum omni
 „ honore & diſtrictu, & conditionibus,
 „ & Eccleſiarum advocatiis, piſcationibus & jure vaffallo-
 „ rum, & omni alio jure & uſu Eo tenore,
 „ ut a modo in antea ſint ipſæ poſſeſſiones omnes ipſius Ca-
 „ pituli: Ita tamen, ut præſenti numero Ordinariorum ad-
 „ datur unus Ordinarius Præbendarius, qui ipſas res habeat
 „ & teneat, & faciat omni tempore Anniverſarium nunc
 „ ex fructibus ipſarum poſſeſſionum cum Domino Archiepi-
 „ ſcopo,

„ scopo, & cum ipso Capitulo, atque cum Communantia,
„ Sacerdotum Mediolanensium; dando Domino Archiepisco-
„ po, si interfuerit, solidos quinque, & Hebdomadariis de-
„ narios quinquaginta duos; Sacerdotibus & Diaconibus Ca-
„ pituli Ordinariorum denarios sex pro unoquoque; Subdia-
„ cono & quatuor Notariis denarios quatuor pro unoquo-
„ que; Lectoribus denarios quatuordecim; Custodibus dena-
„ rios sexdecim; Veglonibus & Veglanis denarios viginti;
„ inter Crucem & incensum denarios duos; Pueris Magistri
„ Scholarum denarios duos; pro pane & vino Massani so-
„ lidos duos. Et prefati denarii omnes dentur singulis an-
„ nis prefatis personis in jam dicto Anniversario meo, tam
„ si non intererint, quàm si intererint, exceptâ supralcripta
„ benedictione Domini Archiepiscopi. Ceteris verbò Presby-
„ teris, qui intererint, dentur denarii duo pro unoquoque,
„ & qui non intererint, nihil habeant. Cetera verbò Judi-
„ cata & ordinamenta, quæ ego qui supra Milo, feceram
„ supra jam dictis facultatibus meis, casso & infringo, quia
„ sic decrevit mea bona voluntas. Actum in Domo ip-
„ sorum Ordinariorum, pro remedio & mercede animæ
„ meæ.

„ Ego Heriprandus, qui dicor Iudex, & suprascripto-
„ rum Ordinariorum Advocatus consensi ut supra, & sub-
„ scripsi.

„ Interfuerunt Gulielmus, qui dicitur Burrus, & Anri-
„ eus Advocatus de Turino, ac Borras de Massenago, &
„ Petrazius de Sancto Calocero, atque Petrus de Subiaco
„ Testes. Ibique incontinenti investivit ipse Dominus Milo

Y. y 2

„ Epi-

„ Episcopus prefatos Dominum Petrum Archipresbyterum,
 „ & Ottonem Vicedominum, &c. Magistrum Faxatum nomi-
 „ ne ipsius Capituli de prefatis possessionibus omnibus, qua-
 „ liter superius legitur.

„ Ego Guadericus Palliarius, Notarius Sacri Palatii tra-
 „ didi & subscripsi.

„ Ego Rogerius, qui dicor Palliarius, Notarius Sacri
 „ Palatii scripsi.

„ Ego Petrus de Veriano Notarius Sacri Palatii authen-
 „ ticum hujus Exempli vidi, & legi, & sic in eo conti-
 „ nebatur, ut in isto legitur Exemplum, extra literas plus
 „ minusve.

„ Ego Manfredus, qui dicor de Brivio, Imperialis Aulae
 „ Notarius authenticum hujus Exempli vidi & legi, & sic
 „ in eo continebatur, sicut in hoc legitur Exemplum, extra
 „ literas plus minusve.

Electus demum Milo communibus Suffragiis post men-
 sem I., & dies XVI. ab obitu Urbani III. Summi Ponti-
 ficis (ut tradunt Catalogi), non quidem statim post au-
 ditam Urbani mortem, quemadmodum censuit Ughellus, die
 V. Decembris Anni MCLXXXVII. Ambrosianam Ecclesiam
 administrandam suscepit. Biennio post eidem sese obtulit de-
 finienda controversia, quae antea serbuerat inter Praepositum
 Ecclesiae de Casolate, & Priorem Monasterii Morimundenfis.
 Archiepiscopus autem noster ipsam adeo diremit, ut quiesca-
 re inter illos concordia vigeret. Chartam Transa-
 ctionis recitat Ughellus in Vitis Archiepiscoporum Mediola-
 nensium, subscriptam manu propria Milonis, & datam Anno

MC-

MCLXXXIX. XI. Calendas Augusti, Indictione VII.

Superioribus annis, ut viximus, acerrimum exortum fuerat dissidium inter spectatissima duo Collegia Canoniorum Urbis Bergomensis, Sancti Alexandri. videlicet, & Sancti Vincentii. Quamvis verò Mediolanensis Archipræsul Robaldus, & etiam Pontificia auctoritas Innocentii II. sese interposuisset, ut invicem altercantes utriusque Basilicæ Canonici lites, deponerent, revixere nihilominus controversiæ, donec Lanfrancus Bergomi Aqstites tantâ se gerens dexteritate illas omnes exsolverit, atque evicerit ut ex duobus Collegiis unum conflaretur; ac proinde utriusque Partis Canonici sese tamquam Fratres sint amplexati, quemadmodum in Episcopis illius Urbis Ughellus authenticis Documentis enarrat. Deceat tam prælaro Operi auctoritas Metropolitanæ Pontificis. Quamobrem Milo Archiepiscopus Diploma dedit, quo se approbare & confirmare ostendit, quod actum fuerat per Bergomenses, ad perficiendum laudatissimum hoc Opus, ut ex Charta ab eodem Ughellô vulgata, cui Milo manu propriâ subscripsit, expeditâ Mediolani, *per manum Domini Rolandi Diaconi & Cancellarii Anno MCXC. Pontificatus Domini Milonis anno tertio, sexto die Februarii, Indictione VIII.*

Anno eodem emerlerat denuo inveteratum jurgium inter Canonicos & Monachos Basilicæ Sancti Ambrosii, circa jus, quod utraque Pars in peragendis Divinis Officiis sibi vendicabat. Quocirca Milo Archiepiscopus, ut tandem succrescentia in dies litigia radicitus excinderet, Sententiam tulit, qua singula quæ in controversiam venerant, definivit; legemque statuit, ut cuncta impostum sine tumultu & scandalo

dilo fierent. Legitur hæc Charta in *Monument. Basil. Ambros.*, num. DCXIII., *Data Anno MCXC, die III. Martii* (non Maji, ut per errorem Ughellus scripsit) *Inditione VIII., Pontificatus Domini Milonis anno tertio, per manum Domini Rolandi, Dei gratia Mediolanensis Ecclesie Diaconi & Cancellarii*, ac subscripta *Mediolani* ab ipso Milone Archiepiscopo. Non acquievere tamen Antistitis nostri Decreto Canonici ac Monachi ejusdem Basilicæ: Quapropter ad Summi Pontificis Clementis III tribunal appellavere Anno MCXCI., qui designatis duobus Judicibus Petro Abbate Sancti Petri de Laude-vetere, unâ cum Oberto Præposito Bergomi, iisdem Causam definiendam commisit. Sed hæc fusiùs enarrare, ad nostrum Institutum non pertinet.

Biennio post, Anno nempe MCXCIII. nobis occurrit in *Monument. Basil. Ambros.*, sub num. DCXXI. Privilegii Charta, quo Archiepiscopus Milo confirmat ea omnia, quæ tum Mediolani, tum extra Urbem iustè & canonicè Sancti Ambrosii Monasterium possidebat. Subscribitur hoc Diploma propria manu memorati Antistitis: Datum autem est *per manum Domini Rolandi, Dei gratia Mediolanensis Ecclesie Diaconi & Cancellarii, Anno MCXCIII., die martis sexta mensis Aprilis, Pontificatus Domini Milonis anno quinto: Equidem dies martis eo anno verè incidebat in diem sextum Aprilis*; non ita tamen *annus quintus* Milonis tunc numerari poterat. Animadvertunt optimè hoc mendum Puricellus & Ughellus, qui cum suis Adnotatoribus in margine ad hoc Diploma, constanter asserunt, excidisse e calamo Cancellarii, seu potius Scribæ annum *quintum*, pro *sexto* jam incepto.

Nos

Nos tamen validius argumentum proferimus, Chartam videlicet ab eodem Milone datam Anno sequente, die XIII Martii, in qua septimum decurrisset Pontificatus annum Cancellarius optime expressit, ut mox videbimus. Documentum confirmationis expedivit Milo Archiepiscopus *Superstantia Hospitalis Sancti Eustorgii*, Prædecessorum suorum *Rubaldi, Oberti, & Beatissimi Confessoris Galdini* auctoritate jam roboratæ. Quoniam verò huiusmodi Scriptum non ita obvium est, quia relatum tantummodo a Claris Muratorio Tom. III. *Antiquit. Ital. Med. Ævi*, colum. DLXXXV., nos ex *Collectaneis* antea laudatis Francisci Castelli, illud typis vulgamus, ut error superioris Chartæ dilucidius patefiat.

„ Milo Dei gratia Sanctæ Mediolanensis Ecclesiæ Archiepiscopus. Dilecto Fratri Guidoni Præposito, & Fratribus (Sacerdotibus Canonicis) Ecclesiæ Beati Eustorgii Mediolani tam presentibus, quam substituendis in perpetuum. „ Tunc rectè assumptum videmur administrare officium, cum de Ecclesiis & earum servientibus, nostro commissis regimini, sinceriori & ampliori cura, & meditatione sollicitè utiliter cogitamus, & eas taliter satagimus ordinare, descendere & fovere, ut nihil nostræ sit in posterum negligentie imputandum; sed potius ex utili provisione nostra spiritualiter & temporaliter, Auctore Deo, suscipiant incrementum, & quod canonicè adeptæ sunt, omni tempore sine difficultate qualibet perpetuò valeant possidere quietè. Audivimus siquidem, & ex tenore Privilegorum bonæ memoriæ Domini Rubaldi, & Domini Oberti, atque que Beatissimi Confessoris Galdini Prædecessorum nostrorum „ nobis

„ nobis manifestè innouit , quòd prædictus Dominus Rubal-
„ dus Hospitale ad honorem Dei , & pauperum sustentatio-
„ nem , in Suburbio Portæ Ticinensis constructum , & ejus
„ ordinationem omnimodam ; & memoratus Dominus Ober-
„ tus superstantiæ Ecclesiæ vestræ dispositionem , regimen ,
„ dominium , & investituram , Ecclesiæ vestræ & vobis ve-
„ strisque Successoribus donando concesserint , & concedendo
„ donaverint ; & prædictus Beatus Galdinus , tunc Mediola-
„ nensis Archiepiscopus , illa eadem , necnon & Ecclesiam
„ Beati Petri , & Ecclesiam Sancti Stephani cum omnibus ad
„ eas pertinentibus , tam in decimationibus , quàm in aliis
„ redditibus , proventibus , & possessionibus , & omnia alia
„ ad Ecclesiam Beati Eustorgii pertinentia , Apostolicâ , Se-
„ dis cujusungebatur Delegatione , & Sanctæ Mediolanen-
„ sis Ecclesiæ auctoritate , vobis vestrisque Successoribus con-
„ firmavit , liberè & quietè habenda perpetuò , sicut in eo-
„ rum Privilegiis continetur . Nolentes igitur , quod a tan-
„ tis Patribus a nobis omnimodis imitandis statutum est ,
„ alicujus malignitate infringi vel mutari , honestis precibus
„ & petitionibus vestris annuentes , & grato concurrentes af-
„ sensu , Hospitale prædictum , & ejusdem omnimodam ordi-
„ nationem atque dispositionem , regimen dominium atque
„ investituram Superstantiæ Ecclesiæ vestræ , & Ecclesiam
„ Beati Petri , & Ecclesiam Sancti Stephani cum omnibus ad
„ eas pertinentibus , & alia omnia ad Ecclesiam Beati Eu-
„ storgii pertinentia , adinstar Beati Galdini Prædecessoris no-
„ stri , auctoritate Sanctæ Mediolanensis , cui licet indigni
„ præsidemus , Ecclesiæ , & nostræ , jure perpetuo vobis ve-
„ strisque

„strisque Successoribus concedimus, confirmamus, & præsen-
 „tis Scripti paginâ communimus. Statuentes, ut nulli omni-
 „no hominum Clerico vel Laico, in nostra commoranti
 „ditione liceat contra hanc nostram confirmationem venire,
 „vel eam ausu infringere temerario. Si quis verò id at-
 „temptaverit, & cõmmonitus diligenter suam debita satisfa-
 „ctione non correxerit temeritatem, iram Dei Omnipoten-
 „tis & nostram, ac sul-ordinis & officii periculum se no-
 „verit incursum.

„Ego Milo Mediolanensis Archiepiscopus subscripsi.

„Ego Philippus Mediolanensis Archipresbyter subscripsi.

„Ego Obertus Mediolanensis Archidiaconus subscripsi.

„Ego Viscardus Vicecomes Presbyter subscripsi.

„Ego Petrus Presbyter subscripsi.

„Ego Albertus Presbyter subscripsi.

„Ego Guiscardus Mediolanensis Ecclesiæ Presbyter sub-
 „scripsi.

„Ego Rolandus Mediolanensis Ecclesiæ Diaconus & Can-
 „cellarius subscripsi.

„Ego Otto Diaconus subscripsi.

„Ego Otto Diaconus Vicedominus subscripsi.

„Ego Oldo Mediolanensis Ecclesiæ Diaconus subscripsi.

„Ego Obertus Mediolanensis Ecclesiæ Diaconus subscripsi.

„Ego Faxatus Subdiaconus subscripsi.

„Ego Lanterius Subdiaconus subscripsi.

„Ego Jacobus Cassina Subdiaconus subscripsi.

„Datum per manum Domini Rolandi Mediolanensis.

„Cancellarii, Anno millesimo centesimo nonagesimo quarto,

„decimo tertio die Martii, Pontificatus Domini Milonis,
„Dei gratia Mediolanensis Archiepiscopi Anno septimo, . . .

Mediolanensem Ecclesiam rexit Milo annis VII., mensibus VIII., diebus VII., quemadmodum Catalogus ostendit affirmat. Cum autem juxta calculum, initium ad ejus electionem, statuerimus eadem diem V. mensis Decembris, Anni MCLXXXVII., designati a Catalogo numeri annorum, mensium, & dierum, explentur die XIII. mensis Augusti, Anni MCXCV.

Plurimum erravit Sigonius, qui Milonis obitum Anno MCXCIII. affixit. Neque caret suo nomen etiam Papebrochius, qui illum vitam ereptum tradit die XIII. Julii; quamvis eidem condonari hoc mendum possit, cum abdicatam ab Urbano III. Mediolanensem Ecclesiam uno mense ante obitum fuerit opinatus. Certè usque ad Annum MCXCV. vitam produxisse Milonem, perspicuum est; Testem enim addidisse legimus Henrici VI. Imperatoris Diplomati, expedito in favorem Cœnobii Morimundensis, Anno Dominice Incarnationis MCXCV., Indictione XIII., Mediolani, die Dominico, IV. die mensis Januarii, quod vulgavit Ughellus, ubi agit de hoc Archipræsule nostro; in eo tamen a vero aberrans, quòd nimidum fiderit Calcho, & recentioribus Catalogis, dum ait, Milonem saltem ad Annum prope pervenisse MCXCVI., cum nimis indefinitum sit hoc tempus, & supra quatuor menses ab ejusdem morte excurrerint, ante exitum istius anni.

Sepultus est in Ecclesia Hyemali, prope Suggestum. Franciscus Castellus sæpe laudatus, in *MSis suis*, quæ Ambro-

brofiana Bibliotheca custodit, ista adnotavit; exornatum, nempe fuisse Loſuſi illoſi qui cõpendiſ Cõgeribus noſtro- rum Antititum aptatus erat, rubeis marmoribus ab Uberto Gribello, poſtmodum Urbano HL. Cum autem regi magni- ficentiã Joannes Galeatũs Vicecomes, Dux primus Mediola- ni, extreme Templum Maximum vellet in eam quæ nunc viſitur formam diſperſa, ſuere ornamenta omnia, quæ in- vetutiore Baſilica reſulgebant; atque inter marmorum rube- ra inventam fuit Seculo XVI, ideit eo vivente, inſculptum in rubro Lapide Epitaphium Miloni, hæc carminibus ex- preſſum :

ISTHIC PONTIFICIS REQUIESCUNT OSSA MILONIS,
CUI DEUS AETERNÆ CONCEDAT GAUDIÀ VITÆ.



O B E R T U S . I I .



Defuncto Milōne, post dies XXXVI. Sedis vacantis electus est Mediolanensis Archiepiscopus Obertus, seu Uberrus de Tertiago, Anno MCXCV. (non sequenti, ut voluit Ughellus) die VIII. Septembris, in universa nunc Ecclesia, Beatissimæ Virginis Mariæ Nativitati dicato. Antequam ad hanc Dignitatem promoveretur, Modoëtiensis Basilicæ Archipresbyter egregium experimentum dederat, præsertim prudentiæ sapientiæque, vocatus ad firmandas testimonio suo augustas paginæ Privilegii, quod post statutam Pacem Constantiæ Fridericus Ænobarbus Mediolani moram trahens Civibus nostris concessit Anno MCLXXXV., IV. Nonas Maji, Indictione III. Puricellus hoc Diploma publici juris fecit, loco sæpius laudato, sub num. DXCII. Præfens quoque fuerat Obertus alteri Privilegio, ab eodem Ænobarbo Mediolanensibus dato, Anno proximè enunciato, III. Idus Februarii, apud Regium Lepidi, quò Consules Mediolanenses & alii honesti Cives se contulerant, pertractaturi quæ in memorata Pace Constantiæ iuramentis firmata fuerant, ad hanc Metropolim spectantia: Etiam hoc Diploma vulgavit Puricellus, num. DLXXXVII., in quo legimus mansuetissima præconia Majoribus nostris data ab Ænobarbo, eos appellando strenuos, fideles, ac ferventiori præ ceteris affectu ipsi devotos; & enumeratur inter Testes Obertus Modoëtiensis Archipresbyter.

Galefinius in Serie Mediolanensium Antistitum, ut Obertum nobilitas honestaret, tradit, eundem Canonicis Ordinariis Metropolitana-Basilicæ fuisse cōnumeratum. Non ita facile hoc admittit Paricellus, num. DCXXIV.; falsus enim est, decus istud non satis videri compertum. Nos Archivum ipsum hujus Primarii Collegii consulimus, & præsertim Nomenclaturam Canonicorum, qui longè retrò eidem adscripti fuerunt; nec quidquam occurrit de hoc Oberto. Aliud splendidius decus excogitavit memoratus Scriptor, ut aliud etiam Obertum extolleret, videlicet asserendo, Cardinalitiam Dignitatem sub Titulo Sancti Stephani in Caelio Monte, ab Innocentio III. ipsi fuisse collatam. Verbum hoc quoque explodunt Paricellus & Ughellus, & qui Additamenta Ciacconio apposuerunt. Siquidem jam aderat eo tempore Joannes Salernitanus, auctus hoc honore & Titulo, quo varias Legationes obivit. Multò magis asserere cogimur, imaginariam esse excelsam hanc laudem, cum Galefinius Innocentium III. indigitet auctorem collocati inter Cardinales Oberti, qui morti concessit, antequam Innocentius III. ad universæ Ecclesiæ reginien assumeretur. Denique Galefinius vult in gloriam hujus Archiepiscopi nostri Pacem conciliatam inter Mediolanenses, & Comenses, qui diutinis bellis sese invicem frugerant, magno facultatum & Oppidorum detrimento. Sanè Tritanus Calchus sœdus hoc enunciat ad Annum MCXCVI.; quo verè Archiepiscopus erat Obertus: Sed cum erraverit, statuens ejusdem electionem huic anno; cum Milo minimè vitam tamdiu produxerit, Obertum fausti istius Operis sequestrem non facit. Credere tamen prudenter, valemus, intere fuisse

fuisse etiam Obertum, unâ cum Patriâ nostrâ Consulibus, auctoritate & consilio, prout Archiepiscopalis potestas exigebat; quamvis fœderis Tabulas, expeditas Idibus Septembris, videre haud potuerit, raptus morte die XIII. Junii illiusmet anni.


Contigit eodem Anno MCXCVI., quo Obertus adhuc Mediolanensem Ecclesiam regebat, ut inopinato casu magna pars Basilicæ Sancti Ambrosii in præcipuam ruinam decideret, non sine intimo Civium dolore, qui deposita ibidem a Sancto Patrono mortalitatis spolia quotidiano cultu venerabantur. Minus expectavit optimus Pastor supplices preces, ad liberalem aperiendam manum, viresque omnes impendendas, quarum conatu sollicitâ Sacra Aëles illa fervidis omnium votis instauraretur. Verum succedentibus Aëdificiis primordiis obstitit mors intemptiva, quæ pia ejusdem desideria præcidit.

Tempus regiminis assignatur in antiquo Catalogo, mensum IX., & dierum V. Miratur Papebrochius, quod admissis ab Ughello novem mensibus, & diebus quinque: Sedis Oberti, ipse tamen statutus electionem VII. die Septembris Anni MCXCVI., eam decessisse e vita affirmet die XII. Aprilis, MCXCVII.; neque enim novem sunt menses, sed tantum septem. Porro etiam Papebrochius consueto errore labitur, ob mensem detractum ab Archiepiscopali munero Ecclesie Mediolanensis, quod ab Oberto Cribelio ante mortem dimissum ipse putavit. Itaque perduravit Obertus, ex calculis jam in Milonis Vita initis, a die VIII. Septembris, Anni MCXCV., ad diem XIII. Junii anni sequen-

quentis; quo etiam Altaria Ecclesie Caravallensis consecra-
vit, ut ex Codice ejusdem Abbatis Paricellus in *Monum.*
Basil. Ambros., num. DCXXIX. fidem facit.

Sepulchri locus ab Autore Catalogi minime indicatur.

Oberto enim, regnante, in
anno 1177 ab eo, obitus
fuit, et in eodem anno
sepultus.



Oberto enim, regnante, in
anno 1177 ab eo, obitus
fuit, et in eodem anno
sepultus.

PHILIPPUS I.



Lampugnana nobili Mediolanensi Familia-
 natales trahens Philippus, mortuo Oberto
 de Tertiago, post dies XXVI. vacantis
 Sedis Pastoralem hujus Ecclesiae virgam.
 Insulamque suscepit, unanimi Electorum
 consensu, & Coelestini III. Summi Ponti-
 ficis Placito, die IX., vel X. Julii, Anni MCXCVI. Exor-
 natus jam fuerat Dignitate Archipresbyteri in Metropolitano
 Canoniorum Ordinariorum Collegio, eoque nomine subscrip-
 serat pluribus Chartis Milonis Archiepiscopi, quas referunt
 Puricellus & Ughellus. Assumpto hujus Ecclesiae regimine,
 eam reperit destitutam Sacris Ministris, qui Altari inservi-
 rent. Quapropter ad Summum Pontificem Innocentium III.,
 Anno MCXCVIII. in Sancti Petri Cathedra constitutum con-
 fegit, rogans, ut eidem liceret manus imponere Clericis il-
 lis, quos ipse Romanus Pontifex Sacris initiaverat. Res-
 pondit benignè per Epistolam Innocentius, datam Laterani
 XII. Calendas Martii, hæc scribens: „ Sicut ex tenore tua-
 „ rum Literarum accepimus, Mediolanensis Ecclesia tam in-
 „ capite, quàm in membris, occasione Clericorum illorum,
 „ qui ab ipso Romano Pontifice Ordinem receperunt, adeo
 „ est Ministrorum solatio destituta, ut paucos Clericos in-
 „ eadem Ecclesia valeas invenire, quos ad Diaconatus &
 „ Presbyteratus possis officium promovere: Verùm quia Fra-
 „ ternitas tua suppliciter a nobis expetiit, ut ipsius Eccle-
 „ siæ

„ siæ necessitatem sollicitudine paterna pensantes , tibi debe-
„ remus licentiam indulgere , manus posse illis Ordinationis
„ imponere : Super hoc tuæ Fraternitati taliter duximus re-
„ spondere , quòd ipsius Ecclesiæ necessitate pensatâ , si ali-
„ qui fuerint de prædictis Clericis , qui ad hoc videantur
„ idonei , & spontanea voluntate per tuum ministerium vo-
„ luerint ad Sacros Ordines promoveri , eos auctoritate
„ nostra tibi liceat ordinare &c.

Reliquerat Obertus Archiepiscopus , festina morte præ-
reptus , Sancti Ambrosii Basilicam , ut diximus , vix e rui-
nis caput erigentem : Proinde Philippus ejusdem Successor ,
pudori sibi adscribendum ducens , si quod ille incœperat , ipse
non absolvisset , curam omnem adhibuit , ut amoris ruderibus
collapsi Templi , non tam ad culmen deduceretur recens
Ædificium , sed novo etiam ornamentorum splendore
fulgeret ; quominus & cultus Aris tanti Patroni restituereur ,
& servidiores preces ad ejusdem Tumulum effunderent Cives ,
ob reparandam pene collabentem , temporum ac bellorum in-
juriâ , Ecclesiasticam disciplinam , & abolendas depravatæ Ple-
bis corruptelas . Producit Paricellus in *Monum. Basil. Am-
bros.* , num. DCXXVI. nonnullos Testes juratos in quodam
Examine , paulò post confecto , qui fidem huic egregio Operi
Philippi Archiepiscopi , ejusque vigilantie , utpote tunc spe-
ctatores , adjiciunt .

Exarserat usque a temporibus Milonis Archiepiscopi Me-
diolanensis lis acerrima de possessione ac proprietate Mona-
sterii Sancti Donati de Scozula , seu de Sexto (Castro ja-
cente ad oram Ticini Fluminis , e Lacu Verbano effluentis ,

quod in præsentia appellamus *Sextum-Calendas*) cupis integrum jus utraque Pars sibi debere affirmabat, unâ cum omnibus prædiis per diversa Loca constitutis. Postquam diu agitata est quæstio, deferenda fuit ad Apostolicam Sedem. Causa. Quare Cœlestinus III. Pontifex Maximus eam definiendam delectis Episcopis commisit; sed irritò conatu, cùm nondum rei cognitio securo niteretur fundamento. Pontificiam manum dirimendæ huic controversiæ apposuit Innocentius III. Cœlestini Successor, qui post longam judiciorum seriem, pluribus aliis Præsulibus demandatam, tandem Veronens. Episcopo Sententiam ferente partim favore Mediolanensis Ecclesiæ, partim pro Monasterio Sancti Donati, eam utrinque receptam ipse Apostolica auctoritate confirmavit. Quandoquidem verò in hac disceptatione Hugo de Camerario vices Archiepiscopi gerens ausus esset extrudere armatis complicibus Abbatem & Monachos a Cœnobii possessione, atque ob eam temeritatem percussus fuissent anathemate idem Hugo suisque Sectatores, redintegrari Monachos iussit Innocentius, suisque claustris restitui. Data est hæc Epistola, VI. Nonas Martii. Supererat expendenda Causa proprietatis, quæ coram ipso Innocentio III. disceptata fuit, atque communicata Sanctæ Romanæ Ecclesiæ Cardinalibus. Quocirca origine, Privilegiis, aliisque juribus hinc inde productis, & accurato examine, instituto, adjudicata fuit Monasterio Sancti Donati, utpote solidioribus basibus innixa. Seriem omnem iudicii enarrat ipse Innocentius III. in Epistola, data Laterani, XVI. Calendas Maji, Pontificatûs anno II., idest Anno MCXCIX. Unita postmodum fuit hæc Abbatia Nofocomio Majori Medio-

diolani a Paulo III. Pontifice Maximo, Anno MDXXXV., ejusque relictibus hodie quoque utitur, in aegrotantium salute curanda.

Non est silentio involvenda altera Innocentii III. Epistola, missa ad Archiepiscopum nostrum Philippum, cum de insigni Viro, Henrico nempe de Septala agatur, qui postmodum Archiepiscopale munus Ecclesie Ambrosianae summa cum laude exercuit. Præstat id referre verbis ipsius Summi Pontificis, „Cum sicut audivimus Cancellarie Dignitas per
„ annum & ultra in Ecclesia Mediolanensi vacaverit, licet
„ jurisdictio conferendi eam juxta Lateranensis Statuta Con-
„ cillii pleno jure ad nos sit devoluta, cum nec per te
„ infra sex menses, nec per Mediolanense Capitulum infra
„ sex alios fuerit ordinata, nos tamen tibi tamquam Fratri
„ carissimo deferre volentes, devotionem tuam rogamus af-
„ fectuosius & monemus, per Apostolica tibi Scripta præ-
„ cipiendo mandantes, quatenus eiden (Henrico suprad-
„ icto) qui tam per se, quam per Consanguineos suos
„ tibi & Ecclesie tue poterit esse fructuosus, & ad ipsius
„ executionem officii probatur idoneus, quem nos etiam qua-
„ dam prærogativâ speciali diligimus, dictam Cancellariam
„ sine cujuslibet difficultatis obstaculo, tam nostrarum præ-
„ cum intuitu, quam ipsius meritum & probitatis obten-
„ tu, non differas assignare; itaut ipse in hoc bonitatis tue
„ dulcedinem valeat experiri, nosque in nostrarum exaudi-
„ tione precum, tue probare possimas devotionis affectum
„ &c.

Hiscæ tamen sive precibus, sive mandatis Innocentii

Summi Pontificis obstitere nonnulla, quæ Henricum Septimum a percipienda Cancellarii Dignitate prorsus amoverunt. Siquidem cum intra anni spatium Philippus Archiepiscopus Henricum Lumpugnanum consanguineum suum, per traditionem Libri ac Sigilli, Cancellarium instituisset, deductâ ad Apostolicam Sedem Causâ, post diuturnam discussionem confirmata eidem fuit peculiari dignatione ab Innocentio III. hujus muneris exercitatio, cum nulla in re culpabilis appareret. Constat hoc ex altera Epistola ejusdem Summi Pontificis, datâ Perusii IX. Calendas Octobris, Pontificatus anno primo, idest Anno MCXCVIII.

Ughellus tradit, a Philippo Archiepiscopo finem positum fuisse domesticis bellis, quæ inter Mediolanenses, ac Ticinenses fervebant, magno Civium incommodo, sædæque agrorum direptione. Narrat frequentes inter ipsos pugnas Tristanus Calchus ad Annum MCCI, ac demum subdit, expugnato Oppido Viglevani, captivisque Papiensibus Mediolanum ductis, celebri ei victoriâ effectum fuisse, ut tandem pax inter utrumque populum conciliaretur, & sese inimicæ adeò Civitates in sædus etiam sociale conjungerent; nullam verò de Archiepiscopo mentionem facit. Non tamen ambigi potest, Pastoralia ejusdem officia ad perficiendum nobile proficuumque universæ huic Metropoli Opus fuisse considerata. Sanè Carolus Sigonius ad eundem Annum scribit, post captum Viglevanum, Papienses plurimis detrimentis impulsos, Augusto mense Oratores Mediolanum de Pace misisse, qui cum eam æquis conditionibus impetrassent, apud Philippum Archiepiscopum solemnia sacramenta dixerunt.

De-

Decem annos regiminis, menses quatuor, dies septem assignat Philippo Archiepiscopo antiquus noster Catalogus: Quapropter cum ad hanc Sedem promotus fuerit die X. Julii, Anni MCXCVI., ejusdem mors incidit in diem XVII. Novembris, Anni MCCVI., quemadmodum optimè Sigonius huic Anno eam adnotavit; Ughello aliisque Philippi obitum ad Annum sequentem male transferentibus.

Sepultus est in Ecclesia Hyemali.



U B E R T U S II.



Oit dies XXIV. Sedis vacantis, Ubertus ex illustri Mediolanensi Familia Pirovana delectus est Archiepiscopus die XI. Decembris, Anno MCCVI. Adscriptus fuerat Ordinationum Metropolitanæ Ecclesiæ Collegio: Exinde verò Innocentius III.

Pontifex Maximus illum decoravit Cardinalitiâ Dignitate. Ughellus totis lacertis contendit, ut Ubertum nostrum tanto honore exspoliet, asserens, ipsum minimè fuisse Cardinalem Sanctæ Romanæ Ecclesiæ, sed tantummodo Mediolanensis; tantâque firmitate in hac opinione persistit, ut eos aberrare asseveret, qui electum ab Innocentio ad primariûm hunc gradum Ubertum testantur, *cum (ut ipse ait) nulla de hac re apud veteres S.riptores, & ejus ævi monumenta ratio reperitur, sed ex Ordinario Mediolanensis Ecclesiæ Cardinale, non quidem Romanæ Ecclesiæ, ad Archiepiscopalem Sedem seu Cathedram Pirovanam ascendisse, pro indubitato habeatur.* Verùm veniam a doctissimo Viro petimus, si eundem apertè dicimus, longè a veritatis tramite aberrasse. Primò enim testimonia antiqua hujus collatæ Uberto Dignitatis in promptu sunt, Galvani nempe Flammæ eidem Seculo proximi, Triſtani Calchi ad Annum MCCVII., Sigonii, aliorumque: Secundò monumenta illius ævi supersunt, quæ idem expressis verbis enunciant, pergamenum scilicet Diploma, funiculis adhuc pendentibus munitum, servatum apud

apud Collegam nostrum Nicolaum Sormanum, quo hic Uberrus nonnullos redditus transfert in dilectum Filium Petrum Presbyterum Ecclesiæ Sancti Raphaëlis, ad utilitatem & restorationem Ecclesiarum Sancti Petri, & Sancti Materni. Cum autem nondum lucem viderit, integrum damus.

„ Uberrus Dei gratia Mediolanensis Archiepiscopus, *Sanctæ Romanæ Ecclesiæ Cardinalis*, dilecto Filio Presbytero Petro Sancti Raphaelis salutem & omne bonum.
„ Dignum est & rationi consentaneum, ut Ecclesiis nostro commissis regimini misericorditer provideamus. Inde est, quod volentes utilitari & restorationi Ecclesiarum Sancti Petri, & Sancti Materni benignius providere, Decimas novalium de Ronchetiis, de Cassinis videlicet Ragrerii Marioni, & Crolli Gambari, & Bercordi, & Sancti Sepulcri, & Anselmeti de Ecclesia, nomine ipsarum Ecclesiarum temporibus nostris tibi duximus concedendas. Eo modo, ut ipsæ Ecclesiæ Decimas ipsas novalium tempore nostro habeant & teneant; ita quod quarta pars ipsarum ad nos omni anno debeat pervenire, & nos eas, quantumque voluerimus, liceat revocare. Struimus ergo, ut nulli omnino hominum in nostra ditione morantium, liceat, hanc nostram concessionis paginam infringere, vel ei ausu temerario contraire. Datum MCCVIII., XV. Calendas Septembris, Indictione XI.

Alterum quoque ex Bibliotheca Ambrosiana producimus, in quo Uberrus de Pirovano Mediolanensis Archiepiscopus se subscribit Sanctæ Romanæ Ecclesiæ Cardinalem: Ita autem illud se habet.

„ An-

„ Anno Dominicæ Incarnationis millesimo ducentesimo
 „ nono : Abbiaticus dictus Pasqualis , Superstans Laboris Me-
 „ diolanensis Ecclesiæ Beatæ Mariæ , ex parte ipsius Labo-
 „ ris , investivit colonario , seu locationis nomine per Mas-
 „ saritium , ad beneficiendum , Boniconem de Setara , &
 „ Joannem , qui dicebatur Bevimonus , & Anselmorum de-
 „ Feria , & Boffacinum , qui dicitur Reitadinus Pulia , no-
 „ minativè de Brayda una ipsius Laboris in petiis tribus ,
 „ perticarum XVI. Jacent extra , non longè a Porta , quæ
 „ dicitur Romana prope Zongedam , ubi dicitur in Claustro
 „ Sanctæ Mariæ Hyemalis . Actum in Civitate Mediolani .
 „ Interfuerunt ibi testes Trusso , qui dicitur de Veddano ,
 „ & Obertus Bregomonus , & Zaninus Bregomonus , & Al-
 „ bertinus de Fontegio , & Botus Junius .

„ Ego Ubertus de Pir. Mediolanensis Archiepiscopus ,
 „ *Sanctæ Romanæ Ecclesiæ Cardinalis* subscripsi .

„ Ego Rogerius , qui dicor Pariarius , Notarius Sacri
 „ Palatii tradidi , & scripsi .

Geminas alias Chartas authographas retulimus in Adno-
 tationibus ad Sigonium *de Regno Italiæ* , sub Annum MC-
 CVL , quæ memoratum Ubertum , Sanctæ Romanæ Ecclesiæ
 Cardinalem patenter produnt . Addimus , Innocentium III.
 ipsum , qui in Epistola ad eundem Ubertum , data Floren-
 tini , XII. Calendas Novembris , Pontificatus sui anno un-
 decimo , respondens illius dubitationibus circa Ecclesiastica
 Feuda alienanda , vel non , eam inscribit hoc titulo : *Me-
 diolanensi Archiepiscopo , Sanctæ Romanæ Ecclesiæ Cardinali* ;
 quem titulum servat in altera , de qua infra agemus . Ita-
 que

que controversia. hæc, quam etiam Oldqinus Tom. II. col. 38. incertam reliquit, adeò diluta est, ut sole meridiano clarius appareat veritas, & Ughello. reponi possit pro re omnino indubia, contra ejusdem votum superius descriptum.

Quod attinet ad Epistolam, missam ab Innocentio Summo Pontifice ad Cardinalem Archiepiscopum nostrum, & Episcopum Yporediensem, necnon Abbatem de Tileto, refert ipse Pontifex Maximus historiam omnem, ob quam conceperat summam indignationem contra Placentinos Consules, atque illius Urbis Primores, qui immanem tyrannidem exercuerant contra proprium Episcopum, Clerumque Patriæ suæ, manus sacrilegas extendentes non solum ad eorum mobilia, sed etiam per iniquitatis ministros colligentes universos proventus Ecclesiasticos, pauperum substantias in usus illicitos converterant; adeò ut prædicti Episcopus & Clerus voluntarium exilium subire maluerint, & pulverem de pedibus suis excutientes elegerint aliò confugere, reverentiam Deo Sacrisque Ministris, quam Cives indigne abjecerant, inter Exteros reperturi. Cum autem Apostolicum fulmen anathematis & Interdicti contra illos Innocentius armasset, & minas etiam intendiſſet (nisi resipiscerent, atque universa quæ abstulerant adamussim restituerent) se denudaturum eorundem Civitatem Episcopali Dignitate, & Diocesim inter finitimos Episcopos distributurum, imò & bona Mercatorum illius Urbis, ubicumque reperiri possent, detineri jussurum; ad bonam frugem sese adduxere Consules & Cives Placentini, juramento fidem suam obstringentes ad plenariè redin-

tegrandum Ecclesiam Clerumque. Hac supplici demissione contentus Pontifex, eos perbenignè a vinculis quibus innodabantur dissolvit: quo factum est, ut Episcopus Clerusque in sedem suam amica pace redirent. Verùm Ecclesiastici ipsi, transgressi mandata Summi Pontificis, Civibus suis largiti sunt, tamquam prodigi rerum sacrarum dispensatores, universa quæ ab iisdem per inauditam temeritatem ac insolentiam priùs ablata fuerant; & quidem inconsultà atque invitâ Apostolica Sede. Quamobrem Archiepiscopo nostro Uberto, aliisque memoratis Sociis Præsulibus Innocentius injunxit, ut caverent, ne exemplum istud perniciosum transmitteretur ad Posteròs, & prout ipse præceperat, conditiones omnes a se præscriptæ omnino complerentur. Profectus est statim cum aliis ad hoc munus delectis Placentiam Cardinalis Archipræsul noster, rebusque omnibus ad Leges Innocentii redactis, eundem conscium fecit de iis quæ acta fuerant: atque ita placabilem reddidit tum Episcopo Cleroque, tum Consulibus & Civibus Placentinis Pontificem Maximum, pristinamque attulit rerum atque animorum tranquillitatem. Data est hæc Epistola Laterani, X. Calendas Decembriis, Pontificatus anno undecimo, idest Anno MC-CIX. Narrat hæc omnia fusiùs Petrus Maria Campi, in *Historia Placentina*.

Aliud quoque munus eximium in Patria ipsa contigit Uberto adimplendum. Mortuo Philippo Svevico, Imperii ænulo, compositisque Germaniæ rebus, Otto hujus nominis IV. expeditionem in Italiam paravit Anno MCCIX., celebratque apud Herbipolim Comitii, & Nuptiis cum Beatrice

trice Philippi Filia in octava Pentecostes, post Festum Apostolorum Petri & Pauli iter aggressus est per Tridentinam Vallem, ut in Italiam descenderet; & peragratim nonnullis Urbibus Mediolanum pervenit, exceptus eo plausu, quem describunt Sigonius & Calchus. Hac occasione memorati Scriptores, alique rerum Patriæ Historici tradunt, fuisse Ottonem Coronâ ferreâ ab Uberto Archiepiscopo redimitum. Verum in Anno dissentiunt; Sigonius namque huic eidem Anno MCCIX. eam Celebritatem consignat; Calchus verò ipsam transfert ad Annum sequentem, asserens, *illustri die Resurrectionis Christi Dei, operante rem Sacram Uberto Pirovano Archiepiscopo, adstanteque Volfgerio Patriarcha, in Aede Ambrosiana* fuisse ab eodem Archipræsule Ottonem regio ferto præcinctum. Addit, interfuisse huic Celebritati Virum inclytum Gulielmum Pusterlam, qui jam Alexandriæ, Placentiæ, ac Mediolani summa cum laude Præturæ munere functus erat; eumque Equitem institutum, atque Astensis Urbis Feudo fuisse ab Ottone locupletatum; hisque peractis Regem Mediolano Calendis Maji discessisse. Porro, si consuetudinem antiquam consulamus, Sigonio attendendum esset, id nempe contigisse Anno superiore, cum fere semper in more positum fuerit, ut Romanam Coronationem Mediolanensis præcederet. Potuit tamen in adventu hujus Germanici Regis ea adesse itineris festinatio, quæ moram minimè pateretur, instante per Legatos Pontifice Innocentio, ut Romam quantocius accederet, accepturus ab ipso augmentum Imperii diadema, idèque in Annum sequentem Mediolanensis Coronæ imposicio differretur. Sanè Anno MCCX.

Ottonem Aprili mense, in quem pariter Pascha incidebat, Mediolani extitisse (ut Calchus affirmabar) revocari in dubium nequit. Recitatur quippe ab Ughello, Tom. I. colum. DLIII Venetæ Editionis, Diploma expeditum in favorem Caravallensis Cœnobii, ad Flavium Clesis in Camerinenſi Diœceſi (ad quod condendum, Sancto Bernardo adhuc superſtite, vocati fuerant e Mediolanenſi Caravallis Monasterio Monachi) & datum apud Mediolanenſes, XII. Calendas Maji, Anno Incarnationis MCCX, Indictione XIII., regnante Domino Ottone IV. Romanorum Imperatore glorioſo, Anno regni ejus duodecimo, Imperii vero primo; eique primo loco teſtis interſuit Ubertus Mediolanenſis Archiepiſcopus. Duo alia Diplomata Ottonis IV. autographa mihi licuit inſpicere in Archivo Monachorum Sancti Ambroſii; alterum pro Monasterio Caravallis Mediolanenſis, datum apud Mediolanenſes Anno MCCX, die IX. exeunte Aprili, Indictione XIII.; alterum pro eodem Sancti Ambroſii Cœnobio, datum pariter apud Mediolanum, Anno Dominica Incarnationis MCCX, IX. Calendas Maji, Indictione XIII. Hiſce poſitis, cum Triſtanus Calchus, non modò Coronationem Ottonis, ſed etiam diem quo peracta eſt, adnotet, ac Sæcra ſolemnia ab Archiepiſcopo noſtro celebrata enunciet, adiſtante Præſule Patriarcha Aquilejenſe, atque inſiguem quoque Virum Puſterlam nominet, Equitem a Cæſare inſtitutum & Aſtænſis Urbis Feudo donatum; nemo dubius hærebit, hæc omnia deſumpta non fuiſſe, ab aliquo Codice ſynchroni Auctoris. Aliunde, cum certum ſit teſtimonio Scriptorum Germaniæ, Ottonem ad Imperium ele-

ctum,

atum, nonnisi post Sanctorum Petri & Pauli Apostolorum diem festum, ab Herbiopolis Comitibus, ac Regni sui finibus, in oras nostras penetrasse, atque ideo minimè potuisse ferreo Serto redimiri in Paschate Anni MCCIX., perspicuum reddi censemus, Anno tantummodo MCCX. impositum fuisse Augusto capiti ab Uberto Archiepiscopo nostro Regium Italicum diadema.

Administravit Ecclesiam Mediolanensem Uberrus annis IV., mensibus III., diebus II.: Cum autem electio ejusdem in diem XI. Decembris Anni MCCVI. inciderit, ut superius statuimus, ipsius obitus Anno MCCXI. consignandus est, die XIII. Martii. Catalogus vetustus Metropolitane Bibliothecæ, quem edidit Clariss. Muratorius Tom. I. Part. II. *Scriptorum Italiae*, mortem hujus Archiepiscopi adnotat IX. Calendas Aprilis, Sabbato Sancto. Verùm cum Tabulæ Paschales illius Anni minimè in hunc diem consentiant, veriore esse computum, quem nos secuti sumus, arbitramur.

Sepultus est in Ecclesia Hyemali, prope Suggestum.



GERAR-

GERARDUS DE SESSA.



Videtur quod Ecclesiam Mediolanensem ob mortem Uberti Pirovani, Gerardus de Sessa ex nobili Regiensi Familia, electione sua laetificavit; post mensem unum, & dies viginti vacantis Sedis, idest a die XIII. Martii, usque ad diem IV. Maji, juxta Catalogum prædictum Metropolitanæ Basilicæ.

Pluribus sacris muneribus perfunctus fuerat Præsul iste. Primò enim institutus Ecclesiæ Parmensis Canonicus, Aris illius Cathedralis Basilicæ inservierat; dein Cisterciensi Ordini addictus, in Cœnobio Tileti Aquis Dioecesis declaratus Abbas Monasticam illam Congregationem rexit. Postmodum perspectâ ejusdem sapientiâ vitæque sanctimoniâ, assumptus est ab Innocentio III. ad Pontificale Novariensis Civitatis Solum; & insuper Cardinalitiâ Dignitate insignitus, Apostolicâ per Insubriam Legatione functus fuit. Cum autem de eligendo Placentino Episcopo ageretur, Pontificiam auctoritatem omnem Innocentius Gerardo commisit: Quamobrem illuc profectus Præsul iste, ejusque arbitrio a Canonicis relicta electione, Fulconem, Virum singularis integritatis, in Episcopum illius Ecclesiæ pronunciavit, nec multò post, collectâ Synodo, Canonicos ad communis vitæ Institutum amplectendum summâ dexteritate adduxit. Tot meritis cumulatus, ab Innocentio III. dignus reputatus est, qui Albanensi Ecclesiæ Antistes præficeret. Demum, cdm.

Cre-

Cremonam missus esset Legatus, atque Ecclesia Ambrosiana Pastorem suum morte raptum lugeret, delectus est ad ejusdem solatium Successor. Omnibus tamen hisce receptis Ecclesiarum administrationibus, in nulla earum sacro Chrismate inunctus fuit. In nostra verò, ne consecraretur, mors prohibuit, quæ illum, dum adhuc Cremonæ degeret, intempestivè ad sepulcrum adegit.

Dissentiunt Scriptores in assignando temporis spatio, quo Ecclesiæ Mediolanensî præfuerit tantum Electus: Ughellus enim trigésimo die a sua electione illam fato cessisse contendit; Corius; Onuphrius Panvinus, & Sigonius intramensem obiisse tradunt; Joannes de Deis, in Libro inscripto *Successores Sancti Barnabæ* longius protendit ejusdem vitam, usque ad VI. menses. Nemo tamen ad veritatem propè accessit. Siquidem Catalogus Metropolitanus, quo nunc utimur, apertè refert, Gerardum Archiepiscopum superfuisset a die IV. Maji, usque ad diem XV. Decembris Anni MC. CXI, quo obiit; eidemque consentit etiam alter Catalogus Manuscriptus Bibliothecæ Ambrosianæ, signatus A, num. 98.

Tumulo datus est in eadem Cremonæ Civitate, ubi ad Deum migraverat. Nullum apud nos vestigium remansit hujus laudatissimi Præfulis; ne enim aliquid doctrinæ & pietate dignum ageret, vetuit brevitæ vitæ, & nondum recepta Consecratio in Archiepiscopum, quibus effectum est, ut Legatione sua diutentus, in hanc Metropolim ne pedes quidem intulerit.

GERARDUS DE SESSA.



Vidua Ecclesiam Mediolanensem ob mortem Uberti Pirovani, Gerardus de Sessa ex nobili Regiensi Familia, electione sua laetificavit; post mensem unum, & dies vlginti vacantis Sedis, idest a die XIII. Martii, usque ad diem IV. Maji, juxta Catalogum prædictum Metropolitane Basilicæ.

Pluribus sacris muneribus perfunctus fuerat Præsul iste: Primò enim institutus Ecclesiæ Parmensis Canonicus, Artis illius Cathedralis Basilicæ inservierat; dein Cisterciensi Ordini addictus, in Cœnobio Tileti Aquis Dioecesis declaratus Abbas Monasticam illam Congregationem rexit. Postmodum perspecta ejusdem sapientiâ vitæque sanctimoniâ, assumptus est ab Innocentio III. ad Pontificale Novariensis Civitatis Solium; & insuper Cardinalitiâ Dignitate insignitus, Apostolicâ per Insubriam Legatione functus fuit. Cum autem de eligendo Placentino Episcopo ageretur, Pontificiam auctoritatem omnem Innocentius Gerardo commisit: Quamobrem illuc profectus Præsul iste, ejusque arbitrio a Canonicis relicta electione, Fulconem, Virum singularis integritatis, in Episcopum illius Ecclesiæ pronuntiavit, nec multò post, collectâ Synodo, Canonicos ad communis vitæ Institutum amplectendum summâ dexteritate adduxit. Tot meritis cumlatus, ab Innocentio III. dignus reputatus est, qui Albanensi Ecclesiæ Antistes præderet. Demum, cum

Cre-

Cremonam missus esset Legatus, atque Ecclesia Ambrosiana Pastorem suum morte raptum lugeret, delectus est ad ejusdem solatium Successor. Omnibus tamen hisce receptis Ecclesiarum administrationibus, in nulla earum sacro Chrismate inunctus fuit. In nostra verò, ne consecraretur, mors prohibuit, quæ illum, dum adhuc Cremonæ degeret, intempestivè ad sepulcrum adegit.

Dissentiunt Scriptores in assignando temporis spatio, quo Ecclesiæ Mediolanensi præfuerit tantum Electus: Ughellus enim trigesimo die a sua electione illum fato cessisse contendit; Corius, Onuphrius Panvinus, & Sigonius intra mensem obiisse tradunt; Joannes de Deis, in Libro inscripto *Successores Sancti Barnabæ* longius protendit ejusdem vitam, usque ad VI. menses. Nemo tamen ad veritatem proper accessit. Siquidem Catalogus Metropolitani, quo nunc utimur, apertè refert, Gerardum Archiepiscopum superfuisse a die IV. Maji, usque ad diem XV. Decembris Anni MC-CXI, quo obiit; eidemque consentit etiam alter Catalogus Manuscriptus Bibliothecæ Ambrosianæ, signatus A, num. 98.

Tumulo datus est in eadem Cremonæ Civitate, ubi ad Deum migraverat. Nullum apud nos vestigium remansit hujus laudatissimi Præfulis; ne enim aliquid doctrinæ & pietate dignum ageret, vetuit brevitæ vitæ, & nondum recepta Consecratio in Archiepiscopum, quibus effectum est, ut Legatione sua discentus, in hanc Metropolim ne pedes quidem intulerit.

HENRICUS I. SEPTALA.



Gerardo susceptus est Henricus Septala Mediolanensis nobilis Civis, die IV Novembris, Anni MCCXIII., ut testatur Catalogus noster, vacante per plures menses Ambrosianæ Ecclesiæ Sede. Tam longum interpontificium attulit pertinax discordia Eligentium, quorum aliqui designaverant Dominum Archipresbyterum suum, alii Archidiaconum; tertia verò pars Episcopum Vercellensem Aliprandum. Mensibus X., & diebus XX; serbuit controversia ista, obduratis omnium animis in electione, quam quisque pronunciaverat. Delata est ad Iudices quæstio, aliis asserentiis multò ampliorem esse suffragiorum numerum, adèdque constare, quis promovendus esset; aliis autem affirmantibus, se numero quidè breviores, sed dignitate Eligentium potiores. Cum tamen insoluta remaneret Causa, admonitus de hac re Innocentius III. Epistolam scripsit, quam hic attexere opportunum arbitramur:

*Episcopo & Abbati Sancti Joannis,
& Archidiacono Parmensibus.*

„ Ecclesiâ Mediolanensi vacante, vota providere volentium eidem Ecclesiæ in Pastore divisa sunt in tres partes, quibusdam Venerabilem Fratrem nostrum Vercellensem Episcopum postulantibus, aliis autem dilectum filium
„ Me-

„ Mediolanensem Archidiaconum , & nonnullis Mediolanen-
„ sem Archipresbyterum eligentibus in Pastorem . Pro qui-
„ bus Procuratores Partium ad Sedem Apostolicam destina-
„ ti , non solum diversa , sed adversa tam de consuetudi-
„ ne , quàm de pluribus aliis proponere curaverunt ; sicut
„ ea omnia vobis sub Bulla nostra mittimus annotata : De
„ quibus cum non possent facere nobis fidem , inquisitio-
„ nem eorum nos oportuit delegare . Quocirca discretionem
„ vestram per Apostolica Scripta mandamus , quatenus vocatis
„ qui fuerint evocandi , & inquisiti super omnibus diligen-
„ tissimè veritate , specialiter autem , utrum de antiqua &
„ approbata consuetudine omnes & singuli tam Abbates ,
„ quàm Praepositi , ac etiam Cappellani parem cum Ordina-
„ riis , in electione Mediolanensis Archiepiscopi , vocem ha-
„ beant ; & si nec omnes , nec parem , qui , & quantam ,
„ utrum videlicet non in singulis Ordinibus , sed in Ordini-
„ bus singulorum sit paritas attendenda , vel potius jus
„ eligendi penes Ordinarios tantum residere , & ceteri prop-
„ ter honestatem solummodo vocari consueverint ad caute-
„ lam ; utrumve omnes vocati fuerint , an aliqui praetermissi
„ si ; quid etiam potestatis aut juris Episcopi Suffraganei ha-
„ beant in negotio inemorato . Et quae inveneritis , per ve-
„ stras nobis Literas fideliter intimetis , ut per relationem
„ vestram instructi , commodius in ipso negotio procedamus ;
„ praefigentes Partibus terminum competentem , quo recepturae
„ sententiam nostro se conspectui repraesentent . Quod si
„ non omnes &c. , tu ea Frater Episcope , cum eorum
„ altero &c. Datum Laterani VII. Junii , Pontificatus nostri
„ Anno decimoquinto .

C c c

Do-

Dolendum est, carere nos Rescripto horum Præfulum; inde enim plurima Metropolitanæ nostræ Ecclesiæ hauriri possent lumina, quæ consuetudines ejusdem & jura illo ævo vigentia illustrarent.

Acceptis prædictorum Præfulum Responsis, simulque Romam profectis Nunciis, quos illuc direxerat Metropolitanum Canonicorum Collegium, Summus Pontifex hanc tandem controversiam diremit Brevibus suis a nobis hic vulgaris Literis, quibus Henricum Archiepiscopum creavit. Has ignoravit Galefinius, qui creatum ab Honorio III. Antistitem nostrum perperam asseruit, consecrationem cum creatione confundens.

CAPITULO MEDIOLANENSI.

„ **R** Eceptis Literis nostris, quibus vobis dedimus in mandatis, ut Causam Electionum, & postulationis in vestra celebratarum Ecclesia, quam dudum ad petitionem vestram duximus committendam, coram Judicibus, quibus illam commisimus usque ad Festum Sanctæ Crucis proximo præteritum finaliter prosequi studeretis; alioquin ex tunc Procuratores idoneos ad nostram careretis præsentiam destinare, Pastorem quem Domino inspirante vobis & eadem providerimus Ecclesiæ, recepturos: Nuper dilectos Filios Alcherium Subdiaconum nostrum, Stephanum Balbum, & Willelmum Concanonicos vestros ad Sedem Apostolicam cum vestris Literis destinatis, cum multimoda gratiarum actione mandatum nostrum humillime admittentes, furos;

„suos; suppliciter postulantes, ut quem malle-
 „mio Ecclesiæ vestræ vobis dignaremur concedere in Pastro-
 „rem. Nos autem super hoc deliberatione habita diligenti-
 „ti; suspicionis & dissensionis materiam vitare volentes,
 „dilectum Filium Henricum Cimiteriarum Ecclesiæ vestræ,
 „Virum providum & honestum, in Pastorem vobis duxi-
 „mus concedendum. per Apostolica Scripta mandantes,
 „quatenus ei tamquam Pastori vestro reverentiam & obe-
 „dientiam impendatis debitam & devotam. Datum Laterani.
 „VII. Idus Novembris. Anno XVI.

Antequam Acta ab hoc insigni Archipræsule referamus,
 præmittendum est, Henricum nostrum, quem Innocentius III.
 curaverat (sed incassum) promoveri in Cancellarium Ec-
 clesiæ Mediolanensis; quemadmodum superius narravimus,
 institutum fuisse ejusdem Basilicæ Cimiteriarum; subinde Bo-
 moniensem Urbem adiisse, ut Literis vacaret, teste memo-
 rato Catalogo; inde verò in Pastorem electum. Iltius Cata-
 logi Scriptor, qui procul dubio præsens omnibus quæ age-
 bantur tunc erat, postquam enunciavit dies & Annos tum
 vacantis Sedis, tum regiminis Henrici, hæc subdit: *Tota
 fere sui regiminis tempore in labore fuit & pugna non mi-
 nima; sed pro totius Ecclesiæ tuenda libertate, pro istius
 Majoris Ecclesiæ honore conservando, pro Hæreticis expellen-
 dis, pro Episcopis, qui videbantur a subjectione Mediolanensis
 Ecclesiæ absoluti, recuperandis &c.*

Quandoquidem tamen hoc elogium nimis jejunum vide-
 tur, necesse omnino nobis est, accuratius tanti Archiepi-
 scopi præstantia gesta indicare. Innocentius III. Summus Pon-
 tifex

tifex prætulerat Ottonem IV., contra Philippum Svevicum, Henrici Imperatoris defuncti Fratrem, in adeptione Imperii; imo eundem Augustali Coronâ Romæ donaverat, præstito sacramento, jura omnia & patrimonia Ecclesiæ Romanæ intacta servandi ac protegendi. Iniquè respondit promissis Ottoni, malum pro gratiâ reddens, ac patrimonium invadens, a Mathilde Ecclesiæ relictum; & licet blandis admonitionibus atque etiam minis a Pontifice Maximo jussus pedem retrahere, in Siculum etiam Regnum armis percurrit: Quamobrem illum sacris diris devovit. Mediolanensis Civitas persecuta est, favore ac bellicis subsidii adjuvare hunc Cæsarem ab Apostolica Sede ejuratum. Quocirca Summus Hierarcha mense Majo Anni MCCXVI., duos Cardinales Legatos Mediolanum misit, qui Consilio advocato, nomine Pontificis denunciarent, se, nisi Ottonem reliquissent, ac vicinas Civitates vexare & sollicitare destitissent, fulmina in eos Ecclesiastica contorturos; quæ cum illi sprevisset, solemnî Ecclesiæ more Civitatem Sacris interdixerunt, ac Civis a communionem piorum exterminarunt; verba sunt Sigonii ad eundem Annum.

Hæc Ughellus fidenter tribuit Henrico inter prima ejus regiminis Acta, inquit: *Ecclesiasticæ jurisdictionis primum fuit defensor acerrimus. Diu pro ea servanda cum Consulibus, primariisque Mediolani Viris depugnavit, ipsamque Civitatem necdum consecratus, diris devovit, eamque per Summum Pontificem Metropolitanâ Dignitate exutam vidit.* Fallitur tamen Vir laudatissimus, cum perturbatio ista in hac Urbe enata, multò ante contigerit, etiam priusquam Henricus ab Innocentio

tio III. crearetur Archiepiscopus Mediolanensis. Extat Epistola inter eas, quas Balutius edidit, *data Laterani XII. Calendas Novembris, Pontificatus ejusdem anno XV.* incepto ac profecto: Cumque ipse Innocentius Cathedram Apostolicam conscenderit Anno MCXCVIII., VI. Idus Januarii, annus decimusquintus Pontificatus designat Annum MCCXII., quo tempore nondum fuerat Henricus a Pontifice Maximo Insula Mediolanensi decoratus, dilata (ut vidimus) ad Novembrem Anni sequentis hujus Antistitis electione. In ea verò Innocentius scribens ad Consules & Primores Viros Mediolani, eos redarguit, quòd Hæreticos foverent, Ecclesiis & finitimis populis injurias ac vexationes inferrent, & Ottonem a Sancta Sede damnatum reprobumque adjuvarent. Quamobrem eisdem adhortatur eâ caritate quæ Romanam Ecclesiam Matrem decet, ut hisce malis remedia præstent; ni velint, minatur, se anathematis fulmen in eos evibraturum, & etiam Metropolis privilegio Mediolanensem Civitatem exspoliaturum: Jamque se mandasse ait pluribus Italiæ & Galliæ Episcopis, ut collecto Concilio, in tanto negotio consulant, quid debita maturitate sit efficiendum. An verò executioni has minas mandaverit Summus Pontifex, nihil aut in Historiis Patriæ, aut in Epistolis ipsiusmet. Innocentii scriptum occurrit. Certè Henricum hisce dissidiis manum minimè apposuisse silentium Scriptorum præcipuè Mediolanensium nos docet; cum videamus missos Legatos Anno MCCXVI. duos Cardinales, qui in pertinaces Rectores Civitatis, excommunicationis quidem telum contorserunt, quemadmodum superius resulimus, minimè tamen in mandatis habuerunt,

ut

ut nomine Summi Pontificis eam Dignitate Metropolis exutam declararent. Porro nolumus inficiari, potuisse Henricum pro amore suo erga Ecclesiam sibi commissam, ac desiderio sanctimoniarum Ovium suarum, immiscere officia sua ad tollendas corruptelas, quæ gliscebant in hac Metropoli. Tantum dicimus, ea quæ asseruit Ughellus, fundamento prorsus careere.

Defuncto brevi Innocentio, ad Honorium III. ejus Successorem Mediolanenses confugerant, ut absolutionem ab hisce censuris impetrarent. Nec abnuvit Pontifex ille: Quin etiam Literas dedit ad Joannem Torniellum Bergomensensem Episcopum, & Henricum Sepralam, electum in Archiepiscopum nostrum, expeditas VII. Calendas Martii, Anni MCCXVIII., ut eosdem Ecclesiæ gremio benigne restituerent; quemadmodum etiam summa cum universæ Urbis exultatione peractum fuit. Sed, cum citò a fide data descivissent, idem Pontifex Maximus latam a Prædecessore suo Sententiam confirmavit, præcipiens *Rectoribus, Consiliariis, ac Societatum Magistris per totam Langobardiam; ut singulis diebus Dominicis ac Festivis, pulsatis Campanis & candelis accensis, eosdem a communione Fidelium expulsos publicè denuntiarent.* Quid subinde actum sit, nostra non est, hoc loco enarrare.

Chra Archiepiscopus noster promotus quidem fuisset ad Ambrosianam Sedem, sed nondum facto inunctus Christmate, Romam adiit, atque ab Honorio III. consecrationem recepit Anno MCCXVIII.; Qua in re hallucinatus est Ughellus, qui anno sequente consecratum censuit Henricum, referens

ferens Literas ab ipso inspectas in Regeſto Vaticano, quibus Honorius ſcribit, ſe ſunſtum hoc munere Menſe Decembri. Attamen Scriptor ille diligentiffimus minimè vidit alteram ejuſdem Honorii Epistolam, quam memorat Raynaldus num. XLII., datam *Reate XVIII. Calendas Septembris Anno MCCXIX.*, in qua Summas Pontifex hanc Henrici conſecrationem jam peractam enunciat. Non igitur menſi Decembri illiuſmet anni; ſed ſuperioris aſſigenda eſt Antilitis noſtri Conſecratio.

Certum eſt apud Scriptores Mediolanenſes, Henricum Archiepiſcopum proſectum fuiſſe in Syriam cum pluribus delectis agminibus Italicorum militum, pro recuperanda Jeruſolyma, a Saracenis iterum occupatâ: Sed quo anno hoc iter ſuſceperit, nemo hætenus compertum fecit. Triſtanus Calchus proceſſiſſe eundem reſert cum Crucceſignatis Anno MCCXVI., ejuſque reditum in Patriam aſque ad Annum MCCXXVII. protendit. Bernardinus Corius expeditionem Henrici aſſigit Anno MCCXVII.; remeſſe verò Mediolanum ſcribit Anno MCCXXI. Uterque tamen fallitur, dum huius noſtri Archiepiſcopi moram in Oriente alter ad annos XI. producit, alter ſexennio decurtat, ut ex dicendis patebit. Ughellus, ut tempus ſtatuat, quo Henricus ad Sacrum bellum migravit, præmittit, eundem Anno MCCXX., VI. Nonas Maji Caravalleniſe Templum conſecraſſe; ſubinde verò reſert, Anno ſequenti ſtatuiſſe ab Honorio III. Literas XVIII. Calendas Februarii expeditas, ad Vercellenſem Episcopum, quibus præcipiebat, ut Eccleſiaſticas cenſuras in *Amiceum Saccam*, quondam *Mediolani Prætozem* denunciaret, quòd

quòd Henricum Archiepiscopum Mediolanensem exulare coëgisset; occasione autem hujus receptæ injuriæ, ob quam extorris ab hac Urbe vagari tyrannice jubebatur, consilium cepisse, Crucesignatis se jungendi, atque eodem prorsus Anno MCCXXI. Jerosolymitanum iter suscepisse; nullum deinde reditûs annum designans. Attamen, ne ingeniosæ huic Ughelli conjecturæ subscribamus, facit indubia auctoritas duorum Diplomatum, quæ integra recitantur a Puricello in *Dissertat. Nazarian.* Cap. CIX. Horum primum sub num. XXVII. jacens, subscriptum fuit Mediolani ab Henrico Archiepiscopo Anno MCCXX., ad concedendam Fratribus Sancti Dominici Eustorgianam Basilicam: Alterum expeditum pro confirmanda iisdem memorata Ecclesia cum omnibus suis juribus, legitur loco laudato, num. XXIV. In hoc autem, ut infra videbimus, narrans Henricus res actas in ista Translatione ait, Præpositum & Canonicos, qui in eadem Basilica morabantur, jurium suorum in Eustorgianum Templum liberam dimissionem fecisse in manum Hugonis Comitiarchæ Mediolanensis, *Vicarii nostri, qui tunc eramus in partibus transmarinis, in servitio Crucifixi.* Jam ergo multò ante Annum MCCXXI. Mediolano recesserat Henricus, in Orientem profectus. Itaque, ut veram hujus expeditionis epocham decernamus, asserere nos posse arbitramur, statim ac sub finem Anni MCCXVIII. consecratus fuit ab Hônorio, Henricum simul cum Crucesignatis Jerosolymam contendisse, ac ibidem integro vix Anno exacto, in Patriam fuisse reversum. Si quidem mense Majo Anni MCCXX. Cirævallis Templum consecravit. Plura hoc suadere videntur. Primò Honorius

III. Decessoris sui præclara vestigia sequens, ut ad redimendam e Barbarorum manibus Terram Sanctam Christianos populos accenderet, inter alias peculiarem ad Infubres Epistolam direxit, plenam cœlestis spiritûs igne Anno MCCXVII., quæ in hæc verba exorditur: *Accingantur Fideles, & sint filii potentes; tempus est enim, ut faciant vindictam in nationibus, in gentibus scilicet detinentibus, & contaminantibus Terram Sanctam* &c. Collectis autem undique Italicis Crucesignatis, quarta expeditio facta est Anno MCCXVIII. Cùm ergo Romæ Anno eodem Henricus sacram recepisset unctionem ab Honorio III., ut jam diximus, quid verosimilius, quàm ipsam, sive ut exemplo suo Infubres ad iter alacriter aggrediendum inflammaret, sive ut Pontifici Maximo gratificaretur, sese iisdem adjunxisse? Præterea Scriptores Ordinis Prædicatorum unanimes tradunt, missos fuisse a Sancto Dominico Alumnos suos in Urbem Mediolanensem Anno MCCXVIII., atque pertractatum fuisse, ut Eustorgiana Basilica iisdem cederetur, eam dimittentibus Canonicis in manus Hugonis Cimiliarchæ, qui Vicarium agebat Archiepiscopi in Orientem profecti. Proinde nobis videtur, pene ad oculum patère, genuinum annum depugnantis in Syria Henrici esse MCCXIX., cùm & ante hunc annum, & post, ex hætenus allatis securi firmus, extitisse in Italia memoratum Archipræsulem nostrum Septalam.

Nondum tamen eo anno ad Ecclesiam Eustorgianam translati fuerant Ordinis Prædicatorum Alumni: Quapropter Hugo Cimiliarcha, Vicarius Archiepiscopi, habito assensu Antistitis nostri, & totius Collegii Ordiniorum Ecclesiarum

D d d

Am-

Ambrosianæ, sponte recedentibus in Laurentianam Basilicam Præposito & Canonicis ibidem olim Sacra peragentibus, prædictos Sancti Dominici Filios in Eustorgianum Templum induxit Anno MCCXX, Idibus Martii, ut ex Malvenda, & Codice MS.to ejusdem Cœnobii refert Puricellus prædicto Cap. CIX, simul cum Charta hujus Translationis, quam hic recudere opus est, ut difficultas, quæ inde emergit, dissolvatur.

„ In nomine Domini, Anno Dominicæ Incarnationis mil-
 „ leximo ducentesimo, vigesimo, die Sabbati, octavo die
 „ ante Calendas Novembris, Indictione nona. In Palatio ve-
 „ teri Domini Archiepiscopi, in præsentia Domini Episcopi
 „ Laudensis, & præsentibus Testibus Lanfranco de Puteobo-
 „ nello, filio quondam Soldani, Præposito Sancti Nazarii :
 „ & Anselmo filio Ugonis de Castegnanega, Canonico San-
 „ cti Nazari : & Presbytero Suzone filio quondam Gnar-
 „ nerii Hunicani, Ministro Ecclesiæ Sancti Alexandri in Zi-
 „ bidia : & Galdino Bixiolo, Canonico Sanctæ Teglæ, filio
 „ quondam Ardigotti : & Martino filio Guillelmi Greppi,
 „ Canonico de Segrate : & Oprando filio quondam Lanfranci
 „ de Befana, Superstite Laboris Sanctæ Mariæ Majoris : &
 „ aliis multis Testibus. Cùm Dominus Uberrus Marinonus
 „ Præpositus Ecclesiæ Sancti Eustorgii, & Presbyter Rolan-
 „ dus Biffius, & Presbyter Lanfrancus de Sexto, & Do-
 „ minus Arialdu Præpositus de Nerviano, Canonici dictæ
 „ Ecclesiæ Sancti Eustorgii renunciavissent in manu Domini
 „ Ugonis Cimitarchæ Mediolanensis Ecclesiæ, Vicarii Do-
 „ mini Henrici Mediolanensis Ecclesiæ Archiepiscopi, nomi-

„ ne

„ ne & vice illius Archiepiscopi, sive Archiepiscopatus, Ec-
„ clesie Sancti Eustorgii, & omni juri habitationis, & ha-
„ bitationi, & loco domorum & Sediminum tam Ecclesie,
„ quam Superstantie, cum braida, quæ est juxta Eccle-
„ siam: ita quod ipse Dominus Cimiliarcha nomine ipsius
„ Archiepiscopi, sive Archiepiscopatus Mediolanensis, potest
„ disponere & ordinare de ipsa Ecclesia & de ipsis ædifi-
„ ciis & sediminibus tam Ecclesie quam Superstantie, & de
„ ipsa braida, sicut diffinitur braida illa per coherentias,
„ quibus voluerit ad ejus utilitatem, reservato sibi omni
„ jure tam in Beneficiis sive Præbendis quam in Superstan-
„ tia quæ remansit, & in redditibus suis, & in Hospi-
„ tali, & in Ecclesiis Sancti Petri ad Scoldasolem, & San-
„ cti Stephani in Bixiario, & in omnibus aliis, prout con-
„ tinetur in Charta scripta per me Jacobum de Puteo No-
„ tarium, milleximo ducentesimo vigesimo, die Mercurii,
„ decimo die Augusti. Dictus Dominus Ugo Cimiliarcha,
„ Vicarius dicti Domini Henrici Mediolanensis Ecclesie Ar-
„ chiepiscopi, præsentibus & consentientibus, atque confir-
„ mantibus Domino Alberto Amicono, dictæ Mediolanen-
„ sis Ecclesie Archipresbytero, & Domino Guilielmo de
„ Rezolo, dictæ Mediolanensis Ecclesie Archidiacono, &
„ Magistro Stephaniardo Balbo, & Alcherio de Terziago,
„ & Guilielmo Rina, & Anrico Comite, & Ottone de
„ Landriano, & Amizone de Porta Romana, Ordinariis di-
„ ctæ Mediolanensis Ecclesie, auctoritate ipsius Domini Ar-
„ chiepiscopi, seu Archiepiscopatus & Mediolanensis Ecclesie;
„ concessit, contulit, dedit, & confirmavit Magistro Jaco-

„bo, Priori Fratrum Ordinis Prædicatorum, recipienti suo
 „nomine, & nomine ipsorum Fratrum qui morantur, vel
 „de cetero moraturi sunt in Mediolano, Ecclesiam Sancti
 „Eustorgii, & locum domorum sive ædium & Sediminum,
 „tam Ecclesiæ quàm Superstantiæ, & totam braidam, quæ
 „est juxta Ecclesiam ipsam, a monte parte ipsius Ecclesiæ,
 „sicut diffinitur braidam illa per coherentias. Et hoc fece-
 „runt prædictus Dominus Cimiliarcha, & præfati Ordinarii,
 „reservato ipsis Præposito & Canonicis Sancti Eustorgii om-
 „ni jure tam in Beneficiis sive Præbendis, quàm in Su-
 „perstantia quæ remansit, & in redditibus suis, & in Hof-
 „pitali, & in Ecclesiis Sancti Petri ad Scoldasolem, &
 „Sancti Stephani in Bixiario. Et hoc totum factum est,
 „salvâ in omnibus auctoritate dicti Domini Archiepiscopi
 „Mediolanensis.

„✠ Ego Henricus Mediolanensis Ecclesiæ Archiepisco-
 „pus subscripsi.

„Ego Jacobus filius Domini Guillelmi de Puteo, de
 „Pusterla Sancti Stephani, Civitatis Mediolani, Not
 „ac Missus Domini Ottonis Imperatoris interfui
 „dicti Domini Cimiliarchæ scripsi.

Cum superius jam statuerimus, Archiepiscopum Henricum
 in Italiam a Jerosolymitano bello fuisse reversum, & Ca-
 ravallensis Cœnobii Templum solemnem consecratione Deo de-
 votiisse Anno MCCXX, VI. Nonas Maji, non parùm Sen-
 tentiam nostram infirmare videtur hæc Charta, quæ data
 est octavo die ante Calendas Novembris. Cur enim non
 ipse Henrici nomine scripta fuit, sed ejusdem Vicarii?
 præ-

præsertim cum non constet quo tempore eidem subscripserit Archiepiscopus noster. Equidem facile tolli hic scrupulus posset, asserendo, inceptum a Vicario suo Sacrum hoc Opus, voluisse Archiepiscopum nostrum, ut ab eodem absolveretur; appposito tantum suo nomine, ut Translatio firmamentum acciperet. Hinc tamen argumentum capi nequit, tunc solum itineri in Orientem sese Henricum commisisse: Ad convellendam namque Ughelli opinionem, satis est dissidium illud inter Nobiles & Plebejos, quod ipse commemorat, occasione cujus extra Urbem migrare coactus est Archipræsul Mediolanensis; illud enim excitatum fuisse eodem Anno MC-CXX, ex Epistola Honorii ad Vercellensem Episcopum missa comperimus, data siquidem est XVIII. Calendas Februarii, Anno MCCXXI. In ea verò præcipit, ut sacro anathemate feriat Amiceum Saccum Laudensem, *quondam Mediolani Prætorum*, idest qui jam ab officio suo exciderat; quod Henricum Archiepiscopum Mediolanensem exulare coegisset. Sigonius, qui in annum sequentem differt feralem hanc discordiam inter Nobilitatem, & Credentiam quæ Opificibus constabat, exortam, ait: *Cum, irritatis animis ad arma discursum esset, Henricus Archiepiscopus cum parte Nobilium Urbe exire coactus, atque in exilio esse jussus, Canturium occupavit, atque ibi se præsidii ac munitionis confirmavit.* Non igitur eo tempore transmarinas regiones adiit Henricus; sed pugnae intentus, ob recuperandam Sedem necnon jura & prædia, quæ invaserat plebs insana, militiæ vacabat, quemadmodum Tristanus Calchus testatur ad Annum MCCXXI., subiens, pacem quidem Augusto mense-

fa-

factam, sed citò abruptam, & toto triennio vexatam armis fuisse Mediolanensem Civitatem.

Porro exacto hoc triennio, Anno MCCXXIII., decimoquinto die ante Calendas Augusti, Indictione XI., ab Henrico Archiepiscopo nostro Donationem factam quorundam reddituum Lectoribus Metropolitanæ Ecclesiæ legimus in Ughello. Cum enim ob paupertatem fructuum Ecclesiasticorum Ministri Altaris a Divinis Officiis sæpe abessent, nonnulla ex Archiepiscopatus patrimonio ipsi in perpetuum indulserunt, simulque approbavit confirmavitque Donationem consimilem, quam iisdem & Successoribus obtulerant Fratres sui Canonici Ordinarii: Statuens impositum, ut frequentes forent gerendis muneribus suis in Ecclesia, jubensque insuper, ut Festo die Sancti Martini pecunia singulis distribueretur, prout unusquisque præsentiam suam præstitisset, tamquam Residentiæ præmium; & in solemnioribus diebus ibidem enumeratis duplex unicuique portio obtingeret: Quod non tantum religiosissimum Antistitis nostri & primoris Ordinis Sacerdotum animum ostendit, sed etiam in gloriam non modicam Ecclesiæ Ambrosianæ vergit, quæ, tanto ante Concilium Tridentinum tempore, Residentiæ legem iis indixit, qui Sacris Ministeriis in Choro obeundis incumbabant.

Retulimus superius quæ Henricus Archiepiscopus egit, ut novos Cultores, nempe Sancti Dominici Alumnos in vineam Domini sibi commissam immitteret, ipsis assignando insignem vetustamque Basilicam, ubi olim jacuerant Corpora Sanctorum Magorum, qui oscula infixerant Divinis pedibus Christi Domini in præsepio degentis; eos enim prævidebat

Ec-

Ecclesiæ suæ plurimum profuturos frequentibus Concionibus, quæ uberi Divini verbi pabulo Oves suas aluissent. Alterum gloriæ Henrici monumentum, non secus ac Metropolis nostræ, adventus fuit ipsiusmet præclarissimi hujus Ordinis Conditoris, Sancti Dominici. Bis istum accessisse Mediolanum, nostrates & Prædicatorum Ordinis Scriptores referunt, eorumque testimonio utitur Puricellus laudatus. Primâ vice, constitisse tradunt in Canonica Sancti Nazarii Anno MCC. XIX., eoque Dei amore quo exardebat, sæpius & suggestu perorasse, tantâ populi commotione, ut, cum fœda colluvies Hæresum Mediolanensem Urbem, sicut & ceteras, non modicè infecisset, quamplures illam ejuraverint, & influente Divino spiritu in eos, Ordinem quoque ejusdem amplexi fuerint. Tres inter alios recensent memorati Scriptores, Robaldum Albingensem, Jacobum Montensem, seu de Mo-doëtia, & Amizonium de Solario, Jurisprudentiâ & muneribus publicis gestis celebres, qui postmodum sanctimoniâ & Apostolicis toleratis laboribus pro Catholica Fide in populis confirmanda, summa cum laude florere. Nonnullos alios enumerat Taëgius, in *Chronico* MS.to penes Cœnobium Dominicanum Sanctæ Mariæ Gratiarum Mediolani, his verbis: *In Canonica Sancti Nazarii Beatus Dominicus hospitatus est, & per quosdam dies ibi moram trahens prædicationis officio insistere cepit, & non modicum in populo illo fructum fecit: Quosdam autem præclaros Viros tunc temporis ad Ordinem recepit, videlicet Guidotum de Sexto Mediolanensem, Decretorum Doctorem, Auditoremque Contradictoriarum in Curia, & in Ordine unum ex primis Inquisitoribus hæ-*

heretica pravitatis in Lombardia, Rogerium de M-rate, Doctorem Paris famosissimum, & postmodum in Ordine Mediolanensem Priorem &c. Secundò inductis jam in Basilicam Eustorgianam Fratribus suis, penes ipsos hospitium recepit Sanctus Dominicus Anno MGCXX, atque ibidem febri correptus in ægritudinem incidit, qua, sequente anno vehementius ingravescente, meritis cumulatissimum spiritum Bononiæ Deo reddidit.

Hiscæ proventibus in Mediolanensi populo tum a Sancto Dominico, tum ab ejusdem Sociis, Divinæ gloriæ desiderio procuratis, Henricus Archiepiscopus iisdem gratificari volens, Diploma expedivit Anno MGCXXVII, quo non modò Eustorgianos Patres in ea Basilica confirmavit, sed etiam ita disposuit res omnes, ad eorum dominium pertinentes, ut in posterum nulla cum Canonicis Laurentianis litium semina possent succrescere, atque ita animarum salutis & Prædicationi evangelicæ tranquillè incumbere. Quamvis autem illud vulgaverit Puricellus, nos ex *Miscellaneis* MS. tis Francisci Castelli in lucem idem protulerimus.

„ Henricus miseratione Divina Sanctæ Mediolanensis Ecclesiæ Archiepiscopus, Dilectis in Christo Filiis Priori & „ Conventui Sancti Eustorgii Mediolani, Ordinis Fratrum „ Prædicatorum, tam præsentibus, quàm futuris, Mediolani commorantibus & commoraturis in perpetuum. Officii nostri debitum exigit & requirit, ut in iis, quæ „ ad cultum Religionis pertinent, teneamur propensius intendere, ac ea effectu prosequente studiosius adimplere. „ Hinc est quòd, cum propter Dei timorem, & Sanctæ „ Ro-

„ Romanæ Ecclesiæ devotionem, ac totius Cleri & populi
„ Mediolanensis utilitatem & profectum, Ecclesiam Sancti
„ Eustorgii, sitam in Suburbio Portæ Ticinensis Mediolani,
„ unâ cum Sedimine & braida, insimul se tenentibus, ad
„ faciendum hortos & brollium, ac domos edificandas, quæ
„ omnia Ubertus Marinonus, tunc ipsius Ecclesiæ Præpositus,
„ & Presbyter Rolandus, & Presbyter Linfrancus, & Ay-
„ roldus ejusdem Ecclesiæ Canonici refutaverunt in manum
„ Ugonis Cîmiliarchæ Mediolanensis, Vicarii nostri, qui tunc
„ eramus in partibus transmarinis, in servitio Crucifixi, vo-
„ bis vestrisque Successoribus, auctoritate Mediolanensis Ec-
„ clesiæ, de consilio Fratrum nostrorum, duxerimus conce-
„ denda; volentes ipsi Præposito & Canonici tollere oc-
„ casionem evagandi; timentes etiam, ne aliquo modo se-
„ ducti, ipsi vel eorum Successores haberent materiam ve-
„ xandi sive molestandi vos aut vestros Successores aliqua-
„ tenus in futurum; de consilio Fratrum nostrorum, ac de
„ consensu dictorum Uberti Præpositi, & Presbyteri Rolan-
„ di, & Ugonis & Chunradi, ejusdem Ecclesiæ Canonico-
„ rum; volentibus etiam & consentientibus Presbyteris Go-
„ zio, Amizone, Gullielmotto, Sozone, Chunrado, &
„ Ambrosio, Canonicis Ecclesiæ Sancti Laurentii Mediola-
„ nensis; consideratis utilitatibus Ecclesiæ Sancti Laurentii &
„ Canonicorum ejusdem Ecclesiæ, in qua Ecclesia sunt tan-
„ tum octo Canonici cum Præposito, & utilitatibus Eccle-
„ siæ Sancti Eustorgii, Præpositi & Canonicorum illius Ec-
„ clesiæ, in qua Canonici sunt tantum quatuor Canonici cum
„ Præposito, & pensatis circumstantiis locorum & persona-

E c c

„ rum

„ rum & totius negotii ; univimus prædicta duo Capitula
 „ Sanctorum Eustorgii & Laurentii , & de eis duobus Ca-
 „ pitulis fecimus unum Capitulum & unum Collegium , trans-
 „ ferendo dictos Præpositum & Canonicos Sancti Eustorgii , &
 „ bona & possessiones , & jura Ecclesiæ Sancti Eustorgii , cum
 „ omnibus suis oneribus ; ita quod onera utriusque Ecclesiæ , seu
 „ ipsius Capituli sic uniti , sint communia ad Ecclesiam Sancti
 „ Laurentii ; exceptis his , quæ jam vobis sunt concessa ,
 „ ita quod de cetero dicti Præpositus & Canonici Sancti
 „ Eustorgii , & Canonici Sancti Laurentii , sint unum Cor-
 „ pus & idem Capitulum & Collegium Sancti Laurentii ,
 „ & sint & esse debeant cum uno Præposito tantum duo-
 „ decim ; & vos Ecclesiam Beati Eustorgii , cum rebus vo-
 „ bis concessis liberè habeatis , pacificè ac quietè secundum
 „ Ordinem vestrum teneatis & possideatis . Item statuimus
 „ & ordinamus , ut Libri & ornamenta & utensilia Eccle-
 „ siæ Sancti Eustorgii remaneant in illa Ecclesia , & sint
 „ ipsius Ecclesiæ Sancti Eustorgii . Item subjicimus & sup-
 „ ponimus Hospitale , quod dicitur Sancti Eustorgii , & Ec-
 „ clesiæ Sancti Petri ad Scaldasole , & Sancti Stephani in
 „ Bixiario , cum omnibus rebus & possessionibus & juribus
 „ ad ipsas Ecclesias & ad ipsum Hospitale pertinentibus ,
 „ Ecclesiæ , seu Præposito & Capitulo , seu Collegio Sancti
 „ Laurentii sic unito . De facto verò Superintantiæ statuimus
 „ & ordinamus , ut dominium & institutio & omnia jura
 „ & possessiones ipsius Superintantiæ remaneant in potestate Ec-
 „ clesiæ Sancti Eustorgii , & personarum in ea Ecclesia San-
 „ cti Eustorgii commorantium , vel quæ sunt commoraturæ
 „ in

„ in perpetuum ; ad usum Fabricæ illius Ecclesiæ ; & salvo
„ quod administratio fructuum illius Superintantiæ sit in po-
„ testate Uberti Marinoni, quondam Præpositi Sancti Eu-
„ storgii, quousque vixerit, faciendo de ipsis fructibus fieri
„ laborem Fabricæ ipsius Ecclesiæ Sancti Eustorgii. Et post
„ ejus decessum fructus omnes, & administratio, & omnia
„ jura illius Superintantiæ liberè deveniant. & sint illius Ec-
„ clesiæ Sancti Eustorgii & personarum, ut supra dictum.
„ est, ad usum Fabricæ prædictæ Ecclesiæ. Nulli ergo om-
„ nino hominum in nostra ditione commorantium liceat
„ hanc paginam nostræ Institutionis sive Ordinationis infrin-
„ gere, vel ei ausu temerario contraire. Si quis autem
„ hoc attemptare præsumpserit, indignationem Omnipotentis
„ Dei, & nostram se noverit incursum. Datum millesimo
„ ducentesimo vigesimo septimo ; die Sabbati, nono die
„ ante Calendas Februarii.

„ Ego. Henricus Mediolanensis Ecclesiæ Archiepiscopus
„ subscripsi.

Romam subinde profectus est Henricus ; cùmque Gre-
gorius IX. Pontifex Maximus Ecclesiam Sancti Adriani so-
lemni ritu consecraret, XIII. Calendas Aprilis, Anno Do-
mini MCCXXVIII, Archiepiscopus noster huic Celebritati in-
terfuit simul cum aliis Cardinalibus & Episcopis. Testis est
Inscriptio, in abside ibidem incisa, quæ tertio loco, inter
reliquos Præsules, quos enumerat adstantes, Archipræsulem
Mediolanensem recenset. Legitur hæc Inscriptio, in Oldoino,
ubi de rebus gestis a Gregorio IX. mentionem agit.

Vigilantiæ tam accurati Pastoris satis non fuit, Sancti

Dominici Alumnos Mediolani fixisse. Quamobrem Sedi suæ restitutus, cum animadverteret, variis Hæresum facibus c. Gallia huc illabensibus (ut tradit Sigonius ad Annum MC-CXXIX.) coinquinatam esse hanc Urbem, auctoritate Legati Apostolici Gaufridi Cardinalis Tituli Sancti Marci usus, expellendos Mediolano omnes hac pice infectos curavit. Nec abuit Apostolicus Missus, qui Prætori anni illius Bonacursio de Porta, Brixienti, in mandatis dedit, ut convocato communi Consilio capitale exilium iis indiceret; Quinimo inter Statuta Civitatis, ea quæ ipse præcipiebat, impostero inviolabiliter observanda collocaret. Refert Bernardinus Corius severissima Ediçta, quæ tunc a Prælore aliisque Primoribus promulgata fuerant, adstante eorundem publicationi Archiepiscopo nostro, ut videlicet nemo Hæreticos excipere posset sub gravissimis poenis, existerentur eorum domus, & Bona in Fiscum Civitatis referrentur, captivique huiusmodi fursuris homines conjicerentur in eos carceres, quos Archiepiscopus statuisset.

Neque hoc præsentissimo remedio ad expurgandam ab hisce damis vineam suam contentus fuit Henricus. Sed ne in futuras ætates venenata hæc germina pullularent, aut secreto pestis ista in oves suas irreperet, Inquisitionis Tribunal in nostram Metropolim primus inexit, hac lege ut binj in singulis Tribubus (seu Portis) Fratres ex Ordine Prædicatorum, & Minorum, a Præfectis suis dati constituerentur, qui omnia ad ipsam Archipræfulem referrent, & auctoritate Archiepiscopali Hæreticos indagandos & corripiendos curarent: Prætor autem eos impensis publicis perdu-

duceret, quicumque Archiepiscopus voluisset.

Quoniam verò mentionem Fratrum Minorum egimus, proutendum minimè silentio est, Henricum Archiepiscopum hanc quoque Sacram Coloniam in Mediolanensem Urbem deduxisse. Cum per ea tempora floretet peculiarè perfectæ vitæ exemplo Seraphicus Ordo, à Sancto Francisco institutus, nulli fuerant à Conditore suo per omnes Regiones ejusdem Alumni. Carere eis noluit Henricus. Petrus Nicolaus Bonavilla, ex Fratribus Minoribus Observantia, in *Serie Chronologica Canabiorum sui Ordinis*, Mediolani vigesimum tradit, paulò post inductos ab Archiepiscopo nostro Fratres Ordinis Prædicatorum, hos quoque fuisse advocatos Anno MCCXXI (non MCCXII, quemadmodum Wadingus recitat) tanquam præstantes Divinæ gloriæ Administratos; & primò iisdem assignatam ab Henrico pto Hospitio Ecclesiam Sancti Victoris ad Theatrum; subinde verò eos ad alteram Sanctæ Mariæ Fulcorinæ fuisse translatos. Diu ibidem permansere; nostraque constans Traditio refert, Sanctum ipsum Franciscum, ad hanc Metropolim adventantem ut eos inviseret, in eodem loco commoratum esse. Quia etiam ad nostram usque ætatem commonstrabatur Cellulæ, & solum, in quo ipse dormiens cubaverat; sed occasione novi construendi Templi, dirui illam oportuit. Nihilominus eo loci Sacellum erectum fuit, Seraphici Patris Simulacrum ad pedes Crucifixi Salvatoris apposto, infixumque parieti proximo lapis est, qui tanti recepti honoris memoriam posteris commender. Et sanè non modica Urbi nostræ gloriæ accessit ex Sanctorum Dominici & Francisci hospitio, qui

qui lumina & fulcimentum Catholicæ Fidei extiterunt.

Tentaverat Henricus Archiepiscopus, crescente Frayrum Minorum numero, ampliores ædes iisdem parare; eaque Basilica, quæ Sanctis Nabori & Felici Martyribus dicata erat, & antiquissimo Civium cultu inter prima Deo sacra Templâ numerabatur, opportuna figendæ hujus Sacræ Familiæ Sedi videbatur. Duo tamen oblitere, videlicet repugnantia Præpositi & Canonicorum eandem Basilicam incolentium, qui inde recedere prorsus recusabant, & mors interpestiva, quæ præclara tanti Præsulis meditamenta abruptit. Hæc tamen optatum ab ipso exitum habuere post ejus obitum, ut suo loco narrabimus. Emendandus autem est in hoc Ughellus, qui assignatam fuisse Alumnis Sancti Francisci Basilicam Naborianam ab Henrico absque dubitatione tradidit; hoc enim beneficium a Leone de Perego Antistite nostro, Anno MCCLVI. recepere, quemadmodum infra patebit.

Referrî quoque ad peculiarem piissimi hujus Pastoris laudem debet, quod non Viris tantum, sed etiam Foeminis, quæ sub vexillo Seraphici Patris Deo militabant, hospitalem domum Mediolani apernerit. Narrat præclarissimi sui Ordinis Chronographus Wadingus, sub exordium ejusdem adventasse in nostram Metropolim Jacobam, sociam Agnetis (quæ Soror erat Sanctæ Claræ, Matris & Magistræ Monialium; quæ *Clarissa* appellantur) cum nonnullis pedisequis, quæ Crucifixo & Seraphicæ Regulæ sese devoverant, in hac nostra Urbe sacram sedem figere peroptantibus. Benignissimè illas excepit Henricus, precibus etiam ad-

adaetus Hugonis Cardinalis Ostiensis; utque commodius regularibus Instituti sui exercitationibus vacare possent, Ecclesiam Sancti Apollinaris liberali dono largitus est. Dubius hæsit laudatus Bonavilla circa Annum hujus largitatis, ab Henrico in has Moniales effusa; censuitque, id peractum fuisse Anno MCCXX. Constat tamen ex Charta in ejusdem Cœnobii Archivo asservata, quam (sub num. I.) ad calcem hujus Vitæ, cum aliis reliquis dabimus, Religiosas hæc Fœminas donatas fuisse ab Henrico Archiepiscopo, Anno MCCXXIV. in finem vergente, tum Ecclesia Sancti Apollinaris, tum Sedimine & domibus, ac ædificiis ipsi Ecclesiæ adjacentibus. Horum autem omnium jus ac possessionem, mandante eodem Archipræsule adeptè postmodum fuere, quemadmodum docet altera Charta (sub num. II.) sexto post donationem die confecta. Insuper facultas iisdem tributa est Anno insequente MCCXXV., ut ibidem Asceterium conderent, sibi que Domicilium pararent omnino longè a strepitu vulgi civiumque hujus Metropolis, prout docet publicum Documentum (sub num. III.) die quarto Februarii exaratum. Demum ad preces Gregorii IX. Summi Pontificis hortum quoque, qui alendis, Sacerdotibus, olim Sancti Apollinaris Ecclesiam incolentibus patrimonii loco deserviebat, iisdem Monialibus indulgit Anno MCCXXVIII., die XXVI. Aprilis, publicis tabulis id testantibus (sub num. IV.); ita tamen ut decedente quolibet ex iis, qui fructum annum inde capiebant, in utilitatem plenamque possessionem Monasterii portio illa quæ prædicto fructui respondebat, in perpetuum recideret. Cumulavit pariter

riter sacrum hunc gregem famularum Dei, pietatis ornamentis, Corpore videlicet Sancti Fausti Mediolanensis militis & Martyris, atque (ut antiqua fert Traditio) altera ex Costis Sancti Laurentii Archidiaconi, quæ singulis annis in illius Ecclesiæ Ara publico cultui exponitur. Ceterum dubitari nequit de effusa Antistitis nostri largitate ac beneficentia erga peregrinam Sancti Francisci Assisiensis Familiam, Mediolanum profectam, cum Gregorius IX. Summus Pontifex Diploma Donationis quorundam Beneficiorum, in favorem Monialium Sancti Apollinaris nostræ Urbis, datum Perusii Anno MCCXXXV: , V. Calendas Aprilis, Pontificatus sui anno nono, ita exordiat: *Cum olim bona memoria Mediolanensis Archiepiscopus (Henricus) Sancti Apollinaris (Ecclesiæ) in qua vos perpetuo claustra clauistis, pîd vobis liberalitate duxerit concedendam &c.*

Antequam Henricus vitam deponeret, dissidium emerfit, quod acerbo illius animum dolore confixit. Homobonus Episcopus Cremonensis pluribus aliis rebus in Ecclesia sua egregie gestis clarus, Tubrepere sibi permisit quemdam superbæ elationis factum, quo debita Metropolitano suo obedientiæ jugum conatus est prorsus excutere, sese omnino eximens ab ejusdem jurisdictione. Diu agitata est Causa; imo ad Apostolicam Sedem deferri illam oportuit. Cum autem futilibus tantum conjecturis & stramineis rationibus sese tueretur Cremonensis Antistes, Gregorius IX. Pontifex Maximus Homobonum damnavit, eique iussit, ut Archiepiscopum Mediolanensem revereretur, ejusque mandatis tamquam Suffraganeus obtemperaret. Refert Ughellius in *Episcopis Crema-*

mensibus, has Literas Gregorii Summi Pontificis, *datas Perusii III. Idus Julii, Pontificatus sui Anno secundo*, Christi MCCXXXVIII. Anonymus autem Scriptor Catalogi jam laudati, qui præsens erat, minutim narrat modum, quo publicè reconciliatus est Henrico Homobonus, his verbis: *Tandem convictum, & per Sententiam condemnatum, debitam fidelitatem, præstito juramento, solito more, coram cuncto istius Civitatis Clero, ibi etiam adstante innumera populi utriusque Sexus multitudine diversarum ætatum, scilicet puerorum, adolescentum, juvenum, & senum in medio Ecclesiæ Beatæ Theclæ, sibi & Mediolanensi Ecclesiæ fecit exhibere, Anno Domini MCCXXXIX., in Fisto Purificationis Beatæ Mariæ, horâ tertiâ, Clero veniente cum Processione a Sanctâ Mariæ Beltrade, secundum debitam consuetudinem.*

Quàm celebris esset Mediolani hæc Supplicatio, constat ex Beroldo alibi laudato, qui sub initium Seculi XII. florebat; ait enim, universum Clerum die Hippapantis, idest Præsentationis in Templo Domini Nostri Jesu Christi, a Deipara Virgine illuc delati, unâ cum Archiepiscopo ad Ecclesiam, quæ apud nos appellatur *Sanctæ Mariæ Beltradis*, con-venisse, atque ibidem benedictio thure, & accensis candelis inceptos fuisse cantari Hymnos & Psalmos; atque inde processisse distinctis Ordinibus ad Ecclesiam Majorem, cuncto populo religiosissimè prosequente, & ductus Sacerdotibus Imaginem Beatissimæ Virginis, puerum Jesum gestantis in ulnis (quam *Ideam* vocabant) super humeros asportantibus. Extat adhuc Lapis infixus in altero ex lateribus frontis Ecclesiæ Sanctæ Mariæ Beltradis, rudi scal-

pro effectus, qui solemnem hanc Supplicationem, cum Idæa Archiepiscopo & Veglonibus, repræsentat. Quin etiam in præsentia viget hæc consuetudo, memorato die annuatim renovata, quo tantum intus Metropolitanam Basilicam depicta hæc Tabella ab ejusdem Clero circumfertur. Hæc obiter adnotavimus hoc loco, ut verba Scriptoris Catalogi summatim explicaremus; latius verò de iis differetur, cum in publicam lucem edentur Commentaria Ritûs Ambrosiani.

Regimen suum clausit Henricus præclaro testimonio animi sui ad pacem compositi, quamvis ipse in ærumnis, proscriptionibus, pugnis, disidiisque Annos, quibus præfuit huic Ecclesiæ, invictâ constantiâ transigere debuisset. Nemo est qui ignoret, quàm frequentia essent bella Mediolanensis Urbis cum finitimis populis, & quot in singulis Urbibus factiones acriter invicem in cruentas pugnas abirent. Fervebat Anno MCCXXIX aliud prælium cum Veronensibus tanto ardore, ut die ipso Paschatis Factiones duæ, quietis impatientes, armis inter sese occurrerint, & obstinato utrinque certamine edito, suas quisque domos se magnâ cæde retulerit, ut scribit Sigonius. Condoluit Pastor noster tam infelices temporum vicissitudines, quibus una alteram ex florentissimis Urbibus discerpebat. Quocirca, ut in sædus amicis reducerentur, curavit; atque ad illud faciendum (ut prosequitur idem Sigonius) *IV. Nonas Decembris ejusdem anni Moderatores, Prætores, Rectors, ac Legati Civitatum fœderatarum Mediolani convenire, atque in præsentia Henrici Archiepiscopi, Guisfredi Legati Sedis Apostolica, & Fratris Gualla (ex Ordine Prædicatorum, Pontificii pariter Legati)*

de

de fœdere retulere. Diffis ab omnibus sententiis, universi consensu maxima censuere, ut fœdus renovaretur.

Consumptus tandem curis pro Ecclesia Mediolanensi atque etiam Romana, dum ad Oppidum Brebbiæ, Archiepiscopalis sui juris, divertisset, animum fortasse ab earum onere levaturus, in morbum incidit Henricus, & ad æternam quietem migravit Anno MCCXXX., XVI. Calendas Octobris. Admirationem nobis primò ingessit Ughellus, qui Anno sequente eundem naturæ cessisse die III. Octobris scribit, cum statim oculis subjiciat Epitaphium appositum in Æde Sancti Francisci Mediolani a Carolo Septala, postmodum Episcopo Derthonensi, in quo annus a nobis & a Catalogis statutus legitur. Verùm cum Editionem Romanam ejusdem Ughelli consuleremus, hanc funebrem Inscriptionem minimè relatam vidimus: Quocirca in ea sumus opinione, additamentum hoc esse Editorum Venetæ Urbis, quamvis consueta virgulas, quibus nova additamenta designant, minimè apposuerint. Epitaphium autem sic se habet.

ÆTERNITATI.

HENRICUS SEPTALA

MEDIOLANI ARCHIEPISCOPUS

DOCTRINA, PIETATE, AC RERUM GESTARUM GLORIA
INCOMPARABILIS

AD TANTÆ REGIMEN ECCLESİÆ

AB INNOCENTIO III. ELECTUS

AB HONORIO III. CONSECRATUS,

COMES REGUM AC DYNASTARUM

CUM EGREGIA MEDIOLANENSIVM NOBILIVM

AC MILITVM MANV

JEROSOLYMITANAM SUSCEPIT EXPEDITIONEM.

METROPOLITANI JURIS MIRVS VINDEK FVIT,

INSTITVTO INQVISITORE JVGVLAVIT HÆRESES:

DOMINICANVM ET FRANCISCANVM ORDINES

IN HANC VRBEM PRIMVS EXCEPIT, EISQVE DOMICILIA
CONSTITVIT:PLVRIBVS ECCLESİIS PATRIMONIVM NON MEDIOCRE
ADDIDIT.

MEDIOLANENSI ECCLESIA PER ANN XVI. ET MENS. X.

LABORIOSISSIME ADMINISTRATA

QVIEVIT ANNO SALVTIS MCCXXX. XVI. CAL. OCTOBRIS,

ELATVSQVE PIO ET VERO VNIVERSÆ ITALIÆ DOLORE

HIC JACET.

CAROLUS SEPTALA JURISCONSULTUS COLLEGIATUS,
SANCTISSIMI DOMINI NOSTRI INNOCENTII X.
UTRIUSQUE SIGNATURÆ REFERENDARIUS,
ET METROPOLITANÆ MEDIOLAN. ARCHIPRESBYTER
BENEMERITO PROPATRUO TRITAVI MAXIMO
ANNO MDCLIL

P.

Erravit Galefinius in *Tabula Archiepiscoporum Mediolanensium*, qui tradit, Henricum Mediolani obiisse; cùm omnium Scriptorum consensu asseratur, eundem defunctum in Oppido Brebbiæ, atque illinc ad nostram Urbem translatum, in Ecclesia Sancti Victoris appellati ad *Ultum*, primum Tumulum habuisse; subinde in marmorea Arca adhuc extante conditam fuisse illius Corpus in Basilica Sancti Francisci, quæ tunc dicata erat Sanctis Nabori & Felici, in sculpeâ Urnæ hac brevi Epigraphe:

HENRICUS SEPTALA ARCHIEP. MEDIOLAN.

Corruente postmodum Templo illo ex improvviso, innoxio tamen lapsu, alioque magnifico extracto, deposita sunt hujus Antistitis Ossâ ante Altare Majus, cum hoc funebri Elogio:

HEN-

HENRICO SEPTALÆ
 MEDIOLANI ARCHIEPISCOPO
 SERAPHICI HUIUS ORDINIS
 BENEFACTORI EXIMIO,
 POST RESTAURATUM TEMPLUM
 A PATRIBUS HUC TRANSLATO
 GRATI ANIMI MONUMENTUM
 AN. D. MDCCXVIII.

Anonymus Auctor Catalogi Bibliothecæ Metropolitanæ tradit, administratam fuisse ab Henrico Ecclesiam Mediolanensem *per Annos XVI., menses X, minus XII dies*. Si tamen computus fiat ab Anno MCCXIII die IV Novembris, quo ab Innocentio III. creatus est Archiepiscopus, usque ad XVI Calendas Octobris Anni MCCXXX., cui ipsemet Henrici obitum figit, clarè patet, tempus Sedis ab eodem assignatum debuisse protendi usque ad alios dies XXIV., ut decimum sextum diem Septembris attingeret. Censemur tamen, hunc Auctorem non enumerasse dies quos impendebat Henricus, ut a Bononiensi Urbe, ubi literis operam navabat, se Mediolanum conferret; sed tantum eos enunciasse, quibus verè in hac Mediolanensi Cathedra sedet.

Ughellus Henrico attribuit XX. annos regiminis, ob errorem, quem ab initio admiserat, biennio ejusdem electionem præveniens, vitamque postmodum uno Anno protendens.

Num.

Num. I.

*Donatio Ecclesiæ Sancti Apollinaris, facta ab Henrico
Mediolanensi Archiepiscopo Jacobæ Abbatisæ & So-
roribus Ordinis de Spolito, Anno MCCXXIV.*

II. Novembris.

„ In nomine Domini. Anno Dominicæ Incarnationis mil-
„ lesimo ducentesimo vigesimo quarto, die Sabbati, qui
„ est secundo die Mensis Novembris, Indictione tertiadeci-
„ ma, In Castro Bribæ, in Palatio Domini Archiepiscopi.
„ Ad honorem Dei & Sanctæ Romanæ Ecclesiæ. Dominus
„ Henricus Dei gratia Sanctæ Mediolanensis Ecclesiæ Vene-
„ rabilis Archiepiscopus, attendens honestatem & religionem
„ Jacobæ Abbatisæ & pauperum Sororum Mediolani com-
„ morantium Ordinis de Spolito, & ad preces Domini Hu-
„ gonis Dei gratia Hostiensis Episcopi, dedit titulo devo-
„ tionis, concessit Ecclesiam Sancti Apollinaris, sitam iusta
„ Portam Romanam, prope Fossatum Civitatis, & Sedimen-
„ cum domibus & ædificiis ipsi Ecclesiæ coherentibus, præ-
„ dictis Abbatisæ & Sororibus, earumque Succetricibus ibi-
„ dem commoraturis in perpetuum, secundum Regulam
„ Ordini Spolitano a Domino Papa concessam, vitam du-
„ cturis: Ita ut de cetero præfata Abbatisa & Sorores, &
„ earum Succetrices habeant, teneant, & possideant Ec-
„ clesiam, domos, & Sedimen, ut supra legitur, faciendo
„ & solvendo Annis singulis Cereos duos duarum librarum,
„ no-

„ nomine Censuræ & devotionis præfato Domino Archiepi-
 „ scopo & ejus Successorius, in omni Feito Sancti Apol-
 „ linaris. Interfuerunt ibi Testes Dominus Fulco de Der-
 „ vio, Mediolanensis Ecclesiæ Ordinarius, filius quondam.
 „ Domini Bartholomæi de Dervio, & Magister Anselmus
 „ Camararius Domini Archiepiscopi, filius qu. Hugonis de
 „ Gasteganea, & Landulfus filius Pedrusi de Castro Seprio,
 „ Canonicus de Sergiano, & Dominus Girardus filius Do-
 „ mini qu. Petri de Vigiudo Canonicus de Crena, & Bru-
 „ netus filius qu. Oldradi de lo Carmaniago, qui de man-
 „ dato Domini Papæ est Provisor & Rector omnium Mo-
 „ nialium ipsius Ordinis.

„ ✚ Ego Henricus Ecclesiæ Mediolanensis Archiepisco-
 „ pus subscripsi manu propria.

„ ✚ Ego Sigibaldus Officialis Ecclesiæ Sancti Apollina-
 „ ris subscripsi.

„ ✚ Ego Conradus septem denariorum, Presbyter San-
 „ cti Apollinaris subscripsi.

„ Ego Albertus Notarius Sacri Palatii, filius Alberti
 „ Apoliti Judicis, Civis Mediol., qui modò habito in Bur-
 „ go Angleria, hanc Chartam tradidi, & cripsi.

Num. II.

*Possessio Ecclesie Sancti Apollinaris & domuum ac edificiorum
 ipsi adjacentium, acquisita per Abbatisam Jacobam
 & Sorores Ordinis de Spolito Anno MCCXXIV,
 die VIII. Novembris.*

„ In nomine Domini. Anno Dominicæ Nativitatis mil-
 „ leximo, ducentesimo, vigesimoquarto, die Veneris, octa-
 „ vo, die Novembris, Indictione decimatertia. Cùm Domi-
 „ nus Henricus Dei gratia Sanctæ Mediolanensis Ecclesiæ ve-
 „ nerabilis Archiepiscopus dedisset, & titulo donationis con-
 „ cessisset Ecclesiam Sancti Apollinaris, sitam juxta Portam
 „ Romanam, prope Fossatum Civitatis, & Sedimen, & do-
 „ mos cum hediiciis ipsi Ecclesiæ coherentibus Domnæ Ja-
 „ cobæ Abbatisæ, & pauperibus Sororibus Mediolani com-
 „ morantibus Ordinis de Spolito, sicut apparet per publicum
 „ Instrumentum a me infrascripto Guidotto Bucco Notario
 „ visum & lectum, factum per Albertum Notarium, filium
 „ Alberti Apoliti, Dominicæ Incarnationis milleximo, du-
 „ centesimo vigesimo quarto, die Sabbati secundo die No-
 „ vembris, & subscriptum per supradictum Dominum Ar-
 „ chiepiscopum, & per Sigiebaldum Officialem prædictæ
 „ Ecclesiæ Sancti Apollinaris, & per Conradum Septem-
 „ denariorum Presbyterum eiusdem Ecclesiæ; & idem Do-
 „ minus Archiepiscopus mandasset Præposito & Presbytero
 „ Guilielmo Sancti Nazarii in Brivio Mediolan., & Fratri

G g g

„ Leoni

„ Leoni de Ordine Fratrum Minorum , ut prædictas Abba-
 „ tissam & Moniales , sive Sorores præfati Ordinis de Spo-
 „ lito inducerent in possessionem corporalem & tenutam præ-
 „ dictæ Ecclesiæ , & ædificiorum , sicut apparet per Literas
 „ ipsius Domini Archiepiscopi , ejus sigillo cereo sigillatas ,
 „ ibi a me infrascripto Guidotto Bacco visas & lectas , hiidem
 „ Præpositus & Presbyter Guillelmus , & Frater Leo , au-
 „ thoritate ipsius Domini Archiepiscopi , induxerunt dictas
 „ Abbatisam & Sorores in possessionem & tenutam Ecclesiæ
 „ & domorum & ædificiorum prædictæ Ecclesiæ , introdu-
 „ cendo eas in ipsam Ecclesiam & domos & Sedimen , &
 „ assignando eis claves Ecclesiæ & domorum . Actum ad
 „ prædictam Ecclesiam Sancti Apollinaris ; unde plura in-
 „ strumenta uno tenore fieri rogata sunt .

„ Interfuerunt Testes rogati Magister Anselmus de Ca-
 „ stegnanega , Canonicus Sancti Nazarii , filius qu. Hugonis
 „ de Castegnanega , & Rogerius , filius qu. Griffi de Ta-
 „ vernasco , de Pusterla Sanctæ Eufemiæ , & Guido & Pe-
 „ trus fratres , filii qu. Bertrami Zocolæ de Verzario , om-
 „ nes Civit. Mediolani .

„ Ego Guidottus , filius qu. Nigri Bachi de Burgo so-
 „ tris Portæ Romanæ , Civis Mediol , Notarius & Regis
 „ Missus interfui , & rogatus scripsi .

Num.

Num. III.

*Facultas concessa ab Henrico Archiepiscopo Mediolanensi Jacobo
Abbatissæ & Sororibus Ordinis de Spolito, construendæ
Monasterium prope Ecclesiam Sancti Apollin-
ariis, Anno MCCXXV., IV. Febr.*

„ In Nomine Domini. Anno a Nativitate Domini No-
„ stri Jesu Christi millesimo ducentesimo vigesimo quinto, die
„ Martis quarto mensis Februarii, Indictione tertiadecima.
„ In presentia Alberti de Summovico, & Guilicioni Cumini,
„ Notariorum, & infraſum, c riptorum, Testquorum nomina
„ ſubtus &c. Dominus Henricus Dei gratia Sanctæ Medio-
„ lanenſis Eccleſiæ Venerabilis Archiepiſcopus, de mera libe-
„ ralitate ſua, ac conſenſu infraſcriptorum Fratrum ſuorum,
„ videlicet Alberti Archipreſbyteri, Guilielmi Archidiaconi,
„ Girardi Vicedomini, Alcherii de Tertio, Guilielmi Ra-
„ ne, Goufredi de Caſtellione Cancellarii, Arnaldi de Man-
„ dello, Amizonis de Porta Romana, Rogerii della Turre,
„ Obizonis de Lampioniano, Guilielmi de Puſterla, arque
„ Ambroſii de Puteobonello, ejuſdem Sanctæ Mediolanenſis
„ Eccleſiæ Ordinariorum, ob honorem Dei & reverentiam
„ Apoſtolicæ Sedis, & intuitu pietatis, ac obtentu Vene-
„ rabilis Patris Ugonis, Dei gratia Hoſtienſis & Villetren-
„ ſis Epicoſpi, donavit, & conceſſit atque tradidit Eccleſiam
„ Sancti Apollinaria ſitam juxta Foſſum Civitatis Mediola-
„ ni, non multum longe a Porta Romana, cum Sedimine

G g g 2

„ &

„ & horto prope prædictam Ecclesiam , & terra illa , quæ
„ consuevit esse via , quæ est a meridie partis illius Ec-
„ clesie , & alia petra terre , quam Syro Moronas nomine
„ & ad partem infra scripti Monasterii acquisit ab Officia-
„ libus dictæ Ecclesie Sancti Apollinaris , prout in alio
„ quodam publico Instrumento illius aquiri , a me infra-
„ scripto Ambrosio Percoffi Notario tradito & scripto con-
„ tinetur , Dominabus Jacobæ & Sororibus ejus tam præ-
„ sentibus quàm futuris ab habendum & tenendum , ac con-
„ struendum ibi Monasterium in honorem Beatissimæ atque
„ gloriosissimæ Virginis Mariæ , & Beati Martyris Apollina-
„ ris , in quo illæ & aliæ Ancillæ Christi præsentibus & fu-
„ turæ in paupertate Domino famulentur , juxta formam
„ vitæ pauperum Dominarum claustrarum , in Valle Spoliti ma-
„ nentium , eisdem Sororibus auctoritate Domini Papæ tradi-
„ tam per Episcopum memoratum , & Monasterium & lo-
„ cum istum ac Sorores ab omni Episcopali jurisdictione
„ tam in spiritualibus , quàm in temporalibus prorsus exe-
„ mit , nihil sibi reservans in eo , præter Dedicationem Ec-
„ clesie , Consecrationes Altarium , benedictiones Abbatissæ
„ seu Monialium , cum ab Abbatissæ & Sororibus propter
„ hoc fuerit requisitus , si tamen ipse Dominus Venerabilis
„ Archiepiscopus & Successores sui gratis hæc & sine pra-
„ vitate voluerit exhibere . Reservavit etiã sibi & Archie-
„ piscopatu duos Cereos duarum librarum in Festo Sancti
„ Apollinaris , nomine Censui , annis singulis persolvendos .
„ Sorores verò ipse , si traditam sibi formam Religionis
„ aliquando deferentes , eam prorsus contempserint observa-

„ re ,

„ re , & sæpe quoque admonitæ se corrigere non curarent ,
„ ex tunc jurisdictioni ipsius Domini Venerabilis Archiepi-
„ scopi & Successorum ejus Monasterium ipsum , & locus
„ ac personæ liberè revertantur . Et hanc donationem sive
„ concessionem ut supra &c. firmam & ratam omni tempore
„ habere promissit , & nullo tempore contravenire . Actum
„ supra Solarium Monasterii Sanctæ Mariæ de Burgo Can-
„ turio .

„ Interfuerunt Testes Ardericus Præpositus Plebis de Gallia-
„ no , M. guter Anselmus Camerarius dicti Domini Archie-
„ piscopi , filius qu. Ugonis de Castenianega , Presbyter
„ Amizo Canonicus Sancti Laurentii , Albericus de Ouretis
„ Canonicus de Vicomercato , Aripandus filius Alberti Ju-
„ dices de Alzate , Matthæus filius qu. de
„ Settarra , Franciscus filius qu. Lanfranci de Settarra ,
„ atque Manfredus filius Thomasi de Settarra , qui tres Te-
„ stes sunt de Civitate Mediolani , sed habitant in Loco
„ Settarra .

„ Ego Ambrosius filius qu. Jacobi , qui dicebatur Percos-
„ sus , de Parochia Sancti Protasii ad Monachos , Civis Me-
„ diolanensis , Norarius Domini Henrici Regis , hanc Char-
„ ram tradidi , & scripsi , ut supra .

Num. IV.

*Donatio cujusdam Horti adjacentis Ecclesiæ Sancti Apollina-
ris, facta ab Henrico Archiepiscopo Mediolanensi,
Jacobe Abbatisse & Sororibus Ordinis de
Spolito, Mediolani commorantibus,
Anno MCCXXI/III.,
XX/I. Aprilis.*

„ In nomine Domini nostri Jesu Christi Amen. Anno
„ Nativitatis ejusdem millesimo ducentesimo vigesimo octa-
„ vo, Pontificatus verò Domini Gregorii noni Papæ anno
„ secundo, Indictione prima, mense Aprilis, die vigesimo
„ sexto. Nos Henricus miseratione Divina Sanctæ Medio-
„ lanensis Ecclesiæ Archiepiscopus. Divinæ pietatis intuitu,
„ & ad preces Domini Gregorii Summi Pontificis, ac ani-
„ mæ nostræ remedio, hac die præsentialiter ex nunc
„ damus, cedimus, tradimus, concedimus & confirma-
„ mus tibi Fratri Martino, recipienti ad opus & utilita-
„ tem Monasterii Sanctæ Mariæ apud Sanctum Apollinarem,
„ & ipsius Monasterii Abbatisse, & Monialium, & per
„ te ipsis Monasterio, Abbatisse, & Monialibus, & earum
„ Succetricibus in dicto Monasterio permanentibus, Regulam
„ a Summo Pontifice eisdem exhibem observantibus, prout
„ in aliis quampluribus plenius continetur Instrumentis, in
„ perpetuum. Idest quemdam Hortum eidem Monasterio
„ adjacentem, sicuti infra has suas concluditur fines: a
„ primo

„ primo latere est Domus Humiliatorum ; a secundo tenet
 „ dictum Monasterium ; a tertio est via publica ; a quarto
 „ verò latere est Ecclesia Sancti Apollinaris , & domus
 „ ejusdem , cum omnibus introitibus & exitibus ipsius Hor-
 „ ti , & omnibus ejus usibus , utilitatibus , & pertinentiis in-
 „ ferius & superius ibi habitis , ad habendum , possidendum ,
 „ fruendum , tenendum , & ut dictum est perpetuò , ad
 „ omnia faciendum , quæ dictis Abbatissæ , & Monialibus de
 „ ipso Horto facere placuerit , sicut nos & nostri Successo-
 „ res facere deberemus ; nihil enim exinde nobis , aut ali-
 „ cui cuiquam reservato , excepto quòd Conradus Presbyter ,
 „ Sinibaldus , & Waldericus , quondam Sancti Apollinaris
 „ Beneficiales , & nunc Beneficiales Ecclesiæ Sancti Joannis
 „ in Brulio habebunt quilibet ipsorum pro parte sua de ipso
 „ Horto usufructum in vita sua , quoniam eis in Benefi-
 „ cium datus fuit , ita tamen quòd alter alteri post mor-
 „ tem alterius de jam dicto Horto succedere nunc possit .
 „ Imo volumus & statuimus ut quicumque ipsorum deceffe-
 „ rit , prædicto Monasterio de jam dicto Horto moriatur ,
 „ succedendo in ipso Monasterium antedictum . Post mortem
 „ omnium prædictorum , libere & sine cujusquam contradi-
 „ ctione idem Hortus remaneat Monasterio memorato . Obli-
 „ gantes nos & Successores nostros ut supra , hanc donatio-
 „ nem , cessionem , concessionem , confirmationem , & om-
 „ nia supradicta rata & firma perpetuo habere ; & contra
 „ non venire , sed observare . In hujus autem rei eviden-
 „ tiam pleniorē hoc præsens publicum Instrumentum no-
 „ stri sigilli munimine roboravimus . Actum Rear , præsentī-
 „ bus

„bus Testibus subscriptis, ad hoc specialiter rogatis, vi-
„delicet:

„ Jacobo Presbytero de Vicedomino Capellano Sancti
„ Salvatoris test.

„ Landulfo de Castrosoprio Canonico de Selagio test.

„ Corrado Canonico Sancti Ambrosii test.

„ Et Fulco de Ervis Canonico de Domo Mediol teste.

„ ✠ Ego Albertus Amiconus Mediolanensis Ecclesie
„ Archipresbyter subscripti.

„ ✠ Ego Magister Stephanardus Balbus Mediol. Ord-
„ narius subscripti.

„ ✠ Ego Albericus Mediolanensis Ecclesie Ordinarius,
„ & Primicerius ejusdem subscripti.

„ ✠ Ego Villielmus de Rozolio Mediolanensis Eccle-
„ sie Archidiaconus.

„ ✠ Ego Guilielmus Mediolanensis Maj. Ecclesie Or-
„ dinarius subscripti.

„ ✠ Ego Ambrosius, cognomine Percossus, Notarius,
„ mandato Domini Ribaldi Burri Mediolanensis Diaconi
„ subscripti.

„ ✠ Ego Lanterius Scaccabarotius Mediolanensis Eccle-
„ sie Ordinarius subscripti.

„ ✠ Ego Azo Vicecomes Mediolanensis Ecclesie Or-
„ dinarius subscripti.

„ ✠ Ego Rugerius de la Turre Mediolan. Ordinarius
„ & Diaconus subscripti.

„ ✠ Ego Ambrosius Ordinarius M. subscripti.

„ ✠ Ego Hugo Mediolanensis Cimiliarcha, & Domi-

„ ni

„ ni Papæ Subdiaconus subscripsi.

„ ✠ Ego R. S. Dei gratia Sacri Romani Imperii Scri-
„ niarius, habens potestatem dandi Tutores, Curatores, eman-
„ cipandi, Decretum interponendi, alimenta decernendi, &
„ public. fac., quia hiis interfui supradictis, hoc Instrumen-
„ tum scripsi, & complevi rogatus.



GULIELMUS RUZZOLIUS.



Ost dies XXVIII. vacantis Sedis Successor Henrico datus est Gulielmus, seu Wilhelmus Ruzzolus, sive de Rozolo, cum omni pace & concordia, totiusque Capituli consensu & favore, pridie Idus Octobris Anni MCCXXX. quemadmodum tradit Catalogus hucusque laudatus, scriptus ab Auctore coevo, & Mediolani degente. Hac autem in re fallitur Ughellus, qui ejusdem electionem differt ad Annum sequentem MCCXXXI. in utraque Editione; fortasse quod ejusdem, oculis nondum obvia fuisset funebris Inscriptio; postmodum apposta Tumulo Henrici Archiepiscopi, in qua Annus MCCXXX. assignabatur illius morti, cum ea minimè reperiatur in prima Editione.

Antequam de præclarissimis rebus a Gulielmo gestis disseramus, prætereundum non est Elogium, quod eidem contexit Auctor *Annalium Mediolanensium*, editorum Tom. XVI. *Scriptor. Italiae*, qui Historiam suam ab hoc Gulielmo Antistite scribere inchoavit; *Gulielmus* (inquit ille) *in bel- lis quasi tonitru, in consilio gigas, mirabilis lingua clarissimus fuit.*

Archidiaconi Dignitate in nostra Metropolitana Basilica decoratus erat, cum Ambrosianam Sedem conscendit Gulielmus. Sequenti Anno MCCXXXI. Gregorius IX. Summus Pontifex Legem tulit, confirmatam a Senatu Romano, &
ab

ab ipso etiam Imperatore Federico II., qua excommunicationis sententiam protulit contra Hæreticos Catharos, Patarenos, Paupères de Lugduno, Passaginos, Joſeppinos, Arnaldistas, Speronistas, & alios hujusmodi, quos etiam proſcriptionibus poeniffique graviffimis afficiendos, ubicumque occurrerent aut latitarent, Reſtoribus Civitatum indixit. Ad Archiepiſcopum quoque noſtrum Epiſtolam dedit, hoc anno expeditam, quam Raynaldus ex Regeſto Vaticano ſummatim recenſuit, monens eundem ac Suffraganeos ſuos, ut pari ſtrenuitate in impios homines hac peſte infectos conſurgerent. Non deſuit muneri ſuo Archipræſul noſter, qui amore Catholicæ Religionis jam incenſus, acceptis Summi Pontificis mandatis ſerventiôr factus, conatus omnes ſuos impendit, ut intactam ſervaret hanc Domini vineam, ne eam exterminaret aper de ſilva, aut ſingularis ſerus depaſceretur. Sanè fructus ſolicitæ vigilantie noſtri Archiepiſcopi bienio poſt apparuere, cùm ab ipſo exſtimulati procul dubio Civitatis hujus Reſtores, Catharos, qui jam ab ævo Sancti Galdini altis in hoc Solo radices jecerant, tamquam venenata germina ferro & igne prorfus conſumpſerint. Viſitur etiam in hodiernum diem Marmor in latere Plateæ Mercatorum Urbis noſtræ, quod ſculptum reſert Prætorem Odradum Trixinum equo inſidentem, qui ignis poenæ expurgavit a maligna Catharorum lue florentiffimam hanc Civitatem. In calce autem memorati Lapidis incifa leguntur hæc Carmina :

MCCXXXIII. DOMINUS OLDRADUS DE TREXENO
POTESTAS MEDIOLANI:

ATRIA QUI GRANDIS SOLII REGALIA SCANDIS
CIVIS LUDENSIS, FIDEI TUTORIS ET ENSIS,
PRÆSIDIS HEIC MEMORES OLDRADISEMPER HONORES,
QUI SOLIUM STRUXIT, CATHAROS, UT DEBUIT, UXIT.

De hoc nostro Archiepiscopo, Galefinii testimonio, Ughel-
lus sequentia refert: *Gregorius IX. illum legavit ad Impera-
torem Federicum II, ut contra Saracenos expeditionem sus-
ciperet. Mediolanum reversus, eundem Federicum, tamquam
Ecclesia hostem submovit a communione Fidelium, contraque
ipsum multos mortalium Crucesignatos vocavit ad arma. Non-
nulla in hac narratione comperimus, quibus faciles aures
accommodare nequimus. Siquidem Sigonius & Raynaldus,
dum ad Annum MCCXXVII, mentionem agunt Gregorii IX,
Honorio III. in Summo Pontificatu suffecti, asserunt, statim
ab initio sui regiminis admonitum fuisse ab ipso Federicum,
ut quod sæpius Honorio sponderat, neque unquam præste-
rat, tandem expleret; atque hanc gratiam a se & ab om-
nibus Christianis iniret, ut Sanctum Christi Sepulcrum ex im-
piorum manibus extorqueret; verba sunt Sigonii. Verum de
Legatione Archiepiscopi nostri ad eundem silent Historiæ;
præsertim cum hæc integro triennio ante contigerint, quàm
Gulielmus in Archiepiscopum deligeretur. Cum autem in
gratiam Gregorii IX. rediisset Federicus, exceptus ab ipso*

Pon-

Pontifice Maximo Anagninæ, & mensæ etiani adhibitus Anno MCCXXX, inducias cum ipso sancivit; quæ tamen Imperatoris culpâ citò abruptæ fuerunt; Anno enim MCCXXXIX. Summus ille Hierarcha eundem Imperatorem anathemati subjecit, coactus renovare hanc pœnam a violenta illius irruptione in Ecclesiasticum Patrimonium, aliasque Urbes, quæ vel juris erant Pontificii, vel Pontifici favebant; nec amplius sub hoc Cæsare actum est de mittendis in Orientem Crucesignatis. Quapropter nescimus, quando Legatio ad eundem demandata fuerit Archiepiscopo nostro.

Quod attinet ad excommunicationem a Gulielmo Archiepiscopo nostro latam, de qua Galefinius & Ughellus agunt, non inficiamur, promulgatam fuisse hanc Sententiam a Gulielmo; non tamen nomine proprio, sed Gregorii Summi Pontificis, qui universis Episcopis, Archiepiscopis, & Patriarchis mandavit, ut inflictum hoc anathematis telum suis in Diœcesibus publicè denunciarent. Quinimo Gregorius Pontifex Crucem indixit adversus Federicum Ecclesiæ rebellem, multosque ad eam sumendam incitavit; utque adimpleretur voluntas ipsius Summi Hierarchæ, Legatum misit ad Mediolanenses, quos optimè noverat suoapte genio acerrimos esse Federici hostes. Commissa est hæc Legatio Gaufrido de Castellione, natione Mediolanensi. Fuerat iste severiori morum disciplinâ sub Sancto Galdino institutus primò, deinde Metropolitanæ Basilicæ Archipresbyter & Cancellarius declaratus. Postmodum sub Patru Urbani III. Pontificatu, Mediolanensis Ecclesiæ administrandæ onus sibi ab eodem Pontifice oblatum, aureâ suâ mediocritate contentus, magnanimo

mo spiritu a se rejecit. Defuncto Urbano Monasticam vitam in Sabaudia professus, haud longo post tempore a Gregorio IX. reluctans e Clauitro reductus est, & Presbyter Cardinalis Titulo Sancti Marci primò, deinde Sabinenſis Episcopus renunciatus. Demum confectus senio in ejusdem Gregorii locum, sub Cœlestini IV. nomine suffectus, decimo-octavo ab electione sua die morti concessit, quemadmodum narrat Oldoinus. Ita omnia nos aliquantulum digressi, ad illustrandam Ecclesiasticam Mediolanensem Historiam hoc loco retulimus; præcipuè cum Ambrosianæ Insulæ eidem oblatae, atque admirabili modestia ac moderatione recusatae gloriâ insignis, commemorari in hac Serie Antistitum nostrorum, ad æternam Civium Mediolanensium venerationem Gaufridus mereatur. Is itaque in hanc Urbem delatus omnium animos incendit contra Fridericum; sicuti etiam intrepidè peregerunt Primores Mediolani Cives, missis in subsidium Ecclesiæ militibus suis. Huic operi conficiendo insudasse pro virili Gulielmum etiam Archiepiscopum, nemo vertet in dubium, tum ob supremam, qua in urbe pollebat, auctoritatem, tum quia imperterriti erant animi, & non tam hujus Ecclesiæ, sed totius Catholicæ Religionis bono conservando promovendoque adjuvissimi.

Non minori solitudine studia & conatus omnes impendit Gulielmus, ut in hac metipſa Metropoli ejus curæ commissa cultus religionis floreret, & peculiaria Deo obsequia diu noctuque perfolerentur. Excepta fuerat a Prædecessore suo Henrico Septala Sacra Virginum cohors, quæ sub Seraphici Patris Francisci Regula ac disciplina inviolatam morum

rum castimoniam servabant, & in Asceterio, Sancti Apollinaris Ecclesiæ adjacentē suavisimum angelicæ vitæ odorem spirabant. Hæc Domini Ancillas peculiari amore fovebat Gregorius IX. Summus Pontifex, suo illas patrocinio dignatus. Quamobrem Gulielmus Archiepiscopus, ut Pontificis Maximi benevolentiae gratiam referret, & propensos jam eorum animos ad virtutem vehementius inflammaret, necnon ut ab omni externi Fori strepitu semotas ad solius Dei dilectionem & servitutem curandam impelleret, Monasterium illud, incolæque omnes ejusdem præsentēs ac futuras, ab Ordinariæ potestatis jurisdictione solutas declaravit, expedito Diplomate in hujus peculiaris indulgentiæ testimonium, quod in Archivo memorati Cœnobii adhuc superstes, non abs re erit, in publicam lucem proferre.

„Gulielmus Divina miseratione Sanctæ Mediolanensis Ecclesiæ Archiepiscopus Dilectis in Christo Filiabus Abbatissæ & Sororibus Monasterii Beatæ Mariæ, & Beati Apollinaris, constructi extra Portam Romanam, juxta Fossatum Civitatis, Salutem & benedictionem. Cùm Monasterium in honore Beatæ & gloriosæ semperque Virginis Mariæ, & Beati Apollinaris in loco memorato construi fecissetis, ut ibidem devote Domino famulantes, pro nobis & aliis peccatoribus orare possitis, humiliter postulastis, ut Monasterium & personas ibidem Domino servientes intuitu pietatis & pro redemptione peccatorum nostrorum a jure Episcopali, seu alterius conditionis gravamine, tam in temporalibus, quàm in spiritualibus pleno jure eximeretur: Ea propter piæ ac humili petitioni pro con-

„cur-

„currentes assensu, præfatum Monasterium & personas illic
„vel in futurum commorantes cum omnibus bonis suis, con-
„sensu & voluntate Capituli ab omni jure Episcopali, &
„cujuslibet conditionis obligatione, tam in spiritualibus quàm
„in temporalibus pleno jure liberamus & eximimus; nihil
„aliud nobis & Ecclesiæ Mediolanensi in eisdem reservan-
„tes, nisi Consecrationem Ecclesiæ & Altariorum, cùm fue-
„rimus requisiti, si tamen nos & Successores nostri gratis
„& sine pravitare aliqua voluerimus consecrare. Reservamus
„etiam nobis unam libram ceræ in Feito Beati Apollina-
„ris octo diebus ante, vel octo diebus post, pro censu
„nobis annis singulis perfolvendam. Dat. Mediolani millesimi
„mo ducentesimo trigésimo primo, die Sabbati, nono Ca-
„lendas Junii, Indictione quarta.

„✠ Ego Willielmus de Rizolio Mediolanensis Ecclesiæ
„Archiepiscopus subscripsi.

„✠ Ego Albertus Amiconus Mediolanensis Ecclesiæ Ar-
„chipresbyter subscripsi.

„✠ Ego Magister Stephanardus Balbus Mediolanensis
„Ecclesiæ Ordinarius & Presbyter subscripsi.

„✠ Ego Girardus de Bafegapede Presbyter & Vicedo-
„minus subscripsi.

„✠ Ego Alcherius de Tertiago Mediolanensis Ecclesiæ
„Ordinarius & Primicerius Ferulæ subscripsi.

„✠ Ego Willielmus Rana Mediolanensis Ordinarius sub-
„scripsi.

„✠ Ego Fulco de Dervio Mediolanensis Ecclesiæ Pres-
„byter Ordinarius subscripsi.

„✠ Ego

„✚ Ego Arnaldus de Mandello Mediolanensis Ordina-
rius subscripsi.

„✚ Ego Stephanus Sanctæ Mediolanensis Ecclesiæ Ar-
chidiaconus subscripsi.

„✚ Ego Ambrosius, qui dicor Percossus, nomine isti Do-
mini Ribaldi Burri Mediolanensis Diaconi subscripsi.

„✚ Ego Amizo de Porta Romana Mediolanensis Or-
dinarius subscripsi.

„✚ Ego Rogerius de Turre Mediolanensis Ordinarius
subscripsi.

„✚ Ego Ambrosius de Puteobonello Ordinarius sub-
scripsi.

„✚ Ego Hugo de Settara Mediolanensis Ecclesiæ Or-
dinarius, & Domini Papæ Subdiaconus subscripsi.

„✚ Ego Willielmus de Pusterla Mediolanensis Ordina-
rius, & Subdiaconus subscripsi.

„✚ Ego Azo Vicecomes Mediolanensis Ecclesiæ Or-
dinarius, & Domini Papæ Subdiaconus subscripsi.

„✚ Ego Conradus de Settara Ordinarius Ecclesiæ Me-
diolanensis, & Subdiaconus Domini Papæ subscripsi.

Transmisit illud ad Supremum Hierarcham Archiepiscopum
noster, ut Pontificia approbatione & auctoritate ratum ha-
beretur, & firmitatem acciperet. Nec abnuitt Gregorius IX.,
qui datis Apostolicis Literis III. Nonas Maji. Indictione
VIII., Anno MCCXXXV., insertam ipsam Archiepiscopopa-
lem Gulielmi Chartam laudavit, approbavitque. Extant hæc
quoque in eodem Monialium Archivo.

Idem Romanus Pontifex, ut paternæ benevolentie tene-

ritudinem , qua Ancillas hæc Crucifixi Domini earundem Sponsi fovebat , ostenderet , & ne Sancti Apollinaris Moniales , jejuniis vigiliis ac suscepta regulari disciplina attritæ , necessariis ad reficiendas vires auxiliis laborarent , preces ad Gulielmum Archiepiscopum misit , Literis Anagninæ datis VII. Calendas Martii , Pontificatus sui anno sexto (Christi MCC-XXXII.) rogans eum , ut liberales manus erga illas extenderet , agrum quemdam iisdem pernecessarium largiendo . Pontificiam paginam hoc loco damus , ex harum Monialium Tabulario depromptam , cùm in non modicam Archiepiscopi nostri gloriam vergat .

„ Gregorius Episcopus Servus Servorum Dei , Vene-
„ rabili Fratri Vil. Archiepiscopo Mediolanensi salutem &
„ apostolicam benedictionem . Cùm olim ad preces nostras ,
„ cùm adhuc essemus in minori Officio constituti , dilectis
„ in Christo Filiabus , Abbatissæ & Sororibus Monasterii San-
„ ctæ Mariæ de Mediolano Ecclesiam Sancti Apollinaris Me-
„ diolan. duxeris concedendam , Tibi ejus possessionibus in-
„ tegraliter reservatis , & quidam campus de dictis posses-
„ sionibus esse dicatur juxta Monasterium suprascriptum , ex
„ quo cùm inde transitus habeatur , Sorores ipsæ multa in-
„ commoda patiuntur , Fraternitatem tuam rogamus in Do-
„ mino , quatenus pro Divina & nostra reverentia , gratiæ
„ gratiam superaddens , prædictum Campum concedas liberali-
„ ter Abbatissæ & Sororibus memoratis ; ita quòd eadem
„ pro te offerre Domino orationis incensum specialiter te-
„ neantur , nosque devotionem tuam commendare merito de-
„ beamus . Datum Ananiæ VII. Calendas Martii , Pontificatus
„ nostri anno sexto .

Id

Id ipsum sine mora implevit memoratus Præsul, quem admodum constat ex Charta Donationis, in cujus exordio hæc leguntur; *Wilhelmus de Rizolio Dei gratia Sanctæ Mediolanensis Ecclesiæ Venerabilis Archiepiscopus, volens reverenter & devote preces Domini Papæ exaudire & adimplere &c.*

Humiliatorum quoque Ordini beneficentissimus fuit Guilielmus, Privilegium concedens Mediolanensibus Fratribus, expeditum die XII. Octobris Anni MCCXXXVI., quo illis licentiam impartiebatur, Cœmeterium habendi, & Sacerdotes qui iisdem Sacramenta ministrarent. Extat hæc Charta apud Clariss. Nicolaum Sormanum Collegam nostrum, Collegii Ambrosiani Doctorem.

Contigerat Anno MCCXXXVII. feralis illa direptio, qua Papienses milites, abjecti prorsus reverentiâ Deo debita ejusque sacris Ministris, improvisâ nocturnâ irruptione Monasterium Morimundense adorti, illud ad extremam propemodum vastitatem redegere, supellectilem omnem expilantes tam quæ Monachis, quàm quæ Altaribus inserviebat; Imo nec innocentibus quoque Ascetis parentes, eos omnes indumentis exutos e claustris expulere, cæcis aliis verberibus, aliis vulneribus, & pudendo ipsis Barbaris facinore omnibus malè affectis. Quin etiam in eorundem agrestes Villas & domos furibundâ rapacitate debaccantes, cunctis frugibus & frumentaria messe, paratâ ad alimentum Servorum Dei, pessime habitis quoque Villicis, eas denudaverunt; omnia secum in Patriam reportantes, veluti spolia triumphalis nefandissimi patrati sceleris, & monumenta gloriosâ execrabi-

lis exercitiis in infantes inermesque plusquam feruix crudelitatis. Itaque relictis sub dio infelicibus Monachis, nec quo se tegerent, nec quo famem sedarent quidquam præsto erat. Lacrymas simul & indignationem ciet tragicæ hujus Historiæ lectio, quam integro Libello complexus est Monachus, qui eidem interfuit non testis tantum, sed particeps insani Papiensium furoris; eamque publici juris fecit Ughellus Tom. IV. *Italia Sacra*, ubi de hoc Archiepiscopo nostro agit. Ad miserrimæ hujus calamitatis nuncium intimo cordis dolore percitus Antistes Gulielmus, caritatis suæ viscera aperuit, totumque ad eorum subsidium conversus in ulnas suas illos recepit, atque ad Deum preces primò effudit, ut hærecitatem suam ab impiorum manibus vindicaret, & fideles Servos suos potenti brachio tueretur. Extat præclarissima, tam pio Præfule digna Oratio ad Deum emissa, ut opem desolatæ huic Familiæ impertiretur, & Monachorum lacrymas solaretur, ac immeriti a propriis Claustris exilii acerbitem, in eorum quoque vultibus depictam supernæ gratiæ suæ dulcedine temperaret; eamque integram recitat Ughellus loco laudato, a Monacho cœvo chartis commissam.

Quoniam verò Monachorum indigentia præsentissimum exposcebat remedium, Gulielmus ære proprio suppetias attulit, jussitque ut Ædes monasticæ vel dirutæ, vel incensæ statim reficerentur. Nec destitit, officia sua apud religiosos præsertim Viros impendere, ut profugos atque extorres Dei Servos in amicam secum contubernium admitterent: Quia in re Humiliati Fratres plurimum emicuere, eosdem Monachos in fraternæ societatis consortium promptissime recipientes.

tes. Ne autem inulta remaneret impia & effrons Papiensium temeritas, tremendum excommunicationis fulmen in illos contorfit Gulielmus, itemque Literas ad Summum Pontificem dedit, ut Apostolicis præceptis impudentes hosce raptores ad justam satisfactionem tam perfide pessumdatarum humanarum simul divinarumque legum, & ad illata per summum nefas damna promptâ plenâque compensatione redintegranda, urgeret cogeretque. Acceptis hæc Literis, detestatione indigni facinoris, simulque erga afflictos Monachos miseratione commotus Gregorius IX. Pontifex Maximus, Episcopo Vercellenfi in mandatis dedit, ut reos atrocis adeo sceleris Papienses in iudicium vocaret, eosque per Ecclesiasticas censuras ad plenam tanti reatus satisfactionem compelleret adigeretque. Reliquum lugendæ hujus Historiæ, quod in teterrimum dedecus & probrum vergit claræ aliunde Ticinensis Urbis, non vacat referre, cum legi possit in Ughello, loco superius indicato. Quod ad nostrum Archiepiscopum attinet, id meritò memoramus, nempe industriâ & largitate ipsius ac Successorum effectum esse, ut Cœnobium illud, quod in speluncam latronum repetitis etiam vicibus Papienses converterant, in prius initium decus & majestatem redactum fuerit.

Plurimis laudibus Gulielmum exornat Anonymus Catalogi Auctor, tunc vivens, conditis sequentibus carminibus:

*Quem pietas redimit, quem lex Divina reformat,
Quem mores laudant, quem vita beata coronat,
Artibus instructus, Divino fonte repletus,*

Exe m-

*Exemplisque suis nos omnes ipse docebat .
Eloquio Marcus Cicero nam Tullius iste .
In bello Turnus , quando firmus hostis agebat ;
Alter Cato fuit , quem pax tranquilla juvabat ,
Nam dabat optanti . pacem sibi quando petebat .
Quid referam ? Non ultra valet mea lyra sonare :
Nam mihi si centum linguas Deus ipse dedisset ,
Laudes nempe tuas non possem dicere cunctas &c.*

Subdit verò : *Præfatus Dominus Guilielmus sedis in Episcopali Sede annis X. & mensibus V. , & diebus XV. Obiit MCCXLI. , quarto die excunte Martii . Vacavit autem Sedes mensibus II. , diebus XIX. Sepultus est in Monasterio Clarevallensi .*

Sepulcrum marmoreum , in quo conditum erat Gulielmi Archiepiscopi corpus , excisum postmodum fuit simul cum aliis Insignium Virorum monumentis , per incitiam unius Abbaris , ut scribit Ughellus . Sed malè exscriptum est Epitaphium , quod olim inerat huic Tumulo , in hæc verba , quæ Editores Veneti Ughello in calce addidere :

HIC JACET D. GULIELMUS DE RIZOLIO,
MEDIOLANENSIS ARCHIEPISCOPUS,
VIR IN SCRIPTURIS ADMODUM ERUDITUS,
QUI OBIT ANNO,
MCCXLI., DIE QUARTO EXEUNTE APRILI.

certò enim novimus ex memorato Anonymo Scriptore, Gu-
lielmum decessisse die quarto exeunte Martii, idest die
XXVIII. ejusdem mensis.



FR. LEO VALVASSORIUS DE PEREGO.



X nobili Mediolanensi Familia Valvassorum de Perego ortus Leo, vacuum, ob Gulielmi Ruzzolii mortem, Archiepiscopalem Sedem implevit Anno MCCXLI., post duos menses, & dies XIX. Sedis vacantis, electus die, Sancto Vito Martyri sacro, idest die XV. Junii, ut tradit Anonymus Auctor Catalogi MS., in Metropolitane Basilicæ Bibliotheca servati, quem hætenus adhibuimus. Galvaneus Flamma, iis temporibus æqualis, in *Manipulo Forum*, edito Tom. XI. *Rerum Italicar.*, Cap. CC-LXXIV. ejusdem Natalem ita describit: *Quidam Vir nomine Guilielmus de Perego genuit Filium, qui cum adhuc in utero Matris haberetur, Mater fornavit, quod pariebat Filium, qui brachii proprii sanguine multos potabat, quorum corda confortabantur* &c. Id autem ipsemet Leo in Archiepiscopali Dignitate constitutus sæpius commemorabat, ut idem Galvaneus ibidem testatur. Ingressus Ordinem Minorum, factus est *Vir magni consilii, magnæ austeritatis, & mirabilis opinionis*, verba sunt Galvaui. Theologicis studiis addictus tantum profecit, ut in Divina ea scientia faciliè princeps haberetur: Facundiâ quoque singulari præditus, in annuntiando Dei verbo omnium animos sibi devinciebat, pluresque a via veritatis aberrantes in æternæ salutis tramitem reduxit. Ob splendidas hæc ingenii animique dotes summam apud omnes existimationem adeptus, primò ex Superiorum

riorum mandato præfectus est universæ Langobardicæ Provincie Ordinis sui; dein a Summo Pontifice Gregorio IX. socius datus est Gregorio de Monte-longo Sanctæ Romanæ Ecclesiæ Cardinali, Apostolicæ Sedis Legato contra Federicum II. Ecclesiæ rebellem: Quo in munere ita se viriliter gessit, ut Federicus ipse scribens ad Angliæ Regem, conquestus apud illum sit de fracti obstinatoque seriore, quo animos populorum ad arma contra ipsum capienda Leo incitabat; his verbis: *Præfatos Mediolanenses, imo verius Papalis exercitus statuens loco sui (nempe Gregorii IX.) Gregorium de Monte-longo, & Fratrem Leonem Ministrum Ordinis Fratrum Minorum, qui non solum accincti gladiis & galeis muniri, falsas militum imagines ostendebant, verum etiam prædicationi insistentes, Mediolanenses, & alios, quicumque nostram & nostrorum personam offendebant, a peccatis omnibus absoluebant. Hodie quidem prædicti Legatus & Frater, contra nos & Imperium se scribunt Reitores & Dominos* &c. Epistola variæ hujus Leonis, dum prædicto munere fungeretur, ad Gregorium IX. Summum Pontificem, aliosque Italiæ Principes data: ob eorum implorandum auxilium contra hunc Schismaticum Cæsarem, extant apud Clariss. Nicolaum Sormanum, superius laudatum.

Excitatie jam a longo tempore in hac Metropoli Civiles discordiæ inter Nobiles ac Plebejos, et ætate acerbius exardebant: Quamobrem cum e vivis excessisset Gulielmus Archiepiscopus, actum est inter Basilicæ Metropolitane Electores de altero substituendo. In varias partes primum illud Canonicorum Collegium distrahebatur: Verum, ne va-

cua Sedes diutius Pastorem desideraret, in tam afflicta Urbis conditione captum est consilium, Fratrem Leonem, adeundi suis jam Claustris restitutum, cujus doctrinae & dexteritatis fama cunctas Italiae regiones pervaserat; ut quem dignum Archiepiscopali Solio reputaret, arbitrio suo decerneret. Ferunt antiqui & recentes Mediolanenses Historici, in hac potestatis plenitudine constitutum Leonem, seipsum in Archiepiscopum delegisse. Ughellus autem recitat etiam brevem Orationem, qua allocutus est Electores in publica Comitibus; sed ex quo Codice illam excerptit, minime indicat. Ea verò est hujusmodi:

„Mediolanenses; Divinoque cultui deditissimi Clerici,
 „cùm me tanto expediendo negotio praefeceritis; quis jam
 „dubitare possit, quale quantumque de me sit omnium vestram
 „judicium? Praestulistis enim me pannosum hominem
 „atque delitescentem in Claustro, vobis omnibus (quae vestra
 „summa moderatio est) atque eligendis ipsis, quos
 „modò Mediolanensi throno dignos suspiciebatis, cùm scilicet
 „ceteros vos ac illos ex uno meo arbitrio decrevissetis pendere.
 „Ego igitur, tametsi noverim scriptum: *nemo assumpsit sibi
 „honorem, nisi qui vocatur a Deo tanquam Aaron*, mihi
 „que planè religio sit, semel susceptum sacrum mendicitatis
 „excutere, ne tantum honorificum vestrum de me de
 „generi animo videar contemptibile judicium, meipsum judicio
 „vestro jam approbatum, ac Mauricii quondam Parisiensis
 „Episcopi in non dispari causa praepjudicio animatum, Archiepiscopum Mediolanensem declaro.

Wadingus, celeberrimus Scriptor Annalium Ordinis Minorum,

rum, a Sancto Francisco Affiliato instituti, nifus omnes intendit, ut falsi arguat hanc Traditionem. Verum conjectura, quibus utitur ut illam evertat, imbelles prorsus sunt, ad consensum Mediolanensium Scriptorum & testimonia illiusmet avi, veluti fabulosa: damnanda. Sufficiat hoc loci describere quæ memoriæ commendavit Galvaneus Flamma, expirante illo Seculo Ordini Dominicano jam adscriptus, loco superius laudato. Ait igitur: *Interveniente turbatione Clericorum de Archiepiscopo Mediolanensi eligendo, pariter omnes committunt Fratri Leoni, ut de Archiepiscopo provideret; Qui acceptâ auctoritate seipsum elegit.* Ripamontius quoque Libr. IV. *Hist. Eccles. Mediol.* hæc habet: *Cum Archiepiscopo Gulielmo Successor quæreretur, nominatio in jurgium excessit....* Post varias altercationes eò demum Canonici descenderunt, ut ad Leonem Peregrin irent, quemcumque ille dixisset, justum enim legitimumque Pontificem habituri. Erat Leo Minores inter Franciscanos Divinæ Sapientiæ studiis & Concionum eloquentiâ satis notus, moribus quoque non illaudatis; nisi quod arte premebat honoris cupiditatem, & fortasse Claustra displicebant. Is occasionem e manibus amittere stultum ratus, quòd bene verteret, se ipse Archiepiscopus renanciavit. Ad latam hanc Sententiam, tradit Ughellus, primò obstupuisse populum, tum & arrisisse, demum gessivisse præ gaudio; ita ut postea Pontifici ipsi Romano ea Fratris Leonis callida interpretatio juris probaretur Anno MOCXLI., quæ tot litium capita uno illu truncasset.

Fœda Hæreticorum colluvies plures Italix partes pestifero veneno infecerat, præsertim verò Insubricum Solum;

Quamobrem ab Innocentio IV. Summo Pontifice datus est Civitati Mediolanensi in eisdem Supremus Inquisitor Petrus Veronensis, ex Ordine Sancti Dominici. Ille verò, cum munere sibi collato sancte inviolateque fungeretur, invidiam odiumque hominum pernidorum incurrit, qui se eximere a judiciaria ejusdem virga minimè posse conpicientes, secretis consiliis eum vivis extrudere decrevere; inventique sunt pecunià corrupti Sicarii, qui Como Mediolanum proficiscenti sanctissimo huic Viro, in medio itinere prope Barlassinæ Viciniam necem crudeliter intulerunt. Impiæ hujus cædis famâ per omnes Urbes vulgatâ, Supremoque Numine istius Famuli sui sanctimoniam miraculis comprobante, Apostolica Sedes censuit, inquirendum esse in vitam resque præclarissimè gestas sacri hujus Ministri, necnon instituendum examen gratiarum ac miraculorum, quæ accepta a Deo, ferebantur invocato ejusdem patrocinio. Commissa est hæc Causa & judicium Leoni Perego Archiepiscopo nostro, Laudensi Episcopo, & Præposito Basilicæ Apostolorum Mediolani, Brevibus literis datis Perasii ab Innocentio IV. Pontifice Maximo II. Calendas Septembris; Pontificatus anno decimo, idest Anno MCCLII. Absoluto, ut ajunt, Processu, convocatis Patribus omnibus Ordinis Prædicatorum Provinciæ, Archiepiscopus Leo exhumari jussit ab humili loco, in quo jacebat in Templo Sancti Eustorgii, Corpus venerabile Petri Veronensis; quod repertum est integrum ac flexuosum, ac ibidem recentissimè depositum fuisset, publicoque conspectui expositum fuit, & subinde in nobiliori Urna collocatum, quam dono eidem Sancti Eustorgii Basilicæ dederat Abbas San-

Sancti Simpliciani Mediolani. Conscio autem facto de hisce Actis Innocentio IV., censuit, non amplius differendam esse publicam Sancti hujus Martyris venerationem. Quapropter sequenti Anno MCCLIII. eundem Sanctorum albo adscripsit; Sacrilque Aris donavit.

Non defuit etiam Metropoli suæ curandæ, implendoque egregiè Pastoralis sui muneris Archiepiscopus noster. Quamobrem cum animadverteret, Oves suas aliquando deleri a Parœcialium Ecclesiarum Rectoribus, longè ab iis commorantibus, Constitutionem seu Statutum edidit, quo sub gravibus pœnis jubebat, ut quicumque curam Ecclesiarum gerebat, & Parœciam aliquam obtinebat, ibidem perpetuò resideret cubaretque. Constat hoc ex Charta, quam dabimus, cum de Ottone Vicecomite, Archiepiscopo Mediolanensi inferius agemus, qui eandem Constitutionem coram Clero universo, peculiari Decreto renovavit.

Post ferale excidium a Federico I. Imperatore huic Metropoli illatum, Veneti qui Alexandro III. legitimo Pontifici impensè adhærebant, studium omne impenderunt, benevolis officiis apud Italas Urbes, & etiam erogato liberali ære, ut Mediolanensis Civitas restauraretur; quemadmodum etiam felicissimè contigit. Quamobrem, ut gratum animum suum erga Venetam Rempublicam posteris omnibus significarent Majores nostri, Ecclesiam condidere, quæ *Sancti Marci* Evangelistæ illorum Patroni nomen præferret: Imo totum, adjacens *Suburbium*, teste Andrea Dandolo, in *Chronico* Lib. IX. Cap. XV. Part. V., cognomine *Divi Marci in hac instauratione* appellavit. Sub initium Seculi subsequents, constr-

structo Cœnobio, in illud migrarunt Eremitæ Congregationis Mantuanæ, a Joanne Bono, sive Bonito institutæ, quorum exemplis commoti nonnulli ex nobilibus Patriciis Civibus hujus Urbis, eandem vivendi normam amplexi sunt; atque inter alios numerantur Manfredus Septala, & Lanfrancus fratris filius, quos Titulo *Beati* Torellus in suis Augustinianis Annalibus exornavit. Horum postremus (cùm dispersi Eremitæ isti sese undique diffudissent in varias classes, a diversis Institutoribus efformatas, & ab Alexandro IV. Pontifice Maximo in unum Corpus redacti fuissent, expeditis Anno MCCLVL die XXII. Februarii bullatis Literis, quas refert idem Torellus) primus fuit, qui Generalis hujus Ordinis Præses deligeretur, tantaque religione ac prudentia munus suum implevit, ut ejusdem memoriam Mediolani, ubi vitam deposuit, nobili monumento atque Inscriptione Fratres Sancti Marci posteris commendaverint: Ad augendum Ecclesiæ nostræ præsidium, hoc Regularis militiæ decus obtinuit Leo Archiepiscopus, qui Eremitas Ordinis Sancti Augustini ita collectos, Mediolanensis Urbis contubernio donavit; iique continuatâ temporum successione, persolvendis Deo laudibus in memorato Sancti Marci Templo adhuc incumbunt.

Occasione memoratæ Pontificiæ unionis, subjungere opus est alterum Regulare Institutum, quod in Urbe nostra entum vigit sub nomine *Pauperum Catholicorum*, cujusque nullam mentionem egere Scriptores rerum Mediolanensium. Ut igitur illustretur Ecclesiastica Eruditio hujus Metropolis, maneris nostri esse duximus, de prædicti Instituti initis ao pro-

progreſſione nonnulla recenſere : Quidam Petrus Valdo in Lugdunenſi Galliarum Urbe Societatem inſit cum aliis pluribus , qui ad Apoſtolicæ vitæ imitationem profiſcentes paupertatem , *Lugduni Pauperes* appellabantur . Seculo XII. in finem vergepte . Nihilominus citò evanuit hæc Congregatio ; cùm enim in hæreſem , & contumaciam contra Romanæ Sedis præcepta ejusdem Affectus prolapſi fuiſſent , Laciſ Maximus illos anathemate perculit , ac demum ſuccedentes Summi Hierarchiæ ſerali damnationis telo Societatem illam confixere . Unus ex Diſcipulis Petri Valdi , nomine Durandus de Ofca Mediolanum diverſerat , exceptusque a Civibus benignè , ob caſtigatæ vitæ normam , & Sacros quos habebat Sermones , ab ipſis Civitatis Rectoribus Præſentum quoddam extra Orientalem Portam mœnibus adjacens obtinuerat , in quo domicilium figeret , & pias ad Sequaces ſuos haberet adhortationes . Obſtitit Paſtorali vigilantia ſua Philippus Lampugnaniſ tunc Mediolani Archiepiſcopus , qui admonitus de anathemate in Lugdunenſes Pauperes inſiſto ab Apoſtolica Sede , ne Oves ſuæ contraictæ hæreſis peſte inficerentur , e memorato Domicilio Durandum ejecit . Is cum Sociis Romam profectus Anno MCCVII. , ad Innocentium III. accellit , aſſerens , ſe & Socios ſuos veros eſſe Catholicos , ac Sectæ Lugdunenſium prorsus abrenunciaviſſe . Paternâ illum benevolentia complexus eſt Pontifex Maximus : Sed , ut prudenter ſecurèque ageret , juſſit ut confeſſionem Fidei ſuæ in ſcriptis proderet ac jramento firmaret ; eâque ſedulo expenſâ conſcius veritatis factus , eundem illiſque Affectas , abjuratâ hæreſi , Eccleſiæ gremio reſti-

stituit: Quinimo Ordinem *Pauperum Catholicorum* ejusque Regulas approbavit Bullatis Literis, expeditis die XVIII. Decembris, Anno MCCVIII. Quam latè autem sese diffuderit Ordo iste non tam per Langobardicas Urbes, Comum, Cremonam, Derthonam, sed etiam per Gallias, Hispaniasque, nostrà non est enunciare, cùm exorbitare a lemita suscepti a nobis Instituti minimè debeamus.

Reversus Mediolanum Durandus plurimam Domicillanti solo æquatum invenit; quocirca ad Innocentium III. per Epistolam contigit, ut illius patrocinium imploraret. Neque abnuj Summus Pontifex, scribens ad Philippi Successorem, Ubertum Pirovanum, Sanctæ Romanæ Ecclesiæ Cardinalem & Mediolani Archiepiscopum, necnon ad Metropolitana Germanicos, in ejusdem Durandi & Sociorum commendationem. Integras hæc Literas dare necessarium existimamus, ut plenior hujus Historiæ notitia habeatur. Sic igitur exorditur Innocentius:

„ Ex tuarum, Beate Archiepiscopo, tenore accepimus
 „ Literarum, quod, cùm dilectus filius Durandus de Oica,
 „ & quidam alii Socii ejus, qui *Pauperes Catholici* nuncu-
 „ pantur, ad te cum nostris Literis accessissent, eos beni-
 „ gnitate debita suscepti, & quod pro illis tuæ Fraternali-
 „ tati mandavimus, satagens pro viribus adimplere, quos-
 „ dam de Societate ipsorum in Italia commorantes, juxta
 „ formam, qua idem Durandus reconciliatus fuerat coram
 „ nobis, reconciliasti Ecclesiasticæ unitati. Idem quoque Du-
 „ randus & Socii ejus suis nobis Literis intimarunt, quod
 „ reconciliatis Ecclesiæ per te dictis Fratribus eorundem,
 „ qui-

„ quidam alii fere centum reconciliari volebant , dummodo
„ quoddam Pratum , quod Commune Mediolanense ipsis olim
„ concesserat , in quo suâ Scholâ constructâ consueverant
„ convenire , ac exhortari Fratres ad invicem & Amicos ,
„ quam bonæ memoriæ Prædecessor tuus destrui fecerat , dum
„ essent excommunicationis vinculo innodati , & nunc ite-
„ rum est erecta , ipsis concedere velles , ut ad exhortatio-
„ nem mutuam faciendam Fratribus & Amicis liberè valeant
„ convenire . Unde nobis humiliter supplicarunt , ut Pratum
„ prædictum eisdem faceremus concedi , ad proponendam in
„ Schola præfata more solito verbum Dei . Cùm igitur non
„ propter rem temporalem , sed propter æternam mercedem ,
„ reconciliari debeant Ecclesiasticæ unitati , cùm nullus sal-
„ vari valeat extra Arcam , petitionem hujusmodi non du-
„ ximus approbandam , cùm in reconciliatione ipsorum con-
„ ditio non debeat hujusmodi adhiberi . Quocirca Discretioni
„ vestræ per Apostolica Scripta mandamus , quatenus si pro-
„ priæ salutis intuitu , Deo & Ecclesiæ reconciliari vo-
„ luerint , eos juxta formam , qua reconciliatus in præ-
„ sentia nostra Durandus extitit supradictus , & quam tibi ,
„ Frater Archiepiscopo , per alias Literas nostras expressimus ,
„ ipsos in Ecclesiæ gremium recipere mansuetudine debita sa-
„ tagatis . Et si demum , secundum datam vobis a Deo pru-
„ dentiam , tam Ecclesiasticæ unitati quàm eorum saluti vi-
„ deritis expedire , Pratum prædictum , seu alium Locum
„ idoneum , in quo ad exhortandum se ipsos & Amicos
„ eorum cum timore Domini valeant convenire , concedatis
„ eisdem sine gravi scandalo aliorum ; quoniam aliter est cum

„ converſis , quàm cum perverſis agendum . Datum Litera-
„ ni III. Nonas Aprilis , Anno duodecimo „ . Extant hæ
Literæ in Balutii *Collezione* Libr. XII. num. XVII.

Paruit omnibus Pontificiis mandatis Archiepiſcopus Uber-
tus , conſenſitque , ut in Prato prædicto erigeretur Oratorium
& Cœnobium , Sancto Auguſtino dicatum . Eo in Loco Du-
randus aliique illius Affecſæ quietè conſtitère uſque ad An-
num MCCLVI. , quò Alexander IV. omnium Eremitarum
Congregationes in unum Ordinem Eremitarum Sancti Augu-
ſtini coaleſcere juſſit . Non acquievere ſtatim Pontificio huic
Decreto Pauperes itti Catholici : Modici tamen temporis hæc
diſſenſio fuit ; ſequenti enim anno Fr. Nicolaus , qui uni-
verſæ horum Pauperum Langobardicæ Provinciæ Cœnobiiſ
præſidebat , ſe ipſum ac Monasteria omnia ſui Ordinis , ceſ-
ſit Fratri Jacobo Procuratori Fratrum Eremitarum Sancti
Auguſtini , ac obedientiam totius Ordinis , Generali eorum
Miniſtro promiſit . Publicas ceſſionis Tabulas , conſectas in
Mediolanenſi Cœnobio , quod erat princeps huiusmodi Pau-
perum , inſeruit ſuo Diplomati , dato Anno MCCLVII. Ale-
xander IV. , unionem iſtam confirmandus . Receptis in Mona-
ſterium Sancti Marci noſtræ Metropolis Fratribus iſtis , non-
nulli ex iis , qui ſeſe devoverant in eorundem Cœnobio
Ordini Eremitarum , jugum excuſſerunt , ac noctu e Sancti
Marci clauſtris ſeſe proripientes , ad antiquum Sancti Augu-
ſtini Domicilium progreſſi ſunt , armatâque manu inde ex-
pulère Eremitanos Fratres , qui in illud ſucceſſerant : Quin
etiam , dimiſſo habitu Eremitarum , priſtinum Pauperum
Catholicorum inſigni audaciâ reſumpſerunt , atque Monaste-
rium

rium illud* per XVI. annos incoluere; donec Anselmus de Gardano, in Priorem ab ipsis electus, eosdem ad sanam frugem redegit. Siquidem Superiorem Monasterii Sancti Marci exoravere, publicisque confectis Tabulis veniam gravissimi admitti criminis implorantes, in consortium Eremitarum iterum recepti fuere Anno MCCLXXXII. Omnia hæc fuscè refert ad Annos memoratos Aloysius Torellus in *Seculis Augustinianis* (& ex eo Auctor *Historiæ Ordinum Regularium*, Gallicè scriptæ Tom. III. Cap. IV.) qui primus ex Pergamenis ab Archivis erutis Historiam hanc nos edocuit, ac fatetur, nihil se rescire potuisse, quid actum sit de Cœnobio & Ecclesia Pauperum Catholicorum; ideoque arbitratur, ea prorsus fuisse deleta, ne occasio aliqua suboriretur conjunctis Fratribus, in illa denuo commigrandi. Sanè *Prati Communis* nomen, in hunc uique diem perferat eā in Via, quam *Marinan* dicimus, quin ulla vetusti alicujus Ædificii vestigia supersint.

Deerat hoc unum, ut in tanta Archiepiscopalis Dignitatis amplitudine alicujus insignis beneficii monumento, gratam erga Ordinem Seraphicum, cui adscriptus erat, sui nominis memoriam testaretur, ac Posteris commendandam relinqueret Leo Archiepiscopus. Porro hanc etiam cogitationem nobili animo menteque revolvit; utque eam factis comprobaret, consilium cepit perficiendi Operis, quod Prædecessor suus Henricus Septala infectum dimiserat, ob reluctantes constantissimè Præpositum & Canonicos Basilicæ Sanctorum Naboris & Felicis, qui locum cedere Franciscanis Fortibus prorsus abnuebant. Itaque Archiepiscopus noster Romanum

num iter aggressus est, supplicemque Libellum advolvitur pedibus Alexandri IV. Summi Pontificis, qui tunc in Apostolico Solio sedebat, ut facultatem eidem impertiretur transferendi Præpositum & Canonicos memoratæ basilicæ, in aliam Sedem, quod Alumni Sancti Francisci in prædicto Templo Divina Officia celebrare possent, & ab angustiis, in quibus hæctenus delituerant, educti, in adjacentibus Domibus ampliori loco confidere. Annuit benignissimè Alexander IV., eique vivæ vocis oraculo potestatem omnem concessit, qua votum suum implere valeret. Proinde ad Hospitium suum reversus, quod Romæ incolebat, Diploma expedivit, a nobis hic exhibitum, ut rei veritas dilucidius pateat.

„ Frater Leo de Ordine Minorum, Divina providentia
„ Sanctæ Mediolanensis Ecclesiæ Archiepiscopus: Universis & singulis has Literas inspecturis salutem in Domino. Noveritis,
„ quòd Dominus Papa Alexander IV. Ecclesiam & Claustrum
„ Sancti Naboris Mediolanen., cum horto, viridario, &
„ aliis coherentibus ipsi Ecclesiæ concessisset Guardiano & Ordini Fratrum Minorum Mediolanen. in utilitatem & usum
„ Ordinis prædicti, ut libentius possent Divinis obsequiis officii, Præposito & Capitulo ipsius Ecclesiæ prædictæ,
„ locum auferendo, ut tamen in competenti loco ipsius Civitatis collocarentur. Nos de speciali mandato Domini Papæ nobis oretenus factò, præfatos Præpositum & Capitulum, Canonicos & Clericos ipsius Ecclesiæ Sancti Naboris hoc acceptantes transferimus ad Ecclesiam Beatæ Mariæ ad Fulcorinam Portæ Vercellinæ ejusdem Civitatis,
„ unien-

„ unientes auctoritate prædicta Præpositum & Capitulum
„ memoratos cum Capellis eis subjectis, & cum Terris,
„ possessionibus, Casalibus, Decimis, & aliis juribus & re-
„ bus suis præfatæ Ecclesiæ Sanctæ Mariæ, & Beneficiali-
„ bus ac Clericis ejusdem Ecclesiæ, facientes & ordinautes
„ auctoritate prædicta, ut memorati Præpositus & Capitu-
„ lum & Beneficiales prædictæ Ecclesiæ Sanctæ Mariæ unum
„ Corpus & Collegium existant & esse censeantur, & quod
„ prædictus Præpositus, & alius qui pro tempore fuerit,
„ præsit & præesse debeat tamquam Prælatus ipsi Capitulo
„ & Collegio sic unito & Ecclesiæ prædictæ. Insuper conce-
„ dimus & deputamus, auctoritate mandati prædicti, præ-
„ dictam Ecclesiam Sanctæ Mariæ, Claustrum ipsius, Domos
„ cum orto, Viridario & aliis rebus & Domibus cohæ-
„ rentibus & adjacentibus prædictis Ecclesiæ Claustro & Do-
„ mibus, ad communem usum & utilitatem Præpositi & Ca-
„ pituli & Beneficialium prædictorum, non obstante Statuto
„ bonæ vitæ qu. Fulcorini, qui dicitur fundasse & dotasse
„ dictam Ecclesiam Sanctæ Mariæ, & statuisse, ut tres
„ Præbendæ tantum Sacerdotales essent in dicta Ecclesia,
„ & in ipsis tres tantum Presbyteri ordinarentur, quas sic
„ ordinare in tribus Sacerdotibus ut in pristinum statum, sic
„ volumus permanere, & quod electio deficientis vel defi-
„ cientium Presbyterorum vel Clericorum spectaret ad ipsum
„ Presbyterum, qui superesset Major in ipsa Ecclesia, &
„ qualiber alia ordinatione, auctoritate Sedis Apostolicæ aut
„ alia quacumque vallatis, quibus unio hujusmodi & trans-
„ latio impediri possent, vel etiam perturbari. Porro ejus-
„ dem

„ dem Domini Papæ mandato ordinamus & disponimus ,
 „ ut fructus unius anni de tribus Præbendis , quæ primò in
 „ ipsa Ecclesiâ vacaverint , colligantur & retineantur ad usum
 „ ipsius Collegii sic uniti , ut ex eis reficiantur Domus ip-
 „ sius Ecclesiæ Sanctæ Mariæ , & aliæ ædificentur de no-
 „ vo , in quibus Præpositus & Canonici ejusdem Ecclesiæ
 „ commodè valeant commorari . Nihilominus tamen fructus
 „ unius anni aliarum Præbendarum , quæ vacaverint post ip-
 „ sas tres Præbendas , teneantur ad communem usum ipsius
 „ Ecclesiæ , deputandi & convertendi in utilitatem Ecclesiæ
 „ memoratæ , prout Præposito & Capitulo videbitur expe-
 „ dire , & decernimus , Præpositum & Capitulum memora-
 „ tos fore inducendos in corporalem possessionem prædicto-
 „ rum , & inductos defendendos , invocato ad hoc , si opus
 „ fuerit , auxilio brachii secularis . Et de prædictis omnibus
 „ idem Dominus Archiepiscopus jussit mihi infra scripto Gual-
 „ terio Notario , ut facerem publicum Instrumentum sui sigil-
 „ li munimine roborari .

„ Actum in Civitate Romæ , in Contrada de Latera-
 „ no , in qua moratur prædictus Dominus Archiepiscopus ,
 „ præsentibus Dominis Ugone Dalano Præposito de Riglo-
 „ no , & Fratre de Otolillo de Ordine Humiliatorum , &
 „ Presbytero Pagano de Bernate , Canonico de Crescenza-
 „ no , & Lanfranco Filio Ser Gasparis de Molterio , om-
 „ nibus rogatis Testibus Not. Henricus de Sum-
 „ ma Canonicus de Summa , Anno corrente MCCLVI , die Mar-
 „ tis decimoquarto ante Calendas Februarii , Indictione XIV .
 „ Ego Gualterius filius qu. Ser Petri Antillii Bargi Por-

„ tæ Orientalis , Civitatis Mediolani Notarius , & Scriba
„ Domini Archiepiscopi rogatus interfui & scripsi .

Interim autem Antistes noster tantum dexteritate sua egit , ut Præpositus & Canonici libenti animo , ac sua spontè hanc Translationem acceptaverint . Ne autem aliquo tempore quies hæc concordia & liberalis concessio litium strepitu perturbaretur , ab eodem Alexandro IV. obtinuit Leo , ut Pontificia auctoritate quidquid ab ipso statutum fuerat , roboraretur . Id autem constat ex Diplomate dato a memorato Pontifice Maximo , Laterani X. Calendas Februarii , Anno Pontificatus II. , idest Anno MCCLVI. , quod refert Wadingus .

Restitutus ab alma Urbe Archiepiscopali Sedi suæ Archipræsul noster , invenit succensum Civile bellum inter Nobiles ac Plebem ; cumque in dies acerbius semper recrudesceret , Martino Turriano , popularis factionis Duce , novas semper faces subdente unà cum ejusdem Familiæ , quæ utpote divitiis affluens Principatum hujus Urbis ambiebat , Archiepiscopus Leo , sive ob affinitatis vinculum , quo cum reliquis clarioris sanguinis Viris devinciebatur , sive ne Privilegio illo orbaretur , quo præedentes Archiepiscopi gavisi fuerant , ut nempe tanquam Reipublicæ Capita Civitati dominarentur , Nobilium partes suscepit , frequentibus etiam pugnis Civilibus insistens , quæ nostræ Urbis compita miserimè cruentabant . Verùm prævalente Popularem Factionem , numero & viribus potentiore , expulsi sunt Archiepiscopus Leo ab Urbe in exilium , unà cum Nobilibus , & Collegio Canonicorum Ordinarium Metropolitanæ Basilicæ , qui nullum humili Plebis stirpe progenitum ex privilegio , ut agebant ,

bant, ab Ænobarbi tempore accepto, in consortium sui admittere se velle constanter profitebantur. Extorris itaque & profugus Antistes noster, nunc in Sepriensi Agro unà cum Collegis & Commilitonibus suis, nunc in Variisensi Oppido constitit, meliorem sortem sibi auspicatus. Sed cùm rem desperatam conspiceret, in Lignani Oppido quievit, ibique Ædes sibi Archiepiscopales extruxit satis magnificas, prout temporum illorum conditio ferebat, earumque vestigia & reliquiae in eo Oppido adhuc perdurant. Demum confectus senio & ærumnis, ac morbo correptus, ibidem spiritum Deo reddidit, sepultus in Ecclesia Sancti Ambrosii, quam sibi in Sepulcri locum vivens delegerat.

Difficilius est statuere, quo verè anno Antistes Leo decesserit; Merula namque, Calchus, Ughellus, Corius, alii-que passim recentiores Historici Leonem Archiepiscopum Anno MCCLVII. mortuum constanter affirmant. Si tamen veteres Patriæ Historias consulamus, errasse omnes procul dubio est asserendum. Siquidem *Annales Mediolanenses*, e Petro Azario Seculi XIV. Scriptore ut plurimum excerpti, editique Tom. XVI. *Rerum Italicar.* Leonem Archipræsulem superstitem fuisse usque ad Annum MCCLX. clarè testantur. Longius etiam ejusdem vitam protrahit Donatus Bossius in *Chronica*, illius obitum Anno MCCLXIII. consignans. Hoc idem confirmat Galvaneus Flamma in *Maniqu's Florum*, Cap. CCXCIX, cujus testimonium plurimè faciendum esse nemo non videt, cùm Leonis ætati proximus fuerit, ejusque Successorem Ottonem optimè noverit. Is igitur ad Annum MCCLXIII. hæc habet: *Isto tempore Leo de Perego Archiepiscopus*

piscopus Mediolanensis in Ligniano moritur, & ibidem viliter tumulatur. Errandi occasio ceteris Scriptoribus ea esse potuit, quod oborta inter Nobiles Plebemque Mediolanensem gravi simultate, Leo Archiepiscopus, qui Nobilium partes, ut superius retulimus, tuebatur, a contraria Factione victus, solum vertere coactus fuerit Anno MCCLVII., vitamque postmodum omnem in exilio transegerit: Inde enim vacasse Mediolanensem Sedem arbitrati sunt, cum nullum per illa tempora exerciti a Leone Archiepiscopalis muneris vestigium inveniunt, eumque ideo mortuum crediderint. Eadem ratione factum arbitramur, ut XVI. tantum anni ejusdem Sedis in Catalogis assignentur. Ceterum Galvaneus Flamma, non secus ac *Annales Mediolanenses* memorati, post Annum MCCLVII. Historiam suam prosequentes, ad Capitulum initium id ferè semper adnotant: *Exulante Leone de Perego.*

Addimus etiam, servari in Archivo Præposituræ Oppidi Lignani Codicem MS.tum Italico idiomate, qui Historiam Ecclesiarum Loci illius complectitur. Ubi autem agit de Ecclesia Sancto Ambrosio dicata, Jurispatronatus Dominorum Metropolitanæ Basilicæ Mediolani Canonicoꝝ, hæc leguntur, a nobis latinè reddita: *Excavata est Fossa navigabilis, quæ Major appellatur Anno MCCLXIII., quo excessit e vivis Leo, Archiepiscopus die XVI. mensis Octobris. Sepultus autem fuit in Ecclesia Sancti Ambrosii ejusdem Oppidi paucissimâ pompâ: Cùmque tempore Sancti Caroli fatiscens prædicta Ecclesia ob scruum restauraretur, inventum est Corpus istius Archiepiscopi Leonis sub fornice quâdam lateralis parietis, parvum a terra surgente, intus grum, intus Arctoris*

truncum , in modum cunabuli efformatum . Admonitus de hac re Sanctus Carolus ad illud Oppidum advolavit ; cūque recognita omnia ab ipso fuissent , sequenti mane (ut scribit ille Auctor) ab oculis evanescere tum Archiepiscopus vivens , tam mortuus . Fortasse enim insciis omnibus id peregit sanctissimus Præsul Carolus , cū in vulgus emanasset rumor gratiarum & miraculorum , Leonis invocatione editorum ; & cū nondum Ecclesiæ examini eadem subjacuisent , prudentissimè cavit , ne quo loco Corpus condiderit , resciretur .

Certè Franciscani Ordinis Scriptores Artarus , & Wadingus , alique hunc Leonem Archiepiscopum *Beati* titulo insigniunt . Mediolanensis tamen Ecclesia nudo Leonis Archiepiscopi nomine eum in Catalogis describit ; neque in Actis hujus Ecclesiæ quidquam de hoc Archiepiscopo tamquam Beato commemoratur : Sed potius Galefinius in *Tabula nostrorum Antistitum* iisdem Actis inserta , eum negligentia , in jurisdictione suæ Ecclesiæ curanda insimulat , atque , propter ipsam Turrianos sibi eandem usurpasse . Fallitur tamen , dum scribit ; Leonem creatum fuisse Archiepiscopum Mediolanensem sub Cœlestino IV. ; cū eo tempore viveret adhuc Gregorius IX. , & Cœlestinus huic successerit mense tantū Octobris , Anni MCCXLI. , quo jam a mense Junio Ambrosianæ Ecclesiæ præerat Leo de Perego .

Quod jussè asserere possumus de hoc Antistite , illud est , inter ceteras egregiarum virtutum dotes quibus exornabatur , fuisse eundem Ecclesiasticæ disciplinæ amantissimum , quæ non modicum depravata tunc temporis erat bellorum injuriis ; pluraque etiam impofterum illum editurum fuisse

fuisse in hujus Ecclesiæ splendorem, & conservandæ animarum salutis subsidium, si Civilibus discordiis minimè implicitus, quietam in sua Archiepiscopali Sede vitam agere potuisset.

Præfuit igitur Ecclesiæ Mediolanensi Annis XXII, mensibus IV. & die I., si tempus, quo in exilio fuit, computetur; tot enim effluxere a die XV. Junii Anni MCCXLI, quo electus est, ad diem XVI. Octobris Anni MCCLXIII., quo, ut diximus, e vivis excessit.



OTTO VICECOMES.



Otto ortus ex clarissima Vicecomitum Stirpe, quam adulandi libido, cum Mediolanense Imperium teneret, post longam Seriem Dynastarum & etiam Regum Italiæ, non tam a Desiderio Langobardorum Principe, sed etiam ab Anglo Achisii Nepote, ignoto Historicis omnibus sanæ mentis tramite, derivavit; nosque in *Appendice ad Dissertationem pro vindicanda Sanctorum Martyrum Protasii & Gervasii Mediolano Possessione* fabulis expurgavimus: Otto, inquam, defuncto Leone de Perego, post varias contentiones ab Urbano IV. Summo Pontifice Mediolanensi Ecclesiæ datus est Archiepiscopus. Fuit ille primis vitæ suæ annis, post exacta in Literis studia, Metropolitane Basilicæ Cardinalibus connumeratus, dein auctus Canonicatu in Collegio Myltarum Sancto Ambrosio inservientium, & postmodum Præpositurâ insignitus Ecclesiæ Decii, Oppidi ita appellati, quod decimo ab Urbe nostra lapide distet, ibidem nonnullos annos transegit; donec redeunte e Gallica Legatione Octaviano Ubaldino Sanctæ Romanæ Ecclesiæ Cardinali, quem domi humanissimè exceperat, assumptus est in comitem Romani itineris, ac Romæ in Familiam suam cooptatus.

Agitabatur interim Mediolani inter Electores consilium, quis Leoni demortuo subrogandus esset Mediolanensis Antistes. Duo autem propositi fuerant Candidati, Raymundus

Tur-

Turrianus, & Franciscus Septala. Ubalдинus Cardinalis, qui Romæ degebat, facti conscius, apud Urbanum IV. Summum Pontificem officiis omnibus precibusque insistebat, ut Otto, quem Virum ingentis spiritus, & indolis ad magnæ agnoscebat, hujus Metropolis Archiepiscopus a Pontifice Maximo renunciaretur. Cesserat electionis suæ juri Franciscus Septala, ratus, se prorsus imparem Causæ suæ propugnandæ contra duos tantarum virium Æmulos, Turrianum nempe, ac Vicecomitem. Quocirca Octavianus Cardinalis, Turrianis insensibilis, utpote qui, cum redux e Galliis Mediolano pertransisset, non satis honestè pro voto, a Martino Turriano Rerum publicarum tunc Domino se habitum querebatur, id effecit, ut tandem Urbanus IV. Apostolica auctoritate in Mediolani Archipræsulem Ottonem constitueret ac declaraverit, manibus etiam propriis Consecrationem eisdem impertiens, teste Tristano Calcho *Historie Patriæ* Libr. XVI. Offensi hoc Pontificio Decreto Turrianæ Familiæ Proceres nullum lapidem reliquerunt, quem non moverent, ut electum Ottonem a Patriæ finibus amoverent, irritamque facerent ejusdem in Antistitem designationem. Occupata ideo forti militum manu Castra & Oppida Archiepiscopalis juris, custodiæ viæ, usurpatique omnes prædiorum redditus, ne ullum novo Archiepiscopo subsidium aut asyli locus superesset. Præcepit tamen Urbanus Ottoni, ut ad capestrandam Dignitatem veniret, ac ad contundendam Adversariorum superbiam Romæ proficisceretur. Equidem sub initium propitia illius votis fors artisit; Novariam namque adiens, cum Nobilium aliorumque proscriptorum ac militum agmen collegisset, præsidio

fidio destitutam Aronæ Arcem felicissimè obtinuit. Sed de hoc monitus Martinus Turrianus, validis copiis stipatus illuc accurrit, atque Otto viribus impar abscedere coactus est, præclusoque omni alio aditu, aut Castro in quod se reciperet, iterum Romam profugit. Indignatione commotus ob hanc tyrannicam invasionem, ac inobedientiæ contumaciam contra Apostolicam Sedem, Mediolanensem Civitatem. Sacris interdixit Urbanus; ut scilicet hisce pœnis multati Mediolanenses ad Archiepiscopi Ottonis venerationem & obsequium redirent.

Nec defuit partibus suis Otto; Sed cùm animadverteret, non tam in hac Metropoli, verùm etiam in suæ Provinciæ Diocœsibus pessandari Ecclesiasticam jurisdictionem, Episcoporum bona perfidâ invasione ac licentia diripi, ipsosque etiam Sacros Præsules a Sedibus suis tyrannicè expelli, Concilium Provinciale apud Saonam indixit ac celebravit Anno MCCLXVI., Idibus Novembris. Fragmentum edidit hujus Synodi Carolus a Basilica-Petri Episcopus Novariensis in Libro inscripto *Novaria Sacra*, pag. CDXXXVI., in quo inter cetera hæc contineri asserit: *Quæcumque Civitas, vel alia Universitas persecuta fuerit suum Antistitem, Archiepiscopum, vel Episcopum, & in hujusmodi præsumptuosa persecutione persistens, itaut in sua Sede majori non audeat manere; vel consenserit vel passa fuerit persecutionem hujusmodi fieri, dummodo hoc valeat prohibere; Reſtor illius Civitatis vel Universitatis, Consilarii & Officiales sint ipso facto excommunicati; Civitas verò vel Universitas ipso facto districtè subjaceat Interdicto. Recudere placuit hanc laciniam, cùm,*

cùm hujus tam præclari Operis Exemplaria omnia, & serè memoria ipsa perierit.

Compulsi pudore, quòd Ecclesiasticis execrationibus subiecti tamdiu a Sacrorum perceptione ac Divinis officiis arcerentur, Mediolanenses, ac præsertim Turriani, decrevere Legationem expedire ad Clementem IV., qui in Beati Petri Sede Urbano IV. demortuo successerat, & Prædecessoris inflictum Civitati Interdictum auctoritate suâ confirmaverat; utque absolutionem a sacris pœnis a Pontifice Maximo excerperent, simulatæ pacis conciliandæ inter utramque Familiam Vicecomitum & Turrianorum, ac restituendæ afflictæ laceratæque Urbi olim vigentis tranquillitatis speciosum titulum prætenderunt; revera tamen, ut Ottonem æmulum a Mediolanensis Ecclesiæ Solio deturbarent, quemadmodum postmodum patuit. Itaque profecti Viterbium Legati Anno MCC-LXVII. clausos Pontificiæ Aulæ postes invenère, renuente Clemente illos ad suû conspectum & colloquium admittere. Ne igitur re infectâ ad Urbem nostram regrederentur, Caroli Andegavenfis, Siciliæ & Apuliæ Regis patrocinium imploravere; iisque se obstrictum professus Turrianis & Mediolanensibus, quos amicos & fœderatos plurimùm negotiis suis ad felicem exitum promovendis profuisse expertus fuerat, libenti animo favorem suum iisdem spondit. Instructâ igitur Legatione, nã cum Missis Turrianorum, Viterbium. cum istis direxit Proceres suos, ut Clementem Summum Pontificem justè iratum emollirent, gratiamque Supremi Hierarchæ illis iterum conciliarent. Nobili hoc comitatu in Viterbiensem Urbem delatis, Summus Pontifex, ut gratiam bene-

benevolentiam suam, ob recepta ab ipso non levis mōmenti adjuncta, erga amicum sibi Regem patefaceret, facillē se exorari permittit; & convocatis in Consistorio Sacri Sēnatus Patribus, prodire in conspectum suum utriusque Partis Oratōres, de Causa sua peroraturos iussit: Tristānus Calchus Orationes ab iis habitas coram Pontifice, & universo venerabili illo Cōetu recitat, quas, cū ad elucidandas caliginosas huius controversiæ vicissitudines, & Ecclesiasticam nostræ Metropolis eruditionem nitidiūs edificandam plurimū conferant, non abs re erit hoc loco recudere; raritatē præcipuē Exemplarium Calchi, quæ non ita obvia oculis sunt in Bibliopolarum Officinis, id suadente.

Oratores Caroli Regis priores verba fecere. „ Si pro
„ amicis atque Sociis, quorum dignitas atque fortunæ in-
„ discrimen versantur, Pontificum Maxime, deprecaturi ve-
„ nimus, haud equidem mitari te oportere existimamus; imo
„ magis desertos atque proditos eos opinari deberes, si se-
„ cus ageretur, quibuscum fœdus & amicitia sit inita
„ jampridem, & novis subinde meritis creverit. Neque
„ Rex noster dignos patrocinio & favore duxisset, si con-
„ tumaces in Te hos perspiceret, qui sic de Mediolanensi
„ Sacerdotio contendunt, ut utilitatē publicam, Patriæ
„ quietem privatæ cupiditati anteponant; neque id agunt,
„ ut legem Tibi præscribant, ne des quem Præfulem volue-
„ ris, sed ævum censent; ut semel audias atque cogno-
„ scas, salubrius-ne & ex publici statūs commodo magis
„ sit, Raymundum Turrianum, an Ortonem Vicecomitem.
„ Ecclesiæ suæ præesse. Sed, dicet aliquis, cur non conti-
„ nuō

„nuò imperata fecere, constitutum Præfulem in Urbem ad-
„misere, & illi de more Ecclesiastico obedientes fuere? Facta
„nempe hæc forent, Pater Amplissime, nisi ab diuturno
„odio & perpetuis seditionibus, novi in Urbe tumultus cer-
„tò certius futuri fuissent. Hactenus igitur imperiis Tuis re-
„pugnare visi sunt, ut cladem a Patria, & exitiale bel-
„lum avertere procurarent. Nulli tuorum vim aut arma
„intulerunt; Tui enim sunt Turriani, si cetera intueris.
„Jam quo vultu, qua liberalitate Regis nostri Caroli: ab
„Alpibus descendentes Duces & copias excepere, quàm be-
„nigno hospitio, quanta rerum largitate prosequuti sunt,
„quàm fortiter atque fideliter arma contra æmulos sumpse-
„runt? Qui si in ipso Italiae limine sese nobis opposuissent,
„aut cum hostibus consilia agitassent, profectò enim per in-
„festas terras transire non licuisset: His verò adjuvantibus,
„& commeatus largè suppeditantibus & tenentes arma Ad-
„versarios compressimus, & si qui alii nos laceffere para-
„bant, exemplo deterriti quiescere; & velut Amici nihil
„denegantes, Romam usque transmisere. Hinc inclyta illa
„victoria, & quidquid juris & imperii in Italia habemus,
„& Romanæ Ecclesiæ post casum Manfredum accessit, Tur-
„rianis acceptum referri oportet. Audias igitur, Clementis-
„sime Pater, eorum Oratores, qui Tibi obtemperare,
„Tuique juris esse volunt. Hoc Rex invictissimus rogat;
„hoc concedere debes, ne tales illius Amicos damnaffe
„indictâ causâ videaris.

Datâ dein veniâ Legatis Mediolanensibus ut loquerentur,
ita exorsi sunt. „Nisi Tibi, Romane Pontifex, parere

„ decretum nobis esset , & Majestatem Apostolicam unice
„ coleremus , profecto a Te spreti atque repulsi ; domum
„ ad nova consilia , ad amicitias & fœdera concilianda ,
„ denique ad inimicos Tuos accessissemus , ut quacumque
„ ope subnixi alienum animum ostenderemus . Verum in eo
„ perseverantes quod æquum , quod debitum ac saluberrimum
„ est , cum Regem adivimus , & deprecatorem paravimus ,
„ quem sciebamus amicitia & magnitudine beneficiorum
„ tibi conjunctissimum esse ; qui ita Regno potitur , &
„ Regium nomen ita exerceat , ut fateatur , se id munera
„ & nutu vestro accepisse ; ac propterea ad arcendas injurias ,
„ & defendenda Sacerdotum jura potentiorum promp-
„ tiorumque non noverimus . Hujus gratia in conspectum
„ Tuum admissi , breviter , quid optemus , exponemus . Mortuo
„ Leone Petego , qui per omne Sacerdotii sui tempus
„ nihil antiquius habuit , quam in Civitate , ira odiisque
„ ardente , Patricios in Plebem armare , perniciose certamina
„ fovere ; Plebs ipsa , pro vetere jure & consuetudine
„ eorum qui rei Divinae Præsulem dare consueverant ,
„ Raymundum Turrianum Archiepiscopum designat . Hunc
„ Fratres & propinqui , cum jure sanguinis & novæ
„ gente sua Dignitatis amplexi sunt , tum quod cernebant ,
„ eo Pastore perpetuam inter Cives concordiam fore . Sed ,
„ ut magno in populo plerumque usuvenit , Franciscus
„ Sep-tala , Vir nulla ex parte nostro conferendus , paucorum
„ suffragiis electus est . Urbanus verò Pontifex , neutri
„ eorum subscribens , tertium delegit , & quidem e numero
„ eorum , qui continuos motus certamina & cædes fecerant ,
„ &

„ & Urbe pulsi , rapina & latrocinia fines perturbant .
„ Contradiximus , fateor , Edicto Pontificio , designatumque .
„ Antistitem recusavimus ; non ut Majestati vestræ derogare-
„ mus , sed ne hic sub nomine & potestate Sacerdotii ex-
„ cidium Patriæ moliretur . An obscurum est , quantum cla-
„ dis Civibus suis , quid dedecoris Romanæ Ecclesiæ gens
„ superba & ferox semper intulerit ? Nonne cum Aëtio-
„ Romano , tyrannorum omnium savissimo , per causam re-
„ cuperandæ Patriæ , fœdus & arma junxerunt ? eoque oc-
„ ciso Palavicinum sectati , quid non injuriarum & malefi-
„ cii in suos edidere ? Aronam Oppidum , Brebiamque ador-
„ ti , exulum manum obarmare , multitudinemque latronum .
„ finibus inducere conati sunt , unde tamen , non sine mul-
„ torum sanguine , & agrorum populatione repulsi , ad au-
„ ctoritatem vestram confugientes , per Ecclesiasticas execra-
„ tiones jus Sacerdotii sibi vindicare nituntur . Et is quidem
„ rei Divinæ administrationem sibi deposcit , cui (cum ve-
„ nia dictum sit) conducibilis foret delitescere in occul-
„ to , & velut ignarus mysteriorum , peritis se tradere ,
„ & quid cæremoniæ , quid Sacerdotes nostri velint , edificere .
„ Nisi fortè illi animos facit uterque Parens , qui a recta
„ Fide abhorrentes , nihil non opis contulerunt iis , qui dis-
„ putationibus & vario certamine veram Religionem oppu-
„ gnabant ; aut Sororis nuptiæ , quæ homini hæretico & Ec-
„ clesiæ rebeli in matrimonium data est , Tantum abest ,
„ ut nostra Sacra Otto Vicecomes capeſſat , ut nemo ma-
„ gis ab hoc ministerio arcendus , & in ultimas terras de-
„ portandus existimetur . An parùm nota sunt mala , quæ

„ Urbs pertulit, cum Ecclesia pravum & seditiosum Anti-
 „ stitem nacta est? cui, cum incubaret Auxentius, Vir ne-
 „ fatius & Arianæ hæreseos signifer, intolerabilem tyranni-
 „ dem: (ut Divus Hieronymus inquit) totâ Italiâ Fides
 „ Catholica sustinuit. Langobardi Reges, nisi expulsis Ar-
 „ chiepiscopis, quietas res non habuere. Ardericus Cotta,
 „ cum morem gerere Hugoni Italiæ Regi recusaret, mise-
 „ tandæ cædi & agrorum populationi materiam præbuit. Quis
 „ commodè explicaret duorum Ardérici Gentilium, Landul-
 „ phi & Arembaldi Cottarum seditiones, qui per decem-
 „ & novem annos Sacerdotem & universum Clerum vexa-
 „ verunt, quò Antistitem quem vellent, constituerent, ut
 „ nullum non sacrilegii genus admiserint, nihil impollutum
 „ reliquerint, sustibus gladiisque succincti, ab Aris & Tem-
 „ plis celebrantes Sacra deturbarint; Sacro oleo sparso, pro-
 „ fanum quo uterentur, protulerint; denique (proh nefas
 „ & inauditum scelus!) tres uno tempore Præsules Eccle-
 „ sia haberet, exulem unum, in carcere alterum, & qui
 „ Sedem suffocaret puer imperitus, centum Patribus illo-
 „ rum imperio prælatus. Quos verò tumultus, quæ bella
 „ non excitavit Heribertus Antimianus, qui sex & viginti
 „ annos in eodem Archiepiscopatu sic vixit, ut & Domi-
 „ nium Urbis apertè affectaverit, & Germanos Principes bar-
 „ barasque Nationes, ut cupiditati suæ satisfaceret, arcerere, &
 „ populos prædæ exponere non dubitaverit? Interest nimium,
 „ Pater Beatissime, non tam Sacrorum & Religionis, quam
 „ publicæ quietis, qualem Præsulem fortiamur; quò enim
 „ se Pastor noster inclinaverit, eò imperia & opes sterere:
 „ quin

„ quin etiam Romano Sacerdoti reliquæ Occidentis Ecclesiæ
„ parvère, ubi Mediolanensis succubuit. Quare, Patrum Am-
„ plissime, Te publico nomine, & ex Religionis & Sacro-
„ rum nostrorum utilitate rogamus atque obtestamur, ut quæ
„ ad publicos usus & cultum Christi faciunt, arque in com-
„ mune conducunt, ea omnia solerter circumspicias, eum-
„ que nobis Præfulem des, qui sit miti ingenio, sincera men-
„ te, procul ab imperandi, procul ab ulciscendi libidine;
„ urbanæ tranquillitatis & concordiæ studiosus, publicam uti-
„ litatem amplectatur, & pro communi negotio & salute invigilet.

Cum finem dicendi fecissent Turrianorum Oratores, Pon-
tificæ innuente Ottoni Archiepiscopo, ut si quod Causæ suæ
propugnandæ firmamentum haberet, ediceret, ita respondit:
„ Nec novum nec inopinatum mihi est, Summe Sacerdō-
„ tum, vosque ceteri Religionis Principes, a seditiosis ho-
„ minibus improbisque Tyrannis ea objici vitia, quæ ipsi
„ patiuntur: Qui postea quàm aliquo numero in Urbe esse
„ cœperunt, Illustres Familias odio implacabili, & pulsos
„ Patriâ Cives bello infectari non destiterunt, & nomen omne
„ Patricium ex professo perosi, Plebem longo & continenti
„ servitio opprimunt. Feras obsecro æquo animo, Pater Op-
„ time, paulò uberius calamitatem nostram me conqueri,
„ & quanta Adversariorum crudelitas fuerit, exponere. Hi
„ non imperare ceteris, & suo nutu Urbem regere tantum
„ postulant, sed sanguinem miserorum appetunt, opes for-
„ tunasque sitiunt, funditus perditos, quos semel odere,
„ cupiunt. Cūque nemo a vi & injuria liber, nemo a
„ damno & contumelia tutus forer, spes una miseris reli-
„ qua

„qua in Sacerdotii reverentiâ posita est: De cuius jure
„docte & prudenter, Adversarius hic noster fecit, quod
„parcè locutus est; controversiam omnem, ad publicam
„causam & populorum quietem rejecit: ut quod per sum-
„mam injuriam & Romanæ Sedis contumeliam occupant,
„quod adversum Decreta duorum Pontificum agunt, id vi-
„deantur publici commodi & tranquillitatis ergo face-
„re: Qui pacis ipsi studiosi, statim ut in me inclinaci sus-
„fragia videre, facto tumultu, correptis armis, domo &
„Urbe eiecerunt. Confûgi ad hoc sacratissimum Orbis ter-
„ræ Consistorium; data sunt Rescripta, ut me Antistitem
„reciperent: Sed vix fines ingressum hostili modo arcant.
„Fateor, Amicorum manu succinctus Aronam cepi, non,
„ut detrimenta Patriæ inferrem, sed ut quocumque modo
„in Diœcesi mea constitutus, possessionem mihi designatam
„assererem. Sed audaces & impii homines, quos nulla re-
„verentia Sacerdotii, nullus Dei metus, nulla Pontificis au-
„toritas tangit, subito tumultuarium militem contrahunt,
„Oppidum obsident, Pastorem operibus & machinis oppu-
„gnant. Frustra sæpius auxilium & fidem Tuam invocavi,
„Pater Clementissime: Nihil Majestas Tua, nihil Pontifica-
„le nomen juvare potuit. Cedere furentibus malui, quam
„committere, ut Civium meorum sanguis ex certamine ef-
„funderetur. Tam insignem contumeliam & Apostolicæ Sedis
„contemptum ne impunitum ferrent, diras in eos Præ-
„cessor Tuus ijecit, ac Civitatem omnem Sacris interdi-
„xit; ut scilicet Sacris multati, ad venerationem & obse-
„quium redirent. Sed nihil is profecit. Tu eadem repe-
„tisti.

„tisti. Quid reveriti sunt? Et audent detestabiles in con-
„spectum Tuum venire? At dicet aliquis: Adfunt vene-
„rubundi, supplices, pacem exposcentes, ad genua procum-
„bunt. Nimirum, Patet Sanctissime, non facturi imperata
„huc venire; parituros se simulant, cum maxime recu-
„sent. Liberae populi voces, & actus quærimoniae eorum,
„qui Sacris carere diutius non possunt, & gravis regni in-
„vidiæ, & rebellionis infamia, hæc illos facere cogunt.
„Sed impudentes homines tantum sibi arrogante, ut Rô-
„mano Pontifici Sacerdotii potestatem adimant. Præsulém,
„inquiunt, des nobis mitis ingenii, Sacrorum peritum, &
„qui partium studio non teneatur. Ecce, non erubescunt
„conditiones proponere, a quibus si defeceris, ad Majô-
„rem, credo, Magistratum provocabunt. Vecordes sanè,
„& inaudita temeritatis homines; velint nolint, arbitrio
„Romani Pontificis stabunt, illi obtemperabunt, & tei per-
„petuo ac singulari Domino servient. Optarem sanè, ut
„Sacrosancti hujus Loci rationem aliquam habuissent, nequæ
„tantâ perulantia ejus amplitudinem læssent. Audi sunt me
„Parentesque meos hæreseos insimulare, quos ipsos prius
„omni crimine vacare oportuit, qui manifesta contumaciæ
„tenentur. Sed finite, quæso, quieros meorum cineres;
„Pax sit cum mortuis, parcite Manibus; Satis enim eòs
„constat piè & religiosè decessisse, qui ex ultima volun-
„tate Christiano ritu, sacro in Loco sepulti sunt; quorum
„Ossa non a profanis, ut vos estis, sed a religiosis Viris
„componuntur; Sororis quoque Maritum taxare placuit,
„cujus ego Causam longiore oratione non prosequor. Vi-
„vit

„ vit enim , & quidem Loco celebri , ut facilè quorum
„ hominum fautor sit , & quæ dogmata sequatur perspicere
„ possit . Obijciunt nobis Actiolini vires , quem nunquam
„ novi ; & Uberti Palavicini societatem , cuius ipsi quin-
„ quennali militia usi sunt ; & post intoleranda damna Ami-
„ cis suis illata , mox Plebi Mediolanensi illudentes , no-
„ men & imperium Credentiæ , quod olim infima turba
„ adversus improborum hominum licentiam comparaverat ,
„ cuiusque Ordinis tanta potestas auctoritasque fuit , ut bel-
„ lo paceve id demum ratum foret quod Credentiæ jussisset ,
„ penitus sustulerunt . Soli Rempublicam tenent & guber-
„ nant . Protector populi nuncupatur , qui Patriam nobilita-
„ te exhaustam , & Plebem juxta circumscriptam opprimit
„ tyrannide insolentissima . Quippe minus multò calamitosum
„ plerique duximus exulare , longeque a Patriæ finibus vi-
„ tam agere , quàm libidini & intemperantiæ eorum parère ,
„ apud quos nullum rapinis , ferro , & cædibus modum
„ esse videbamus . Nam & quæ Carolo Regi præstitisse se
„ jactant , ea non in Pontificis gratiam facta sunt , sed ut
„ illo socio amicoque uterentur ; ejusque umbrâ subnixi re-
„ gnum stabilirent , Patriamque omnem per scelus & libidi-
„ nem lacerarent . Porro , quæ immanitas , quæ sævitia
„ nuper admissa est , cum ob unius necem ab incerto au-
„ ctore factam , centum & quatuordecim Viri , nihil com-
„ meriti , & quorum pars maxima abfuerat , uno Edicto
„ contrucidati sunt , & carris impositi , per ora vulgi cir-
„ cumvecti infandum spectaculum præbuere ? Quos tunc ge-
„ mitus , quas lacrymas , quàm lamentabiles querelas tota

„ Urbe

„ Urbe auditas fuisse creditis? Certè animus meminit hor-
„ ret. Et tamen funesti homines in medium procedunt, Si-
„ cerdotium petere, de pace agere, & de concordia Ci-
„ vium tam insolenter loqui in hoc amplissimo Cœtu au-
„ dent?

Abire jussis ab Aula Oratoribus, non diu agitata con-
silia fuere, cum unica omnium sententia foret, quam Sum-
mus ipse Pontifex pronunciavit in hæc verba: *Remaneret
ramdiu Sacris interdicta Civitas Mediolanensis, usquedum ob-
sequens ea esset Pontificis mandatis, atque in S. dem Otto
suam reciperetur.*

Petenti autem Ottoni Archiepiscopo, ut Legatus Me-
diolanum a Pontifice mitteretur, qui Apostolica auctoritate
omnia componeret, annuit Clemens, atque unum ex Sanctæ
Romanæ Ecclesiæ Cardinalibus Legatum ad hanc Metropo-
lim direxit. Statim ac iste Urbem nostram attigit, honori-
ficè exceptus a Turrianis cum longo Sacerdotum ordine ac
Civium turba, commissum sibi munus implere curavit. Qua-
propter collecto Præfulum & Principum Langobardiæ Con-
cilio, Summi Hierarchæ mentem palam explicuit, tria hæc
subinde statuendo, quæ Galvaneus Flamma in *Manipulo Flo-
rum* nobis servavit Cap. CCCIV., videlicet: *Primò quòd
Mediolanenses recognoscent, Ottonem Vicecomitem esse verum
Archiepiscopum Mediolanensem, & ipsi tamquam vero Patri
dignos exhibebunt honores. Secundò quòd ipsum recipient in
Civitatem Mediolanensem, & ipsi restituent omnia sua jura &
Castra, & possessiones Ecclesiæ. Tertiò quòd de cetero nulla
fiet in Clero exactio, nec proscribatur alius Clericus, &*

damna illata restituentur, & nulla injuria fiet alicui Ecclesiasticæ personæ &c. Hæc autem omnia jurejurando ab universis Civibus signari voluit, ut rata & firma haberentur; idque præstitum est publicè in plateis. Quibus pro voto expletis Pontificius Legatus *relaxavit Interdictum, & excommunicatos absolvit, ac petiit, quòd juramentum opere compleretur*, ut Galvaneus testatur. Reversus Romam Legatus, factoque conscio Clemente IV. de Legatione sua feliciter acta, Ottoni Archiepiscopo facultas data est, ut liberè securèque ad regendam Mediolanensem Ecclesiam quantocius accederet.

Verùm, cum nondum restituta fuissent a Turrianis Op-pida, Arces, & prædia Archiepiscopalis Mensæ, Otto omni interim subsidio se orbatum videns, portrecto supplici Libello, a Clemente Pontifice postulavit, ut sibi ea potestas confirmaretur, qua olim expulsus ab Aronæ Arce ipsum domiverat Urbanus IV. per Literas Pontificias, ut videlicet, cum Bona Mediolanensis Ecclesiæ *ab indevotis nequiter occuparentur*, nec faciliè eorum possessionem adipisci posset, subsidium in pecunia exigeret per biennium, ad necessariam sui Dignitatisque acceptæ sustentationem, ab Episcopis, Præ-latis, Monasteriis, Ecclesiis Cathedralibus, aliisque personis Ecclesiasticis. Propensum votis suis animum Clementis Archiepiscopus noster invenit: Pontifex enim datis Literis *Viterbii III. Calendas Julii, Anno MCCLXVII. Pontificatus sui anno tertio prædictam facultatem Ottoni concessit*. Harum Exemplar nos inspeximus in Archivo Monialium antiquissimi Cœnobii Medz, in quibus, ex placito Pontificis, Otto im-po-nit

nit Prælatiſ, Abbatibus, Clero, Archidiacono & Capitulo, ac univerſis perſonis Eccleſiaſticis Alexandria & ejus diſtrictus, quatenus *pro anno præſenti Procuratoribus ſuis Leonardo Præpoſito de Dexio Mediolanenſis Diaceſis, vel Magiſtro Joanni Qualiorto Canonico Aſtenſi, infra XL. dies, triginta libras Imperiales Papienſis moneta ſolvant ſub pena excommunicationis lata ſententiæ, & Interdicti Eccleſiarum.* Similia Exemplaria occurrunt in Archivis, expedita ad ceteras Provincias Eccleſias, eûm ad alterum etiam annum Clemens IV. hanc facultatem Ottoni extenderit.

Videbatur attingendo litori proxima ſpes Ottonis, quæ tandem ærumnis & contentionibus agitata in ſiccò hæſerat, quin progredi poſſet ad inſigendum Patriæ liminibus, & Eccleſiæ ſuæ Solio ſecurum osculum pacis. Siquidem adniten- te Summo Pontifice, Apoſtolica auctoritate tum in publico Conſiſtorio, tum per Legatum in Urbe ipſa Mediolani, id tandem aſſecutus fuerat, ut a Turrianis hoſtibus atque uni- verſo populo, quietæ poſſeſſio capiendâ Archiepiſcopalium Arcium, obſequiumque eidem tamquam legitimo Paſtori præſtandum, necnon admiſſio in ſuam Sedem, inviolabili fide ac ſacramento firmarentur. Sors tamen, inſauſta, quæ ex inopinato emerſit, denuo ſpem omnem recuperandæ Sedis in altum propulſavit; ſequenti namque Anno MCCLXVIII. correptus Clemens Pontifex Maximus vehementi morbo, Viter- bii migravit e vita: Quodque difficiliorem in Patriam redi- tum Ottoni reddidit, fuit diuturna & ſermo triennis vidui- tas Romanæ Cathedræ, quæ nōniſi Anno MCCLXXI., Ca- lendis Septembris ſponſum recepit Gregorium hujus nominis

X., e nobilissima Vicecomitum Placentina Familia progenitum, Digressio enim ad æternam requiem Sanctissimo Pontifice Clemente, exsolutos se exultantes Turriani vinculis sponsonum & juramenti, quibus obstricti erant se, susdecuncta verterunt, ut Ottonem omni jure spoliarent, præsidis ac munimentis fulcientes Loca, quæ ad Archiepiscopum Mediolanensem spectabant, ne aditus ullus pateret adventui Ottonis. Sedente autem Romæ Gregorio, splendidam ad novum Pontificem Legationem duodecim ex nobilioribus Procerum Turriani direxerunt, ut universæ Civitatis gratulationes pedibus ejusdem advolverent, simulque ut a pærocinio, in-visi ipsi, delecti Archiepiscopi illum averterent. Non desuit Otto partibus suis, querelas coram Gregorio exponens, ro-gansque, ut quod in pleno Apostolico Senatu a Decessore suo statutum fuerat de quieto ejusdem reditu in Patriam, Turrianis ipsis publicè consentientibus, tandem impleretur. Id tamen, quamvis justum æquissimumque sibi videretur, dif-ferendum censuit Summus Pontifex, cum animo versaret, ce-lebrare Concilium Generale in Urbe Lugduni, nolletque in-fensos sibi reddere Turrianos in hoc Reipublicæ Christianæ proficuo molimine, quod meditabatur.

Acquiescere itaque debuit Otto tam pijs Gregorii votis, qui optimè sperare illum jubebat, nec in cassum cecidère hæc Summi Pontificis prospera auspicia. Siquidem eum, in-dictò memorato Concilio, Româ proficisceretur ad illud ce-lebrandum, Ottonem secum comitem adscivit: Cum autem Placentiam deductus esset, ibidem consistere Ottonem voluit, pollicitus ei-jem, se, cum Mediolano transfret, de pace cum

Tur-

Turrianis concilianda pertractaturum. Exceptas quidem fuit Gregorius in hac Metropoli solemni pompâ, atque omni honoris significatione, quam Calchus describit; sed siue urgente desiderio festinandi ad Concilium, siue contumaciâ Turrianorum pervicaciter obsistente, post expletum in Aedibus Ambrosianis friduum moræ, nocte intempestâ, absque ullo Mediolanensium comitatu se Mediolano proripuit. Neque segnis fuit etiam Otto ad iter arripendum Lugdunum versûs, eo præcipue commotus, quod intellexisset, se ad necem peti per Sicarium pecuniâ conductum. Lugduni autem degens cum Gregorio X. (non IX., ut per errorem scripsit Galefinius) de hoc insolenti ausu, deque aliis criminibus, quibus violatâ Ecclesiasticâ jurisdictione & pessumdâtâ reverentiâ Apostolicæ Sedi, humanas Divinasque leges perfringebant Turriani conquestus, eò adduxit Pontificem Maximum, ut sacri anathematis telum armaverit, novamque Civitati Mediolanensi Interdicti poenam inflixerit, ut Calchus testatur. Corius non Lugduni, sed post reditum Gregorii a Lugdunensi Concilio, Anno MCCLXXIV. multatam fuisse hac Censurâ nostrorum Civium contumaciam asserit; atque hanc veriore sententiam esse opinamur, quemadmodum conferenti narrationem Calchi cum altera Corii patebit.

Opportunè hoc loco replendum nobis occurrit insigne decus, quo illustrata hæc Metropolis fuit, ex adventu in eamdem Petri de Murrone, qui postmodum Pontificiâ Romanâ Tyarâ ornatus sub nomine Cœlestini V., demum Sanctorum Confessorum albo adscriptus est a Clemente V., Anno MCCCXIII. Neque enim solummodo nominis sui famam,

per

per hanc Urbem transiens reliquit, sed etiam vestigia apud nos singularis suæ caritatis impressit, quæ adhuc perdurant. Instituerat ille Ordinem Sacrum, ab Auctore suo *Cælestino* appellatum; jamque permulta tum in Apulia, tum in reliqua Italia erexerat Domicilia, sub nomine *Congregationis Sancti Damiani*. Cùm verò intellexisset, in Lugdunensi Civitate celebrari a Gregorio X. Pontifice Maximo Generale Concilium, illuc pedes profectus est, ut confirmationem Congregationis suæ obtineret; votique sui compos est factus: Nam quamvis Gregorius X. (ut Pagius junior adnotavit) in eo Concilio plures Ordines recens institutos reprobasset, tamen cognitâ Petri de Murrone probitate ac sanctimonia, ejusdem precibus facillimè se exorari permisit, & Ordini Sancti Benedicti eandem Congregationem adscripsit. Hanc verò multis etiam prærogativis auxit ipsemet Cælestinus, cùm in Pontificia Cathedra sederet, ut constat ex Diplomate hujus Summi Pontificis, expedito Anno MCCXCIV., quod legitur in Bullario Romano.

Cùm igitur ex Gallia in Italiam rediens Petrus Mediolano pertransiret Anno MCCLXXIV., moram aliquam hic duxit, ac Hospitium extra Orientalem Portam, ad excipiendos peregrinos construxit, aliquem ex Sæctatoribus suis ibidem relinquens, ad hoc pium Caritatis opus perficiendum, quemadmodum antiquus Lapis incisus memorabat, quem in frustra confectum ab oscitantia Cœmentariorum (cùm Ecclesiâ Cælestinorum nostrâ ætate in elegantiorē formam reficeretur) perlegit, non sine animi indignatione Reverendiss. Pater D. Joseph Palatius Mediolanensis, eo tempore
Phi-

Philosophiæ Lector, nunc ejusdem Cœnobii Abbas, eruditione ac doctrinâ ornatissimus, nobisque benevolè communicavit. Paucos hujus Ordinis Alumnos habuit Hospitium illud, donec Anno MCCCXVI. in regularis disciplinæ Cœnobia evasit; erepto enim e. vivis Archiepiscopo Mediolanensi Cassone Turriano, admissi fuere ad illud incolendum Cœlestini Ordinis Sectatores, facultatem ultro præbente Metropolitane Mediolanensis Ecclesiæ Collegio. Testem hujus rei habemus antiquum Catalogum Archiepiscoporum hujus Ambrosianæ Ecclesiæ, *Primicerii* appellatum, cujus Exemplar MStum in Bibliotheca Ambrosiana servatur; ibi enim hæc leguntur: *Istius Cassoni morte, vacante Sede, Capitulum Ecclesiæ Mediolanensis concessit Fratribus Cœlestinis locum & Ecclesiam extra Portam Orientalem, ubi nunc est.* Porro a vero nos abludere non censemus, si dicamus, consilium inducendi in Metropolim nostram hujus Ordinis, captrum fuisse Lugduni, cum ipsomet tempore ibi morarentur Otto Archiepiscopus & Petrus de Murrone, eodem Antistite libentissimè annuente.

Antequam Cœlestini Ordinis Alumni in hac Urbis parte Cœnobia construerent, Scriptores duo, qui universæ nostræ Metropolis *Descriptionem* typis vulgaverunt, concordēs affirmavere, ibidem resedisse olim Fratres *de Penitentia Jesu Christi*, passim appellatos *de Sacco*, seu *Sacchetos*, ob vestes aut saltem Scapulare ejus generis, quod gerebant. Quo Seculo, quove Auctore institutus Ordo iste fuerit, adhuc in tenebris latet: Quinimo alii prodiisse illum recentiori ætate tradunt, alii verò antiquæ et aditionis studio celebres ejusdem

dem originem duodecimo circiter Seculo securè consignant . Certè , cum asperrimam vitam ducerent , summamque paupertatem profiterentur sub Regula Sancti Augustini , eos ex Italia Parisios evocari curavit Anno MCCLVII. piissima Fœmina Blanca , Sancti Ludovici Regis Mater . Aloysius Torellus in *Seculis Augustinianis* , ad Annum MCCLVI. num. LVIII. , & Auctor Gallicæ *Historiæ Ordinum Regularium* . Tom. III. Cap. XX. censent , Ordinem hunc extinctum fuisse unà cum aliis pluribus a Gregorio X. in Concilio Lugdunensi , Anno MCCLXXIV. celebrato : Fatentur tamen , non statim eundem defecisse , sed sensim ; per aliquot namque annos etiam Seculi subsequents , in Gallia , Hispania , Flandria , Anglia , atque alibi perduravere hi Fratres suis in Cœnobiis , priusquam ob elemosynarum parvitatem cogerentur , ea religiosis aliis Ordinibus resignare ; ut eruditè narrare prosequitur prælaudatus Gallicus Auctor , subiungens , eorundem Monasterium in Urbe Parmensi non cessisse injura Fratrum Servitarum , nisi Anno MCCCXXVI. Quod ad nos attinet , nullum in Historiis Patriæ vestigium occurrit , ex quo arguere possimus , quandonam hic Ordo in Mediolanensem Metropolim pedem intulerit . Superest in Musæo Clarissimi Equitis , & nostrarum rerum antiquarum studiosissimi Don Caroli Trivulzii , hujus Ordinis sigillam ; sed nimis ambiguum indicium hoc est , ut inde aliquid certi asseramus de fixa Mediolani ejusdem Alumnorum statione . Nihilominus pauca ista adnotare placuit , ne quod a Civibus met nostris in publicam lucem prolatum jam est , videamur aut per incuriam ignorasse , aut injuriosâ negligentia prorsus omi-

omississe; cum minimè censendi sint memorati Auctores ex proprio cerebro, sed potius ex aliquo vel MSto, vel edito Codice, notitiam hanc ad Posteris transmisisse.

Verùm ut ad Archiepiscopum nostrum redeamus; digressus postmodum Otto Lugduno, Bugiellam, Vercellensium Oppidum adiit, quò illum se recipere Gregorius Pontifex iusserat, Langobardicos fines in reditu e Gallia attingens. Ibi degens Antiites Vicecomes fœdera inire studuit cum Marchione Montisferrati, aliisque Urbibus, Novariensi videlicet ac Papiensi. Nobilium quoque Mediolanensium agmen, qui exilio multati hinc atque illinc dispersi vagabantur, collegit, seque illorum Ducem constituit; ut quod precibus non valuerat consequi, armis obtineret. Ac primò præfidiis hisce auctus Seprii Castrum in potestatem suam redegit: Subinde Aronam Angleriamque ingressus est, frementibus licet Turrianis, qui validis copiis eundem inde expellere nitebantur. Initæ postmodum variæ pugnae fuerunt, quæ modò felices, modò improspere Ottoni accidere. Denique cum ad Decium Oppidum pervenisset, Turrianos qui non procul castra fixerant, noctu adortus illorum exercitum fregit, multisque eorumdem captis, ac ceteris turmis in fugam compulsis, integram victoriam retulit Anno MCCLXXXVII., die Sanctæ Agneti sacro; quem etiam Sedi restitutus servari voluit Comuni Decreto vacuum a servilibus operibus, recurrente quolibet anno, in memoriam recepti a Deo beneficii tam illustis. Quod admirati in tanto Viro iustè possumus, id est, eâ moderatione Ottonem processisse in hac fortunæ ardentis amplitudine, ut ad Nobiles comites suos conversus, his-

ce verbis, quæ Galvaneus loco laudato refert, eos fuerit allocutus: *Ista victoria non est nostra, sed est Dei beneficium. Nullus nudet ensen, nullus spoliet pauperem nec divitem, nullus recordetur injuriarum aut vulnorum. Non enim decet Archiepiscopum ad suam Sedem reverti cum gaudio, & alios plorare exspoliatos, vel vulneribus rubricatos: Sed omnes cantantes & laudes Deo referentes intremus Civitatem nostram.* Narratur etiam insigne compositi ad virtutem animi exemplum: Cùm enim fervente pugna, equo dejectus Napus Turtianus hostilis exercitus Ductor, jaceret in pingui cœno, jamque gregarius miles nudato gladio, illius jugulo immineret, superveniens opportunè Otto hunc a cæde prohibuit, porrectâque manu Napum humanissimè erigens, eundem summè commendatum copiis suis, ad designatum custodiæ locum perducere incolumem jussit.

Pervulgato extremæ Turtianorum cladis per hanc Metropolim nuncio, inter spem & metum Civitas fluctuabat, ignara sortis suæ, recepto intra mœnia victore Archiepiscopo. Tandem consilium captum est mittendi ex Urbis Primoribus Oratores ad Ottonem, nomine omnium gratulatu-
ros de profligatis hostibus, & insigni ab ipso relata victoria; simulque veniam imploratu-
ros Populo, multis calamitatibus afflicto, & qui non tam sponte sua, quàm paucorum contumaciâ in eum peccasset. Excepit illos serenâ fronte Otto, & pauca locutus bono animo eosdem esse jussit; seque Mediolanum adventare ait non ut hostem, sed ut Pastorem & Patrem: Sacerdotis esse, non injurias acceptas ulcisci, sed oblivisci. Reversi ad sua Oratores, pacata omnia ac prof-

prospera esse nunciantes, universam Civitatem gaudio replere. Missa subinde sunt Episcopalia indumenta, ut pro Dignitatis suæ reverentia atque honore Archipræsul Metropolitim Ecclesiamque suam ingrederetur. Paratis omnibus quæ tantum Antistitem decebant, sese in occursum effudit Sacerdotum cohors, Hymnos & Psalmos decantans; plebsque omnis vix lætitiæ suæ capax, olivarum ramos & paciferam frondem gestans obviam incedebat, strata etiam fragrantibus herbis viam venientem Pastorem, humi procumbens voce hilari salutabat. Ambrosianam Ædem primò adiit Archiepiscopus, Deo exercituum, ac victoriarum largitori gratias acturus, thureque plurimo in aris fumante, vota quæ conceperat, flexo poplite Numini persolvit. Dein populum allocutus, assulisse jam diem inquit, quo ærumnis & cædibus finis imponeretur; hyemem tot calamitatum, quibus universa Civitas obruebatur, Dei ope jam esse depulsam; nec aliud superesse, nisi ut expuncta e mentibus præteritorum malorum memoria, quam illis pepererat recens victoria, quietà pace fruerentur, Deoque bonorum dator se totos devoverent. Postmodum in Prætorium delatus, admissis Civium Magistratibus, idem qui Sacrorum Præses erat, Urbis Dominus est constitutus.

Quandoquidem verò inter ceteras occasio expellendi ab Urbe non tam Nobiles, quàm primarium Clerum Metropolitane Basilicæ, ea fuerat, quòd nonnisi ex Illustribus Familiis deligenti essent, qui in Venerabili illo Collegio confiderent, Plebejis omnino rejectis; cura fuit præcipue Ottoni Archiepiscopo, qui favore atque ope Nobilium exulum, in-

gressum in hanc Urbem obtinuerat, morem gerere iisdem, renovando inveteratam jamdiu consuetudinem, ut Viris tantum sanguine claris pareret locus inter Templi Maximi Ordinarios Canonicos. Quocirca, postquam Archiepiscopale Solum conscendit, abrogatis Legibus ac Statutis omnibus, quibus aperiebatur via etiam Plebejis, honorem hujusmodi consequendi, Elenchum Familiarum conscribi jussit (quem nunc *Matriculam* vocant) quibus solummodo accessus ad primarium eum Ordinem recluderetur; quemadmodum etiam in hunc usque diem inviolato usu servatur, nisi Pontificia auctoritas interstit, quæ ab hac Lege eos absolvat, qui in memorato Familiarum Elencho non descripti, ad illud Collegium assumuntur.

Non destitère tamen ab infestationibus Turrianis, qui ab accepta clade superfuerant; relictis namque copiis, conductoque Theutonicorum agmine, ac superveniente Raymundo Turriano Patriarcha Aquilejensi cum CCC. lanceis & sagittariis, validiores facti, post varias excursions in Urbem Laudæ constitère. Otto, qui ad novi belli strepitum accurrebat copiosâ suorum militiâ stipatus, in Oppido Gorgonzolæ castra fixerat. Sed derepente irruentibus in eadem per noctem Turrianis, multâ jam cæde Mediolanensium factâ, gloriabantur se vicem rependisse Præsuli Vicecomiti, cum pugnatum est prope Decii Oppidum. Is tamen, ex quo optimè comperisset, imparem se viribus esse hosti jam de victoria superbiendi, nemine advertente elapsus est de pugna, atque in agresti Domuncula, quæ a Turrianis, utpote destituta præfidiis, contemnebatur, aliis omnibus incendio crematis,

tis,

tis, se abdidit. Jacet adhuc in Vico, nuncupato *Luratae*, juris nunc Abbatis & Monachorum Sancti Simpliciani Mediolani, Congregationis Casinensis, infixus in fronte januae Lapis, qui sculpta refert hæc carmina:

ANGUIGENÆ GENTI IMPERIUM QUI NOBILE FIXIT,
MAGNANIMUS PRÆSUL, DUX GENEROSUS OTHO;
EFFUGIENS QUONDAM VICTUS TELA INTER ET HOSTES,
HOSTES UT TAMDEM VINCERET, HIC LATUIT.

Cum tamen Chronicis notis Lapis hic careat, ignoramus, an ante ingressum in Urbem, an post, latibuli felicitis loco Ædes illa infervierit.

Recedentibus postmodum Turrianis ad alia invadenda Opida, Mediolanum reversus est Otto; & ne impofterum vitæ suæ aut libertatis periculum subiret, a Ducis officio abstinuit, Amicumque suum Gulielmum Montisferrati Marchionem in hanc Metropolim accivit, atque eundem, accedente etiam communi Magistratum Placito, per decennium constituit Dominum Urbis, itaut quæ meliora existimaret pro Reipublicæ bono, arbitrato suo decerneret.

Exsolatus itaque Archiepiscopus a tricis bellorum, sese totum Ecclesiæ suæ in pristinum splendorem restituendæ addixit. Neque tamen etiam in exilio positus, Pastoralis sui officii oblitus fuerat Otto; cum namque in Ditione Derthonensi moraretur, & Patres Eremitæ Ordinis Sancti Augustini ad illum confugissent subsidium imploraturi, ut incœptum ab ipsis ædificium Ecclesiæ in eadem Derthonensi Urbe absolve-

re valerent, Archiepiscopus noster Diploma expedivit ad universos Provinciæ suæ Christifideles, eos succensurus ad liberalem stipem erogandam in Dei cultum, quam ipse implicitus bellis, & extorris a sua Sede præstare non poterat. Meretur hoc loco referri memoratum Diploma, extractum ab archetypo Cœnobii eorundem Patrum, & impressum a Torello in *Seculis Augustinianis* Tomo IV. Siquidem ex eo elucet eximia sollicitudo & cura, qua Otto promovere in sua Provincia rem Divinam pro viribus contendeat. Ita autem se habet:

„ Otho Dei & Apostolicæ Sedis gratia Sanctæ Mediolanensis Ecclesiæ Archiepiscopus. Universis Christifidelibus per
„ Mediolanensem Provinciam constitutis salutem in Domino
„ sempiternam. Quoniam, ut ait Apostolus, omnes stabimus
„ ante Tribunal Christi, recepturi prout in corpore gessimus,
„ sive bonum fuerit, sive malum, oportet nos diem mansionis
„ extremæ, misericordiæ operibus prævenire, & æternorum
„ intuitu seminare in terris, quod, reddente Domino
„ cum multiplicato fructu, recolligere debeamus in Cœlis,
„ firmam spem fiduciamque tenentes, quoniam qui parcè seminat,
„ parcè & metet, & qui seminat in benedictionibus,
„ de benedictionibus & metet vitam æternam. Cum igitur
„ Religiosi Viri Prior & Conventus Derthonensis Etemitarum
„ Ordinis Sancti Augustini, Ecclesiam ad honorem
„ Sanctæ Trinitatis ædificare cœperint opere sumptuoso, &
„ ad consummationem ipsius operis propriæ non suppetant
„ facultates; Universitatem vestram rogamas & hortamur
„ in Domino, in remissionem vobis peccaminum injungentes,
„ tes,

„tes, quatenus de bonis a Deo vobis collatis, pias eleemosynas eis & grata caritatis subsidia erogetis, ut per subventionem vestram dictum Opus valeat consummari; & vos per hæc & alia bona, quæ Domino inspirante feceritis, ad æternæ possitis felicitatis gaudia pervenire. Nos enim de Omnipotentis Dei misericordia, & Sancti Ambrosii Confessoris & Patroni nostri meritis confidentes, omnibus verè poenitentibus & confessis, qui ad consumptionem hujusmodi Operis manum porrexerint adiutricem, quadraginta dies de injuncta omnibus poenitentia, misericorditer relaxamus. Datum Viqueriz, Diocesis Derthonensis XIII. Junii, Anno Domini MCCLXXI. Indictione XIV.

Subinde verò Diœcesi suæ sacris Institutis excolendæ manum adjecit Archiepiscopus Otto, ubique promovens Dei gloriam, atque ad Christianæ caritatis opera exercenda piorum hominum corda succendens. Captum fuerat consilium, in Canobii pago ad oram Verbani Lacus, aperiendi Hospitalalem Domum ægrotis peregrinisque: Utque canonica ejusdem erectio fieret, quæsitum est Mediolanensis Antistitis patrocinium & facultas. Lubenti animo preces hæc excepit Præsul Vicecomes, Literasque dedit ad eos Fratres, qui advocati fuerant ad illius Domûs curam gerendam. In iis verò facultatem omnem largitur construendi ædificii, aptandique omnia, quæ ad ægrorum salutem procurandam necessaria videbantur. Regulam quoque Sancti Augustini ab ipsis servandam præscribit, jubetque ut Magistrum sibi præficient, cui obedientiam præstent, Jure visitationis aliorumque

que Archiepiscopatum munerum sibi & Successoribus reservato. Quinimo, ut in perpetuum constaret de hujus Hospitalis Domus subjectione Ambrosianæ Ecclesiæ, iisdem injungit, ut ceræ libram unam, in Festo Sancti Ambrosii, Archiepiscopali Mensæ singulis annis perfolvant. Data est ista Concessionis Charta, die XIV. Februarii, Anni MCCLXXXVII., ejusque exemplum, quod nos in lucem proferimus, custoditur in Archivo Curie Archiepiscopalis, inter Collectanea Joannis Baptistæ Cornei, Primicerii Lectorum, Tom. XV.

„ Otto Dei & Apostolicæ Sedis gratia Mediolanensis
„ Ecclesiæ Archiepiscopus, Religiosis Viris, Fratribus Petro, Martino, & Thomæ Conversis Hospitalis Sanctæ Mariæ de Canobio Mediolanensis Diocesis, in vero omnium
„ Salvatore salutem. Solitæ Sanctæ Mediolanensis Ecclesiæ
„ benignitatis officium, sed & nostrum, qui, licet immeriti, eidem Ecclesiæ præsidemus, deposcit conditio, ut
„ volentibus & optantibus Domino famulari, favorabile præbeamus obsequium, ac prosequamur eos ad omne, quod
„ possumus & debemus, gratæ commodum libertatis. Hinc
„ est, quod vobis & aliis, quos de cetero recipere vos
„ continger, in eodem loco Deo servientibus, & Sancti
„ Augustini regulam devotè servantibus, nos tamquam Patrem, ut tenemur, exhibentes, favorabiles & benignos
„ nos communibus vestris bonis quæ habetis, & imposterum
„ justè poteritis adipisci, sub nostra & Mediolanensis Ecclesiæ protectione suscipiamus, & Sancti Augustini vobis
„ observandam damus Regulam, & perpetuo confirmamus,
„ ut

„ur de cetero secundum ipsam Regulam vivere debeatis,
„habendo Magistrum, cui teneamini obedire in ipfius Re-
„gulæ Instituto; jure Visitationis & correctionis, & quo-
„libet alio jure & jurisdictione Archiepiscopali seu Episco-
„pali in vos & Successores vestros, ac Hospitale prædi-
„ctum in nobis & Archiepiscopatu Mediolanensi plenè &
„integrè reservatis; & vobis etiam præstantibus nobis &
„Archiepiscopatu Mediolanensi Censum, ad honoris, visi-
„tationis, & subjectionis, & omnium jurium supradictorum
„signum, in Festo Beati Ambrosii, cetæ annis singulis li-
„bram unam. Vos ergo tamquam Viri providæ probira-
„tis, vos ipsos diligenter conspiciate, sique vos Deo ac
„Sanctæ Ecclesiæ, ac vestri Ordinis honori & utilitati com-
„petentes & convenientes proficite, ut Deus vos inde me-
„ritò prosequi, ac nos possimus & debeamus semper in
„omnibus & per omnia, prout jus & ordo poposcerit,
„ad dona sublimia promerenda. Nulli ergo omnino homi-
„num ditioni nostræ subjectorum liceat hanc paginam no-
„stræ Concessionis & confirmationis infringere, vel ei ausu
„remerario contraire: Si quis autem hoc attemptare præ-
„sumperit, indignationem Omnipotentis Dei, & Beati Am-
„brosii Confessoris Patroni nostri, & nostram se noverit
„incursum. Dar. Mediolani, die XIV. Februarii, Anno
„Domini currente MCCLXXXVII., XV. Indictione.

Ut autem ea attingamus, quæ in nostra Metropoli fe-
dens, pro munere suo laudanda peregit, hæc subjungenda
occurrunt. Exciderat non parùm Ecclesiastica disciplina,
temporum iniquitate & civilium dissidiorum frequentia, quæ

amplum corruptelis aditum aperuerat. In primis verò renovare ipsi placuit Constitutionem illam, quam Decessor suus Leo de Perego ediderat, nosque superius memoravimus. Asservatur in Archivo Insignis Basilicæ Collegiatæ Sancti Georgii in Palatio Mediolani Charta, hoc Ottonis Decretum referens, quam nunc primò vulgamus.

„ In Nomine Domini Nostri Jesu Christi, Anno a Nativitate ejusdem millesimo ducentesimo octuagesimo, die Veneris duodecimo Januarii, Indictione octava, in Palatio veteri Archiepiscopatus Mediolani, in presentia mei Notarii & Testium infrascriptorum. Congregatis ibi Capitulo Mediolanensis Ecclesie, & Clero Mediolani, pro hoc & aliis negotiis solemniter convocatis, Venerabilis Pater Dominus Otto, Dei gratia Sancte Mediolanensis Ecclesie Archiepiscopus: Cum in Constitutione seu Statuto bone memorie Domini Fratris Leonis, olim Archiepiscopi Mediolani contineatur, quòd quilibet Clericus beneficiatus ad Ecclesiam suam habitet, deserviat, & qui alibi habitant, ad Ecclesias suas redeant infra mensem, ibidem residentiam & debitum servitium impensuri, ita quòd ibi jaceant & comedant, nec eis in locis aliis de communi alicui ministrent, in transgressores excommunicationis sententiâ promulgatâ, nisi fuerint in Scholis, vel aliâs ex justa & necessaria causâ absentes, vel ita fuerint impuberes gartiones, quòd potius eos sub disciplina & cura parentum expediat educari; interpretando declaravit, presentibus & assistentibus eidem Archipresbytero & Capitulo dicte Mediolanensis Ecclesie, quòd quilibet Clericus

„ricus Beneficia cum cura & sine cura obtinens, in Bene-
„ficio cum cura residere personaliter tenentur; alioquin pen-
„nam dictæ Constitutionis ipsius Domini Fratris Leonis, olim
„ Archiepiscopi Mediolani incurrit. Et considerans & atten-
„dens idem Dominus Archiepiscopus utilitatem & commo-
„dum Ecclesiarum Civitatis & Diocesis Mediolan, & ani-
„marum salutem, cassavit & revocavit, & cassat & revo-
„cat omnes dispensationes & indulgentias & licentias, cu-
„uscumque tenoris exstant, per ipsam Dominum Archiepi-
„scopum, seu per Vicarios suos datis & concessis quibus-
„cumque - - - Prelatis, Rectoribus, Canonicis & Capel-
„lanis, seu aliis Clericis Civitatis & Diocesis Mediolan.,
„de residentia non faciendâ in Ecclesiis, sive Beneficiis suis,
„contra Constitutionem predictam, & contra Constitutionem
„felicis recordationis Domini Gregorii Pape Decimi, editam
„in Concilio Lugdonensi, in qua inter cetera continetur,
„quod in hiis, que ad regimen Parochialis Ecclesie perti-
„nent, ut gregis sibi crediti diligentius gerere curam pos-
„sit, in Parochiali Ecclesia, cujus Rector existit, residere
„personaliter teneatur. Quas quidem Constitutiones, inter-
„pretationem, & declarationem, & omnia supradicta, pre-
„cepit & precipit dictus Dominus Archiepiscopus inviolabi-
„liter observari.

„Interfuerunt ibi Testes rogati Angleria de Angleria.,
„Laurentius de Liscate, & Ubertus de Gorla - - - - -
„Archiepiscopus.

Ne autem pia sollicitudo, qua consulere stultuerat æter-
næ animarum salutis & Ecclesiarum cultui (coactis Rectori-

Qqq 2

bus

bus earundem ad moram assidue trahendam in sacris iis Locis, quorum cura ipsis incumbere) suo fine frustraretur, ad componendos quoque mores tum Ecclesiasticos, tum Civiles, non tantum in universa hac Metropoli, quam in Diocesi ac Provincia suæ jurisdictionis, diligentiam extendit. Quapropter Anno MCCLXXXVII. Concilium Provinciale indixit. Celebratum illud est in Templo Ætivo Metropolitano Sanctæ Theclæ, pridie Idus Septembris, ut Corius tradit; ad quod convocati fuere Episcopi Suffraganei, & Procuratores Collegiorum Cathedralium Ecclesiarum Provinciæ. Edita est hæc Synodus Tom. VIII. *Scriptorum Italiæ* a Clariss. Muratorio. Cum tamen moles illa Librorum minime omnibus obvia esse possit, non absolum ab Instituto nostro est, aliqua in eadem statuta saltem per compendium hoc loco referre.

Aperuit illam Archipræsul noster brevi hac Pastoralis Oratione: *Otto Dei & Apostolicæ Sedis gratia Sanctæ Mediolanensis Ecclesiæ Archiepiscopus &c. Quia hominum malitiæ prævalente caritas refrigescit, fides subtrahitur, attenuatur Ecclesiæ devotio, & libertas Ecclesiastica usurpatur, nos ad honorem Dei Patris Omnipotentis, & Beatæ Mariæ Virginis gloriöse, & Sancti Ambrosii Confessoris Patroni nostri, & animarum salutem, & subditorum nostrorum ædificationem, & immunitatem Ecclesiæ conservandam, & reprimendam malitiam perverforum, præsentibus & assistentibus nobis in Provinciali Concilio Venerabilibus Fratribus & Suffraganeis nostris &c. Enumerantur ibi Episcopi omnes, & Cathedralium Ecclesiarum suæ Provinciæ Procuratores, & Monasteriorum Abbates,*

tes, qui Concilio interfuere; ac tandem Orationem suam claudit in hunc modum: *Constitutiones & Statuta in hac Ecclesia Sancta Tegla Mediolanensis hoc Sacro Concilio approbante facimus, & solemniter promulgamus; ac promulgamus, auctoritate, mandato, & privilegiis Sedis Apostolicae, & Legatorum ejus in omnibus semper salvis.*

Constitutiones verò & Statuta edita, XXIX. Capitibus comprehenduntur. Exorditur ab indicenda observantia eorum, quæ Statuta Sanctorum Patrum, Conciliorum, & Decretales Romanorum Pontificum præscribere; Item quæ a Sanctis Patribus, Summisque Pontificibus, necnon a quondam Federico Imperatore promulgata fuerant contra Hæreticam pravitatem, & pro Ecclesiastica libertate, necnon a Legatis Sedis Apostolicæ tam super cultu Divino, quàm super vita & honestate Clericorum: quæ omnia a Prælati & Clericis inviolabiliter observanda decernit.

Progreditur ad Abbates & Monachos Sancti Benedicti, Priores, Præpositos & Canonicos Sancti Augustini, quos omnes Regulis suorum Institutorum se conformare adamussim jubet; sique in aliquo deficiant, per Diocesanos Locorum, ad prædicta fideliter observanda compellendos statuit. Præcipit insuper, ne Clerici vel Moniales aleis vel taxillis ludant, nec choreas ducant, sub pœna excommunicationis. Prohibet, ne venationibus clamorosis utantur cujusvis Ordinis Clerici, etiam Regulares; sique admoniti per proprium Diocesanum abstinere noluerint, auctoritate hujusmodi Constitutionis ipso facto sententiam excommunicationis incurrant; quam si per mensem sustinuerint, pœnis gravioribus puniantur.

Vetat

Vetat Civilibus Magistratibus, ne se Clericorum Causis misceant, aut immunitatem Ecclesiasticam lædant; alioquin excommunicationis sententiam incurrant, a qua nemo illos absolvere possit, nisi & damna resarciant, & expensas compensent.

Item sub eadem excommunicationis pœna prohibet, ne ullus in Concionibus audeat aliquid proferre in Fidei detrimentum, aut Ecclesiasticam libertatem.

Vetat pariter, ne bona Ecclesiastica cujuscumque generis alienentur sine speciali Diœcesani licentia, sub pœna suspensionis ipso factò, ab Officio, & Beneficio; contractus autem hujusmodi, irritos ipso jure declarat.

Item contra eos, qui fraudolenter Ecclesiastica Feuda, vel alia bona celant, statuit, quòd si infra duos menses ab hujusmodi publicatione, ea non manifestaverint, auctoritate præsentis Concilii sententiam excommunicationis incurrant; Et hanc Constitutionem per singulas Parœcias Diœcesis semel in annum promulgandam præcipit.

Item jubet, ne per dolum aut fraudem privetur Parochus portione Canonica, quæ debetur tum per sepulturam in alia Ecclesia, tum per Legata, quæ Testator aliquis pro anima sua reliquerit; prohibens etiam, ne quis inducat, seu induci faciat eum qui ultimas Tabulas condit, ut sepulturam eligat alibi, quàm in Ecclesia sua; Et qui contraxerit, ipso jure sententiam excommunicationis incurrisse declarat.

Cetera non vacat in hunc locum transferre, cùm fortasse necessaria illi statui admodum infelici solummodo

do viderentur, nec peculiaria sint Ecclesiasticæ eruditionis monumenta.

In hac Synodo exorta est controversia non levis inter Brixensem, & Vercellensem Episcopos, cum uterque sibi deberi Sedem, ad dexteram Archiepiscopi contenderet. Curavere Venerabiles Patres illius Concessus Causam hanc ad juris apices expendere, atque ad exitum eandem perducere. Verum, cum Vercellensis Antistes ad Sedem Apostolicam provocasset, atque a Concilio recessisset, in irritum abiecta studia ad eam definiendam adhibita.

Id etiam magnopere in hoc nostro Archiepiscopo commendandum est, adoptatos ab ipso fuisse novos Colonos, qui agrum Domini, ejusdem vigilantia ac diligentia commissum excolerent, atque vitæ sanctioris exemplis & Divini Verbi prædicatione, in uberiores messes frugiferum redderent. Florebat eo tempore celebri sanctimonie laude Ordo Carmelitarum: Quamvis verò ejusdem Alumni circa mœnia Urbis nostræ hospitium fixissent, nondum tamen in Mediolanensem Metropolim pedem intulerant. Itaque Otto, ut dilectis Ovis suis pinguius pabulum pararet, iisdem Domicilium aperuit intra Septa Portæ, qua Comum itur, atque ideo *Comensis* appellatæ, Anno MCCLXVIII., mense Februario, ut refert Corius ad eum annum. Die autem XXV. Martii jacta sunt fundamenta Ecclesiæ, nuncupatæ *Sanctæ Mariæ de Carmine*. In memoriam verò accepti hujus Archiepiscopo nostro beneficii, concessæque facultatis extruendum Cœnobium, tum adjacens Templum, statuit Otto, ut Cere libram, & alteram thuris in Pervigilio Natalis Domini

ui quotannis memorati Fratres perfolverent sibi & Successoribus suis. Legitur Reſcriptum hoc in *Chronicis* illius Monasterii, vulgatis a Patre Joseph Maria Fornari, ejusdem Cœnobii contubernali.

Contigit eidem Antistiti Ottoni propitia fors ditandi Ambrosianam Ecclesiam novis aliis Dominicæ vineæ Cultoribus, *Servis* nempe Beatissimæ Virginis doloribus confixæ, eo in Sacello Orientalis Portæ, quod prius appellabatur *Sanctæ Mariæ de Sacco*. Conſtiterant per aliquot annos Religiosi hujusmodi Dei Ministri in Oppido Gorgonzolæ, quod nunc jacet ad ripam Fossæ navigabilis, a Fluvio Abdua derivatæ, ac Mediolanum usque deductæ, eosque singulari ope & favoribus omnibus profecuta fuerat Familia Mozzanica. Vergente in senium Archiepiscopi Vicecomitis vitâ, circa Annum videlicet MCCLXXX. hanc Urbem ingressi sunt, ut proximè diximus, eoque sanctimonix ac religionis erga Deiparam Virginem suavi odore Civitatem universam implevere, qui nunc etiam viget, auctus nobilibus exemplis Beati Joannis Angeli Porri Mediolanensis, qui ibidem immaculatam vitam transegit, inviolatoque adhuc Corpore, in Ara elegantissimè structa & suo nomini dicata, Civium & Exterorum cultum frequentissimum recipit. Archangelus Gianni in *Annalibus Sacri Ordinis Fratrum Servorum* de hoc Cœnobio loquens Tom. I. pag. CLXI., antiquis Chartis destitutus, adventum Servorum Dei & Beatissimæ Virginis in hanc Metropolim circa Annum MCCXC. affixit. Multò tamen ante, Domicilium in memorato Loco datum ipsis suis se discimus ex Paricello in *Dissertat. Nazarian.* Cap. C. num.

num. XIV., qui Calendarii Ambrosiani in pergamena conscripti Anno MCCLXXXI. verba referens, ad diem II. Februarii ista legi asseverat: *Purificatio Beata Virginis Mariae. Habet vigiliam per consuetudinem. Fit Festum in Ecclesia Fratrum Servorum Sancta Mariae &c.* Aderat igitur in Mediolanensi Urbe jam tum, fixa Sede donatus Deiparae Virginis Servorum Ordo, cum moneri Cives debuerint de peragenda in eorundem Ecclesia hujus festivi diei Celebritate, Anno superius indicato.

Alteram quoque Synodum Provinciale Otto celebravit Anno MCCXCI., die XXVII. Novembris, quæ triduum. absumpsit. Occasio hujus convocandæ oblata ipsi est a Nicolao IV. Pontifice Maximo, qui magnanimo corde votum. conceperat redimendi a Barbarorum tyrannide sacrosanctum. Domini Nostri Sepulcrum, quod semel ab eorum jugo ereptum armis Gotifredi Bullionii magnâ nobilissimi sanguinis effusione, iterum in Saracenorum manus inciderat: Ideoque ad omnes Ecclesiarum Præsules Literas dederat, ut populos incenderent ad intrepidè arripiendum hoc dignissimum Crucifixi Sectatoribus Opus, largissimo etiam Indulgentiarum. præmio sollicitatos. Acceptis hisce Summi Pontificis mandatis paruit Archiepiscopus Vicecomes, accitisque Mediolanum Suffraganeis Episcopis, in Æde Sanctæ Virginis & Martyris Theclæ, memorato die suggestum conscendit, perlectisque Nicolai Literis, quantâ pollebat eloquentia peroravit, ut quisque in sua Diœcesi, in frequenti populorum Concione, illos hortaretur urgeretque. ad præstandam Pontifici Maximo obedientiam, capiendamque Crucem, ut hanc gratiam repen-

Rit

derent

derent benignissimo Redemptori, qui sanguinem & vitam devoverat pro reparanda univerſorum ſalute. Acta hujus Concilii reſert Bernardinus Corius ad Annum prædictum.

Curam etiam habuit Archiepiſcopus Vicecomes recti ordinis inſtituendi in omnibus noſtræ Metropolis Eccleſiis, non tam ut cultus Dei augeretur, ſed ut Gregi quoque ſuo commodiorem viam aperiret ad ampliора beneficia promerenda. Quamobrem Conſtitutionem edidit Anno M^{CC}LXXXIV., die XXVII. Februarii, in qua habetur *Ordo Stationum Quadrageſimæ in Urbe Mediolani*. Servatur hujus Conſtitutionis Exemplar apud Clariff. Nicolaum Sormanum Collegam noſtrum, inſertum Diplomaticæ Hiſtoriæ Eccleſiæ Mediolanenſis, ſuo tempore evulgandæ. Sanctus Carolus Borromeus, ut acriores ſtimulos Civibus Mediolanenſibus adderet ad amplectendam religioſam hanc Stationum in Templis conſuetudinem, quæ etiam primis Eccleſiæ ſeculis vigeſebat apud Chriſtiſideles, gratias omnes atque Indulgentias pro hac noſtra Urbe a Gregorio XIII. Pontifice Maximo impetravit, quibus ditatæ ſunt Eccleſiæ Stationales Alinæ Urbis, ut conſtat ex Epistoſis ipſius Gregorii impreſſis inter *Acta Mediolanenſis Eccleſiæ*.

Ad ornamentum Metropolitanæ hujus Baſilicæ Archipreſul noſter addidit Collegio Canonicorum Theologiæ Doctorem, cujus onus eſſet, hanc ſcientiam legere atque explicare, assignatis ex ſuo patrimonio annuis redditibus, ut fidem facit Galvaneus Flamma in *Manipulo Florum*, Cap. CCCXXI., & conſtat ex ultimis illius Tabulis, conditis Anno M^{CC}XCII., quarum Exemplar legitur in Serie Diplomatica

matica Nicolai Sormani jam laudari. Sanctus Carolus Borromeus in eadem Sede Successor, & Sacrarum antiquitatum diligentissimus Custos, ut proficuum istud Ecclesiasticis Viris Institutum perennaret, omni studio curavit, ut in quibuslibet Collegiis Canoniorum Theologalis Præbenda erigeretur. Contrui quoque propriis impensis Vicecomes Antistes iussit in eadem Majori Basilica Sacellum, in honorem Sanctæ Agnetis Virginis & Martyris, illudque paternis etiam prædiis doravit, ut esset perpetuum grati animi sui monumentum, ob relatam ejusdem patrocinio (ut credere par est) insignem victoriam in pugna, ad Oppidum Decii cum Turrianis commissâ, die memoratæ Virgini dicato; Galvaneo, & prædictis Tabulis hoc referentibus. Præter ista ad Ecclesiæ & Sanctorum cultum statuta, publico etiam commodo. consulere voluit, præcipiens, ut unus ex Medicinæ ac Chirurgiæ institutoribus deligeretur, qui pauperes gratis curaret, relicto ex suis censibus stipendio, ut idem Galvaneus restatur.

Postremis vitæ suæ annis, relicto Urbis imperio Mathæo Vicecomiti, Nepoti suo ex Fratre, ad Caravallensæ Cœnobium concessit, ibidem dies, qui supererant, pacificos tranquillosque acturus, post tot ærumnas, exilia, & bellicas contentiones per plurimam annorum seriem toleratas; eoque libentius ad hoc privatæ quietis domicilium se recepit, quod jam nullus in nostra Metropoli excitandus insaufus rumor novi belli aut seditionis timeretur. Siquidem ab Anno usque MCCLXXXVI., adnitentibus amicis Principibus sancita pax fuerat cum Turrianis, aliisque qui invicem odia fove-

Rrr 2

bant,


bant , publico Tubicine primùm per compita promulgata , subinde ab ipsomet Archiepiscopo Ottone , qui ab alto pegmate Orationem habuit coram universo populo & Optimatibus , illam exordiens his verbis : *In terra pax hominibus bonæ voluntatis* ; plaudentibus cunctis , ac præ gaudii amplitudine in festivas voces sese effundentibus , quemadmodum fuscè narrat Bernardinus Corius ad eundem Annum .

Obiit in eo Cœnobio , non autem Mediolani , ut falsò tradidit Galefinius , gravi octuaginta octo annorum senectâ confectus Anno MCCXCV. , VI. Idus Augusti , Vir meritò *Magni* cognomine insignitus , ob magnanimam in utraque fortuna servatam constantiam , Actaque insignia , edita tum in bello gerendo , tum in administrando Pastoralis suo munere , non cum laude tantum , sed etiam cum admiratione recolenda . Pervulgatâ hujus obitûs famâ , personuere in compitis afflictorum Civium clamores & gemitus , eum singulis notum esset , quantâ animi moderatione etiam cum hostibus se gessisset Otto , nec quisquam jurè dolere posset de irrogata sibi injuria , sed potius laudari ab omnibus mereretur , pro effusa in quoslibet magnanimi ejus cordis beneficentia . Relatum inde fuit Archiepiscopale Cadaver in hanc Metropolim solemnî magnificâ pompâ , comitantibus Nobilibus & Optimatibus Civitatis ; ac demum peractis funebribus Officiis juxta Ambrosianæ Ecclesiæ ritum , tumulatum est in Templo Maximo , in Arca marmorea , adjecto hoc sepulchrali Elogio .

INCLYTUS ILLE PATER PATRIÆ, LUX, GLORIA PATRUM,
FULGOR JUSTITIÆ, FIDEI BASIS, ARCA SOPHIÆ,
LARGITOR VENIÆ, PORTUS PIETATIS EGENIS,
INTREPIDUS PASTOR, QUEM MOLES NULLA LABORUM
ARDUA DEVICIT, POPULO LATURA QUIETEM;
ILLE PIUS PRINCEPS ET PRÆSUL AMABILIS, IN QUEM
ALTUS VIRTUTUM SPLENDOR CONVENERAT OMNIS,
QUO MEDIOLANUM RADIABAT LAMPADE TANTA,
TOTAQUE FULGEBAT REGIO, NUNC PALLET ADEMPTO;
CLARA VICECOMITUM PROLES, VENERABILIS OTHO.
O DOLOR! O VULNUS! CINIS EST HOC MARMORE FACTUS;
CHRISTE PATER VITÆ, REQUIESCAT SPIRITUS IN TE.
ANNIS UNDENIS, TER SENIS, TERQUE DIEBUS
PRÆFUIT ECCLESIAE PASTOR BONUS AMBROSIANÆ;
MILLE DUCENTENO QUINTO NOVIESQUE DECENO
QUARTO HIC AUGUSTI BIS, LIQUIT GAUDIA MUNDI:

Auctor hujus funebris Inscriptionis, XXIX. annos, & tres dies regiminis Ottoni attribuit; fortasse enim numerandi initium duxit ab eo tempore, quo, delatâ Romam causâ, ante Pontificem & Cardinales peroravere Turrianorum Legati, ut abrogatâ electione Vicecomitis ob varias eidem impectas criminationes, confirmaretur electio Raymundi Turriani, Mediolani habita a pluribus Basilicæ Metropolitanæ Canonici; Pontifex tamen Maximus Clemens IV. Anno MCC-LXVII.

LXVII. constans perstitit in confirmanda designatione Ottonis in Archiepiscopum, facta a Decessore suo Urbano IV. Ceterum si ab Anno MCCLXIII., quo electus a Summo hoc Pontifice & consecratus fuit Otto, ad Annum MCCXCV., quo obiit, computus annorum fiat, dicendus est præfuisse huic Ecclesie spatio annorum XXXII.



RUFINUS FRIXETUS.



Acante Ambrosiana Sede per obitum Ottonis Vicecomitis, Rufinus Patriâ Lucensis, cùm Archidiaconus foret Ecclesiæ Remensis, creatus est a Bonifacio VIII Summo Pontifice Archiepiscopus Mediolanensis, Anno MCCXCV., XII. Calendas Novembris. Inueta huiusmodi electio Metropolis nostræ Cives admiratione simul atque indignatione complevit; promotum enim Præfulem videbant ad Ambrosianam Insulam, extra Mediolanensem Cardinalium Ordinem, quod numquam ferè antea acciderat: Præcipuè cùm Ambrosianis Ritibus minimè enutritus fuisset, ut tradit Tristanus Calchus ad Annum, MCCXCV.; subdit tamen, ignotum nostris Civibus fuisse id, quod Cardinalis Petrogrossus clam cum Pontifice egerat, ut Rufinus deligeretur. Quis esset Cardinalis iste, paulò superius Auctor idem narraverat. Ait enim, Patriâ eundem Mediolanensem fuisse; cùmque animadverteret, Ottonem Archiepiscopum extremâ jam senectâ confectum, ad tumultum properare, precibus institisse apud Amicos, ut ea Dignitate suus ex Fratre Nepos insigniretur. Verùm, cùm plurimi refragarentur, expellendumque tempus legitimum, & arbitrium eorum, penes quos eligendi potestas esset, censerent, spe sua frustratus Cardinalis memoratus, curavit, ut Romanus Pontifex eligendi Archiepiscopi auctoritatem ad se unum advocaret, quemadmodum testatur laudatus Calchus. Citò tamen

men e vivis abreptus est Petrogrossus, mense nempe Junii, Anni MCCXCV. antequam Ecclesia Mediolanensis vacaret, Ottone quidem Præsule adhuc vivente, quamvis & ipse sub initium sequentis Augusti vitâ decesserit. Oldoinus in Purgatis Patribus a Nicolao IV. creatis, loquens de hoc Cardinali tradidit, eundem morte absumptum fuisse Romæ; potior nihilominus fides habenda est Calcho, qui obitum illius Mediolani contigisse affirmans, mensem etiam designat.

Ceterum parum superfuit etiam Rufinus; vix enim expleto anno, & mense uno antequam in hanc Sedem pedem inferret, longè a nostra Metropoli mortales exuvias deposuit, die VII. Decembris Anno MCCXCVI. Ex hoc autem clarè elicitur, tempus quo præfuit Ambrosianæ Ecclesiæ fuisse mensem XIII., & dierum XVI.; neque enim Galefinio attendendum est, qui sedisse illum mensibus tantum X. affirmavit.

Ubi sepulcrum habuerit, ignoramus.



FRAN-

FRANCISCUS I.



Ufino Lucensi suffectus est Franciscus Parmensis, aliis Franchinus, ab eodem Bonifacio VIII. Summo Pontifice. Gesserat iste Insulam Messanensis Ecclesiæ; sed enatis inter Cives illos dissidiis, quæ plurimum molestiæ eidem ingerebant, missus a Pontifice Maximo fuit Nolas, ad regendam Administratoris nomine & auctoritate. illam Ecclesiam. Vacante postmodum Archiepiscopali Sede Mediolanensi translatus est ad Pontificium hujus Metropolis Solium Anno MCCXCVI.

Mediolanum delatus, Pastoralibus suis curis initium dedit, Dei cultum promovendo: Siquidem, ut Tristanus Calchus testatum facit, primum lapidem posuit solemnibus ceremoniis in Æde Sancto Spiritui dicata, quam Humiliati a fundamentis erexerunt extra Urbis Portam, a nobis appellatam *Vercellensem* Anno MCCXCVII, non autem præcedenti, ut malè in Ughello legitur. Amplificatà verò Urbe, constructoque a subsequentibus Mediolani Dominis Castro Jovis, Templum hoc solo æquatum fuit ob nimiam proximitatem Arcis illius munimentis, atque excitatum est in Regione Nova Urbis, sub eodem nomine *Spiritus Sancti*.

Favorabiles Pontificias Literas evulgaverat Bonifacius VIII., quibus Moniales inclusas, sub Sancti Francisci Adversariis vexillo militantes exemerat a Civilibus omnibus oneribus aut exactionibus;

Sff

bus;

bus; datis etiam ad universos Episcopos Rescriptis, ut hoc Privilegium, quod memoratis Monialibus indulserat, strenuè tutarentur. Vota Summi Pontificis implevit Franciscus Archiantistes noster, ac Diploma expedivit ad preces Abbatissæ Monasterii Sancti Apollinaris Mediolani, in quo anathematis poenam infligit iis omnibus, qui mandatis Pontificiis contraire præsumperint, & immunitatem prædicti Cœnobii violare tentaverint. Extat in Archivò earundem Monialium Charta, quam hîc proferimus:

„Franciscus Dei & Apostolicæ Sedis gratia Sanctæ Mediolanensis Ecclesiæ Archiepiscopus. Universis & singulis
 „Abbatibus, Prioribus, Præpositis, Archipresbyteris, Presbyteris, Canonicis, & Capitulis, & Conventibus, & aliis
 „Ecclesiarum seu Domorum Rectoribus, & Prælati Secularibus & Regularibus, necnon Rectoribus, Judicibus,
 „Officialibus, Communibus, & hominibus ac personis cujuscunque conditionis, dignitatis, & status existant, ad quos
 „præsentes pervenerint, salutem in eo qui est omnium vera salus. Discretionem vestram volumus non latere, quòd
 „Sanctissimus in Christo Pater & Dominus, Dominus Bonifacius Divina providentia PP. Octavus reputans pium &
 „congruam, ut universas Abbatissas & Conventus Monialium inclusarum, sive Ordinis Sanctæ Claræ, sive Sancti
 „Damiani, sive Minorissæ dicantur, illâ prosequeretur gratiâ, quam suis necessitatibus fore perspiceret opportunam,
 „eisdem universis & singulis, quod ad præstationem Decimarum de quibuscumque possessionibus & aliis omnibus
 „bonis suis, quæ tunc temporis habebant, & iustis modis
 „acqui-

„acquirerent in futurum, ut ad contribuendum in procura-
„tionibus quorumlibet Ordinariorum, & etiam Legatorum.
„& Nunciorum Sedis Apostolicæ, & quibuslibet talcis &
„collectis, ac ad exhibendum pedagia, telonea, & alias
„exactiones quibuscumque Regibus, Principibus, seu aliis per-
„sonis Secularibus minimè teneantur, & ad id compelli non
„valeant; duxit per suas speciales Literas indulgendum,
„sicut in eisdem Literis ipsius Domini Papæ verâ bullâ
„bullatis vidimus contineri. Quare cum pro parte Abbatis-
„sæ & Conventus Monialium inclusarum Sancti Apollina-
„ris Mediolan., & aliarum Abbatissarum & Conventuum.
„dicti Ordinis Sanctæ Claræ nobis fuerit humiliter suppli-
„catum, ut super prædictis, ad quæ juxta formam dicti
„Privilegii non tenentur, non permetteremus eas a nostris
„Subditis molestari, Vobis universis & singulis, præsentium
„tenore, sub excommunicationis pœna mandamus, super hoc
„primò, secundò, tertio, & peremptoriè vos & quemlibet ve-
„strum admonentes, quatenus ab eisdem Abbatissis, Monia-
„libus, & Conventibus, vel earum Massariis, seu posses-
„sionum suarum Cultoribus, de possessionibus & aliis om-
„nibus bonis suis, quæ habent & acquirere poterunt in
„futurum, Decimas exigere, vel eas ad contribuendum in
„aliquibus Talcis & Collectis, ac ad exhibendum pedagia
„vel exactiones alias, compellere per vos vel alios modo
„aliquo vel ingenio nullatenus præsumatis; nos enim in
„quemlibet mandatorum nostrorum contemptorem ex nunc,
„prout ex tunc, excommunicationis sententiam ferimus in
„his Scriptis. In cujus rei testimonium præsentis Literas

S s f 2

„fieri

„ fieri fecimus , & nostri sigilli munimine roborari . Datum
 „ Mediolani in nostro Archiepiscopali Palatio , Anno Domi-
 „ ni millesimo tricentesimo secundo , Indictione XV. , die
 „ Jovis XXII. Februarii , Pontificatus Domini Bonifacii Papæ
 „ octavi , anno octavo .

Quo tempore Franciscus Archiepiscopus Ecclesiæ Ambrosianæ præsidebat , ingens conspiratio finitimorum Principum & Civitatum , necnon etiam Civium Mediolanensium conflata est contra Matthæum Vicecomitem , cujus regis propemodum Dominationis pertæsi erant , atque insuper ob graves ab ipso acceptas injurias ultionem parare nitebantur . Cùm autem hujus conspirationis Caput , esset Albertus Scottus Placentinus , ad pacis condiciones flecti se passus est idem Vicecomes , inter quas præcipua erat , ut imperio se abdicaret , & Turriani exules in Urbem admitterentur . Acquivit Matthæus propositis ineundi fœderis pactis , quamvis aspera eidem viderentur (utpote assueto mandata præscribere , non aliis obtemperare) ne in deteriora prolaberetur , ob infidam bellorum sortem . Verùm admiū in hanc Metropolim Turriani , id tandem obtinere , ut Matthæus ejusque Filii Mediolano expellerentur . Hujus conspirationis in Vicecomes , si non Auctorem , saltem Socium facit Ughellus Archiepiscopum nostrum : Merula tamen , & Tristanus Calchus ex eo , sicut etiam Bernardinus Corius , dum Historiam hanc accuratè describunt , nihil de Francisco Archipræsule memorant . Tristanus Calchus ad finem Libri XVIII. id tantùm refert , nempe , expulso Matthæo , institutum fuisse alterum Magistratum Ordinem , legemque ; Cùmque Gulielmus Brufatus

fatus constitutus esset Capitaneus populi in proximas Calendas Martias, fuisse eundem a Francisco Archiepiscopo militaribus ornamentis donatum. Itaque non inficiamur, potuisse Antistitem nostrum manus dare ejectioni ab hac Metropoli supradicti Matthæi, cum inter Proceres Mediolanenses summâ polleret auctoritate; verum sese immiscuisse Civilibus hisce tumultibus non facile opinamur. Præsertim quia destituti sumus Scriptorum veterum testimoniis; nec ipse Patriâ longinquus ullo affinitatis vel sanguinis vinculo cum Turrianis obstringeretur; sique Vicecomites Rei extitissent violatæ Ecclesiasticæ jurisdictionis, sacris telis satis superque munebatur, ad eos arcendos a sacrilegis hisce ausibus, quin Auctor fieret aut saltem promotor conspirationis, quæ Cives nostros, externosque populos bellorum periculis ac calamitatibus exponeret.

Id certè nobis constat, in ea temporum perturbatione, plebisque inconstantia novum semper regimen appetentis, cum animadverteret, minimè se posse sanctè ac tranquillè ad Pastorale munus suum exercendum incumbere, Præfulem nostrum sese proripuisse ab hac Metropoli, atque in Angliæ Arcem juris sui concessisse. Inde verò non destitit Ecclesiis Mediolani prospicere, ut floreret in iis religiosior Dei cultus, & etiam uberiori censu alerentur Sacri illarum Ministri. Servatur in Tabulario Canonorum Basilicæ Sancti Georgii, dicti in *Palatio* Charta Commutationis, expedita Anno MCCCVII, qua illis facultatem impertitur, ut mutuam pecuniam accipere valeant, qua in meliorem sortem redigant memoratæ Ecclesiæ patrimonium. Eam verò, cum adhuc

lucem

lucem non viderit , omnium oculis exponere opportunum censemus :

„ Franciscus Dei & Apostolicæ Sedis gratiâ Sanctæ Mediolanenſis Eccleſiæ Archiepiſcopus . Venerabilibus Fratribus Dominis Franciſco de Medicis , & Jacobo Moræ , ejuſdem Eccleſiæ Ordinariis ſalutem in Domino ſempiternam . Dilectorum nobis in Chriſto Præpoſiti , Canonicorum , & Capituli Eccleſiæ Sancti Georgii in Palatio Mediolanenſis inſinuatione patefecit , quòd ipſa Eccleſia Sancti Georgii terras & poſſeſſiones in locis & territoriis de Boyſio , de Bolate , de Solario , de Zibidi , de Vimozono , de Viliano , de Buſilio , de Locate , de Borea & partibus circumſtantibus , de Quirò de Stampis , de Merignano , de Bolzano , de Payrana , de Arcagnano & partibus circumſtantibus , de Albarate , de Dudimano , de Sedriano , de Vermicio , & de Salvano Dioceſis Mediolanenſis necnon in locis & territoriis de Lavania , & de Ceregallo ipſorumque pertinenſiis Dioceſis Laudenſis , ad præſens & ab antiquo diſcoſcitur obtinere : Et quòd longe melior comoditas & utilitas ipſis Capitulo & Eccleſiæ provenirent , eo quòd poſſeſſiones ipſæ in diverſis & locis pluribus , & ad invicem diſtantibus ſunt diſperſæ , & non magnæ quantitatis in aliquo eorundem ; ſi terras ipſas & poſſeſſiones , in terras alias per juſtum titulum permutarent , vel ſi vendentes eaſdem , ex illarum pretio terras alias magis accomodas , & non ſic diſperſas in pluribus locis acquirerent , ad uſum & utilitatem Eccleſiæ prælibatæ ; ſibi provideri per nos ſuper hoc de opportuno

„ portuno remedio postulantes . Eapropter comoditatibus &
„ profectibus ipsius Ecclesiæ intendentes salubriter providere
„ Vobis tenore præsentium committimus & mandamus , qua-
„ tenus super hiis per vos deliberatione vel examinatione ,
„ seu inquisitione sufficienti præmissa , si ejusdem Ecclesiæ
„ & Capituli utilitati vel necessitati , aut comoditati viden-
„ tis expedire , super quo vestras conscientias oneramus ,
„ eisdem Præposito , Canonicis , & Capitulo , auctoritate
„ nostra licenciam concedatis & plenariam facultatem alienan-
„ di perpetuo , distrahendi , & permutandi , & in aliis
„ (alios) alienacionis cujusvis titulo perpetuo transferendi ,
„ prout pro meliori vel comodiori videritis expedire , in per-
„ sonam aliquam vel personas , terras & possessiones easdem
„ totaliter & particulariter , cum quibus condicionem ejusdem
„ Ecclesiæ fieri crediderint meliorem . Necnon cauciones ,
„ promissiones , obligationes , renunciaciones & stipulationes
„ oportunas in ipsarum alienacionum , seu alienacionis con-
„ tractibus apponendi . Non obstantibus aliquibus Juris Co-
„ munis , Sinodalis Provincialisve Concilii Mediolanensis Præ-
„ decessorum nostrorum , & quorumcumque aliorum , ac no-
„ stris Constitutionibus , monicionibus , & inhibitionibus ,
„ etiam cum adjectione penarum in contrarium promulga-
„ tis ; proviso tamen , quòd precium illarum terrarum ,
„ quas vendi contingerit ex præmissis , in possessiones alias
„ ad usum & profectum ipsius Ecclesiæ & Capituli acqui-
„ rendas sine diminutione aliqua convertatur . In præmissis
„ omnibus & ea contingentibus Vobis harum serie commit-
„ timus vices nostras . Vobis in virtute obedientiæ injungen-

„ tes

„ tes , quòd Scripturæ super hiis coram Vobis vel aucto-
 „ ritate vestra conficiendæ , per aliquem , seu aliquos ex
 „ Scribis & Notariis nostræ superioris Curie , & non per
 „ alios conscribantur ; Propterea verò nostro sigillo penden-
 „ ti roborari iussimus in testimonium præmissorum . Datum
 „ in Archiepiscopali Arce de Angleriâ , millesimo trecentesi-
 „ mo septimo , Indictione quinta , die primo mensis Aprilis .

Modico postmodum tempore in vivis fuit Franciscus
 Archiepiscopus ; sequenti namque Anno MCCCVIII. in ea-
 dem Angleriæ Arce dies suos clausit . Deportatum inde
 illius Cadaver Mediolanum , in Metropolitana Basilica sepul-
 crum recepit ; postquam fermè per XII. annos Mediolanen-
 sè Ecclesiam administrasset .



CASSONUS TURRIANUS.



Ortus e celeberrima Turriana Gente Cassonus, aliis Castonus, Collegio Canonorum Metropolitane Basilicæ primò adscriptus est, dein Decani Dignitate in Aquilejensi Ecclesia insignitus ab aliquo ex duobus Turriani sanguinis Patriarchis, qui eo tempore Aquilejensem Sedem occupaverant: Qua in re corrigendus est Galestinus, qui falsò tradit, Cassonum primò Aquilejensem Patriarcham fuisse, postea Mediolani Archiepiscopum; atque ideo Historiam hanc omnem subvertit, ut infra videbimus. Vacante ob Francisci Parmensis obitum Sede Mediolanensi, ad eam implendam delectus est Ordinariorum omnium suffragiis; adnitente etiam Guidone Turriano, rerum Mediolanensium Domino, ut Archiepiscopali Insulâ Cassonus donaretur, sub initium Anni MCCCVIII.

Regebat eo anno Romanam Ecclesiam Clemens V., antea Burdegalenfis Archiepiscopus. Cum autem in Galliis moraretur, Cardinalem Legatum in Italiam direxit, ut nomine suo eidem præsideret. Itaque Cassonus, ut Pontificiam confirmationem obtineret, Cortonam profectus est, ubi tunc Legatus degebat, atque ab isto eximiiis honoribus exceptus fuit; eoque in itinere Martium & Aprilem menses absumpsit, teste Calcho. Dein Mediolano restitutus, a Novariensi Episcopo Uguccione de Borromeis, cui Clemens Pontifex Maximus hanc provinciam injunxerat, consecrationem simulque confirmationem in Basilica Metropolitana recepit, ut tri-

T t t

dît

dit Calchus ad eundem Annum.

Veneti Ferrariam adorti eam obsidione cinxerant, & in potestatem suam redegerant Anno MCCCIX. Admonitus de hac re Clemens V., Legatum misit in Italiam Arnaldum Pelagruam, Tituli Sanctæ Mariæ in Porticu Sanctæ Romanæ Ecclesiæ Cardinalem; quem ad hanc Urbem delatum, Archiepiscopus officiis omnibus venerationis obsequiisque, pro dignitate sua est prosecutus toto eo tempore, quo in nostra Metropoli moram duxit. Ut igitur Legationem suam impleret memoratus Cardinalis Venetis præcepit, ut Ferrariensi solo decederent; cumque minimè parère vellent præcepto Legati, illos anathemate perculit: Summus autem Pontifex etiam Crucem contra ipsos indixit. Profectus inde Parmam ac Bononiam Legatus, Clementis V. mandatis obsequuturus, Episcopos omnes admovuit, ut quantà poterant militum manu hanc expeditionem aggredierentur. Inter ceteros præstò fuit etiam Archipræsul noster Cassonus, qui copiis suis stipatus Ferrariam se contulit. Adfuit quoque Legatus, qui admotis machinis adèd conterruit Ferrarienses Clives, ut sese statim dediderint, Venetis quò se tuerentur in Arcem receptis. Fatigati autem longa obsidione, pactis conditionibus etiam ab Arce excesserunt. Atque hìc obiter liceat nobis resellere Ughellum, qui parum de rebus nostris edoctus, obsidione solutam fuisse tradit a Cassono Ferrariensem Urbem, cùm revera non ad solvendam, sed ad inferendam obsidionem Ferrariam adierit.

Dum præclaro huic Operi perficiendo insudaret Cassonus, in suspicionem adaectus Guido Turrianus, quòd aliquid etiam con-

con-

contra seipsum molitus fuisset Archiepiscopus noster, postquam iste Mediolanum repetiit, in ipso Archiepiscopali Palatio eundem cum Fratribus suis sibi per milites iussit Calendis Octobris, Anni MCCCIX. ac subinde in carcerem detrudi, Fratribus ad Arcem Anglerie in custodiam transmissis. Pervulgata hujus indigni facinoris fama, advenere quamplures proximarum Civitatum Proceres, necnon Legati Comensium & Bergomensium, ut Guidonis animum flecterent, ad solvendum a vinculis Archiepiscopum Mediolanensem. Composita res est IV. Calendas Novembris, carceris angustis, in exilium extra fines ditionis Mediolanensis commutatis; adjecta conditione, ne Ecclesiastica execrationes contra ipsum armaret. Parere debuit iniquo huic mandato Cassonus, pessime latus. Attramen a vinculis relaxatus, Laudem primo, dein Bononiam se conferens, ad Legatum confugit, expositaque facti indignitate, eidem remisit pessumdatis Dignitatis sue capeendam ultionem: Cardinalis autem pro munere suo, statim excommunicationis telum in Guidonem & Filios ejus, omnesque hujus sceleris participes evibravit, atque Episcopis Suffraganeis injunxit, ut in frequenti populorum Concione repulsum ab Aris Sarisique omnibus, atque a Fidelium communione semotum Guidonem ceterosque denunciarent.

Opportuna affuit occasio comprimendae Guidonis insolentiae, nam sequenti Anno MCCCX missa fuit e Germania ad Principes Italos Legatio ab Henrico VII., electo Rege Romanorum, ut juxta antiquam consuetudinem comneatus pararent ad eum excipiendum. Cum enim IV. Idus No-

vembris Italiam ingressus esset, ac in Astensi Urbe confideret Henricus, atque in ejusdem occursum illuc profectus esset Matthæus Vicecomes, qui jamdiu extorris ad oras Benaci Lacus, animum suum ab exilio & ærumnis, piscationis solatio recreaverat, illuc pariter accessit Cassonus Archiepiscopus, ut obsequia sua Regi Henrico affunderet; ratusque affulsisse diem, quo ulturus esset carcerem, ereptas opes, exilium, reliquasque insignes contumelias, quas a Guidone acceperat (ut ad eundem Annum sit Calchus) amicitiam & fœdus cum Matthæo Vicecomite inivit, hisce conditionibus Henrici consensu firmatis, ut nempe damna, si quæ intercessere, invicem condonarentur, injuriasque præteritis oblivio deleteret; sique aliquid imposterum inter Turrianos & Vicecomites discordiæ oboriretur, arbitrio Archiepiscopi definiendum relinqueretur; demum nihil a Matthæo Vicecomite innovandum esse a præsentis rerum statu, nec in finitimis Civitatibus, nisi consalto & annuente Archiepiscopo; ac si Antistitis Cassoni Affines, aut Amici ad ipsum confluerent, eos Matthæus tueretur & coleret.

Interea movens ab Astensi Urbe Rex Henricus Mediolanum versus, occurrentem habuit Guidonem Turrianum, ingressusque hanc Metropolim, pacem Turrianorum cum Vicecomitibus firmavit, petiitque, ut solito Italicæ Coronæ honore donaretur. Statuta dies est Sexta Januarii, Epiphaniæ Domini dicata, Anni MCCCXI. Adveniente igitur ea, Festivitate processit Henricus ad Basilicam Ambrosianam unâ cum Beatrice Regina Uxore, Principibus Episcopisque stipatus. Ibi Cassonus Archiepiscopus Solemne Sacrum celebravit,

quo

quo peractò , ac cæremoniis omnibus juxta ritum Mediolanensis Ecclesiæ expletis , Ferream Coronam , Italici Regni Insigne , Capiti Henrici imposuit , necnon etiam ejusdem Uxorìs , quæ solutis crinibus vinculo aureo decora , adstabat ad dexteram Regii Conjugis , plaudente universo populo , & faustissimæ felicitatis omina edente , ut Calchus affirmat . In ea Celebritate munificum animum suum Cæsar ostendit , creatis biscentum Equitibus , Matthæo Vicecomite primo inter ceteros numerato , quos omnes ternis splendidis vestibus , & equo donavit .

Compositis rebus cum Matthæo Vicecomite , aliisque ejusdem Stirpis Proceribus , videbantur sereni dies Archipræfuli nostro advenisse , quibus depulso omni metu , Pastorale officium in augmentum splendoris Ecclesiæ nostræ , atque in animarum salutem tutò ac tranquillè exercere valeret . Verùm novis tetrìs nubibus obductum est Cælum , excitationis in hac Urbe tumultibus ac seditionibus , quæ coronatum Regem Henricum impetere , ejusque animum ad indignationem concitare credebantur . Auctores harum Civilium turbarum fuere Vicecomites & Turtiani , qui ægrè ferentes Germanorum imperium , ac suspicantes , ne libertatis antiquæ Leges abolerentur , ipsique exciderent ab honore , quo hætenus frui fuerant , Dominationis hujus Metropolis , secretam conjurationem conflexerant , ut Germanos ex inopinato adorirentur , eosque Urbe cedere cogerent . Armatorum Civium qui colligebantur rumor , ad aures militum stipantium Henrici Aulam pervenit : Quamobrem pridie Idus Februarii ejusdem Anni MCCCXI. armis præcincti discutere per compita cœpere , domosque

que penetrantes Turrianorum & Vicecomitum, scrutaturi an ibi laterent turmae conjuratorum, repertis in Palatio Turrianorum copiis ad praelium instructis, omnia direptionibus ac cædibus impleverant. Delatum ad Cæsarem nuncium iræ vehementiori illum succendit, qui statim suis præcepit, ut Rei ubique sese occultantes perquirentur. Matthæus autem intrepidè in conspectum Henrici sese proferens, officiosis verbis immunem se a labe hujus criminis est professus, quamvis revera illius particeps foret, & minimè promissis stetit; imo infami prodicione invidiam omnem hujus Seditiosis in Turrianos revolvisset, ut tradunt Ferretus Vicentinus illius ævi Scriptor, & Petrus Azarius pariter coævus & præsens iis quæ agebantur, editi Tom. IX., & XVI. *Rerum Italicarum*. Itaque furor omnis odiumque Germanorum in Turrianos conversâ sunt, eorumque Domus direptæ, ædificia verò ferro & igne solo æquata, relicto in hunc utque diem infelici nomine *Domuum dirutarum* eo loci, ubi nunc surgit Templum dicatum Sancto Joanni Baptistæ decollato, ac cultum a Nobilissima Societate Equitum Mediolanensium, & Mercatorum, quorum munus est, damnatos ad supplicium pia Supplicatione comitari, detractosque a patibulis sepulturâ donare.

In hac rerum Mediolanensium ferali vicissitudine, everseeque Turrianorum Familiæ, autumari facillè possumus, aliquam dubitationis umbram sese offudisse menti Germanorum, quòd etiam Archiepiscopus Cassonus, ejusdem sanguinis ac stirpis, aut expressè aut saltem tacitè in conjurationem consensisset. Quocirca evocatus fuit ad Aulam Henrici,

ci, admissusque ad colloquium Augusti Principis, cum respondisset interrogatus, quid aut unde hic tumultus excitatus foret, se prorsus ignorare, iussus est in Palatio se sistere; quod ille non invitus peregit. Recedente autem Mediolano Cæsare, Cassonus quoque, ne aut Civium aut militum, qui ad custodiam hujus Metropolis relictii fuerant, injuriis Dignitatem suam exponeret laceffendam, consilium cepit in alias terras commigrandi.

Revera modico illo tempore, quo post Henrici Imperatoris discessum moram traxit Cassonus in hac Metropoli, tot in seipsum illatas injurias a Vicecomitibus, ac ejusdem factionis fœderatis Nobilibus pati debuit, ut, cum ne quidem in conductitia Domo, in qua, veluti asylo, sese occultaverat, tutum se conspiceret, directâ per nocturnam aggressionem domo eâdem, ipsoque Archiepiscopo vinculis lecto in quo jacebat, alligato, libertati restitutus a Familiari, ad Cassanensem Arcem juris Archiepiscopalis profugerit; atque ibidem etiam obsidione armatorum cinctus, secretâ viâ Cremonensem Urbem adierit, ubi auctoritate qua pollebat, Matthæum Vicecomitem aliosque scelerum participes æternis diris devovit. Horrorem ingerit animo sententia, quam ad Principem Vicecomitem direxit Cassonus; in ea namque occupatum Ecclesiæ Mediolanensis Patrimonium, coactos Cœnobitas ad sese multo ære redimendos a vexationibus, violata per vim Monasteria Monasteria, expulsasque Virgines, ac quidquid sacrum erat, pessumdatum recenser, Complices ipsos nominatim enumerans. Nos ea tantùm ex hac Sententia decerpemus, quæ ad Matthæum Vicecomitem spectant, cum

cum inde eluceat, quàm longè juris sui fines extenderet eo tempore Mediolanensis Archiepiscopus; his enim verbis eundem alloquitur: *Tu Matthæ rem universam Anglericensem, Leucensem, Bellanensem, Vallasinensem, Castanensem, Travalienensem, Brebientem, quæ Arces & Loca sunt antiquius Ecclesiastici nostri juris, tenes. Eidem tibi Decuma nostra Lisantina, redditus nostri Varisenses, portoria nostra Mercuriolana, nostra piscationes ad Pusianum exiguntur.* Deinde conversus ad Luchinum Matthæi filium, & quosdam alios, sceleratissima eorundem Acta, expressâ vel tacitâ Matthæi consensione patrata condemnat, quod nempe Coyranam, & Montes Derium, Gessanum, Mugiascam, Varenam, & Falegium invasissent. Postmodum acerbè conqueritur, quod monumenta Privilegiorum, immunitatum, jurium Ecclesiæ Mediolanensis, quæ adservabantur in Sanctæ Radegundæ Monasterio, per vim ablata fuissent. Claudis demum ferale Scriptum in hunc modum: *Quamobrem decrevi ego Cassinus Archiepiscopus Ecclesiæ Mediolanensis arborem excidere, quæ fructus bonos non facit, & auctoritate quæ mihi concessa est, ferire anathemate vos omnes, & arcere communionem Sacrorum, ea lege, ut si contumaces & inemendatos ultims dies oppresseris, intra sacratas fines vestra corpora sepeliri non debeant; idque anathema nunc a me vobis infligitur. Te verò Matthæe taned magis ferimus, quia fueras calisibus diris additus jam inde ab eo tempore, quo superioris Archiepiscopi Vicarium Generalem ex Civitate præcipitem eiecisti.* Integram hanc Sententiam recitat Ripamontius Libr. VIII. *Histor. Eccles. Mediol.* pag. CDXCII., & seqq.

Ne

Ne tamen destitutam omnino opportunis adjumentis Mediolanensem Ecclesiam relinqueret Cassonus, utque paternum amorem ostenderet erga dilectissimas Oves suas, quas ad rectum aeternae salutis tramitem traducere summopere optabat, decrevit Synodum Provincialem Suffraganeorum Antistitum in Bergomenſi Urbe colligere, cum illa tunc per Leodrisium Vicecomitem, ab Henrico Imperatore Vicarium constitutum, regeretur. Coacta est haec Synodus, III. Nonas Julias Anni MCCCXI., in Ecclesia Sancti Bartholomaei. In eo Concilio condita sunt XXXIV. Statuta, quibus indicta castigatio Clericorum vita, restitutus Ecclesiis cultus, vindicata denique fuit a Laicorum rapinis probrisque, bonorum ac personarum Deo addictarum immunitas. Quod tamen peculiari adnotatione dignum videtur, id est, colligi ex his Canonibus, quod intactus adhuc in nostra Metropoli Mediolanensi mos ille priscus vigeret, ut Regulares Familiae Ordinario jure Episcopis subjicerentur; Clariss. enim Thomassinus in aureo Opere *de antiqua, & nova Eccles. disciplina* Part. I. Libr. III. Cap. XXVIII. testimonia congerens ad hanc firmandam superiorum temporum praxim, non ultra Saeculum XIII. progreditur: At in Mediolanensi Provincia, subsequente etiam Saeculo illam perdurasse docet haec Synodus, in qua non modo de celebrando Conventuali Sacro, Divinis peragendis Officiis, honestoque habitu gerendo *in Regularium aequae ac Saecularium Collegialibus Ecclesiis*; de inviolato servando Monasteriorum, ac reliqui Cleri patrimonio praedictaeque, indiscriminatim statutis poenis decernitur; sed ea etiam indicuntur, quae interiorum Clauſtri disciplinam.

V u u

spe-

speſtant. Præcipitur enim peculiari rubricâ, ut *cuiuslibet Monasterii domûs, & Eccleſiæ Regularis Collegiate Prælatuſ* perſonaliter per ſeipſum, aut per alium cum ſuis Fratribus, & Conventuſ cum eo, & *qualibet Abbatiffa, Prioriffa, vel Miniſtra Loci Religioſi, ubi Abbatiffa non fuerit, cum ſuis Monialibuſ & Sororibuſ*, hiſ ad minus in ſeptimana, tempore *Quadrageſimæ & Adventuſ*, reliquo vtrò tempore ſaltem ſemel in hebdomada, pro culpiſ & exceſſibuſ Capituluſ in loco debito celebrare ſtudeant conventualiter. In Prælatoſ verò, ſeu Prælatoſ Provinciæ id negligenteſ, aut ſubditoſ contumaceſ, per Antiftitem vel ejuſ Curiam fore acriter procedendum jubet, atque interim voceſ eoruſ dormire declarat. Seriùſ itaque in Eccleſia noſtra inoleviſſe privilegia exemptioniſ Regulariuſ, cenſendum eſt. Edita fuit hæc Synoduſ primò Bergomi; ſed cùm rara admodum Exemplaria ejuſdem ad noſ pervenerint, ne omnino periret hoc nobile antiquitatis monumentum, neceſſariuſ duximuſ, eam inferre in cenſum Literariuſ alioruſ. Opuſculoruſ, deſumptam ex Mſto Codice Bibliothecæ Ambroſianæ, Tom. IX. *Rerum Italicaruſ*.

Hiſ peractiſ, quoniam ſervebant adhuc diſcordiæ Civileſ, tentantibuſ Turrianiſ ſeſe iterum in priſtinam fortunam, qua fruébantur in hac Metropoli, reſtituere, cogitationem Caſſionuſ ſibi in mentem induxit, faſceſ Archiepiſcopaliſ regiminis ad pedeſ Romani Pontificiſ deponendi. Neque in irrituſ vota ſua cecidère; nam Joanneſ XXII. Pontifex Maximuſ vacanti tunc Sedi Patriarchali Aquilejæ, raro dignationiſ exemplo, ipſum præfecit: Siquidem cùm jam ſuſ-

fragiſ

fragiis omnium Aquilejensium Electorum Gylo Archidiaconus ejusdem Ecclesiæ delectus fuisset Successor demortui Patriarchæ, nec aliud ad capiendam Sedis possessionem expectaretur, quam Pontificis Summi consensus, Joannes XXII., rejecto Gylone, Cassonum hoc honore donavit, Anno expirante MCCCXVII.

Auctus hac Dignitate Cassonus Præsul, Romam se contulit; sed cùm exacto plurium mensium curriculo, a Romana Curia decedens sese Florentiam contulisset, atque extra illius Urbis mœnia obequicaret, excussus ab equi dorso, infaustissimo lapsu mortem obiit Anno MCCCXIX., mense Augusti, quin Patriarchalem suam Sedem umquam attigerit; sepultusque est Florentiæ, in amplissima Sacra Æde Fratrum Minorum, postquam novem annos in Ecclesiæ Mediolanensis regiminè, inter carcerem, exilia, & ærummas exegisset; ab Anno nempe MCCCVIII., usque ad Annum MCCCXVII., quo Ambrosianam Insulam cum Aquilejensi commutavit.



AYCARDUS ANTIMIANUS.



Issus fuerat Legatus Avenionem Aycardus Antimianus a Camodea Patricius Novariensis, a Cassino Mediolanensi Archiepiscopo ad Joannem XXII. Pontificem Maximum, fortasse ut abdicationem suam a Mediolanensi Ecclesia eidem demississimè exhiberet; quemadmodum Pontifex ille consensu suo benignè ratam fecit, eaque receptâ statim Aycardum ipsum, virum doctrina ac probitate insignem, in ejusdem locum Archiepiscopum declaravit.

Pervulgatâ abdicationis samâ, quam a Sede Mediolanensi Cassonus Turrianus ad Summum Pontificem miserat, Primarius Mediolanensis Clerus collectis suffragiis Joannem Vicecomitem in Archiepiscopum sibi delegit. Verùm Joannes XXII. illo repudiato, constans in proposito fuit, atque Aycardum, ut diximus, Successorem dedit, eumque consecrari in Urbe Avenionensi curavit. Quam ob causam irati Vicecomites, nunquam illum excipere in hac Metropoli voverunt; atque interim Joannem memoratum Archiepiscopatûs Mediolanensis Œconomum & Conservatorem constituerunt, quemadmodum tradit Puticellus in *Dissertat. Nazarian.* Cap. CXVI. num. XIII.

Regularibus votis obstrictus erat Aycardus; sed cui Ordini, Minorum-ne, an Prædicatorum nomen suum dedisset, diu in tenebris latuit, cùm utriusque Alumni splendendum hoc

hoc decus sibi vindicare contenderent. Postremis hisce temporibus nitidam securamque sese prodidit veritas. Galvaneus Flamma Scriptor illius ætatis, & Dominicano Ordini adscriptus, in pergamenis suis MSis, nunc magna ex parte in lucem eductis, clarè testatum reliquit, Aycardum Archiepiscopum Franciscano Ordini vitam & libertatem suam consecravisse. Lazarus autem Augustinus Cotta, *Novariensis Musei* Auctor, ubi Aycardi memoriam inserit num. CLII, errorem eorum emendare contendit, qui longè ab ejusdem ætate scripserunt, atque in suæ fidei testimonium affert Lapidem Sepulcralem adhuc superstitem in Porticu Monasterii Sancti Francisci Novariæ, ad latus Portæ Sacrarum, in quo hæc leguntur: HIC JACET DOMINA CARAVERA UXOR D. UBERTI DE CACCIA &c. ET MATER DOMINI FR. AYCARDI ARCHIEPISCOPI MEDIOLANENSIS, ORDINIS FRATRUM MINORUM: QUÆ OBIIT ANNO MCCCXVI. Demum Wadingus in *Annalibus Ordinis Minorum* Tom. V. absque ulla hæsitacione Aycardum enumerat inter illustriores Vitos ac Præfules Seraphicæ Religionis. Extat apud ipsam Diploma, expeditum a Joanne XXII. Pontifice Maximo, quo Archipræfulem Mediolanensem instituit Aycardum; cujus exemplar placet huc transferre, cum vergat in plurimam hujus nostri Antistitis commendationem:

„ Joannes XXII. Servus Servorum Dei, Venerabili Fra-
 „ tri Aycardo Archiepiscopo Mediolanensi. Superni disposi-
 „ tione consilii, per quod in regno Mundi ordinationem,
 „ universa suscipiunt, supremæ Dignitatis speculâ, licet im-
 „ meriti præfidentes, super gregem Dominicum nostræ vigi-
 „ lantie

„ lantæ creditum , vigilis speculatoris officium exercemus ,
„ circa illa potissimum intentum animum dirigendo , curam-
„ que impendendo sollicitam , per quæ Divini cultûs aug-
„ mentum , exaltatio Catholicæ Fidei , & commoda salutis
„ proveniant animarum ; & ut hæc , Auctore Domino , sub-
„ sequi facilius , & efficacius provenire valeant , attentius
„ cogitamus , ut Ecclesiis , suis Pastoribus destitutis , Viros
„ præficiamus idoneos , per quorum prudentiam , scientiam ,
„ & doctrinam Ecclesiæ ipsæ salubriter & utiliter governa-
„ tæ , statu prospero floreat & accrescant . Sanè vacante
„ pridem Ecclesia Mediolanensi per translationem per nos
„ factam de Venerabili Fratre nostro Castono Patriarcha
„ Aquilejensi tunc Pastoris solatio destitutam ; Nos cupientes
„ regimini ejusdem Ecclesiæ Mediolanensis personam juxta cor
„ nostrum idoneam præsidere , per quam ipsa Ecclesia Me-
„ diolanensis posset salubriter & prosperè gubernari , provi-
„ sionem dictæ Mediolanensis Ecclesiæ , nostræ dispositioni ea
„ vice duximus specialiter reservandam , decernendo ex tunc
„ irritum & inane , si secus super hoc a quoquam , quavis
„ auctoritate , scienter vel ignoranter contingeret attentari ; ac
„ deinde super provisione hujusmodi cœpimus sollicitè cogi-
„ tare , & post deliberationem , quam de præficiendo ei-
„ dem Mediolanensi Ecclesiæ personam utilem ac etiam fru-
„ ctuosam , cum Fratribus nostris habuimus diligentem : De-
„ mum in Te Ordinis Fratrum Minorum professorem , in-
„ Sacerdotio constitutum , cui de Literarum scientia , vitæ
„ munditia , morum elegantia , discretionis maturitate , cir-
„ cumspeditionis industria , ac aliarum virtutum insignium do-
„ nis

„ nis tibi divinitus elargitis, fide digna testimonia suffra-
„ gantur, intuitum direximus nostræ mentis, ac de perso-
„ na tua nobis & eisdem Fratribus ob præmissorum tuorum
„ excellentiam meritorum accepta, de Fratrum ipsorum con-
„ filio & Apostolicæ plenitudine potestatis providimus Me-
„ diolanensi Ecclesiæ memoraræ, teque præfecimus ipsi Ec-
„ clesiæ in Archiepiscopum & Pastorem, curam & admini-
„ strationem ipsius tam in spiritualibus quàm in temporali-
„ bus plenariè committendo; & subsequenter munus conse-
„ crationis tibi per Venerabilem Fratrem Berengarium Epi-
„ scopum Portuensensem impendi, tibi que deinde Pallium, de
„ Corpore Beati Petri sumptum, plenitudinem videlicet Pon-
„ tificialis officii, a te cum ea qua decuit instantia postu-
„ latum, per dilectos Filios nostros Neapoleonem Sancti
„ Adriani, & Guillelmum Sancti Nicolai in Carcere Tul-
„ liano, Jacobum Sancti Georgii ad Velum aureum, &
„ Arnaldum Sanctæ Mariæ in Porticu Diaconos Cardinales
„ fecimus exhiberi, firmâ spe fiduciâque concepis, quod
„ præfatam Ecclesiam, velur Sponsam tibi divinitus copula-
„ tam sincerè diliges, circumspectè reges ac diriges, & in
„ statu prospero conservabis, Gregem Dominicum in ea tuæ
„ curæ commissum doctrinâ verbi, ac evidentî operis salu-
„ briter informando. Oneris igitur farcinam tibi in hac parte
„ impositam ferens humiliter, in exequendis cura & admini-
„ stratione hujusmodi sic te geras industrium, sollicitum, &
„ fidelem, quod prælibeat Ecclesia Sponso utili, & fructuo-
„ so administratori se copulatam gaudenter sentiat & com-
„ missam; tuque tamquam fidelis servus, & prudens villi-

„ cus

„cus dignam in extremo examine de villicatione tua possis
„reddere rationem, & nihilominus nostram atque Sedis
„Apostolicæ benedictionem & gratiam consequi uberius me-
„rearis, & post vitæ præsentis exilium, in dilecta Domi-
„ni tabernacula glorianter introëas, unâ cum beatis agmi-
„nibus, felicitatis æternæ gaudiis potiturus. Datum Avenio-
„ne IV. Calendas Octobris Pontificatus nostri anno secundo.

Parùm amicæ Aycardo Archiepiscopo fuere illorum tem-
porum vices. Sublatus erat intempestiva morte Henricus
Imperator, dum a Coronatione Romana discederet, sese
restituturus post peragratam iterum Italiam Germanicæ Imperii
Sedi. Matthæus Vicecomes institutus fuerat Vicarius Imper-
ialis in Langobardica regione, ac ceteris Italiæ Provinciis;
crepto autem e vivis Cæsare jus suum exercere prosequeretur.
Insurrexit Summus Pontifex Joannes XXII., qui sibi
deberi jus ac potestatem Vicarii Imperialis in Italia, Impe-
rio vacante asseribat; ac Matthæum sæpius admonuit, ne
aliena jura sibi usurpare contenderet. Renuit parère Viceco-
mes, plura in defensionem causæ suæ producens, quæ Cal-
chus fusè narrat. Cùm verò aliæ etiam criminationes ad
Apostolicam Sedem contra Matthæum delatæ fuissent, eidem
præcepit, ut Avenionem sese expurgaturus, statò die coram
Summo Pontifice accederet. Minus obtemperavit Pontificiis
mandatis Vicecomes: Quare indignatus Joannes XXII. non-
tam ob hanc inobedientiæ culpam, sed etiam quia hæresis
labe infectus esse a Catholicis tradebatur, ad Aycardum
Mediolanensem Archiepiscopum, qui obistente Matthæo pe-
dem inferre in hanc Metropolim numquam potuerat, tunc

au-

autem in Burgolii Oppido prope Alexandriam morabatur, Literas dedit, quibus præcepit, ut collectis in unum Præsidibus Patribus, contra hæreticam pravitatem ex instituto delictis, accurato examine expensis sceleribus atque hæresis delicto, quod Matthæo impingebatur, judicium proferret. Implevit mandata Pontificis Aycardus; utque major huic Confessui auctoritas adderetur, præter tres Inquisitioni Præfectos et proximis Urbibus evocatos, adfuit etiam, teste Calcho, Beltrandus Sanctæ Romanæ Ecclesiæ Cardinalis, Pontificius Legatus. Absolutis omnibus quæ sacrum hoc munus exigebat, monitoque etiam Matthæo, ut præscripto die sese venerando huic Congressui sisteret ad diluenda, si quæ per invidiam, aut calumniam contra ipsum delata fuissent, elapsoque ampliori etiam tempore, quin nec Avenionem ad Pontificem Maximum, nec Astam ad Legatum se conferret, imo armatis copiis circumire non dubitasset finitima Bergolio loca; Cardinalis Beltrandus ex alto pegmate, Decreta Summi Pontificis evulgavit, quibus Matthæum Sacris amovebat, eadem poenâ multatis etiam iis, qui opem aliquam ipsi præbuisent, aut cum eo communicassent. Legitur in Ughello series omnis instituti hujus examinis, & Sententiæ in Vicecomitem prolata. Quæ inde profecuta sunt, fusè narrat Tritanus Calchus *Historia Patriæ* Libr. XXII.

Mortuo Matthæo nondum patuit Aycardo ad Mediolanensem Sedem accessus; diutius namque post illum viguere factiones in hac Metropoli, quarum aliæ Imperio, aliæ Romanæ Ecclesiæ favebant, cui addictissimus erat Archiepiscopus noster. Galcatius, qui Matthæo Vicecomiti Patri in im-

perio successerat, acerbius etiam, quàm ante, arma expedit contra copias, quas ducebat Romanæ Ecclesiæ Legatus, quem Archipræsul Aycardus sequebatur: Inito autem confictu alternarum Partium in Modoëtiensi agro, victoria Pontificiis stetit, captumque est Oppidum ipsum Modoëtiæ; ac ibi Archiepiscopus noster Concionem habuit ad Sectatores Legati, ut eos hortaretur ad rem impigrè agendam pro Divinâ, Romanæque Ecclesiæ gloriâ. Ripamontius verba eadem Aycardi adnotavit Libr. VIII. *Hist. Eccles. Mediol.*, pag. DXXIII.; nisi fortè pro more ipsi familiari ea marte suo concinnaverit. Citò tamen inde excedere debuere Pontificii milites, quos Pars adversa in nova pugna fregit, coëgitque longiùs ab hisce finibus sese recipere.

Ad Placentinam Urbem confugisse Aycardum discimus ex Diplomate ibidem dato ad Moniales Sancti Apollinaris Mediolani, quibus, ut gratum animum suum ostenderet, fortasse ob assiduas sincerasque preces a Sacris iis Virginibus ad Deum effusas pro celeri ac pacato ejusdem in Archiepiscopalem suam Ecclesiam ingressu, spirituales thesauros est clarigatus. Extat hæc Charta in sæpiùs memorato Archivo prædictarum Monialium, his verbis concepta:

„ Frater Aycardus Dei & Apostolicæ Sedis gratia Sanctæ
 „ Mediolanensis Ecclesiæ Archiepiscopus. Religiosus in Christo
 „ Mulieribus Abbatissæ, Monialibus, & Conventui Monasterii
 „ Sancti Apollinaris Mediol., Ordinis Sanctæ Claræ, salutem
 „ & incrementa continuæ gratiæ salutaris. Clara vestræ religionis & honestatis merita, bonæque opinionis odorem,
 „ quo redolere noscimini attendentes, ac devotionem, quam
 „ ad

„ ad nos gerere demonstratis sinceræ caritatis , acceptantes ,
 „ dignum & congruum arbitramur , ut sinceritatem vestram
 „ specialis benevolentiæ gratitudine prosequentes , ac Deo ac-
 „ ceptabile non immeritò fore credentes , devotam nobis af-
 „ fectionem vestram specialium beneficiorum vicissitudinibus
 „ compensari , vos & vestrum Monasterium , prout corde
 „ concepimus , disponamus gratiis & honoribus , quantum
 „ nobis Deus concefferit , prævenire , vobisque illa quæ ad
 „ salutis profectum , ac devotionis etiam incentivum , ve-
 „ strique Monasterii commodum cedere dignoscuntur , beni-
 „ gniori animo largiamur . Hinc est , quòd nos volentes
 „ vestræ dilectionis sanctimoniam , juxta insinuationem vestri
 „ desiderii , prærogativâ spiritualis muneris prosequi & fove-
 „ re , tenore præsentium vobis universis & singulis , quotiens
 „ pro dicti vestri Ordinis seu Monasterii utilitate honestâ
 „ simul conveneritis , necnon quancumque Regula vestra
 „ tempore statuto seu consueto legetur , si Lectioni ejusdem
 „ interfueritis , & quotiens Missam in vestro Monasterio ce-
 „ lebrari feceritis , si præsentibus ipsi Missæ devotè permanse-
 „ ritis quousque ipsa fuerit finita , necnon singulis diebus ,
 „ quibus ad Horas Canonicas dicendas vel cantandas in Mo-
 „ nasterii vestri Ecclesia sive Oratorio vos congregabitis , &
 „ devotis mentibus , in Divinis Laudibus & Orationibus per-
 „ sistetis , ac etiam quancumque de Corpore communica-
 „ bitis Jesu Christi ; singulis etiam Christianis fidelibus , qui vobis
 „ & Monasterio vestro de bonis sibi a Deo collatis quicquam
 „ donaverint , vel legaverint , aut reliquerint in eorum ultima
 „ voluntate , vel in aliquibus vestris necessitatibus communibus

X x x

„ vobis

„ vobis manum porrexerint adjutricem, sive aliqua caritatis
 „ subsidia minitruerint, verè dumtaxat pœnitentibus & con-
 „ fessis, nos de Omnipotentis Dei misericordia, & Beato-
 „ rum Petri & Pauli Apostolorum ejus auctoritate, ac Beati
 „ Ambrosii Confessoris & Doctoris egregii, cui permissione
 „ Divina, licèt immeritò, succedimus in officio Pastoralis,
 „ meritis & intercessione confisi, quadraginta dies de injun-
 „ ctis pœnitentiis misericorditer in Domino relaxamus, dum-
 „ modo vobis, ut hujusmodi remissionis indulgentia suum in
 „ personis vestris fortiaur effectum, Superior vel Superiores
 „ vestri jurisdictionis in vobis auctoritatem habentes, duxerint
 „ indulgendum. In cujus rei testimonium præsentes L. teras,
 „ quas usque ad nostræ voluntatis beneplacitum volumus perdu-
 „ tare, nostri Sigilli fecimus appensione muniri. Datum Pla-
 „ centiæ, Anno a Nativitate Domini millesimo trecentesimo
 „ trigésimo quarto, Indictione secunda, die decimaquarta,
 „ mensis Maji.

Cum verò ingravescente semper acrius in ipsius repul-
 sam odio Vicecomitum, præclusam sibi viam omnem, ad ca-
 piendam Solii sui possessionem conspiceret Aycardus, Pla-
 centiâ, ubi hætenus moram duxerat, ad Urbem Alexandri-
 nam se contulit, atque in Cœnobio Fratrum Minorum do-
 micilium fixit. Constat hoc ex binis Epistolis, quas illinc
 Mediolanum direxit. Prima est *Lanfranco Mossesæ Præposito*
Ecclesiæ Sancti Ambrosii inscripta. Hospitale pauperum eri-
 gendum postremis tabulis mandaverat Civis quidam Medio-
 lanensis, sub Titulo *Sanctæ Catharinæ* Virginis & Martyris,
 prope *Pusteriam Fabricam*, quam modo *Pontem Fabrorum* nun-
 cupant.

cupant. Ut canonicâ auctoritate hoc erigeretur Hospitale, Curatores ad absentem Archiepiscopum preces dederunt; qui benignè annuit postulatis, reservato tamen sibi annuo censu *libræ unius ceræ, in signum subjectionis, Archiepiscopali mensæ in Festo Sancti Ambrosii persolvendæ*; atque eadem Epistola *data est Alexandria, in Domo Fratrum Minorum, Anno a Nativitate Domini MCCCXXXVII., Indictione quinta, die vigesimo sexto Martii.* Biennio post, alteram dedit ad Moniales Mediolanensis Cœnobii Sanctæ Mariæ in Valle, appellati *de Montano*, facultatem indulgens nonnulla prædia commutandi, quæ utiliora ipsis credebantur. *Data hæc etiam est Alexandria, in Domo Fratrum Minorum, Anno a Nativitate Domini MCCCXXXIX., Indictione septima, die decimonono mensis Aprilis.* Memorat has quoque Paricellus loco supra laudato.

Tandem post tot incommoda diuturni exilii affulsit auspiciatissima dies Aycardo, convolandi in sinum Ecclesiæ suæ Sponsæ, quam ne quidem de facie conspicere umquam potuerat. Quænam fuerit fausta occasio hujus felicissimi eventus, altius repetere oportet. Demandatum ipsi fuerat Anno MCCCXXII. (uti jam narravimus) a Summo Pontifice Joanne XXII. munus inquirendi unâ cum aliis Sacræ Inquisitionis Præsidibus in Acta Matthæi Vicecomitis, qui de hæresi aliisque gravissimis criminibus passim accusabatur; expletoque examine, in contumaciam prolata fuerat Sententia excommunicationis in eundem. Quoniam verò Filii etiam Magni Matthæi eadem hæresis lue infecti assererantur, alterum judicium instituit Aycardus simul cum iisdem Patribus, quibus collata

sue-

fuerat auctoritas inquirendi in pollutos hac labe : Cùmque vocati ad hunc Conventum Luchinus præsertim & Joannes Vicecomites fuissent , ac renuissent illuc accedere , tamquam contumaces sacris execrationibus perculsi fuere , atque a Fidelium communione prorsus semoti . Non tulerunt pacato animo hoc novum infamiæ dedecus Fratres memorati ; sed ad Tribunal Benedicti XII. , qui demortuo Joanni XXII. in supremo Pontificatu successerat , querelas suas detulere ; iustique coram ipse expositis causis , quare tum Pater Matthæus , tum ipsi abstinuissent a præstanda obedientia Patribus collectis in Oppido Bergolii , Pontifex Summus accuratè discussis eorumdem rationibus per nonnullos Sanctæ Romanæ Ecclesiæ Cardinales , ac deinde relatâ hac Causa in pleno Consistorio , omnium Cardinalium consensu , collectisque suffragiis , quæcumque contra Luchinum & Joannem , ab Aycardo Archiepiscopo ceterisque ejus Sociis peracta fuerant , Apostolica auctoritate nulla & irrita declaravit , Literasque hac de re Avenione expedit , quibus eosdem Fratres ab omni Ecclesiastica censura absolvebat . Eas e Regesto Vaticano desumptas recitat Ughellus in Vita Joannis II. Archiepiscopi .

Reconciliatis itaque Ecclesiæ Romanæ , etiam per Catholicæ Fidei professionem , Luchino & Joanne Vicecomitibus , sublatus est omnis obex , quo arcebatur Aycardus ab adventu in Mediolanensem Metropolim . Anno igitur MCCCXXXIX. , die IV. Julii profectus est Archiepiscopus ab antiquo suo Domicilio , ut Sedem Ambrosianam reciperet . Galvaneus Flamma , qui præsens erat , testis est sollemnis ingressus Aycardi Mediolanum , inquires in Opusculo *De vita*

Azo-

Azonis Vicecomitis, edito Tom. XII. *Rerum Italicarum*; *Frater Aycardus*, *Archiepiscopus Mediolanensis*, *transactis* sui *Archiepiscopatus* annis XXI., *primò* suam *Sedem* *visitavit*, & cum *mirabili* *honore* *receptus* *fuit*. Quinimo narrat *diffidium* tunc *exortum* inter *Nobiles Advocatos* (nunc *Avogadros*) & *Confanoneros*, *quis* *eorum* *equum* *Archiepiscopi* *deducere* *debuisset*, *eoque* *donari*; & *hanc* *interim* *controversiam* *compositam* *fuisse* *ait* a *Joanne Vicecomite* *in* *hunc* *modum*, *ut* *videlicet* *Advocati* *hunc* *deducerent* *per* *frænum* *usque* *ad* *Ecclesiam* *Majorem*; *inde* *usque* *ad* *Santum* *Ambrosium* *conducerent* *Confanonerii*, & *equus* *Archiepiscopi* *pendente* *questione* *deponeretur*, *donec* *juridicè*, *ad* *quos* *spectaret*, *desiniretur*. Hinc *autem* *dilucidè* *patet*, *quàm* *falsò* *retulerint* *Bernardinus* *Corius*, *Morigia*, & *Ripamontius*, *Joannem* *Vicecomitem* *cum* *Aycardo* *pactionem* *iniisse*, *ut* *iste* *in* *Novariensem* *Sedem*, *ille* *in* *Mediolanensem* *concederet*, *approbante* *Summo* *Pontifice* *Joanne* *XXII.*, *statutà* *pensione* *mille* *Florenorum*, *quotannis* *Aycardo* *perfolvenda*. *Ansam* *huic* *fabulæ* *ambabus* *manibus* *excipiendæ*, *atque* *in* *Historias* *suas* *inferendæ* a *memoratis* *Scriptoribus*, *fortassè* *dedit* *administratio* *patrimonii* *Ecclesiastici* *Mensæ* *Archiepiscopalis*, *quam* *etiam* *Joannes* *XXII.* *ratam* *habuerat*, *hac* *adjecta* *conditione* *subsidii* *præstandi* *annuatim* *mille* & *quinquecentum* *Florenorum* a *Joanne* *Vicecomite* *exuli* *Aycardo*, *teste* *Galvaneo* *Flamma*, *loco* *laudato*; *adèdque*, *nullo* *habito* *examine*, *memorum* *Episcopatum* *commutationis* *Commentum* *Mediolanenses* *enunciati* *Scriptores* *sibi* *effinxere*.

Fautis longævæ ducendæ vitæ omnibus inter festivas vo-

ces

ces a Mediolanensi populo editis, votisque juvandæ Ecclesiæ suæ ab Archiepiscopo conceptis, censerî poterat, tamdiu exulem Aycardum, per diuturnum adhuc ævum, reparaturum fore morum corruptelas, quæ irreperant in Ecclesiasticam disciplinam. Verùm incassum hæc omnia cecidère; siquidem vix elapsis diebus sex ultra mensem ab Archiepiscopi ingressu, repentinus morbus spem omnem, ac vitam Aycardi præcidit, cùm die X. sequentis Augusti decesserit, post annos XXII. regiminis, sepultus in Ecclesia Fratrum Minorum Sancti Francisci. Quocirca in assignando anno mortis Aycardi non satis cautè processit Ughellus, qui dubius hæsit, an Ripamontio crederet figenti mortem Anno MCCCXLI., an aliis, qui Annum MCCCXXXIX. statuunt, cùm certo certiùs constet ex cœvo & præsentî teste Galvaneo, Aycardum isto verè anno obiisse. Imo idem Galvaneus subjungit, a XCIX. annis retrò neminem alium ex Archiepiscopis nostris intra mœnia hujus Metropolis interiisse. Multò absurdùs erravit Ricciolius Historiæ nostræ parùm gnarus, qui in *Chronologia reformatâ* Aycardi mortem tradidit Romæ contigiisse, eumque in Aræceli Templo fuisse tumulatum: Id autem adnotare voluimus, ne Auctor iste, apud Exteros notus, incautos decipiat.



JOAN-

JOANNES II. VICECOMES.



LN Collegium Canonicorum Ordinariorum Basilicæ Metropolitanæ Mediolanensis primò adoptatus est Joannes Matthæi Magni Vicecomitis filius, dein ad sublimiorem gradum in Ecclesia Romana promotus fuit; sed non modicâ propriæ famæ jacturâ, imo cum magno nominis sui pudore, ut mox dicemus. Res ita se habuit. Mortuo Henrico VII. Imperatore, duo. ex primariis Germaniæ Principibus, Federicus Austriæ, & Ludovicus Bavarie Duces de Imperio contendebant; cûnque moto invicem bello, in cruentissima pugna fractus fuisset Federici exercitus, atque ipse etiam captus in manus Ludovici Bavori concessisset, pacta inita fuere ad eum in libertatem asserendum, quibus qbstringebatur Federicus ad moram in Germania trahendam illustri aliquo titulo; Ludovico autem remaneret jus omne Imperii in Italia exercendum, illamque adeundi (quæ tamen rescissâ postmodum a Summo Pontifice fuerunt.) Itaque in Italicas oras descendit Ludovicus; cûmque ad Joannem XXII. Pontificem Maximum preces dedisset, ut ejusdem electioni assensum præberet, illo prorsus renuente, in detestandam rebellionem ab obelientia Sedis Apostolicæ prolapsus fuit, ac Mediolanum versûs iter diverit, ut Ferreâ Coronâ redimiretur, & Regnum Italicum obtineret, Anno MCCCXXVII Primo autem die Junii (ut scribit Bernardinus Corius) solemnî pompâ in Æde Sancti Ambrosii,

Yyy

brofii,

broſi, ubi hoſpitabatur, per duos Epiſcopos Regienſem, & Brixienſem, ferreum Sertum recepit. Subinde verò Romam perrexir, atque illuc delatus, infami auſu alium Summum Pontificem induxit in Beati Petri Sedem, Petrum nempe de Corbaria, Ordinis Minorum, diē XII. Maji Anni MCCC-XXVIII., ſub nomine Nicolai V., ipſumque Ludovicus publicè approbavit, & coluit. Statim ac monſtrum hoc in Pontificio Solio conſedit, circumſtantes ſibi larvas Cardinalium adſcivit, ut glorioſius regnaret, ſeptemque in hoc ſictitium Collegium adoptavit, quos enumerat Pagius junior in *Breviario Romanor. Pontificum*. Romā excedens Ludovicus, ut in Germaniam rediret, ſecum duxit Iddolum ſuum Nicolaum Pſeudo-Pontificem; cūque Piſis moraretur, atque inde in Langobardiam proſecturus brevi eſſet, Vicecomites Mediolanenſes, a quibus meditabatur exigere LX. mille aureos nummos, Piſas accivit, petiitque a Nicolao, ut purpureo Galezo Joannem Vicecomitem decoraret, ac facillimè obtinuit, quemadmodum Corius ad Annum MCCCXXIX. teſtatur. Quinimo Pſeudo ille Pontifex Legatum in Langobardia eum declaravit in Conſitorio Piſis habito die XX. Januarii; Ludovicus verò Aſcium Vicecomitem, Mediolani Principem, Vicariam Imperialem inſtituit, ut eos ſibi arctiùs devinciret. Parum tamen profecit: Accedens namque Modoetiam, inde reſuſus eſt, jubentibus Mediolanenſis Urbis Reſtoribus; quod etiam multò magis iidem peregrè, cū Mediolanum ingredi tentaret. Quapropter irā exaſtuans Ludovicus, noſtram Metropolim obſidione cinxit; ſed fruſtra, coactus recedere, contentus ab omnibus.

Joan-

Joannes XXII. Summus Pontifex accepto nuncio, quòd Aëtius Vicecomes & Mediolanenses, clavis postibus Civitatis, Ludovicum Bavarum longè propulsaissent, conceptam animo indignationem sedavit, atque in amicitiam cum Civibus nostris rediit, eosque absolvit a Censuris & Interdicto, quo fuerant irretiti; Joannem verò Vicecomitem, adductum ad deponendum ad pedes legitimi universæ Ecclesiæ Pastoris Cardinalitium amictum, abstersâ ab ipso turpi hac maculâ, Novariensi Sede, mortuo Antistite tunc vacuâ, benignè donavit eodem Anno MCCCXXIX.

Ingressus Novariam Joannes, oculos statim convertit in Cazinum de Torniellis, qui eidem Urbi tyrannicè dominabatur, eumque captum carceri mancipavit. Id autem gratissimum fuit Joanni XXII. Summo Hierarchæ, ut refert Galvanus Flamma in *Vita Azonis Vicecomitis*, impressâ Tom. XII. *Scriptor. Italia*, inquit: *Joannes Papa, audito quòd Cazinus de Torniellis, hostis Ecclesiæ publicus, esset captus, & quòd Civitas inciperet obedire Ecclesiæ, multum exultavit, & Joannem Episcopum Novariensem, instituit Conservatorem Archiepiscopatus Mediolanensis* (exulante Aycardo Archiepiscopo), *ut in temporalibus esset Dominus Archiepiscopatus* &c. Animum subinde adjecit Præsul Vicecomes ad illius Urbis munimenta extruenda, ne Cives Novarienses injuriis atque incurSIONIBUS Adversariorum patèrent: Quamobrem Castrum erexit, & jura Ecclesiæ diu conculcata instantavit. Imo Ecclesiam ipsam, quam destructam invénit, propriis opibus magnificè refecit, teste eodem Flamma.

Quandoquidem verò non uni tantum Ecclesiæ Novariensi

Yyy 2

addi-

addictus a Pontifice Maximo erat Joannes, sed etiam Metropolitanæ Mediolanensis Conservator declaratus fuerat, magnificentiâ quam a principe Stirpe hauserat, nobilia in hac ipsâ Metropoli vestigia imprimere, ac ad posteros transmittere voluit. Siquidem Archiepiscopales Ædes Aulasque senio penè confectas de novo reedificavit, atque insuper duo Palatia invicem se respicientia, in modum Claustrî quadrati in eadem Curia Archiepiscopali construxit, ut docet Lapis, Vicecomitum Insignia exprimens, adhuc superstes in latere Septentrionali Canonice Metropolitanæ, quam Sanctus Carolus Borromeus ibidem postmodum maximis sumptibus, ad commodum Ordinariorum Domicilium, excitavit adornavitque.

Quoniam autem custodiæ patrimonii Ecclesiastici Archiepiscopalis Mensæ Joannes Vicecomes onus gerebat, jura Ecclesiæ Ambrosianæ, quæ in alienos census injustè cesserant, & redditus quos aut bellorum iniquitas consumpserat, aut avaritia rapuerat, pristinæ integritati restituit, atque amplificavit. Quinimo in Ditione Mediolanensi Aulas, Ædes, & Palatia, magnificentiam & commodum referentia, condidit; quemadmodum testatur Flamma loco laudato, iis temporibus non tam æqualis, quàm præsens.

Ex hac vita decesserat improlis Actius Vicecomes Anno MCCCXXXIX., in quem, post Mathæum Magnum, ejusdem Avum, confluxerat universum Mediolanense imperium. Quocirca, consensu omnium qui Civitatis regimini assidebant Populique totius, delecti fuere in Dominos Joannes Vicecomes, ac Luchinus Fratres, & Actii Patruî. Potiti hac plena dominatione Vicecomites Fratres, ad Summum Pontificem Benedi-

dictum XII. obsequia sua, & submissæ obedientiæ testimonia direxere; eaque adeò grata fuerunt Christi Vicario, ut Privilegia illa, quæ Ughellus ex Codicibus Vaticanis retulit in Vita Joannis, benignissimè indulsit, nosque etiam a Galvaneo Flamma narrata videmus, in Opusculo superius memorato.

Institutus jam fuerat Festus dies Sacratissimi Corporis Christi ab Urbano IV. Pontifice Maximo, Anno MCCLX., Joannes autem XXII., adjectâ etiam solemnî Supplicatione, omnibus Occidentis Ecclesiis, ac Studiis Universitatum eandem Festivitatem indixerat. Obtemperare huic Decreto minimè potuit Ecclesia Mediolanensis, cum Metropolis ista ferventibus Civilibus simultatibus, ac ubique debaccantibus Guelphis & Gibellinis factionibus, in partes scinderetur, atque ob Vicecomitum contra Apostolicam Sedem contumaciam Interdicto jamdiu subjaceret. Exsoluta tandem fuit a Joanne XXII. hæc censurarum vinculis Civitas nostra, & Stirps Vicecomitum, ut superius narravimus. Itaque Joannes Vicecomes Novariensis Episcopus, ut reverentiam suam erga Apostolica mandata manifestius ostenderet, hanc Celebritatem in Metropoli nostra primus instituit Anno MCCCXXXVI. Galvaneus Flamma in eadem *Azonis Vita*, sacram omnem pompam, qua Supplicationem hanc peregit Joannes, fidei calamo descripsit, nostrisque oculis relegendam conservavit, his ferme verbis: *Joannes Episcopus Novariensis, ac Ecclesiæ Mediolanensis Conservator, attendens Dei beneficia, sacra Vicecomitibus, Festum de Corpore Christi celebrari ordinavit.* Accito autem altero Episcopo, Pontificalibus indumentis ornato, sacram Pixidem ab ipso

ipso deferri jussit a Metropolitano Templo ad Ambrosianam Basilicam, micantibus per compita copiosissimis cereis facibus, viisque stipatis ultra centies millies Civibus Exterisque. Cum proxima esset Supplicatio Sancti Ambrosii Cœnobio, Joannes Vicecomes Pontificiis Insigniis decoratus, Corpus Christi de manu Episcopi excepit, Ambrosianam Basilicam adiit, atque ibidem in Ara Maxima illud deposuit. Expletis inde omnibus caeremoniis, quas Ritus noster præscribit in tanti Mysteriorum obsequium cultumque, iterum alterius Episcopi manibus sacram Pixidem tradidit, ad Majus Templum referendam, comitantibus Actio Civitatis Domino, ac primoribus omnibus Urbis Rectoribus, aliisque illustrioris sanguinis Viris.

Celebris est apud Metropolis hujus Cives pugna, conferta cum copiis Leodrisii Vicecomitis, rebelli animo tentantis imperium Mediolanense sibi usurpare, & Victoria inde relata, patrocinio Sancti Ambrosii, qui apparuisse dicitur equo insidens, & scuticam manu gerens, dum prælium ferveret apud Oppidum Parabiagum, illaque inimicos contundens, ac in præcipitem fugam conjiciens, ut Galvaneus Flamma testatur loco memorato. Ob insignem hunc triumphum, inter cetera quæ de-revit Civitas nostra, Actio Vicecomite ejusdem Domino, in gratiarum actionem Deo & Sancto Patrono, illud fuit, ut Templum Sancto Ambrosio dicarum in eodem Parabiagi Oppido erigeretur, tamquam perpetuum grati animi Civitatis universæ testimonium. Primum hujus Templi lapidem posuit Joannes Vicecomes Episcopus Novariensis, Luchini Frater & Actii Patruus. Adjectum est etiam eidem publico ære Cœnobium Monachorum Caravallis, Ordinis Cisterciensium,

ut

ut religiosius coleretur; quemadmodum in hodiernum usque diem perseverat ibidem hoc Institutum, in Divinis Officiis diu nocturne persolvendis, summo cum populi illius proven-
tu atque exemplo.

Statim ac autem, ut diximus, constituti fuere post Aetii obitum, plenis Civitatis nostræ suffragiis, Mediolani Domini Luchinus & Joannes Vicecomites, ad moderandos opportu-
nis Legibus mores Civium curam sollicitam impenderunt. Re-
fert illas memoratus Flamma loco sæpè laudato. Recenferi
hic meretur ea, quæ his verbis concepta est: *Sub magna
pena fuit Medicis impositum, ut ultra tres vices non visi-
tarent, nisi Infirmus prius fuisset confessus.* Eandem pro uni-
versæ Ecclesiæ bono renovavit Sanctus Pontifex Pius V.,
statuens, ne Medicis liceret accedere ad curandos Infirmos,
nisi intra tres dies sacræ Exomologesi ægroti animam suam
expiaissent.

Oberat, quemadmodum superiùs retulimus, Anno MCCC-
XXXIX. Aycardus Archiepiscopus: Quamobrem collectus pri-
marius Basilicæ Metropolitanæ Clerus communibus suffragiis
Joannem Vicecomitem, in Successorem iterum delegit. Diu
tamen in suspenso hæsit hujusmodi electio, ut expectaretur
Summi Pontificis consensus & approbatio. Siquidem cum
ille variis distentus foret negotiis Ecclesiæ universæ, nondum
a Ludovici Bavaræ perturbationibus exemptus; atque insuper
festina mors Benedictum XII. rapuisset e terris Anno MCCC-
XLII., & intra mensem successit fuisset in Beati Petri Ca-
thedram Clemens VI., ad ipsum deferendæ fuerunt preces,
ut vacua Mediolanensis Sedes, consentiente Summo Pontifice

im-

imp̄eretur. Benignè annuit Clemens, ac designatum Joannem Vicecomitem voto suo confirmavit die VI. Augusti, ejusdem anni. Quinimo Archiepiscopale Pallium ad eundem misit, delectis duobus Episcopis Camano & Cremonensi, qui illud solemnī pompa novo Antistiti Mediolanensi conferrent: Joannes verò Archiepiscopus, capta Ecclesiæ suæ possessione Festo die Nativitatis Beatissimæ Virginis, VIII. Septembris, ad diem XVI. Octobris distulit recipiendi Pallii publicam in Ecclesia Majori Celebritatem. Postmodum autem die XX. ejusdem mensis, qui in Dominicam incidebat, qua Dedicationis Metropolitanæ Basilicæ memoria agebatur, solemnem Supplicationem instituit ad Templum Sancti Ambrosii; eaque peracta est, utroque Clero præeunte, tribusque Episcopis comitantibus, ac eodem Archiepiscopo Pallium Pontificalibus indumentis supereminens gestante, atque equo insidente, quem stipabat non tam Nobilium Civium, verum etiam Exterorum Procerum caterva, quorum mille in equis procedentes numerati fuere, Galvaneo Flamma testante.

Constitutus in Archiepiscopali Sede Joannes religionem eximiam erga Deum, & amorem erga pauperes, quem antea in Administratoris munere ostenderat, splendidius patefecit. Siquidem, cum nondum Pastoralī Ambrosianæ Ecclesiæ virgā insignitus, ingravescēte semel fame, usque ad XL. millia pauperum aluisset publici ærarii Dominus, hanc consuetudinem renovare voluit Mediolanensi Insulā decoratus; narrat enim laudatus Flamma, in Archiepiscopalibus Ædibus, LX. pauperibus cibos quotidie ab ipso fuisse subministratos; quin etiam elemosynarum copiam in eorundem indigentia suble-

van-

vanda, incredibili largitate Joannem præstitisse; Ecclesias verò, quæ fatiscebant per hanc Metropolim, refecisse. Expurgare quoque contendit ab Hæreticorum lue Diœcesim, eos ubicumque degerent validè infectatus; sique caperentur, per Judices curans, ut meritis supplicii multarentur. Divinis autem Officiis celebrandis, magnâ pii animi significatione incumbebat. Ambrosiani quoque Ritûs singularem custodiam egit: Cùm enim a Caravallis Monachis in ejus Diœcesi commorantibus rogaretur, ut Romano Ritu Divina Officia & Sacra peragendi facultatem iisdem impertiretur, annuit quidem ob justas allatas causas, verùm conditiones adjecit, ut nempe ad Missas tantùm privatas concessa potestas extenderetur, eaque ad placitum ipsius revocari posset. Subjicimus hic Exemplar ipsum hujusmodi concessionis, ex MStis Miscellaneis Jo. Petri Puricelli, in Bibliotheca Ambrosiana servatis exscriptum:

„ Joannes Dei & Apostolicæ Sedis gratia Sanctæ Mediolanensis Ecclesiæ Archiepiscopus; Religiosis Viris in Christo sibi dilectis Abbati, Monachis, & Conventui Monasterii Caravallis, Mediolanensis Diœcesis, Ordinis Cisterciensis salutem & incrementa gratiæ salutatis. Exigentibus virtutum vestrarum meritis, votis vestris libenter annuimus, & petitiones vestras, quantum cum Deo possumus, favorabiliter exaudimus. Cùm itaque, sicut exhibita nobis vestra petitio continebat, in mansione Monasterii vestri, sita Mediolani, & in nonnullis Grantiis & mansionibus Monasterii vestri, in nostra Mediolanensi Diœcesi constitutis, quandoque Missam vos deceat, congruat, & expediat ce-

Zzz

„ le-

„lebrare, & vobis Officio Romano secundum vestrum Or-
„dinem assuetis, & ignorantibus Officium Ambrosianum, a
„prædicto Romano Officio in multis variis, discrepans,
„& diversum, quod Ecclesia Mediolanensis observat in Ho-
„ris Canonicis, & Missarum solemnibus celebrandis, multis
„cedat difficile, causa celebrandi in dictis mansionibus &
„Grantiis servare, imo verius addiscere in hujusmodi Di-
„vinis Officiis atque Missis modum & ordinem Mediola-
„nensis Ecclesiæ sponsæ nostræ, & dimittere modum & or-
„dinem Romanæ Curæ, quos a teneris annis vestris secuti
„fuisistis, & sequi necessario vos oportet, cum juxta Supe-
„riorum vestrorum dispositionem etiam extra nostram Me-
„diolanensem Provinciam sæpe de Conventu transferamini ad
„Conventum, & alii ad vestrum transferantur Conventum,
„& removeantur ab eo: Nos vestris supplicationibus beni-
„gnum impartientes assensum, vobis in dictis vestris man-
„sionibus & Grantiis Canonicas Horas dicendi, & celebra-
„di Missam privatè, juxta modum & ordinem Romanæ Cu-
„ræ, & vestri Ordinis superscripti, licentiam usque ad no-
„strum beneplacitum duraturam, concedimus per præsentem
„nostri sigilli munimine roboratas. Datum Mediolani Anno
„MCCCXLII., die quintodecimo Decembris, Indictione un-
„decima.

Decretum insuper evulgavit circa honestatem & mode-
stiam vestrum Clericorum, ut dignitatem officii sui publico
exemplo testarentur, ultimo Aprilis die, Anni MCCCLII.
expeditum. Sequenti verò anno tribus Sacerdotiis auxit Sa-
cellum Sanctæ Agnetis in Templo Maximo, assignatis an-
nui

nuis redditibus, ut delecti Mystæ Sacra quotidie celebrarent. Hinc dilucidè patet, quàm falsò, nec sine aliqua imprudentiæ nota, Galefinius in *Tabula Mediolanensium Antistitum*, adnotatum reliquerit, Joannem hunc Vicecomitem *bellica potius laude, quam Ecclesiasticæ disciplina nomine fuisse illustrem*; cùm bella quidem gesserit, utpote in Republica Mediolanensi Princeps ac Dominus, cujus quieti conservandæ opus illi erat gladium exerere; sed minimè Pastoralis muneris suo defuerit, ut hætenus adnotavimus.

Ambitione tamen non modicâ amplificandi imperii sui inflatum ac contaminatum eum fuisse, fateri candidè cogimur, cùm plures sparsim per Italiam Urbes per vim sibi subjugaverit, & Anno MCCCCL. ipsam etiam Bononiam, quæ Summo Pontifici tunc parebat, invaserit. Ob violentum hoc Joannis Vicecomitis facinus, ad indignationem commotus Clemens VI. Pontifex Maximus sacrum telum armavit, Interdicto subjiciens non tam Urbem Mediolanensem, sed etiam Terras omnes juris Vicecomitum. Ino ipsum Joannem Avinionem accivit, ut coram Summo Pontifice sese suiteret, quemadmodum refert Jovius, in ejusdem *Joannis Vicecomitis Vita*, subjungens, paruisse quidem in speciem Archiepiscopum nostrum; verùm ad ostentandam virium suarum amplitudinem, Aulæque suæ magnificentiam, præmisisse antesignanos quosdam Ministros, qui victualia omnia in Apothecis venalia quovis pretio cogerent, & ampliores omnes Domos profuso ære per annum condacerent; cùmque Cives incicii hujus eventus de ciborum penuria querecerent, admonitum Pontificem Clementem quævisse; undenam orta esset tanta

publicæ annonæ tenuitas, eique responsum fuisse, alimenta omnia, quæ usui Civium prostabant, empta esse a Ministris Archiepiscopi Mediolanensis, qui cum septem millibus equitum, ac totidem peditum Avenionem adibat; eoque audito Pontificem misisse ad eundem, qui illum a reliquo itinere, Pontificio nomine absolveret, juberetque Mediolanum redire; Joannem verò Ministris suis præcepisse, ut quicquid coemptum erat, in eleemosynam partirentur. Hujus facti, cujus nulla in vetustis Coævorum scriptis mentio occurrit, cum scænicum potius Inventum, quàm Historiam redoleat, fides sit penes Jovium. Quoniam autem recentes Mediolanensium rerum Scriptores, inter quos Bernardinus Corius & Ripamontius, ampliori etiam verborum apparatu Factum hoc enarrant ad Annum MCCCCL, inexploratis eorundem fundamentis, nos antiquo omni testimonio quo fulciatur, destitutum illud animadvertentes, nutare plurimum dicimus ac profitemur. Id certò novimus, per biennium viguisse hanc controversiam, donec missis Mediolano Avenionem Legatis pro pace, composita cum Summo Pontifice res est, ut a Legato Abbate Massiliensi, misso Bononiam (qui postea Urbanus V. fuit) claves Urbis illius, in ejusdem manibus depositas, Joannes iterum reciperet, & nomine Ecclesiæ Romanæ Bononiam regeret, soluto quotannis Censu XII. mille Florenorum Summo Pontifici: Atque ita Censuræ omnes abolitæ fuere, & Sacrorum usus restitutus est huic Metropoli Anno MCCCCLII., quemadmodum Joannes de Cornazano coævus refert in *Historia Parmensi*, edita Tom. XII. *Rerum Italicarum*.

Nihilominus commendationem plurimam meretur Archiepiscopus

præful iste, ob propensum in res Sacras studium, quo semper effulsit. Notum est, à Theodolinda Langobardorum Regina institutam fuisse Modoëtiensem Basilicam, atque ab eadem pretiosissimis donariis esse locupletatam. Varias vices passus est hic Thesaurus, foeneratoribus primùm ob graves bellorum expensas commissus in pignus, dein defossâ tellure sepultus ob metum rapinarum, denique Avenionem delatus, oblatuſque dono Joanni XXII. Pontifici Maximo, quem cùm respuisset Summus ille Hierarcha, atque jussisset, ut ad Ecclesiam Modoëtiensem reportaretur, Joannes Vicecomes eodem accepto, Anno MCCCXLV. Modoëtiam petiit, ibique super Altare Sancti Joannis Baptiſtæ Thesaurum omnem deposuit, consecitque publicis Tabulis, Archipresbytero & Canonicis illius Basilicæ eundem tradidit custodiendum; atque insuper, ut religiosum animum erga hunc Sanctum Patronum suum ostenderet, Calicem magni ponderis & pretii, crystallinas amulas, & incensi capsulam pariter crystallinam, auro fulgentes dono dedit die XX Martii, ejusdem Anni. Narrat hæc fusè Bonincontrus Morigia in *Chronico Modoëtensi*, Libr. IV. Cap. IX., edito inter *Scriptores Italiae* Tom. XII. supradicto.

Neque minoris religionis Opus, fuit Translatio Corporis Sancti Petri Martyris, Ordinis Prædicatorum, quam solemnî pompâ apparatuque peregit Joannes Vicecomes in Basilicâ Eustorgiana Mediolani, ab antiquo Sepulcro, in quo LXXXVII. annis jacuerat, in Urnam candidi marmoris affabrè sculptam, miræque pulchritudinis; spectante ac Deum collaudante innumerâ populi multitudine, cùm inventum fuerit Ca-

pnt,

put, barbâ & crinibus adhuc circumseptum, intactisque ceteris Corporis membris. Adfuere huic Celebritati condecorandæ sex Episcopi, ac Primores Ordinis Prædicatorum Minorum, Patresque, qui per id tempus ad generalia Comitia Mediolanum convenerant. Perstitit marmorea hæc Urna octo columellis fulcita, e lateribus illius Templi usque ad nostram ætatem, qua delata est in aliud interius Sacellum magnificè exornatum, ad commodiorem cultum Civium, ubi etiam in argentea theca servatur Caput, adhuc vulnus tolerati Martyrii ostentans, venerationi simul atque admirationi confluentium Christianissimorum expositum. Primævam Translationem a Vicecomite peractam fusiùs describit memoratus Flammarion, ejusdem Ordinis Prædicatorum Scriptor, loco sæpiùs indicato.

Nobilius, & in ævum omne perennaturum monumentum religiosissimi obsequii amorisque, quo erga Deum, Deiparam Virginem, & Sanctos Cœlites hujus Archiepiscopi animus succendebatur, est Chartusia, ab ipso condita, tertio ab hac Metropoli lapide, ad Vicum Carignanum. Floret adhuc Cœnobium istud, odoremque purioris sanctimonie undique spargit, cum Eremiticæ plures ibidem degentes in solitariis hospitoliis, longè ab hominum consortio angelicam vitam ducant, eorumque conversatio in Cœlis sit. Templum quoque eidem adjacens regio pene sumptu construxit, ad Chartusianos ritus omnimodè accommodatum, mirique artificii ornamentis intus forisque refulgens, adeò ut confluentium omnium oculos in sui contemplationem rapiat; præsertim cum postmodum recentiori ætate auctum sit pretiosissimis Danielis Crispi picturis, quæ vivas propemodum Sanctorum imagines referunt.

Cre-

Crevit hujus Cœnobii fama tantâ integerrimæ vitæ exultatione, ut, cùm Joannes Galeatus Vicecomes, istius Antistitis ex Fratre Pronepos, magnificentissimo opere alteram Chartusiam in agro Ticinensi a fundamentis creverit, ex hoc Cœnobitico Cœtu Alcetas eos delegerit, qui prima Chartusianæ integerrimæ Professionis rudimenta venientes Sancti Brunonis alumnos illic edocerent. Ne autem aliquando rei domesticæ penuriâ laborarent inclusi Cellulis Carignanæ Domûs fideles isti Dei Servi, Archiepiscopus Vicecomes amplâ dote e patrimonio suo detractâ, atque in perpetuum iisdem assignatâ tum ad vitam alendam, tum ad Templi cultum quovis tempore conservandum, abundè illos locupletavit.

Peculiari memoriâ dignus est modus, quo amplissimam hanc Dotem publicis Tabulis consignavit Antistes noster; depositis namque omnibus imperii Mediolanensis, atque Archiepiscopalis Dignitatis, quibus ille ornabatur, Insigniis, ante Vicarii sui Generalis pro tribunali sedentis conspectum se constituit, tamquam privata persona, donationem inter vivos rerum omnium, quæ longo ordine enumerantur in confecto Diplomate, favore Chartusiensis Cœnobii peragens Anno MCCCXLIX., memorati Vicarii sui auctoritate firmandam. Præstat initium prædicti Diplomatis, ex Archivo ejusdem Chartusie depromptum, hoc loco referre:

„ In Nomine Domini. Anno a Nativitate ejusdem mil-
 „ lesimo trecentesimo quadragésimo nono, Indictione tertia,
 „ die Sabbati decimonono mensis Septembris. Reverendissimus
 „ in Christo Pater & Dominus, Dominus Johannes Viceco-
 „ mes Dei gratia Sanctæ Mediolanensis Ecclesiæ Archiepisco-
 „ pus,

„pus, ac Civitatum Mediolani &c., Dominus Generalis,
„filius quondam bone memorie Magnifici & Excellentis Do-
„mini, Domini Marthei Vicecomitis &c. tamquam singula-
„ris & privata persona in hac parte, & non tamquam
„Archiepiscopus ac Dominus, & nomine & intuitu sue per-
„sone proprie tantum, & non nomine & intuitu alicujus
„Dignitatis Ecclesiastice, vel Dominationis, habens infradi-
„cta Bona res & jura persone ejusdem Domini Johannis
„tantum propria, & non patrimonialia nec Ecclesiastica,
„nec ratione seu occasione alicujus Dignitatis Ecclesiastice vel
„Dominationis, sed de suo peculio proprio acquisita, Spi-
„ritu Sancto affatus, ex devotione quam haber ad Fratres
„& Ordinem Chartusensem, presente, & coram Domino
„Morroello de Benedictis Decretorum Doctore, Canonico
„Parmensi, & in spiritualibus Generali Vicario prefati in
„Christo Patris, & Domini Domini Archiepiscopi, eo Do-
„mino Morroello pro tribunali sedente, in Camera Audien-
„tie sue in hac parte, sita in Palatio novorum magnorum
„edificiorum prefati Patris & Domini, cujus jurisdictioni
„& auctoritati, quantum est in hac parte, idem Dominus
„Johannes Vicecomes, tamquam privata, singularis, ac spe-
„cialis persona, sponte & ex certa scientia se submittit,
„& cum ipsius Domini Morroelli Vicarii Generalis, ut su-
„pra, auctoritate, consensu, & decreto, suam auctoritatem
„& consensum, & decretum interponentis, datis & pre-
„statis cum magna cause cognitione, deliberatione, & exa-
„minatione, fecit & facit donationem inter vivos puram
„meram, & irrevocabilem, remittens singulas causas ingra-
„tu-

„titudinis, liberam & absolutam ab omni fisco, censu,
„prestatione, onere & servitute, & etiam a prestatione,
„Decime &c.

Tradita fuit hæc Charta per *Lanzarotum filium qu. Domini Medii Nigroni, Civitatis Mediolani, Porta Ticinensis Imperiali auctoritate Notarium.*

Nondum tamen satis liberali amori suo erga Chartusianam eam Familiam factum existimavit Archiepiscopus Vicecomes, nisi bonorum omnium, quæ in illam contulerat, exemptionem a publicis quibuscumque oneribus atque exactio- nibus elargiretur. Itaque sequente Anno MCCCCL, Indictione quarta, die XII. Decembris, tamquam Mediolani Domi- nus Decretum edidit, quo jubebantur Rectores Civitatis, ut non tam ab oneribus omnibus immunita quocumque tempore servarent Chartusianorum prædia eorumque colonos; sed etiam Patroni fierent, ne ulli unquam molestiâ, quavis urgente, publica necessitate, afficerentur. Extat hoc Decretum clausulis omnibus munitum, ne imposterum violaretur, in Archivo superius dicto, ad perpetuum ibidem degentium Monacho- rum levamen ac tutamentum.

Perfunctus demum egregiè Ecclesiasticis muneribus, & am- plificato Mediolanensi Imperio extremum diem clausit Joannes Mediolani, Anno MCCCCLIV., die V. Octobris, post admi- nistratam per annos XII., & duos circiter menses Ecclesiam Mediolanensem; ab Anno nempe MCCCXLII., die VI. Aug-usti, quo a Clemente VI. in Archiepiscopum confirmatus fuit, ad diem V. Octobris, quo obiit, Anni MCCCCLIV. Malè computum iniit Galefinius, qui unum supra viginti annum.

Aaaa

Sedis

Sedis eidem liberaliter adscribit; licet enim Epocham numerare coepisset ab Anno MCCCXXXIX., quo electus fuit Mediolani in Archipræsulem, adhuc annorum numerus ab eo assignatus non modicè a veritate recedit.

Sepultus est in Ecclesia Majori, in Arca marmorea, insculptis hisce carminibus, quæ in præsentem usque diem ibidem leguntur.

QUAM FASTUS, QUAM POMPA LEVIS, QUAM GLORIA MUNDI
SIT BREVIS, ET FRAGILIS HUMANA POTENTIA QUAM SIT,
COLLIGE AB EXEMPLO, QUI TRANSIS PERLEGE, DISCE.
IN SPECULO SPECULARE MEO LACRYMABILE CARMEN:
QUI SIM, QUI FUERIM DICET: QUI MARMORE CLAUDOR
SANGUINE CLARUS ERAM, VICECOMES STIRPE, JOANNES
NOMINE. NULLUS OPES POSSEDIT LATIUS ORBE.
PRÆSUL ENIM PASTORQUE FUI, BACULUMQUE TENEBAT
DEXTERA PASTORIS, GLADIUMQUE SINISTRA GEREBAT
FELICIS DOMINI, MAGNUSQUE POTENSQUE TYRANNUS
IPSE FUI VIVENS. METUERUNT NOMINA NOSTRA
ÆTHERA, TERRA, MARE, SUBERANT URBESQUE POTENTES
IMPERIO TITULOQUE MEO. MIHI MEDIOLANI
URBS SUBJECTA FUIT, LAUDENSE SOLUM, PLACENTIA GRATA,
AUREA

AUREA PARMA, BONA BONONIA, PULCHRA CREMONA,
BERGAMA MAGNA SATIS LAPIDOSIS MONTIBUS AUCTA,
BRIXIA MAGNIPOTENS, BOBIENSIS TERRA, TRIBUSQUE
EXIMIIS DOTATA BONIS DERTHONA VOCATA,
CUMARUM TELLUS, NOVAQUE ALEXANDRIA PINGUIS;
ET VERCELLARUM TELLUS, ATQUE NOVARIA, ET ALBA;
AST QUOQUE CUM CASTRIS PEDEMONTIS JUSSA SUBIBANT.
JANUAQUE AB ANTIQUO QUONDAM JAM CONDITA JANO
DICITUR, ET VASTI NARRATUR JANUA MUNDI.
ET SAVONENSIS URBS, ET LOCA PLURIMA, QUÆ NUNC
DIFFICILE EST NARRARE MIHI, MEA JUSSA SUBIBANT.
TUSCIA TOTA MEUM METUEBAT LANGUIDA NOMEN.
PER ME OBSESSA FUIT POPULO FLORENTIA PLENA;
BELLAQUE SUSTINUIT TELLUS PERUSINA SUPERBA;
ET PISÆ, ET SENÆ TIMIDUM REVERENTER HONOREM
PRÆSTABANT. ME METUEBAT MARCHIA TOTA,
ITALIÆ PARTES OMNES TIMUERE JOANNEM.
NUNC ME PETRA TENET, SAXOQUE INCLUDOR IN ISTO;
ET LACERANT VERMES, LANIANT MIHI DENIQUE CORPUS.

QUID MIHI DIVITIÆ, QUID LATA PALATIA PRÆSUNT?
CUM MIHI SUFFICIAT, QUOD PARVO MARMORE CLAUDOR.

(ET CLAUSI DIEM MEUM MCCGLIV., DIE V. OCTOBRISSIMO
ANNI 1154 GRASSANTE PESTE * D. GABRIUS DE ZA-
MOREIS DE PARMA, DOCTOR COMPOSUIT
HÆC CARMINA)



* Pestis hæc que tunc grassabatur, referente Petro Azario Synchro-
no, absumpsit in hac Metropoli septuaginta quinque millia
virorum.

ROBERTUS VICECOMES.



X. Archipresbytero Metropolitana Mediolanensis Ecclesiae datus est Robertus Vicecomes Successor Joanni demortuo, Anno MCCC. LIV., Innocentio VI. Pontifice Maximo approbante. Non eadem tamen fors eidem obtigit, quae Decessorem suum utriusque Fori Dominum pacificæ juris omnis Archiepiscopalis possessione donaverat. Siquidem cum Joannes Vicecomes ultimis Tabulis Nepotes suos hæredes instituisse, iisque etiam partitus esset imperium, cœpere inuicem illi impotenti ambitione amplioris acceptæ dominationis fines affectare ac protendere. Inde verò inter Fratres Vicecomites feræ discordiæ emergere, quarum causâ ardens in ipsis desiderium occupandi Arces & Castra, usque ad spolianda redditibus patrimonialia, quæ ad Ambrosianam Ecclesiam spectabant, miserrimè pervenit, teste Petro Azario superius memorato. Coarctatus brevibus terminis Censui novi Archipræsulis, & inopia auxilii, quo jus suum vindicare posset Robertus, illum silere patienter coegerunt, ac pati injuriam, donec pacatis inter Fratres rebus, opportunior occasio sese præberet, qua Archiepiscopalem jurisdictionem tutari posset, ac repetere quæ per vim direpta fuerant atque obalienata.

Affuit quidem sequenti Anno MCCCLV., die IV. Januarii Carolus IV., Joannis Regis Bœmiæ filius, Imperator electus, quem Robertus ipse & universa hæc Metropolis magnificè

ficè excepit; biduoque vix interposito, nempe Solemni die Epiphaniæ Dominû, post Divinum Sacram peractum ad Aram Sancti Ambrosii, Robertus idem Archiepiscopus, omnium plausu & lætitiâ, feriâ Italici Regni Coronâ præcinxit. Verum cum paucorum dierum môra ejusdem Regis apud nos fuerit, Romam ad Augustale accipiendum diadema proficiscens, Causæ suæ apud Cæsarem agitandæ tutandæque spes omnis evanuit. Itaque quâ meliøre viâ consulere Ecclesiæ suæ potuit, Archiepiscopale munus exercuit. Asservatur in Tabulario Basilicæ Sancti Georgii, appellati in Palatio Charta Commutationis, Sigillo prægrandi adhuc pendente, & imaginem referente Sancti Ambrosii, duobus adstantibus Sanctis Martyribus Protasio & Gervasio, circumseptam hisce verbis: *Robertus Dei & Apostolicæ Sedis gratia Mediolanensis Ecclesiæ Archiepiscopus*. Ei verò Charta nos docet, quantâ solitudine Antistes iste noster cutaret, ne quidquam detrimenti Ecclesiarum patrimonia paterentur.

„ Robertus Dei & Apostolicæ Sedis gratia, Sancte Me-
 „ diolanensis Ecclesiæ Archiepiscopus. Dilecto nobis in Chri-
 „ sto Presbytero Andree de Habiate, Beneficiali Altaris San-
 „ ctorum Nicolay & Carherine, siti in nostra Mediolanensi Ec-
 „ clesiâ, Capellano nostro salutem in Domino. Cum a no-
 „ bis petitur quod justum est & honestum, tam vigor equi-
 „ tatis, quàm ordo exigit rationis, ut id per nostre soli-
 „ tudinis studium ad effectum debitum perducatur. Ex parte
 „ igitur . . . Prepositi & Capituli Ecclesiæ Sancti Georgii in
 „ Pallatio Mediolan., necnon Presbyteri Beltrani de Carcha-
 „ no Rectoris Curati Ecclesiæ Sancti Michaelis ad Clusam Me-
 „ dio-

„diolan. fuit expositum coram nobis, quòd ipsi inter se,
„ & demum cum nonnullis prudentibus & peritis delibera-
„ tione habitis sepius & tractatu de quadam infraſcriporum
„ prediorum dictarum Ecclesiarum permutatione seu cambio
„ ad invicem faciendis, videlicet de dando, & quòd darent
„ ipsi . . . Prepositus & Capitulum dicto Presbytero Beltra-
„ mo, & ipsi Ecclesie Sancti Michaëlis domum unam, cum
„ hedistiis, Cassiis duobus domus in terra, Sollariis, & sta-
„ tiona a platea, jacentem in Civitate Mediolani, in Porta
„ Ticinensi, in Parochia dicte Ecclesie Sancti Michaëlis: Cui
„ coheret a mane Guilloli Squassi, a meridie & a sero stra-
„ ta, a monte tenetur per Girardolum Machaneum: Item
„ fictum Libellarium foldorum quadraginta tertiollorum, &
„ unius Caponi, quod prestatur & prestari debet omni anno
„ . . . Preposito & Capitulo supraſcriptis per Lantelmohm
„ de Lampugniano super quadam domo cum hedistiis & Cur-
„ te, jacente in Porta Ticinensi, in Parochia Sancti Petri in
„ Campo Laudensi; Cui coheret a mane Jacobini dicti rasse
„ de Soma, a meridie strata, a sero heredum quondam Oro-
„ nis de Corbetta, a monte Fratrum de Bernate, juris &
„ proprietatis dicte Ecclesie Sancti Georgii: Quòdque dictus
„ Presbyter Beltramus daret & dare deberet dictis . . . Pre-
„ posito & Capitulo & ipsi Ecclesie Sancti Georgii in per-
„ mutationem seu cambium quandam petiam terre, que est
„ campus, juris & proprietatis dicte Ecclesie Sancti Michaë-
„ lis, jacentem extra Portam Ticinensem, in Contrata de
„ Scarpogna, prope Cassinas dicte Ecclesie Sancti Georgii:
„ Cui coheret a mane & a meridie via, sive accessum me-
„ , diante

„diante Ruzia, a fero & a monte dicte Ecclesie Sancti
„Georgii, & est pectice vigintifex, vel idcirca: Invenereunt
„& invenirent ex permutatione hujusmodi, si procedat, utra-
„rumque Ecclesiarum conditionem manifestè reddi & effici
„melliozem, majoremque utilitatem & comoditatem tam di-
„ctis Ecclesiis, quàm personis earum proculdubio provenire.
„Propter quod pro parte . . . Prepositi & Capituli, ac Pres-
„byteri Beltrami predictorum fuit nobis humiliter supplica-
„tum, quatenus ipsis permutationem seu cambium hujusmodi
„faciendi deberemus licentiam largiri, ipsisque permutationi
„seu cambio faciendis nostri auctoritatem interponere solen-
„niter & Decretum. Nos verò qui Ecclesiarum Locorum
„que piorum, & Subditorum nostrorum utilitates & com-
„moda desiderabiliter promovemus; quia de premisssis plenam
„& congruam noticiam non habemus, Discretionis tue, de
„qua plene confidimus & speramus, tenore presentium com-
„mittimus & mandamus, quatenus de predictis omnibus &
„singulis diligentibus te informes; & si tibi constiterit pre-
„missa, ut premititur, enarrata veritate fulciri, & aliquod
„canonicum non obstat, tuam super hoc conscientiam one-
„rantes, & nostram exonerantes, omnino eisdem . . . Pre-
„posito & Capitulo, ac predicto Presbytero Beltramo, per-
„mutationem seu cambium hujusmodi faciendi, ipsiusque per-
„mutationis seu cambii contractum, cum promissionibus,
„stipulationibus, obligationibus, renunciationibus & clausulis,
„in talibus opportunis, non obstantibus aliquibus nostris, vel
„Predecessorum nostrorum Archiepiscoporum Mediolanensium
„Constitutionibus in contrarium editis, celebrandi licentiam
„vice

„ vice & auctoritate nostra concedas , ac eidem permuta-
„ tioni seu cambio interponas auctoritatem solenniter & De-
„ cretum , & cetera facias , que in premisis & quolibet
„ premissorum fuerint opportuna , & videris expedire . Su-
„ per quibus omnibus & singulis , & eis dependentibus , in-
„ cidentibus , & conexis tibi plenarie comittimus vices no-
„ stras , & plenariam potestatem . In quorum omnium te-
„ stimonium presentes Literas fieri iussimus , & nostri Sigilli
„ munimine roborari . Datum Mediolani , millesimo trecen-
„ tesimo quinquagesimo quinto , die ultimo Junii , octava
„ Indictione .

Silent Historiæ reliquas Roberti Archiepiscopi res gestas ,
obitum ejusdem tantummodo designantes , qui contigit Anno
MCCCLXI. , die VIII. mensis Augusti , ut tradunt Bernardus
Corius , alique . Quamobrem emendandus est Ughel-
lus , qui mortem Roberti figit Anno præcedenti . Sicuti etiam
erravit , deceptus a Galefinio , asserendo , Celebritatem im-
positæ Carolo IV. Imperatori Coronæ peractam fuisse Mo-
doënz in Ecclesia Sancti Joannis Baptistæ ; cum memorati
omnes antiqui Scriptores aperte affirmant , Cæsarem illam
regio Serto fuisse redimitum a Roberto in Basilica Sancti
Ambrosii Mediolani . Peculiare est , quod legitur adnotatum
in *Manipulo Florum* Galvani Flammæ , Cap. CCCLXXXI. ,
videlicet Robertum Archiepiscopum ex hac vita migrasse
die VIII. Augusti in Oppido Legnani : Potior tamen fides
habenda est Petro Azario tunc viventi , qui Tom. XVI. *Re-
rum Italicar.* colum. CCCXCVII. de Roberto hæc habet :
Qui Dominus Archiepiscopus cum maximis laboribus vixit usque

Bbbb

ad

ad finem, videlicet Anno *MCCCLXI.*, quo anno in pace *Mediolani* quievit. Potro eo tempore e vivis jam excefferat *Flamma*, mortuus circa Annum *MCCCXLIII.*; proinde credendum est, addita hæc fuisse *Manipulo Florum* ab aliquo indiligenti Continuatore.

Sedit *Robertus* annis VII., sepultus, ut credere fas est, in *Ecclesia Majori*, Tumuli memoriam omittentibus *hinc avi* Scriptoribus.



GUILIELMUS PUSTERLA.



Romotus est post Robertum Vicecomitem ad Archiepiscopalem Ambrosianæ Ecclesiæ Sedem Guilielmus de Pusterla, e nobilissima Mediolanensi Familia progenitus, Anno MCCCLXI., ut Corius testatur. Quapropter perperam scripsit Galefinius in *Tribula Mediolanensium Antistitum*, qui ab Urbano V. Pontifice Maximo creatum Guilielmum affirmat, cum iste Sancti Petri Cathedram minimè conscenderit, nisi Septembri mense anni sequentis. Subjungit etiam, fuisse Guilielmum Modoëtiensis Ecclesiæ Archipresbyterum; qua in re non multum hæremus. Quodd verò subinde Patriarchatu Constantinopolitano insignitus fuerit, quemadmodum ille tradit, non ita facile admittimus; præsertim cum *Annales Mediolanenses*, editi Tom. XVI. *Scriptorum Italia*, clarè enuncient, Guilielmum hunc *per annos quindecim* administrasse Patriarchatum Aquilejensem, antequam Mediolanensi Insulâ donaretur: quamvis revera de hac Dignitate eidem collata, in gemino Patriarcharum Aquilejensium Catalogo, vulgato in proximè enunciato Volumine *Rerum Italicarum*, nulla mentio Guilielmi de Pusterla reperitur. Donec igitur solidiora occurrant fundamenta, fidem hujusmodi honorum, qui Guilielmo tribuuntur, in Galefinium & Annales nostros rejicimus.

Nihil de actis in nostra Ecclesiâ rebus ab isto Archiepiscopo Historiæ Mediolanenses referunt, hujusque inopie ra-

Bbbb 2

tio-

tionem reddit Petrus Azarius cœvus, in *Chronico Mediolanensi*, ad Annum MCCCCLXI., inquit: *Dominus Guilielmus de Pusterla, de Mediolano, valens Clericus, dicitur fuisse electus in Archiepiscopum. Tamen nihil gaudet, sed Avenione residet de presenti.* Porro memorati Antistitis nomen neque in Archivis hujus Metropolis, neque a Bernardino Corio aliisque antiquis Scriptoribus nostris reliquo ejusdem regiminis tempore adnotatum uspiam legitur. Id tantum referre nobis licet, quod ex Tabulario Cœnobii Sancti Victoris Mediolani eruit ac benignè communicavit summa cum laude memorandus Pater D. Cherubim Befutius, ejusdem Monasterii Abbas. Cùm enim mortuo Ambrosio Cœnobii illius Præfide, communibus Monachorum Ordinis Sancti Benedicti suffragiis substitutus fuisset Paganus Monachus, Urbanus V. Pontifex Maximus eundem in ea Dignitate confirmavit, Brevesque Literas ad Guilielmum Pusterlam Mediolani Archiepiscopum dedit, in quibus hæc verba leguntur: „ Cùm igitur, ut idem Paganus Abbas in commissa prædicti Monasterii sibi cura faciliùs proficere valeat, tuus favor sibi esse noscatur plurimùm opportunus, Fraternalitatem tuam rogamus, & hortamur attentè, per Apostolica tibi scripta mandantes, quatenus eundem Abbatem & commissum sibi Monasterium, Ordinario jure tibi subiectum, habeas, pro nostra & dictæ Sedis reverentia, propensius commendatos in ampliandis & conservandis juribus suis: Sic enim tui favoris præsidio consequèris, quòd ipse per tuæ auxilium gratiæ in commissio sibi ejusdem Monasterii regimine se possit utiliùs exercere, tuque Divinam misericordiam, &

„ be-

„benevolentiam dictæ Sedis exinde valeas uberius promere-
„ri. Datum apud Montem-Flasconem III. Nonas Julii, Pon-
„tificatus nostri anno sexto, idest Anno MCCCLXVIII. Hinc
verò compertum fit, reducem ab Avenionensi Urbe in Ar-
chiepiscopali Mediolanensi Solio jam resedisse Guilielmum Ar-
chiantistitem nostrum, fortasse Summum Pontificem comitatum
in Italico itinere, ac postmodum cum ipso Avenionem se-
cundò profectum.

Sedis annos enumerant *Annales Mediolanenses* supradicti,
nempe IX., & menses IV., ab Anno videlicet MCCCLXI.,
ad Annum MCCCLXX., mense Decembri, quo obiit, ut ex
calculo, ab octavo die Augusti, quo Robertus decessit, di-
lucidè apparet.

Sepultus dicitur Avenione, in Ecclesia Patrum Ordinis
Prædicatorum.





